

رواية

" شياطين من طين "

تأليف : محمود الشهابي

الحلقة الأولى : \*Shehabiat\*

كنت أجلس في زنارتي الانفرادية بسجن الاستئناف ..  
ألمح ظلال المساجين تتوالى و تنصرف مسرعة وكأنما تنظر إلي شبح لا يلقون إليه سلام أو  
كلام .. فتمددت بالزاوية أنفقد كم مر علي من ساعات العذاب حتى وصلت إلي سجن  
الاستئناف بداية من الاحتفالية الرسمية من مخبري السجن وأنا استعطف قلوبهم صارخاً أنني  
صحفي تحت التمرين إلى أن تعاطف معي عقلي عندما توقف عن إدراك الواقع وبقي في  
ذاكرتي بعض معالم من وجوه مخلوقات كوكب الإستئناف التي تتسم باللاشئ .. كنت في اولي  
خطواتي عبر مدخل السجن مكبلاً بالكلابشات يشاركني بها أحد المتهمين لم أكن قد نظرت إلي  
وجهه أثناء تواجدنا بعربة الترحيلات حيث كنت اراجع مهمتي في إجراء تحقيق صحفي وعندها  
أفقت على صوت الخيزران يشق الهواء من خلفي فيمزق بعض الخلايا الحسية التي لم يمسه  
الارتطام بعد لكنها تمزقت بمجرد أن استشعرت أنها قيد الإنتظار .. ترددت بين الهولة إلى  
الداخل والالتفات إلى الخلف ولم يطل ترددي حيث كان وقع الخيزرانة على ظهري حاراً مؤلماً  
.. لكن كان لابد أن ألتفت إلى الخلف ليس لأرى ما يحدث وإنما لأرى نوعية الثقل الذي يرتبط  
بيدي ويمعني من الإبتعاد عن الخيزران المتتالي من مخلوقات هذا الكوكب العجيب الذين لا  
يتحدثون العربية بل يكادون لا يتحدثون على الإطلاق .. وكان ما رأيته كافياً لإيضاح سبب شل  
قدرتي على الحركة .. فقد كان زميل الكلابشات مستلقي على الأرض وبجواره بعض البطاطين  
في منتصف بركة من الماء وكانت كلتا يدي مشغولة إحدهما بحقيبتني والأخرى تكبلها  
الكلابشات في يده .. وعندما حاولت مساعدته على النهوض انهالت علي أعداد لاحصر لها من  
الأحذية الملطخة بالطين وصراخ يشبه لغة كوكبنا يقول .. إمشي .. قوم .. كان هناك سيلاً من  
الضرب ولسعات الخيزران لم يمنح لساني فاصل كي يوضح لأحد أن الكلابشات مرتبطة  
بالشخص الساقط أرضاً ولكن أحد هذه المخلوقات كان أذكي قليلاً من زملائه فلم يستهلك الوقت  
في إجباري على الوقوف بل كان الانبطاح أسهل له في جذبنا مع التزحلق على الماء .. كنت  
واهماً أنني أصرخ لوقف تلك المهزلة ولكن بالحقيقة لم يكن صوتي يغادر رئتاي إلى أن بزغ  
الأمل عندما رأيت من الوضع معكوساً شخصاً واقفاً مكتوف اليدين ورأسي بين قدميه كانت  
هيئته تشبه الأدميين إلى حد بعيد سمعته يهمهم تهتمهم إيه دول فأجاب أحد الكائنات الغريبة قائلاً

..  
" ده الجدع بتاع العزاء " ثم أردف قائلاً تقريباً جاي يكمل العملية السرية بتاعة شهاب ياباشا  
صمت لساني وقد التصق بسقف حلقى عند سماعي مصطلح العملية السرية وكأنما قد سمعت الحكم  
بالإعدام فاستجمعت قواي بكاملها قائلاً أنا صحفي تحت التمرين وكنت في عزاء خالي وطلعت  
أشرب سيجارة ياباشا وما أعرفش حاجة عن شهاب ده .. تنهد ذو القدمين وتابع قائلاً .. " طب  
قوم يا باشا" هات لي كرسي ياغانم ..

يظهر الليلة هتطو يا غانم .. وضع غانم الكرسي قائلاً .. الكرسي يا باشا .  
أيقنت في اللحظة الأخيرة بعدما هممت بالجلوس أن الكرسي لم يكن من أجلي .. جلس الباشا ذو  
القدمين قائلاً " فك لي الزفت ده .. تمتمت بداخلي بأنه بالتأكيد يقصد الشخص الآخر المكبل بيدي  
ورفعت عيني مختلساً نظرة إلى وجه الباشا فوجدت إحدى عينيه تنظر إلي والأخرى تنظر إلي  
زميل الكلابشات تعجبت قليلاً من صفات كائنات هذا الكوكب فمثل هذا في كوكب الأرض يطلق  
عليه أحول العين لكن في سجن الاستئناف يبدو أنها تعد قدرات خاصة .. قاطع الباشا أفكاره

بسؤاله قائلاً .. قولي بقي إيه العملية السرية اللي جاي تعملها هنا .. كان يشعل سيجارته وينظر إليها حينما ومضت في ذاكرتي تعليمات الجريدة بعدم البوح بتفاصيل المهمة الصحفية التي كلفت بها .. وكنت قد غصت في حوارى الداخلي عندما صاح في وجهي " إيه مش عايز تقول " كان وجهه هذه المرة قريباً من وجهي ويقع عليه ضوء شديد من عمود إنارة يأتي من خلف ظهري فرأيت عينه اليسرى تقع على كتفي الأيمن وعينه اليمنى تنظر إلى الضوء مباشرة فظننت أنه لا يتحدث إليّ نهائياً فلم أجيبه بحرف فخبط يديه كفاً بكف غاضباً وصاح قائلاً .. يا ناصر خذ على الزنزانة الأبدية .

كانت صفة ناصر علي مؤخرة الرقبة بمثابة إصابة مباشرة لمركز الذاكرة وكان آخر ما بلغ مسامعي حينها أحدهما يسأل " هو إسمه إيه ياباشا "

فأجاب الباشا قائلاً .. " عادل الشريف " ثم انقطعت عني مؤثرات الحياة داخل مستشفى السجن عدة أيام .. وأفقت لأجد نفسي ملقى بتلك الزنزانة بين قضبانها وحوائطها التي لا يزينها إلا آية قرآنية ملصقة على أحد الجدران الثلاثة التي يغطيها طلاء الظلام وكانت الأصوات بالخارج تدل على وجود الآف من كائنات كوكب الإستئناف مما أشعرتني بالسعادة حقاً لوجود هذا الباب الحديدي بيني وبينهم ..

ترددت لحظات في إختبار قدرتي على الحركة مع إستمرار بعض الأشخاص ذوي الملابس الزرقاء في المرور والنظر إلي من الخارج إلى أن توقف أحدهم عن السير ممسكاً بالقضبان مرتكزاً على إحدى قدميه والأخرى يحيطها لفاف من الجبس .. فأخذت أبحث في مخيلتي عن بعض الكلمات التي يمكنني استخدامها للتفاهم .. وانتهى بي المطاف إلى جملة " لو سمحت " ظل الشخص واقفاً رأسه إلى أسفل وعينه إلى أعلى ناظراً تجاهي وهو يجيب قائلاً .. علوز حاجه يازميلي. نهضت فرحاً وتوجهت إليه وتابعت قائلاً .. هما بيفتحوا الباب ده امتي أقصد من أمتي لإمتي؟

نظر إلي متعاطفاً وهو يمرجح رأسه ويضغط على لسانه بكلمات تخرج بصعوبة قائلاً .. معلىش يا زميلي بقي ربنا يهون عليك إنت في " الأبدية " قاطعته بسرعة قائلاً .. مش فاهم يعني إيه الأبدية ؟

فأوضح قائلاً .. يعني دي ما بتفتحش .. ثم استرسل قائلاً تعرف إن شهاب قعد في الزنزانة دي خمس شهور حته واحده قبل ما يرحلوه .. كنت أتمنى أن يستمر في حديثه إلا أن نداء الطبيعة أجبرنى على مقاطعته مرة أخرى قائلاً .. طيب بالنسبة للحمام؟

عندك يا زميلي في الحوض ده أصل الزنازين دي كانت معمولة للخيل بتوع البشوات بتوع زمان .. سألته متعجلاً .. والميه ؟

فأجاب جيت علي الجرح ياصاحبي طول الليل أنادي علي أي حد عشان بق ميه لواحد في الزنزانة مع أنا عنده السكر ولا في رحمة في قلوبهم .. يا عم ده إحنا وقعنا .  
همهمت بسداجة قائلاً .. أيوه مضبوط احنا وقعنا إمبراح بالليل و جرجرونا أنا واللى في الكلابشات معايا .. وتابعت هو إنت رجلك إتكسرت لما وقعتوا .. ظلت نظرتة حائرة حتى سألتني قائلاً .. إنت تهتمك إيه ياأخو ؟

قطبت جبيني متعجباً من مصطلح "أخو" وحاولت أن أعظم من شأنى وأجبت ناظراً إلي مركز عينيه قائلاً .. أنا سلطة رابعة .. فتهلل وجهه مستبشراً وتساءل قائلاً .. يبقى أكيد تعرف شهاب

فأردفت قائلاً .. ياعم احلف لكم بايه اني ولا اعرفه ولا عمري شفته ده أنا كنت في العزاء بتاع خالي وخرجت من الشادر أرد على التليفون واتمشيت لآخر الشارع والموبيل علي ودني سمعت صوت بيقول هاتولي اللي بيصور بالموبايل ده حطوه في العربيه وهاتولي الموبيل لقيت ناس

بتكثفني وتضربني ولا لحقت أقول كلمة واحدة .

كان الأعرج يشعل سيجارة غير عابئاً بما أقول فتابعته إسمي عادل الشريف صحفي تحت التمرين وإنت .. نفت دخان سيجارته قائلاً "أخوك كريم من كلوت بيه .. كنت على وشك أن أصطنع لغة ابن البلد وأثنى عليه بأجدع ناس إلا أن كريم تابع قائلاً .. بس أنا عايش مع واحد صاحبي نواحي القاهرة الجديدة كده علشان أكل العيش أصلنا بنثبت أي حد نازل من ميكروباص علي الطريق الدائري عند السلم بتاع الكوبري .. قاطعته متسائلاً عن سبب الإصابة في قدمه فتابع ما أنا جايك في الكلام يا زميلي بعد ما ثبتنا الميكروباس وأخذنا الفلوس نطيت من فوق الكوبري فنزلت مدغدغ وزميلي اتقفش وأكلنا علقة موت .

كان وجه كريم مرتفعاً وعندها لاحظت عدة قطوع في وجهه ورأسه فالتفت إلي مبتسماً وكأنه ينتظر تعليقاً فقلت طيب مش كنت الأول تقدر إرتفاع الكوبري قبل ماتنتظ .. زادت إبتسامته قائلاً .. كنت مبرشم بقي.

فتشجعت قائلاً .. ومين اللي عورك كده . الناس بتوع الميكروباص ؟  
رد متحسماً رأسه قائلاً .. لا ده أنا .

فتسائلت وليه فابتسم قائلاً .. كنت مبرشم. تبسمت عندها وتشجعت أكثر لما صار بيني وبين كريم من لغة تفاهم ومازحته قائلاً .. وياتري دلوقتي مبرشم برضه فتح كريم فمه ضاحكاً ومد يده مصافحاً متناسياً القضبان الحديدية التي تفصلنا وهو يقهقه قائلاً "طب وغلوتك مبرشم دلوقتي شوف بقي مبرشم في سجن الاستئناف .. لاحظت كم الأسنان المفقودة من فم كريم فسألته سريعاً قائلاً "وايه اللي كسر سنانك ؟

فأجاب بجديه قائلاً .. مش بقولك أكلنا علقة موت يا جدد.

لاحظته قبل أن يفيق من قهقهته وتساءلت قائلاً .. طيب وبتجيب البرشام منين هنا ؟

### الحلقة الثانية : \*Ghehabiat\*

كنت أضع يدي علي قلبي عندما أطلقت سؤالي لكن كريم أجاب دون تكلف عمك عبده بتاع شارع كلوت بيه بس ايده طايله وله ناسه اللي بيبيع معاها كل حاجه وهما اللي بيدخلوها لي لحد عندي بس مش عشان سواد عيوني لا عشان ابيعهم والزيارة اللي بعدها بيعت حد ياخذ الفلوس .. بس تلاقي عندي بقى مالذ وطاب .. حشيش وبرشام وموبايلات اللي إنت عاوزه تلاقيه عندي بس كله بحسابه طبعاً .. بيني وبينك أرحم من الرفع والبلع ويجي مخبر يفتشك ويخليك ترجع اللي في بطنك من فوق ومن تحت وبرضه يوصل للي هو عايزه طب على إيه يا عم اللي تعرف ديته اقتله و هين قرشك ولا تهين نفسك .. ولا إيه ؟

كنت سارحاً في مصطلح الرفع والبلع وأيهما يقصد به من تحت ومن فوق حينما كان مفترض أن أجيب كريم بأن كلامه صحيح فحاولت أن أدير الحوار لشئ مختلف فسألته طيب وإيه حكاية شهاب ده إنت تعرفه ؟ مصمص كريم شفتيه وكأنما عاد إلي ذكريات الطفولة السعيدة قائلاً .. اعرفه الا اعرفه يا عم .. ده كان صحفي بيعمل تحقيق عن تهريب الآثار وكنت بأساعده باللي أعرفه بس ولاد الحرام اللي في الجريده بتاعته فضلوا يرحلوه من سجن لسجن لحد ما اختفي خالص و محدش عارف له طريق .. بس شهادة حق لما كان هنا كان بيساعد أي حد وكانت الرجاله بتجيلوا مشرحين بعض ومتخصمين يخليهم سمنه على غسل ويرجعوا اخوات وحبايب .. أه والمخبرين كمان .. ياخبر كان يقدر مخبر يمد ايده علي مسجون قدامه طب عليا الطلاق كنا بنهددهم بيه عارف بتاع المباحث اللي عامل فيها ده كان بيقعد معاه هنا في الزنزانة اللي تشهد علينا دي .. توقف كريم فجأة كأنما تذكر شيئاً فتلفت حوله ثم إقترب من القضبان قائلاً "على فكره هو كان بيكتب رواية وكلنا شاكين إنه سايبها هنا في الزنزانة لأنهم رحلوه في نص الليل فجأة من غير ما

يبلغوه ومن غير ما حد فينا يعرف صحينا الصبح لقيناه مش هنا .. قتلهم اربع كراتين سجاير وينقلوني الزنزانه هنا عشان أدور على المذكرات بتاعته مفيش فايده توقف كريم متسائلاً إنت قتلتي إسمك إيه ؟

فتبسمت قائلاً عادل .

فتابع قائلاً إسمع يا عادل دور في الزنزانه كويس ولما تلاقي الورق تدهولي على طول وأنا هشوفك واراضيعك ..

بص هو أكيد مخبي المذكرات في مكان ميخطرش علي بال حد .. تعرف كان مجنن الطريقة دي .. شايف الباب ده كان بيخرج منه بالليل بعد ما يسلموا المفاتيح تحت .. وكان في واحد عيان قوي كان بيطلع له بالليل يدخله فيه وأكل ودواء وكُتب ياراجل ده كان . قاطعت كريم متسائلاً طيب ماكنش بيخرج بره السجن خالص ليه لما هو كان بيعرف يخرج من الحديد .. بدا على وجه كريم الغضب فأشاح بيده منصرفاً ياعم أنا بقولك إيه وإنت بتقول لى إيه بقولك الراجل بيخرج يعمل خير ويساعد الناس .. هو أنا بقولك كان حاوى بيطلع من الحيطان .. ده كان بيحط جنبه فضه جوه الفتحة بتاعة لسان الباب ده ولما يقفلوا يفضل اللسان قافل على الفاضى ولما يسلموا مفاتيح السجن كان يفتح ويخرج .. إنت باين عليك حا تتعبنا ياعم .. بقولك إيه .. مسي لي علي نفسك .. انصرف كريم بعد أن طلب مني أن أمسي علي نفسي وكنت في طريقي لإلقاء نظرة على حوض الخيل الذي سيلعب دور الحمام في الزنزانه .

فقلت بصوت مرتفع لنفسي أحلي مسا عليك ياعم عادل .. كانت أصوات المساجين تبدو مألوفة على أذني بعد حوار كريم العظيم فتابعته للتقييم للزنزانه مرة أخرى على نغمات أصوات الأماسي بين الزنازين .. ياهاني ياعويس .. أيوه يا ياسين .. احلي مسا عليك .. أحلي مسا يا سردينة مسي لي علي نفسك وعلي كل راجل جدع عندك .. كلهم بيمسوا عليك يا سردينة مسي لى علي نفسك حته حته .. قاطعت مسامعي متفقداً الحوض مرة أخرى وعقلي يهمس متعجباً إذا كان شهاب إتعمل معاه كده في تحقيق صحفي عن الآثار أو مال أنا بتوع المخدرات هيعملوا فيا ايه لو عرفوا مهمتي ؟

كانت أقدم المارة تدق أمام الزنزانه وكنت قد قررت أن ألتزم الصمت طالما لم يلق أحدهم قولاً يستدعي مني إجابة إلي أن توقف شخص يرتدي بدلة الحبس البيضاء مستدير الوجه خفيف الشارب متوسط القامة أمسك بالقضبان من الخارج وألقي السلام ولم ينتظر إجابة واستطرد قائلاً .. إنت إيه يا أخ إنس ولا جن و جيت امتى ومين اللي دخلك هنا و تهمتك إيه من الآخر كده .. نهضت ناظراً إلى عينيه متحدياً قائلاً .. أنا شبح شهاب .

ثم في أقل من لحظة أسرع نحو القضبان حينما رأيته يتلفت يمينا ويساراً من وقع كلماتي فلاحقته بقولى .. إيه يا عم أنا بهزر .

نظر تجاهى مشمئزاً وأمال رقبتة نحوى قليلاً رافعاً جانباً من شفثيه لأعلى وهو يخرج من أنفه ما يشبه صوت فرخ صنفرة خشابى تكحت لوحاً من الخشب الحبيبي ثم سألتني بجديّة قائلاً .. بتهزر؟

كدت أن أخرج من صدرى فرخ السنفره المماثل لرد اعتباري لكني تراجعت بينما أردف قائلاً .. امال تعرف إسمه منين ؟

حاولت تهدئة الأجواء قليلاً وأنا أجيبه قائلاً .. أعرفه من كتر ماسمعت إسمه هنا بيقلوا كان صحفي برضة .. خفض رأسه قليلاً وهو يتابع طب ادعي له بقي خلي الزنزانه فله وخلاك قاعد في الروقان ولا حشرات ولا روايح فتابعته مستكماً ولا نور ولا فيه فاستوقفتني قائلاً إيه يا عم سلامة الشوف .. تعالى هنا إطلع على حرف الحوض ده ولف اللمبة اللي فوق دي هنتور الدنيا كلها والحوض ده كله مليون أكياس فيه تكفيك شهر قابل للتجديد وعندك جرايد هنا تقعد تقرأ فيها

سنة مع النفاذ ومسحوق غسيل في الركن هناك وأطباق بلاستيك وكبايات مالهاش سوابق وفي كل ركن قلم جاف واقف علي سيفه والورق عندك ورا الآية الملتصوقة دي وهتلاقي فوق جنب اللبمه أكياس قهوة وأقراص سبرتوا للتسخين وكيس سكر ومعالق بلاستيك وفوق الشباك ده في مصليه وسبحة وسجائر إيه بقى عايز إيه تاني .. زنزانة ملكية يعني سبع نجوم بقولك إدعيله ياجدع .. ظل يتابع بينما كنت استكشف كل ما قال وكانت عيناوي ويداوي في سباق للوصول إلى كل ما يصف والغريب أن كل ما ذكره لم يكن سهلاً في الوصول إليه أيضاً بعد إضاءة الزنزانة فتمتتمت في داخلي ده انسان "عجيب" استفقت على صوت الشخص ذو الملابس البيضاء يحتد مرة اخرى قائلاً .. بقولك ادعي له ياجدع

فاستدرت قائلاً .. ربنا يكرمك ويكرمه . واقتربت من الباب متمماً .. كده ميه ميه ولا فراخ الجمعية .

ارتسمت علي وجهه علامات الاشمئزاز وهو يتابع متسائلاً بتعرف تقرأ وتكتب .. كدت أجيب بغرور ساخر بأني صحفي ولكن لوهلة ظننت أنه ربما لا يعرف القراءة والكتابة وأنه يحتاج لمساعدتي فاكتفيت بالإجابة الأسهل قائلاً .. يعني على قدي كده .

فتابع متسائلاً .. إسمك إيه ؟

فأجبت قائلاً .. إسمي عادل .

فتابع قائلاً .. عادل إيه ؟

فأجبت قائلاً .. عادل الشريف .

وتهكم قائلاً .. ياسلام ؟

كانت نظرته فاحصة لاحظت بعدها أنه جاد لايسخر فراجعت آخر ما ذكرت فكان إسمي "عادل الشريف" وصف للعدل والشرف فقلت مازحاً أيوه صحيح حاجه كده عامله زي "مخلص أمين" .. هنشوف .. هنشوف .. بتاعة عادل إمام .. رفع رأسه إلى أعلى متمماً بصوت عالي قائلاً .. كمان مش عارف محمد صبحي من عادل إمام ! ده إحنا باين علينا "وقعنا" . جاريته وأنا ألتقط كيس من الماء بقولي مضبوط وقعنا إمبارح فعلاً وإحنا داخلين من باب السجن علشان كانت الدنيا ضلمة .. فصاح بصوت جهوري يكاد يسمع الكون قائلاً .. بس ياعم إنت أبوس إيدك هتطير لي الدماغ .. تعالى قرب هنا .. قربنا .. هكذا قلت وأنا أقتررب .. قرب كمان إنت خايف كده ليه ! يا عيني على شبابك يامصر!

أدخلت وجهي بين القضبان قائلاً .. كويس كده .. يارب مصر تكون مبسوطه فابتسم وجهة وأصبح مريحاً ولطيفاً وأشار بأصابعه إلي الداخل قائلاً .. الزنزانة دي كان قاعد فيها شهاب . قاطعته مرغماً فلم تعد أعصابي تتحمل كل هذا الضغط وكأني تم القبض على لأواجه شبحاً يخرج كل دقيقة بصورة مختلفة فاستكملت قائلاً .. عارف عارف .. كان هنا وكان بيطلع بالليل .. وكان كاتب مذكراته جوه في مكان سري .. وكان بيعدي من الحيطان .. في حاجه تانيه ؟

زالت الابتسامة فجأة عن وجه تماماً واستدار منصرفاً .. في تلك اللحظة سبقني فضولي للسؤال قائلاً .. إلا صحيح هو خد حكم إيه .. واختفي ازاي هما عدموه ولا إيه .. ارتد مسرعاً بكل الغضب مواجهاً لي فابتعدت في اللحظة المناسبة متفادياً تلك البصقة التي عبرت بين القضبان ثم إختفت لا أدري أين استقرت على الجدار ثم انصرف ذو اللون الأبيض مسرعاً دون أن يعتذر فأخذت أتفحص الزنزانة فوقعت عيناوي على الآية القرآنية المرسومة بخط اليد "إن تنصروا الله ينصركم ويثبت أقدامكم" إقتربت متحسناً بيدي لأستشعر ما يوجد خلفها فلم أشعر بوجود شيئاً فحاولت فك المادة اللاصقة .. لكن وقع خطوات تقترب استوقفني فأدرت ظهري للباب مصطنعاً

فرش البطانيه على الأرض .. كان صوتاً مختلفاً هذه المرة تسائل قائلاً .. شفت المجرم طلع  
بيهرب الآثار باليخت !

لم أستطع أن التفت إلا بعد أن أتم الجملة كاملة فلقد كانت تستحق الإنصات ثم استدرت نحوه  
فأشار لي بيده متعذراً وأخذ يتهته بكلمات سريعة قائلاً .. آسف .. أصل .. كنت فاكراً .. معلىش ..  
نظرت إليه متفحصاً متفادياً أن أكون مادة السخرية الوحيدة في هذا السجن الذي يستخدم أساليب  
تعذيب مختلفة فقررت أن أبادر بالهجوم قائلاً .. الكلام اللي إنت قلتة ده خطير .. عندك دليل  
على الكلام ده ؟

ظل صامتاً باهتاً إلى أن بلغت في التقمص وسألته قائلاً .. أنت إيه علاقتك بشهاب ؟ فتهلل وجهه  
قائلاً .. ده حبيبي إنت تعرفه ؟ إقتربت مشيراً إليه بالاقتراب وقلت بصوت خافت تعرف المذكرات  
بتاعته مكانها فين ؟

إقترب الشخص أكثر فأكثر وقال بصوت لا يكاد يسمع .. امال ليه امبارح قلت إنك متعرفوش ؟  
كان وقع جملة على أذني يشبه طبول الهنود الحمر عند احاطتهم بفريستهم جاءني هاجس أن  
الحل الوحيد هو الاستعانة بشخصية عبد الفتاح القصري .. بمقولته الشهيرة .. كتاكيت .. في  
شبه حالة من الإغماء اللحظي أخذت أسترجع كل هذا الكم من المصائب التي توالى على رأسي  
.. فأخذت ألعن الجريدة والعزاء وألعن خالي والموبيل وعربة الترحيلات ولعنت السجن ولعنت  
نفسى .

### الحلقة الثالثة : \*Ghehbiat\*

كنت استكمل لعناتي عندما استكمل غرس سيفه في عنقي قائلاً مافيش حد قالك إن لما محمد بك  
يكلمك تجاوب زى الناس .. زاغت عيناى وبدأ لسانى تظهر عليه أعراض الشلل .  
فتابع قائلاً .. ما تخافش .

شعرت بالدموع تتحسس قنواتها إلى عيني عندما ظهر على الجانب الأيسر بين القضبان ذلك  
الشخص ذو الزى الأبيض وبالطبع توقعت أن يكون هو أيضاً فلان الفلاني كما توقعت أن يكون  
ماحدث مسجل بالصوت والصورة ..

طال صمتي مستوقفاً الزمن حتى نطق لسانى قائلاً .. أحلف لك بإيه إني ما أعرفوش ولا عاوز  
أعرفه ده إيه اللي بيحصل ده .. أنا جيت هنا بالغلط .. أنا مظلوم .  
ظهرت ابتسامه باهته على وجهيهما وكان صوتي يجلجل في الإستئناف بكامله فارتدت إلينا أصوات  
من الخارج ..

وأنا كمان مظلوم .. عليا الطلاق مظلوم .. ياربنا يا بتاع الغلابة .. الرحمه ي أناس .. ولا انتوا  
خلاص فقدتوا الإحساس .

التفت كل منهما حولهما ثم انصرفا مسرعين و تسمرت قدمائى بالبواب وذهني شارداً غير قادر على  
استيعاب ما يحدث وإذا بشخصاً بالملايس المدنية مصوباً نظره تجاهي .

كنت لا أشعر بوجودي وكانت قدمائى تنسحب إلي داخل الزنزانة منتظراً أن أفيق من هذا الكابوس  
العجيب المتتالي بلا فواصل إعلانية ولم ألحظ أن عيناى لم تنتقل من النظر إلى المخبر حتى صاح  
قائلاً .. واقف كده ليه يا إبنى فيه حاجه . فاشرت بإصبعي وهمست قائلاً .. لا شكرا .

إنتبه المخبر إلى عدم موضوعية كلمة شكراً مع الإستفسار فتابع قائلاً .. تعالي هنا .. إنت واكل  
إيه .

فانتبهت إلي أنني لم أتناول الطعام منذ يوم أمس فقلت بشجاعة أنا ماكلتش حاجة من يومين فابتسم  
قائلاً .. بطلت يعني .

فتابعت هو أنا كنت لقيت حاجه وماكلتش .. كنت استدر عطف هذا الكائن الذي يببدو رحيماً

واستطرد قائلاً .. إنت بتجيب من مين وأنا أجبك فأجبت أنا جديد هنا وما أعرفش فاقترب أكثر هامساً طيب اجيب لك إيه؟ رددت متعجلاً .. أي حاجة كل اللي يجيبه ربنا كويس . فابتسم قائلاً .. يعني تامول ماشي .

فتسائلت قائلاً .. إيه ده .. يعني إيه تامول؟ تحول مرة أخرى الوجه الباسم إلى حمرة الغضب وانصرف هاتفاً بصوت جهوري نام يا عم ربنا يهديك علينا .. هذه المرة استبقت خطواتي مقررأ الإختباء داخل الزنزانة متجنباً الحديث مع هذه الكائنات نهائياً .. فجاء صوت هادىء قائلاً .. مساء الخير .. فأسرعت بالرد قائلاً .. مساء النور .

ثم استبقت الحوار متسائلاً .. مين حضرتك . كان وجهه دسم اللحم والشحم ذو شارب خفيف .. وأجابني ببساطة "رفيق" .. ثم تابع متسائلاً .. انت تعرف شهاب؟

هذه المرة لم أرد نفيأ ولا إيجابأ فقلت سمعت عنه هنا فاقترب متهلاً وغمز بإحدى عينيه قائلاً "راجل" .

شكرته قائلاً .. ربنا يخليك .

فاقترب أكثر هامساً .. مش عليك .. أقصد هو راجل له هدف عايز يحققه .

ثم التفت حوله وأضاف قائلاً .. ويحب كل الناس .. عاد بقدمه خطوة ثم التفت مرتين حوله ونظر إلي أعلي الدور الثالث وعاد ليستطرد خافضاً صوته أكثر .. بيعامل الناس على إنهم بني آدميين .. بس إحنا بصراحة أي كلام .. بنحون بعض .. صدقني الراجل ده كان يجبرك تخرج الإنسان الطيب اللي جواك .. ثم التفت جهة اليسار وأشار بأصابعه واستطرد قائلاً "عارف الزنزانة اللي في الآخر دى؟ فيها الجماعة بتوعنا .. وهو كان دايمأ يروح يقعد معاهم ويتناقشوا رغم إننا صعب نتناقش مع حد في حاجة تخص الدين بس هو له أسلوب كده يخليك ترتاح في الكلام معاه .. إنت عارف إنه اختفي من هنا في نص الليل؟

حاولت تبديل قدمي من الألم وأنا أقترب من القضبان مصطنعأ إهتمامي بما يقول وتساءلت "بجد" فأجاب .. صدقني ..

سرحت بخيالي وأنا أسترجع إسمه "رفيق" و"صدقني" فانطلق لسانى قائلاً رغم أنى لم ألتقى بشهاب شخصياً ولا ادري هل هو شخصية حقيقية أم من صنع الخيال إلا أنني أظن أن إنتشار إسمه بين الناس هنا بسبب ضعف قدراتهم وليس نتيجة لقدراته .. فليس هناك من يستطيع أن يغير من سمات شخصية متوارثة أو طبيعة بشرية أو إعاقة خلقية ولا أعتقد أن هناك أحداً يستطيع أن يجعل الناس تغير من أنفسهم ولكن من المؤكد أنهم يرون أنفسهم فيه .. يرون فيه مايتمنون لأنفسهم ويسعدون بمن يشعرهم بنقائهم وأنهم يستحقون غد أفضل وهكذا يتعلقون به وبالأمل المتعلق به .. في تلك اللحظات الفلسفية من جانبي كان رفيق يستكمل حديثه عن شهاب دون أن يستمع إلى حرفاً واحداً مما قلته أو ربما أنا الذي لم أقل شيئاً إلا في خاطري لأننى وجدته يتابع قائلاً .. ده كان تقريباً وصل لزعيم العصابة بتاعة الأثار .

كنت على وشك المقاطعة لأسترجاع ما لم أسمعه ولكنى ضقت ذرعأ باهتمامي اللا إرادى فقررت أن أقاطعه وأطلب منه إستكمال حديثنا لاحقاً لأننى متعب وأحتاج إلى الراحة .. كنت أدفع نفسي للخروج بعيداً عن التأثير النفسي الذي يأخذني إلى الرغبة في المتابعة .. فوجدته يستكمل قائلاً .. وكشف الرأس اللي بتساندهم و تمولهم .

استأذنته بالإشارة دون مقاطعة بأن أجلس على حوض الخيل فابتسم قائلاً تعرف كان مسمى الحوض ده إيه؟

فأجبت بثقة قائلاً .. حوض الخيل .

إبتسم رفيق إبتسامة هادئة قائلاً ..  
طب وأنا بأحكيك ليه ما إنت عندك مذكراته .. سألت مصطنعاً الدهشة .. هنا ؟  
فأجاب قائلاً .. أيوه .. ثم ظهرت عليه حيوية غريبة وكأنه سيعبر بين القضبان وأشار بأصابعه  
" هنا " شايف الآيه دي .. " فيها " .

فتسائلت قائلاً .. دورت وراها مافيش حاجة .. فتعجب قائلاً .. دورت ! ليه ! كنت بتدور علي  
ايه ؟

توجست القلق مرة أخرى قبل الإجابة ولكنني قررت المواجهة وأكملت قائلاً .. واحد جالي هنا  
وقال لي علي الورق اللي ورا الآيه .. قاطعني متسائلاً .. جمال المحامي ؟  
كنت قد بدأت أشعر بالنعاس وأجبت قائلاً .. معرفش اسمه ايه .  
وهممت بالاستئذان وإذا به يستأذن فإستدرت متوجهاً للنوم ولكن أذني كانت تستعيد صدي استئذانه  
بقوله .. أستاذك دقيقة واحدة ؟

لم تطل الدقيقة وفوجئت بالثلاثي يقتربون من الزنزانة .. كان الغضب مازال واضحاً على وجه  
محمد بك الذي تجنبت النظر إلى عينيه وتابعت الذي إقترب منهم من القضبان هامساً لي أنا جمال  
المحامي ومعلش مشيت لأن الشاويش كان بيمر في الطرقة .. ثم أرفف جمال المحامي " إمسك " .  
ثم أخرج من جيبه نظارة مطوية ودفعها من أسفل الباب فأخذتها وفتحتها ثم وضعتها على عيني فلم  
أرى شيئاً وسمعت صوت أحدهم نصحني بالتوجه إلي الآية فاقتربت منها غير مصدقاً عيناى ..  
كانت الآية القرآنية مكتوبة بكلمات في محتواها وكان التظليل والتحديد هو كتابة مصغرة تضيق  
وتتسع في شكل فقرات تمثل في مجملها حروف الآية ذاتها وبدأت عيناى تقرأ بعض كلماتها  
وصوتى يُسمع الثلاثى المنصتون أمام الزنزانة .

#### الحلقة الرابعة : \*Ghehabiat\*

كانت عيناى تجريان بين ما كُتب داخل الحرف الأول في الآية القرآنية بحثاً عن بداية وعندما  
انطلق لساني بأولى الكلمات كان صوت " جمال " هو الأعلى والأقوى قائلاً .. وطى صوتك .  
فتابعت بصوت منخفض قائلاً .. في العاشرة من صباح يوم .  
فصاح جمال مرة أخرى قائلاً .. بقولك وطى صوتك يا جدع إنت بدل ما تودينا في داهية .  
رفعت عيناى ناظراً إليه بانفعال موضحاً له أن صوتي لا يكاد يُسمع ثم عدت مرة أخرى ابحت  
عن السطر ذاته بين فقرات كثيرة فلم أصل إليه وتوقفت عيني على سطر غيره فقرأت كانت  
أصابعي تعمل بسرعة البرق على الصفحة المخصصة لنشر الرواية وفي منتهى السرعة نشرت  
حلقة بعنوان " عصابة كلوت بك "

صاح جمال مرة أخرى بقولك وطى صوتك .. يخرب بيتك .. شعرت بالغضب وامتلكني الفضول  
أن انفرد بنفسى وتلك اللوحة العجيبة فأشرت لهم بالانصراف وكان عصا القيادة قد انتقلت إلي  
يادي .. فأكد جمال المحامي ألا تقع هذه اللوحة أو محتواها في يد أحد غيره وانصرفوا ..  
فجلست مقرفصاً وغرزت عيناى بين السطور وصرت أشعر بشيء يسرى في دمي وكأننى غصت  
في عالم الأساطير عبر آلة الزمن وتهايت لفك طلاس اللوحة وأحضرت القلم والأوراق وبدأت  
أعيد كتابة محتوياتها في وريقات .. ربما لا أجد صاحبها ونشرها في جريدتي فأصير كاتباً  
مشهوراً ثم أخذت أحصى حروف الآية بدون البسمة والتصديق فوجدتها ثلاثون حرفاً فنهضت  
منتشياً قائلاً تاهت ولقيناها أعملها مسلسل من مسلسلات رمضان أو أنشرها حلقات كل يوم حلقة  
فربما يدق الحظ بابى ويكتشفها أى دور نشر فتصبح ذات يوماً رواية أو فيلماً .. أو .. ربما يتم  
ضبطى متلبساً بها فيقطعوا رقبتى .. توجست خيفة فيما قد أتعرض إليه جراء ما أنا مقبل عليه  
وارتعدت أناملي وأنا أفرغ محتويات حرف الألف الذي هو الحرف الأول من حروف الآية " إن

تنصروا الله ينصركم ويثبت أقدامكم" لذا قررت أن أذيل القصة بإقرار إبراء ذمة من كل ما تحتويه اللوحة وأني مجرد راوي للقصة و لا أعرف من صاحب اللوحة وأني براء من كل أحداثها وشخصياتها وكل ما يترتب على نقل ما بها أو نشرها من عواقب .. وأن العهدة ليست على الراوى وهذا إقرار مني بذلك - القاهرة - "الزنزانة الأبدية"

كنت متوقفاً في زاوية زنزانتى عندما بدأت أكتب ما قرأته بين سطور اللوحة السرية المعلقة بالزنزانة الأبدية والتي كانت تصف مشهداً دقيقاً يقول .. كعادة اليوم بينما كنت متوجهاً إلى مكتبي في العاشرة صباحاً و تلقيت مكالمة هاتفية من صديقي "راضى" يسألني عن مكاني فأخبرته أنني في طريقي إلي المكتب فاقترح على أن أترك سيارتي ليقلني في طريقة سيارته لتتحدث خلال الطريق عن بعض الأشياء وما أن وافقت حتى كان "راضى" أمامي في أقل من دقائق معدودة ثم إنطلق إلي الطريق فأخبرته أنني لست في عجلة من أمري ويمكن أن نناقش الأمر الذي يريدني فيه فhez رأسه أن لا ضرورة لذلك ريثما نصل إلي المكتب .. إهتز هاتفي في جيبي وكان المتصل "سليمان" من مكتبي ويلقى إليّ بالإستفسار عن مكاني الآن فأخبرته أنني في الطريق فقال أنه يوجد ضيوف بانتظاري بالمكتب فسألته عن أسمائهم فقال أنه لا يعلم ولكن الملفت أن أحدهما سأل عنى بالإسم كاملاً .. تنبهت أنها زيارة رسمية جداً وبدأ علي "راضى" بعض التوتر أثناء القيادة و بوصولنا إلى المكتب وجدت في الإستقبال شخصان لم أرهما سابقاً فاستقبلتهما بحفاوة وطلبت منهما التفضل إلي المكتب لتناول القهوة وجلسنا جميعاً ولمحت "راضى" يجلس بعيداً ويتصفح جريدة قديمة كانت ملقاة على المنضدة ويحاول تجنب التعارف والحديث طلبت لنفسى فنجان القهوة الصباحي و للضيوف ما طلبوه من مشروب الشاي وبدأ مشوار لم ينته حتى كتابتي له الآن بعد ثلاثة أشهر كاملة .. ثم تبادلنا عبارات الترحاب للمرة الثالثة .. أهلاً و سهلاً .. رد التحية الشخص الأصغر قائلاً .. أهلاً بحضرتك فسألته هل تعارفنا سابقاً .. فقال لا .. لكن أنا أعرف حضرتك كويس وقال موجهاً قوله إلي زميله إيه يا عم هو الحكاية صوت بس لكن ما تعرفوش بعض ..

نقلت بصري إلي الشخص الآخر الذي بدا متديناً هادئاً تبسم بدوره قائلاً لقد تحدثنا تليفونياً من قبل عندما كنت تساعد أحد المقاولين بسيناء كي يستخرج تصريح عبور للنفق خاص بلودر أو شئ من هذا القبيل .. لقد كان يذكرني من باب الحرج كي أصل من تلقاء نفسي ليس إلي إسمه وإنما إلي جهة عمله فقلت منتبهاً يا أهلاً بالرجاله .. بدأ زميله يهندم من ملابسه فالتفت إليه وأنا أتابع وقع كلماتي على وجهه قائلاً .. وإنت أكيد سواق اللودر بتاع التصريح.

فأشار بأصابعه مصطنعاً إبتسامة باهتة قائلاً .. لا .

وانتقل بعينييه تجاه "راضى" الذي إبتسم مسقطاً الجريدة عن وجهه فقلت على فكرة ده الاستاذ "راضى" .. فأوما برأسه قائلاً .. أهلاً وسهلاً .. تشرفنا .. فابتسمت قائلاً .. خير يا بكوات.

فبادر الذي يتوسم في نفسه القدرة على الكذب قائلاً كنا في مأمورية في هذه الأنحاء وتعطلت سيارتنا وقلنا أن مكتبك قريب وإن كان في إمكانك متفضلاً أن نقلنا بسيارتك إلي مكتبنا فقلت مختبراً قدرته على الاستمرار في الكذب طيب إيه رأيك إن في المكالمة بتاعة اللودر ماقلنتش مكتبي فين .. فأجاب اللي يسأل مايتوهش .. فتابع متسائلاً فين تعطلت السيارة كي أرسل أحدا لإصلاحها .. فلاحقني قائلاً .. لا .. لا داع لذلك .. كنت على وشك أن أستمر في مداعبته وأنا أتناول القهوة وأنظر إليه من أسفل إلي أعلي فما لا يعلمه أنني أمقت الكذب والكاذبين .. قاطع زميله الحوار وبدأ أنه قد توصل إلي مادفعتهم إليه أنه لا بد من المواجهة ولا فائدة من الحيلة فقال حضرتك هتوصلنا ونشرب القهوة هناك ولا إيه .. فقلت طبعاً ولكن عذرا لأنني لم أصطحب سيارتي اليوم ولكن الاستاذ "راضى" متفضلاً سيقوم نيابة عني بتوصيلكم فالتفت "راضى" تجاهي وكأنه يخلصهم من تلك الورطة وأسرع بالتصرف موجهاً مفتاح سيارته سريعاً بإتجاهي قائلاً "العربية تحت أمرك" فقلت

"واحد يااستاذ راضى أنا وانت واحد" وتابعت قائلاً .. وإذا كان على القهوة .. أكيد في أقرب وقت حأعدى عليكم أشرب القهوة معاكم ثم تابعت .. اتفضلوا فتسمرت قدم الكاذب الصغير وكأنه على وشك أن يبكي قائلاً يافندم أرجوك تعالي وصلنا مع الاستاذ "راضى" .. كان الباب مغلقاً ونحن جميعاً وقوف إلي تلك اللحظة حتى فتحه "عمار" بقوة متعجباً من سبب وقوفنا جميعاً هكذا فدارت ذاكرتي سريعاً فيما لو شعر "عمار" بما يضره الرجلان ومن توقع حدوث مواجهه أو تطاول منه عليهما فاضطرت إلى إنهاء الموقف بيدي لا بيد "عمار" وأشرت لهما بإستباقي إلى السيارة بينما كنت اتمتم في صدرى حتى بعد نهاية الخدمة بيجبلى تكليف بمهام سرية ..

كنت أسترجع الحوار الذي لم يذكر فيه بأن الضيوف ينتميان إلى جهة بعينها بينما نزل "راضى" مسرعاً وأدار محرك سيارته وانتظر حتى إستقر الجميع داخلها ثم أخذ يقود دون أن يسأل سؤالاً واحداً إلى أن توقف بالسيارة أمام بوابة مكتبهم فنظرت إليه قائلاً .. انت عرفت منين ان ده مكتبهم ؟ أجاب "راضى" ببرود شديد " ياباشا طالما سبتونى من غير توجيه في الطريق يبقى أكيد أنا مشيت صح " .. توقف الحديث عند فتح البوابة ودخلت السيارة إلى حيث لن استقلها مرة اخرى .. بدا النشاط المرتبط بتواجد الشخص بمكانه وشعوره بالسلطة والقوة يظهر على وجه الكاذب الصغير حينما قال " اتفضل .. اتفضل فوق .. "كنت أسرع الصعود على الدرجات إلى أن فتح أحد المكاتب وأشار لنا بكف يده كما خدم القصور لنجلس في الإنتظار ثم أغلق الباب خلفه ..

جلست وأشعلت سيجارة وجلس "راضى" بالكرسي المجاور ونظر إلي قائلاً يمكن في سوء تفاهم فنظرت إليه بطرف عيني قائلاً يعني مش جايين نشرب القهوة فقال "الصراحه كده مش شكلها قهوة خالص" فابتسمت قائلاً في جميع الأحوال إنت هتخرج من هنا وأتمنى إنك تكمل جميلك و ترجع المكتب عندي تبلغهم إنى اتقبض عليا .. كانت يدا "راضى" تعبت بالمنضدة المجاورة عندما فتح الباب مرة أخرى بصوت إتفضل يا شهاب بك فنظرت إلي "راضى" مودعاً .. كان يجلس على مقاعد الضيافة شخصاً بديناً بدا متوتراً ..أخذت عيناه تتفحص كل شيء وكأنه يجري تقديراً دقيقاً ... جلست .. فبادر المسئول قائلاً أستاذنك الموبايل فابتسمت قائلاً الرقم ولا الجهاز نفسه .. فأجاب الإثنين فنظرت إلي الشخص الآخر قائلاً "خير هو في إيه" فرفع ورقة باهتة قائلاً في أمر تكليف بمهمة سرية يرافقه أمر بالقبض عليك وزراعتك بأحد السجون لكشف رؤوس عصابة لتجارة الآثار .. فأجبت على الفور "وأنا جاهز" .. ثم وقفت دون إنتظار فتابع قائلاً .. التواصل مع القيادة سيكون عن طريق صفحة ثقافية على الانترنت .. بالتوفيق ..

تحركت فسابت خطواتي نزولاً خطوات الشاب الذي إنتوي عدم الكلام طوال الرحلة .. فتوقفت بمحاذاة الدور الثاني كي يمر أمامى فوجدت يده تستعرض ظهري وكأنما يدفعني إلي الأسفل فنظرت إلى عينيه الزرعية اللون قائلاً كان معي الاستاذ "راضى" فأجاب "رؤح" ثم أضاف لو سمحت "الموبايل" ناولته الجهاز وأنا أضغط بأحد أصابعى على زر الإغلاق ويدي الاخرى تتلمس هاتفى البديل بجيبى والذي وضعته مسبقاً على وضع العمل الصامت .. هاهي السيارة .. يالها من رحلة شاقة كنت قد استرحت من تلك الأنواع من السيارات بعد تقاعدي منذ عامين فأنا موقن بأنها سنقطع المسافة بسرعة السلحفاة وتشبعني بجميع أنواع الغازات المسيلة للدموع وتعزف في اذنى مقطوعات الإزعاج وتمنح جسدى جرعات العلاج الطبيعي الإجبارية بالمطبات أو بدون .. هاهي المصيبة الأكبر بالمقعد الخلفي حيث سأجلس في نصف مقعد فقط نظراً لوجود جثة عملاقة تجلس بالنصف الآخر تنقمص شخصية مخبر أصلع الرأس جاحظ العينين نزل بنشاط من السيارة كي يبرهن أنه لا يزال حياً يرزق وجاهز للقيام بالمأمورية بل ويفهم مهامه تماماً حينما أقدم على تفتيشي ليتأكد أنني لا أحمل سلاحاً ثم أشار لي بالدخول للجلوس بالجانب الأيسر خلف مقعد السائق مما ذكرني بأن هناك سائق أيضاً يشاركنا رحلة العذاب وما كدنا نصل إلى وجهتنا في إحدى مناطق القاهرة الراقية حتى ألقى السائق علبة عصير فارغة

من النافذة إلى الشارع فوجهت إليه العتاب متسائلاً "تفكر مين اللي هيشيل العلبة اللي رميتها دي" فالتفت السائق وكأنه لا يصدق أن المقبوض عليه يشغل فكره بنظافة الشارع فأجاب قائلاً "ما هو الشارع مليون زباله ماجتش على العلبة دي" فتابعت قائلاً "ماهو لما الشارع يكون مليون زباله معني كده ان مافيش حد بييشيل الزباله منه يبقى ما ترميش فيه وتزوده .. فأردف السائق قائلاً .. أخيراً وصلنا .

### \*Ghehabiat\* : الحلقة الخامسة :

كانت آخر كلماتي التي دونتها نقلاً عن اللوحة وأنا منهمكاً في زنزانتي هي أخيراً وصلنا .. ولكنها لم تكن آخر ما قرأته فلقد سبقت عيناى الأحداث بلهفة فقرأت بعضاً من ما كتب داخل الحرف الثالث في اللوحة لأعرف ماذا حدث بعد الوصول ولكن وقع أقدام كثيف أخذ يرج سجن الإستئناف كأن هناك هجوم تتارى .. أعداد غفيرة من المخبرين يحملون الأسلحة لمحت أحدهم ينظر إلى وانكشيت في ركن الزنزانة أدعو بكلمات لا أذكر منها الآن شيئاً .. مر الوقت طويلاً ثقيلاً فقررت أن أصطنع بعض الجراءة وتقدمت إلى القضبان الحديدية فرأيت مايقرب من خمسون سجيناً يجلسون خارج عنبر الحبس والمخبرون يقفون حولهم للحراسة .. صور لى خيالى الساذج أن هناك هجوماً يأتي من خارج أسوار السجن وأن الجنود يستخدمون نوافذ الزنازين المواجهة للشارع لتأمين الأسوار .. تسارعت الخطى صعوداً وهبوطاً ومر وقتاً طويلاً لم يطلق فيها الجانبين طلقة واحدة فتصورت أن الهجوم المنتظر لم يحدث بعد .. إنتهت زقزقة الطيور المتسرب صوتها من نافذة الزنزانة معلناً الثامنة صباحاً عندها مر من أمامي مخبر يبدو فلاحاً بسيطاً فانطلق صوتي فجأة " هو في إيه" نظر إلى ببراءة وهو يقول "تفتيش المصلحة" عندك ورق أبيض ؟ فأجبت متردداً " لا طبعاً .. ولا ورقه .. ؟ انصرف الجندي وتنفست الصعداء وأخذت الملم كل الأوراق البيضاء والزرقاء التي دونتها والتفت حولي باحثاً عن موضع لا تصل إليه عين ولا يد .. كانت نفسى تحدثنى بأنى قد تورطت في ما ليس لى قدرة عليه وبدأت أتخيل وصول التفتيش إلى زنزانتي وهم يذيقونى ما لذ وطاب من صنوف العذاب .. كانت الأوراق في يدي تزيد عن حجم الرزمة أو هكذا تخيلتها نتيجة خوفي وظلت عيني تنظر إلى اللوحة التي أخرجتهم من خلفها وكأنها لن تحتل إحوائهم مرة اخرى فلقد كانت مصفوفة بطريقة تحتاج إلى وقت لإعادتها إلى ما كانت عليه . حتى وإن مزقتها فأين أخفيها ؟ كانت الأصوات تتزايد وتعلو وتقترب فاقتربت خافياً الأوراق في ملابسى خلف ظهري وممسكاً بالقضبان كيفما تصور الأفلام سجيناً ينتظر الحكم ويداخلي رغبة ملحة في الصراخ والبكاء أوقف كلاهما عن الخروج مرور أحد الباشوات في زيه الرسمي أمام الزنزانة والتصقت عيناى على وجهه دون رغبة مني فكانت سبباً في توقفه موجهاً سؤاله " إنت إيه " ؟ لم أطل في البحث عن إجابة تناسب السؤال وأجبت سريعاً جداً "مسجون" .. فكان هو الآخر سريعاً في سؤاله التالي " لا ياراجل "؟ تنبهت فصححت قولى " أقصد مسجون ظلم ياباشا " .. استدار الباشا مخاطباً المخبرين .. إفتح لى هنا يابنى .

فجأة سرت الفرحة بوجدانى وتراقصت عيناى وصاح لسانى قائلاً .. ياما انت كريم يارب .. ربنا يخليك ياباشا .. إنت حضرتك ربنا بعثك ليا من السما .. نظر الباشا في عيني نظرة عميقة وهو يفتح الزنزانة قائلاً "إنت عبيط يابنى" ؟ في غمرة سعادتي بالحرية اندفعت قائلاً " لا ياباشا بس كنت شاكك إن يكون في حد لسه كويس زى حضرتك كده ينصر المظلوم .. و أنا معملتش حاجه أصلاً ده أنا كنت بتكلم في الموبايل " .. قاطعني الباشا وهو يجذبني بيده اليسرى من خلف رقبتى رافعاً صوته في اذنى قائلاً "وكمان عندك موبايل" طب إطلع لى بره كده .. إستوقفنت الباشا بإستدارتي موضعاً له أن لى حقيبة بالداخل سأدخل لأخذها قبل أن أغادر السجن .. إنفعل الباشا قائلاً .. طلوعوا العبي ده بره .. كانت سرعة المخبرين أسرع من الأمر نفسه قبل أن يكتمل

.. وكان سلوكهم أعنف من إحساس الحرية الذي كان يسرى في دمي .. منهم من كان يصدم ساقى بحذائه ومنهم من يطوى ذراعى خلف ظهرى بينما تسابق عدداً من المخبرين إلى الزنزانة متلاطمين مع جسدي فغصت في دوامة من تضارب الفهم أفقت منها على يداي مقيدتان أعلى رأسي وموثوقة في عمود كبير بظهري ونيران الألم تحرق أكتافي ويتسلل لهيبتها إلى لساني فيرتجف بصوت أنين لا يخفي عن السامعين .. كالدهرأ مر الوقت أكابد تحمل الألم حتى خرج الباشا من الزنزانة موجهاً سؤالاً مباشراً إلى عيناى "فين الموبايل يا بني إنت؟ تزامن السؤال مع صفة كالجبل سقطت على وجهى فصارت الوجوه في عيناى أكبر حجماً وأصوات تأتي من كل مكان حولي وداخلي و الصفعات تتوالى .. شعرت حينها أن وجهي قد تمدد إلى أن بلغ صدرى ولم تكن رقبتى تفعل شيئاً ينم عن وجودها .. "مافيش حاجة يا باشا" كانت هذه الجملة سبباً في إنقطاع الصفعات .. لكنها تحولت إلى لكلمات .. "الموبايل فين يا بني " .. إنت مش قلت كنت بتتكلم في الموبايل؟ تعلقت بحنجرتي كلمة واحدة أردت أن أصفه بها تعبيراً عن قدراتة العقلية المتدنية لكن الكلمة أبت أن تغادر حنجرتي كما أبت أن يرسمها سن قلمي وأنا أكتب الآن .

ثم رفع الباشا بعض الأوراق أمام عيني متسائلاً .. ورق إيه ده .. وإيه الجهات اللي انت كاتب لها الكلام ده .. إنت جاسوس ياله؟ تعاضم السؤال في اذنى وأصاب لساني شلل تام ثم نظر إلى الآلات البشرية قائلاً الزنزانة دي مش بس تتفتش .. هاتوا لى الجدران دي على الأرض دوروا في كل شبر فيها .

كنت مازلت مقيداً بالقائم الحديدي وذهنى منبطح أرضاً يسترجع مرات ومرات كوني مجرد عابر سبيل تورط في مشكلات متتالية نتيجة مصادفة كلمات كتبت بيد شخصاً لا أعرفه فنالني كل هذه القسوة فما بال صاحب القصة الذي سطرها داخل آية قرآنية كل ما فعلته هو إعادة نسخها كتابة .. وحين تذكرتها رفعت عيني متلصصاً كي أرى ماحدث لها وكنت متمنياً أن لا تكون قد طانتها أيديهم .. فوجدت نصفها معلق بيد أحدهم يكاد يلقي به على الأرض ويقدم على نزع ما تبقى منها .. نازعت روى قائلاً حرام عليكم ده قرآن .. مال الباشا نحوي برأسه واضعاً يده بجيبه قائلاً " في دى معاك حق " ثم تابع موجهاً حديثه إلى أحد الآلات البشرية المدمرة " يا أخى ده كلام ربنا .. إحرقها بقى علشان حرام " .. لا.. صرخت بأخر ما تبقى في روى من قوة وتابعت سببها حأبقى ألصقها ..

فعاد الباشا مرة أخرى يسألني "وشايل اللصق فين؟" وكان ما قاله كأنه شفرة يحرك بها آلات الدمار فعادت الأقدام تمارس رياضتها على جسدي بينما عقلى يخبرني بين الموت أو الإغماء ويبدو أنني تخيرت الأخير .. أفقت على زجاجة خضراء تملأ عيناى و فوهتها محشورة في فمى تصب مشروب غريب الطعم يشق جوفى وخلفها رأيت وجه مسئول السجن ذو القدمين صاحب العينان المتخاصمتين هادىء الوجه مبتسماً يقرأ ما كتبتة من القصة ثم رفع رأسه نحوي قائلاً .. مقولتش ليه من الأول إنك تبع شهاب .. كدت أسبه بعيناى .. عندها سمعت صوت ينطق " حمار " نقول إيه بقى في حظنا الاسود .. وقعنا في إيد واحد حمار .. كانت هى نفس الكلمة التي دارت في رأسي فبحثت عن مصدر الصوت فوجدته "جمال" المحامى فتعجبت من جرأته في سب الباشا بهذا اللفظ .. وتعجبت أكثر من عدم إستيلاء الباشا بل أضاف "حمار برأس عجل " على رأى شهاب .. ثم تصافحت كفوفهما وعلت الضحكات وهما ينظران تجاهي .. استجمعت بعض من قوتي قائلاً .. أنا زعلان منك يا جمال إنك ماحذرتنيش إن الورق الأبيض ممنوع ثم إنفتت مواجهاً للباشا قائلاً كمان حضرتك مقولتش إن الورق ممنوع وبالخط عرفت لما المخبر سألني عندك ورق في الزنزانة عشان في تفتيش من المصلحة .. إستوقفت كلماتي ضحكاتهم وبرز من خلفهم رجل أصلع الرأس يبدو في زى السجن كهيئة رجال الأعمال واضعاً يده خلف ظهره تقدم بضع خطوات تجاهي ثم توقف أمامى متسائلاً .. انت صحفي انت؟ فصححت

له قائلاً .. تحت التمرين .. لسه .

فتابع قائلاً .. تمرين إيه وزفت إيه ؟

ورق أبيض يبقى ممنوع ازاي يا راجل ؟ صحت بقوة "المشكلة مش في الورق .. المشكلة في اللي مكتوب في الورق" فتهلل وجهه مقترباً ومتسائلاً "أيوه إيه بقى اللي كان مكتوب في الورق ؟ فأجبت بشجاعة "ماهو الورق في إيدك .. قاطعني بهدوء شديد قائلاً .. لا مش ده أنا عاوز اللي كان في الآيه .. قبل ما تتحرق .. تحركت عيني بسرعة البرق بحثاً عن اللوحة فوجدت بقايا رماد أسود كئيب بين قدمي جمال الذي توجه بكلماته نحوي قائلاً .. يابني فكري بك ده حبيبنا وما تقلقش وقول كل اللي قرينه في اللوحة .. عاوز ورق نجيب لك .. وإنت تركز وتكتب كل كلمة قرينتها .. قاطعته قائلاً .. أنا قرين اللوحة كلها .. لكن كنت بأنقلها بالنص .. دلوقت مش حاعرف أكتبها بالطريقة اللي كانت مكتوبة بيها .. إنفعل فكري بك وهو يمد تجاه وجهي برزمة من الأوراق البيضاء مغلفة موجزاً كلماته قائلاً .. إنت هتعمل لنا فيها أنيس منصور ..؟ اكتب زي ما تكتب .. المهم تكمل القصة .. عايزين نفهم إيه اللي حصل لشهاب .

شعرت من كلمات فكري بك كأن بيني وبينه ثار بايت فحاولت ملاطفته قائلاً "طيب روق يا باشا .. حاضر .. طالما تحت حمايتك خلاص أكتبها .. أضاف فكري بك قائلاً .. قدامك اسبوع . فأجبت قائلاً .. مش كفاية يا باشا ده الكلام كتير جداً .. فقاطعني بعصبية قائلاً .. لا يا سيدي ولا كتير ولا حاجة .. إنت اللي بتغرز في التفاصيل بدون داعي .. ثم أضاف قائلاً .. تفرق إيه مع الشعب إذا كانت عيني واحدة بتبص على عامود النور والثانيه على كتفك .. الشعب ماله ومال عيني أصلاً ؟ بقى اللي زيي كده إسمه "أحول" في كوكب الأرض مش كده ؟ كانت الضحكات المكبوتة خلف ظهره تدل على أن الجميع يضحكون إلا هو وبالطبع أنا أيضاً فحاولت أن أجبر خاطره قائلاً وأنا أنظر إلى عينيه .. يعني حضرتك تقصد أختصر في التفاصيل الدقيقة .. فأجاب "أيوه يا سيدي .. اختصر .. إكتب عن عين واحدة اللي تلاقيها باصه عليك . لم أتمالك نفسي عندما سمعت ما قاله وأنا أنظر إلى عينيه وارتسمت على وجهي بسمة وقحة تمادت في الظهور إلى أن صارت ضحكة مسموعة صاحبها دمع بعيني والكلمات تائرة بداخلي فاندفعت قائلاً .. ماهو ياباشا ولا واحدة فيهم بتبقى باصه عليا . إنفجرت ضاحكاً وتعاليت ضحكات الجميع بما في ذلك فكري بك نفسه إلى أن تماسك قائلاً .. عارف لو جبت سيرة عيني أو الكلام اللي حصل ده ؟ .. بقولك تاني .. إنت تكتب اللي قرينه وبس من غير ما تحط التاتش بتاعك .

الحلقة السادسة : \*Ghehbiat\*

كانت رأسى تشير لفكري بك بالموافقة على كتابة القصة وقليل من الإبتسام يتوشح وجهي وما أن أتم فكري بك تعليماته حتى بادرت بالسؤال قائلاً .. هو حضرتك عاوزني أكتب القصة ليه .. هو حضرتك تعرف شهاب ؟

انفجرت الضحكات من حولي واقترب فكري بك وجلس بجانبني متربعاً ويديه أمام ساقيه قائلاً .. شكلك ناوي تبدأ بيا .. طيب أحكيك بس بشرط تسيبك من عيني ورجلي وتركز في المضمون .. مش بتلاقي في الروايات كده حوار بين اتنين ؟ ممكن تكتب بنفس الطريقة .. فكري و نقطتين فوق بعض .. عادل ونقطتين فوق بعض .. وتكتب ده قال إيه وده قال إيه ؟ من غير لا عيون ولا يحزنون ؟ نظرت إلى فكري بك وأنا اعتدل في جلستي متقمصاً شخصيته قائلاً " ياباشا كل أديب وله أسلوبه و دور الكاتب هو توصيل القارئ لتخيل الموقف ومعايشته في المكان والزمان وإن إستطاع أن يجعل القارئ يشتم الرائحة ليتعايش مع الأحداث لفعل .. قاطعني فكري بك قائلاً ..

يا سيدي اكتب زى ما تكتب إنت شايف القصة رايحة تأخذ جائزة البوكر" ؟ بدأت أستعد للرد حين تابع فكرى بك قائلاً .. ماكنتش أعرفه .. ثم تابع .. كانت دخلته السجن غريبه .. كنت في تفتيش في الحوش .. ولمحت وجه غريب داخل من البوابة وبيسأل عن المسئول اتحركت وقابلته قدم نفسه بإسم

"هانى " كان شكله وسيم جداً شعر أصفر وعين ملونه .  
أشرت بأصبعي مقاطعاً فكري بك قائلاً .. شفت بقى مين اللي بيحب سيرة العيون ؟ تبسم فكري بك ثم استكمل بجدية قائلاً .. فتح لى خطاب القرار فقرأت " الاقتراب من منطقة محظورة " وبحثت في جيبي عن قلمي لإمضاء إقرار الإستلام لكنه استوقفني قائلاً .. لازم نعد عشان أفهمك شوية حاجات عنه .

فأشرت إلى المكتب ولاحظت أن عيناه تتابع ما يحدث للمساجين في حفل الإستقبال دون أن يصدر تعليقاً ويبدو أن ما يحدث لم يكن غريب عليه ..  
كان يسير كالجليد حاداً شديد اللهجة عندما سألته عن ما يود من مشروب و دفعني للدخول في صلب الموضوع مباشرة .

فتسائلت " إيه حكاية الراجل ده " فأجاب كل إللي أقدر أقوله إن في تعليمات من أعلى مستوى بخصوص التعامل معه وتحذيرات من مناقشة أو الحديث معه .. بمعنى أدق حظر إدارة حوار معه نهائياً من إدارة السجن .

الخلاصة هو جاي ينفذ مهمة سرية .. إستوقفت كلماته بقولى .. طيب ما تقولي محتاج ايه و أنا اساعدك ؟

فانتفض بنية الانصراف وتوقف عن الكلام قليلاً ثم تابع قائلاً .. ياريت توقف المهزلة اللي بتحصل بره دى وهو داخل اذا كنتم مش عايزين مشاكل بسبب تقاريره.  
غادر هانى ودار عقلى عندما وقعت عيني على المساجين تحت أيدي المخبرين وهو على وشك الدخول وكنت أنتظر دخوله فأسرعت بإصدار أمر  
بوقف التفتيش وتزامن ذلك مع لحظة دخوله فانتقلت كل الأعين إلى البوابة بحثاً عن سبب إيقاف التفتيش وكان المشهد أمام الجميع .. رجلاً طويل القامة في الأمام ورجلين من خلفه يحمل كل منهما حقيبة ويحيطون في المنتصف بشخص غير مقيد على الإطلاق .. يلتفت يميناً ويساراً وكأنه في زيارة تفقدية .. كان وسطاً مريح الوجه يرتدي اللون السماوى وموكبه يسير تجاهي بكل تأكيد

فقررت أن أستمر في أداء عملي وأن يكون صمتي هو أنسب لغة للحوار .. مد هانى طويل القامة يده بخطاب القرار

وأومأت له برأسي فاستدار للمغادرة وأمر رجاله بوضع الحقائق والانصراف ثم مد يده مصافحاً شهاب وتمتم بكلمات تبسم شهاب بعدها والتفت حولي فوجدت كل من بالفناء في صمت رهيب يتابعون ما يحدث فقررت أن أقطع الحدث صارخاً بأعلى صوتي " ياغانم" إطلع فوق قول لناصر يجهز" الزنزانة الأبدية "

كنت أتظاهر بالشدة وأنا أصدر الأمر للمخبر غانم بالصعود إلى زميله ناصر المسئول عن الدور الثانى لتجهيز الزنزانة لإستقبال "شهاب" وكان رد غانم أشبه بصب ماء بارد فوق رأسي على مرأى ومسمع من الجميع قائلاً .. ناصر هنا جنب حضرتك ياباشا .. أشعرنى رد ناصر السريع "خدملك يا باشا" بقدر كبير من الارتياح وكنت قد تعمدت عدم النظر إلى وجه "شهاب" وليس فقط عدم الحديث معه وبالتزامن مع انصراف هانى ورجاله قررت أن ألقى بغانم إلى التهلكة لما سببه لى من حرج وإنفعلت قائلاً .. مستنى إيه يا غانم ما تشوف شغلك مش في إيراد جديد وصل

.. تعلق عيناى بغانم وأنا أتابع تحركه نحو "شهاب" وتفتيشه ومصادرة أى مخالقات فى حفائبه لا تسمح بها قواعد السجون وظل عقى يتصور ما يمكن أن يحدث من حوار بينهما إلا أن "غانم" إتخذ خطواته تجاهى قائلاً .. الموبائلات ياباشا .

لفت غانم نظرى بأنها مهمتى الشخصية وكأنه يعيد الكرة إلى ملعبى مرة أخرى فتابع بصوت مرتفع قائلاً .. ما اظنش ان معاه موبائلات ياغانم إنت مش شايف جاى منين ؟ فتجرأ غانم موجهاً سؤاله إلى شهاب قائلاً .. معاك موبائلات ؟ فأجاب بصوت هادىء قائلاً .. معايا إثنين.

فتابع غانم قائلاً .. الموبائلات ممنوعه والفلوس ممنوعه .. توجهت لغانم بالأمر " شوف ياغانم معاه إيه و احفظهم فى الأم أنات و أى ملابس غير اللون الأزرق وبعدين تطلع على الدور الثانى وأنا حاقهم ناصر يعمل إيه .

كان شهاب قليل الكلام يتسم بالاحترام فشعرت أنه ليس هناك داع للقلق من الحديث معه وكذلك لا داع للقلق على غانم فانصرفت متخذاً ناصر بذراعى وأوضحت له بعضاً من النصائح التى ذكرها "هانى" وما ذكره من تعليمات .. ثم تابعت المرور للإشراف على المساجين وصعدت إلى الدور الثانى وأنا أبلغ رئيس المباحث هاتفياً بما رزق به سجن الإستئناف اليوم الذى بدوره قاطعنى قائلاً " ترفض استلامه " فتابعت أرفض إيه ياباشا بأقول لمعاليك الجواب جاى من أعلى مستوى كان لازم أستلمه .. إرتفع صوته قائلاً " طيب بقولك إيه طالما إنت إالى استلمت تبقى مسئوليك .. أنا مرفوع على خمسة وأربعين قضية مش ناقص يعنى .. وفهم الناس عندك مافيش أى إحتكاك ولا مد إيد على حد فى وجوده .. وخذ بالك على نفسك يا أبو الأفكار عايزين نأكل عيش يا أبا و عاش الملك مات الملك .. انت بتقول سايبه فى التفتيش .. زمانه عمل حوار مع المخبرين كلهم .. تفتيش إيه اللى بتعمله وهو جاى من أعلى مستوى؟ سمعت لأول مرة صوت الفلق يهز الأحبال الصوتية لأكثر رجال المباحث قوة وشراسة وأشهرهم فى فنون القتال ..

شعرت بالخوف ينتاب مثلى الأعلى فحاولت تهدئته قائلاً .. أعلى مستوى ؟ ده جاى معه موبائلات وفلوس .. قاطعنى بصوت صاخب قائلاً .. يانهار إسود . أخذ الصمت من كل أنا زماناً زاغت فيه عينى ترصد حركة السجن حتى سمعت صوت زوجته تحدثه قائلة مالك يا "محمد" فى إيه ؟ وسمعت رده سريعاً يقول ده فكرى معايا على الخط بيقول جالنا مصيبه فى السجن .

فتابعت زوجته قائلة .. تفتيش؟

فتابع قائلاً .. ياريت .

فاستأذنت فى إنهاء المكالمة عندما وجدت نفسى فجأة داخل مكتبى ولا أذكر كيف قادتنى قدمائى إليه فاستدرت تجاه الباب وإذا بصدري يرتطم بصدر غانم فصرخت فى وجهه قائلاً .. أنت هنا ليه .. وفين الراجل؟ فأجاب غانم بهدوء قائلاً .. وإنت نازل يا فندم شاورت لى أنزل . لم يكن ما سمعته أذنى بالشئ اليسير .. فأنا لا أذكر أننى أشرت لغانم بشئ كما أن مصطلح "أفندم" ليس من أعرافنا .. فنظرت لغانم مدققاً بصرى وسألته قائلاً .. غانم .. هو إنت قلت يا فندم فى وسط كلامك ؟ فأجاب غانم قائلاً .. لا يافندم .. خالص.

جلست وأشرت لغانم بالجلوس وأمرته بإغلاق الباب ثم وجهت له سؤال مباشر " قول لى يا غانم .. إيه رأيك فى الراجل ده ؟ رد غانم وكأنه متلهفاً للحديث قائلاً .. بص ياباشا .. أنا راجل فلاح واللى فى قلبى على لسانى وتقول لى تعرف فلان أقولك أبوة تقول لى عاشرتة أقولك لا تقول لى يبقى ماتعرفوش .. لكن الراجل ده الحق يتقال ومن غير ما أعرفه أقولك إنه راجل محترم .. ومن الآخر كده "بيعرف" ومافيش حد ينفع يكذب عليه لأنه ببص جواك " سمعت ناقوس الخطر يدق

في أذنى إلى أن أنهى غانم آخر كلماته " أنا عن نفسى لو في ايدي اى حاجه أعملها .. حأعملها هو احنا هفضل ساكتين كلنا كده لحد ما نشيل الطين ؟

ظل ناقوس الخطر يدق متوافقاً مع هاتفى الذي إهتز بالرنين عندما ألقى غانم "بالطين" فوق رأسى ولمح بطرف عينه أن زوجتى هى المتصل فاستأذن بالانصراف ولاحقته بكلمات يائسة قائلاً .. بقولك إيه .. ملكش دعوة بالراجل ده ولا من قريب ولا من بعيد.

كنت قد ضغطت زر الإيجاب فلم أنتبه إلى رد غانم .. حاولت أن أكون ودوداً عندما سألتني زوجتي قائلة .. غريبة أوى .. ولا رنه من الصبح .. ولا حتى سألت إنتى فين ؟ فأجبت قائلاً .. كويس انك اتصلتى .. علشان شكلى كده حأتأخر شوية النهاردة .. وأغلقت مسرعاً وهرولت إلى الدور الثاني وأنا أهمس في صدرى قائلاً .. ناصر.. يارب ألحق ناصر.. كان ناصر يجلس على مكتبه فانتفض واقفاً حينما إقتربت منه فجلست وأشعلت سيجارتى وأخرجت السؤال مع زفير دخانها قائلاً .. أكيد جاي تعبان ونام طبعاً .. قولى يا ناصر .. الراجل ده ايه نظامه .. بخبرتك كده خطر علينا يعنى ؟ رد ناصر رداً حازماً بقوله .. نظامه زي ما نظامه ياباشا .. أنا ما عنديش غير واحد زائد واحد يساوي اثنين .

فتابعت قائلاً .. هو بيشتغل إيه بي أناصر؟ فأجاب ناصر قائلاً .. وأنا إيش عرفني يا باشا أنا مالى .. ياكش يكون رئيس جمهورية .. أنا ماليش غير التمام على الجثة . كانت سيجارتى على وشك الإنتهاء فأشرت له بيدي مؤكداً إعجابي .

#### الحلقة السابعة : \*Shehabiat\*

كانت كلمات المخبر "ناصر" مطمئنة .. لذا طلبت منه أن يذهب للإطمئنان على شهاب في زنزانته واستوقفت أحد المساجين الذين يمرون أمامي فكان "الحاج فاروق" مقاول من المشاهير وعنده جامعة خاصة وتاجر آثار لكن عمره ما اتكشف انما لما وقعت عمارة من عماراته اتحبس وهانت خارج بإنهاء مدته قريب .. ولطالما كان يحلم "الحاج فاروق" بتجاذب أطراف الحديث معى حتى استوقفته قائلاً "إيه يا فاروق مش حا نشرب قهوة وإلا إيه ؟ فأجاب فاروق قائلاً .. حالاً ياباشا .. جنابك تؤمر .. ثم إختفي عشرة دقائق صارعت خلالها الأوهام قلقاً على ناصر .. وعاد فاروق يحمل فنج أنأ من القهوة وأذنت له بالجلوس وتابعت " إيه الأخبار يا عم فاروق .. إيه رأيك في المعاملة دلوقت ؟ أشعل فاروق سيجارته وهو يجيب قائلاً .. ده احنا بقينا ولا طرة المزرعة ياباشا .. محامين ورجال أعمال .. وكملت بشهاب . انزلت القهوة من يدي و رفعت عيناى ناظراً إلى فاروق بتعجب فتابع قائلاً .. عيب يا باشا هو في حاجة تخفي على فاروق برضه فرمقته بعيني واستطرد قائلاً .. الإيراد ياباشا .. كل الناس بتتكلم عنه .. إلا صحيح يا باشا فعلاً وقفنوا التفتيش في الإستقبال ساعة ما وصل؟ تحول لفظ الإيراد في ذهنى إلى أرقام بسرعة فائقة واحصيت إيراد المساجين الذين وصلوا اليوم وعددهم يفوق الأربعين وتم توزيعهم على ثلاثة ادوار وبكل دور ما يزيد عن الألف سجين .. الكل سيتناقل ما حدث فيما بينهم .. ارتشفت من القهوة وأنا أبحث عن إجابة رداً على سؤال فاروق حينما تذكرت أننى فقدت ناصر وقتاً طويلاً فهمت بالوقوف متجهاً إلى الزنزانة وإذا بناصر يظهر أمامي مبتسماً واضعاً يده تحت ذراع شهاب ويسير في مودة بالغة وكان بينهما صداقة طويلة .. واتجه ناصر نحوي ليضعني في مواجهة لا مفر منها .. تمتمت في نفسى قائلاً .. ربنا ياخذك يا ناصر.. أشرت بيدي بانصراف فاروق وبادرت ناصر قائلاً .. في حاجة يا ناصر؟ وقف شهاب بجوار ناصر متبسماً بعدما نزع يد ناصر من ذراعه وأجاب ناصر قائلاً .. جبته هو بنفسه علشان تتظمن عليه بنفسك ياباشا جنابك تؤمر" كان ناصر متهلل الوجه فرحاً على غير عادته عندما أضاف " ده طلع حد جميل اوى يا باشا ولا خطر ولا حاجة " ظل الحرج يأكل

أجزاء من وجهي فحاولت أن استوقف ناصر الذي قررت أن استبدله بمخبر آخر فأشرت لشهاب بالجلوس واشعلت سيجارة اخرى ثم وجهت كلماتي إلى ناصر قائلاً .. إبعثني الأمين حسنى يا ناصر وأنزل انتظر في مكنتى .

ذهب ناصر بينما أخذت أرتب أفكارى قبل البدء في الحديث فلم أجد منها شيئاً .. فقررت تفادى الحديث وبدأت اتصيد المساجين أثناء مرورهم أمامى مغلظاً صوتى مع توجيه بعض الضربات لمن تبلغه يدي أو قدمي ثم جلست موجهاً حديثى نحو شهاب قائلاً .. طبعاً نظامنا هنا مش عاجبك خالص ياباشا .

لم يرد ولم يوجه النظر تجاهي فتابعت قائلاً .. القوة هى الأساس في السيطرة .. طول ما السجين حاسس إنك أقوى منه يفضل خايف منك .. عارف لو وصلهم إحساس إنك ضعيف ممكن يخربوا الدنيا .. دول ممكن يخطفوا المخبرين .. إحنا بنتعامل مع ناس الإجرام في دمهم ماينفعش معاهم غير العنف .. ده طبعاً غير المخبرين زى ما انت شاييف كده طيبين .. زى ناصر كده أقول له يخلى باله من حد إذا إحتاج حاجة كأني باقوله خد بالك منه ده خطر مثلاً .. منتهى الطيبه .. قاطعني وصول الأمين حسنى وهو متسع العينين مستعداً لتنفيذ أى أوامر فحمدت الله أن حافظت على الاسترسال في الحديث دون فرصة للرد من جانب شهاب وأنهيت حديثي بالوقوف وأصدرت أوامري إلى حسنى قائلاً ..

وَصَلَّ شهاب بك للزنزاة الأبدية .

كنت أترقب خطواتى مبتعداً أفكر في تصرف ناصر الأحمق حين إستدعى شهاب لمقابلتى دون أمر منى وبغير داع وبالرغم من نجاحى في التهرب من فتح باب المناقشة معه دون أن يشعر بذلك إلا أن عيناى ظلت متعلقة بعودة الأمين حسنى الذي لم يخيب رجائى وعاد مسرعاً .. لفت إنتباهى شيئاً بيده فسألته ومددت يدي لتناول ما معه فوجدتها ورقه صغيرة .. أخذت أقرأ في خفاء بعض من كلماتها .. فوجدتها تقول .. يواجه الإنسان سلاح الشيطان الذي يتسرب به إلى النفس ألا وهو اليأس .

وسألت حسنى قائلاً .. جبت الورقة دى منين ؟ فأجاب قائلاً .. شهاب قال لى خدها .

فتابعت قائلاً .. بلاش تاخذ منه حاجه تانى.

خفض حسنى رأسه إلى الأرض وأجاب بالموافقة فتابعت قائلاً .. بلغ ناصر انه بكره يوم راحة ثم تأهبت للمغادرة متوجهاً إلى منزلى ودق هاتفى مكالمة من محمد بك رئيسي وتوقعت أن يسأل مباشرة عن أخبار الضيف الجديد لكنه بادرني قائلاً .. ده طلع قصة كبيرة وله صفحة على النت والناس بتتكلم عليه انه صحفي شاطر بيكشف العصابات .. شكلك كده جبت لنا مصيبة يا فكرى ده كده لازم يتأمن كويس لان ممكن حد من الأخصام يتعرض له .

قاطعت بشيء من اللطف قائلاًً صفحة إيه طيب ما تبعتلنى كده أقرأ وآخذ فكرة .. فقاطعني قائلاًً .. بس ما تكتبش أى تعليق عليها .. مش عاوزين نروح في داهية .. هبعثلك إسم الصفحة رسالة

..

سلام .. وما أن أنهى الإتصال حتى تسلمت رسالة برابط إلكتروني .. حاولت إيقاف ذهني عن التفكير وتوقفت لشراء باقة من الورد وتعطرت قبل وصولي إلى المنزل الذي كان كما توقعت .. في الصالون تجلس حماتى ولكنها كانت باسمة الوجه على غير العادة ممسكة بيديها مجموعة من الأوراق .. تبسمت لها وتوجهت إلى غرفة المكتب فسمعت بها صوت إهتزاز الطابعة وعملية نسخ متواصل وزوجتى على الهاتف تحدث إحدى صديقاتها قائلة .. لا مش ده انزلى تحت شوية .. أيوه هو ده .. أيوه هي الصفحة اللى فيها خمسة آلاف ومائة وأربعين متابع دي .. استوقفها والدها الذي يمسك بهاتفه المحمول قائلاًً .. خمسة آلاف مائة واحد واربعين لو سمحتى أنا عملت له متابعه .. علمت حينها أنه لا داعي لتقديم الأعذار عن التأخير كما أنه لا داعي لما أحمله من

ورود كذلك علمت أنه لن يكون هناك غذاء اليوم .. ثم إقتربت زوجتي مهرولة وألقت بنفسها في احضاني ثم طبعت قبلة كنت قد نسيت مذاقها على شفتي ثم إلتفت إلى والدها قائلة .. هات صورته يا بابا .. بص كده يا حبيبي .. هو شهاب ده جه عندك النهارده فعلا ولا أى كلام ؟ فأجبتها دون النظر .. أيوة هو فعلا جه النهارده بس انتي عرفتي منين ؟

أدار والدها مقعده موجهاً حديثاً لى متسائلاً .. انت اتكلمت معاه يا فكرى ؟ حاولت استندراك موقفي بمغامرة غير مدروسة موجهاً كلماتي إلى زوجتي قائلاً .. ايوه طبعا ده أنا حتى معايا ورقة بخط ايده .

لم أستكمل كلماتي حتى انهالت على الأسئلة .. ورقة ايه .. ورينا .. إستنى يا دينا خليكي معايا على الخط .. فكرى بيقول .. معاه ورقة منه .. إقرأ يافكري بصوت عالي .. وما أن أخرجت الورقتين من جيبي حتى انقض والدها ممسكاً بهما ثم انتشلت زوجتي إحداها منه وجلست أنا بعيداً أتعجب مما يحدث وأترقب .. فصاحت زوجتي قائلة .. تصدقوا طلعت فعلا الصفحة بتاعته هي اللي احنا وصلنا لها ثم تابعت قائلة .. بابا انت معاك ايه ؟

نهض والدها واقفاً وقلد صوت جمال عبد الناصر مستخدماً لكنته الشهيرة قائلاً .. يواجه الإنسان الآن شياطين من طين تطلق سهام اليأس إلى النفس .. فيصيب الصادق ليكذب ويقضي على الحب فيكره .. ويتلف السماحة فينتقم ويفسد العدل فيظلم ويسخر من العلم فيجهل ويضيع الحق فيضيع معه المجتمع .. فلا أحذرکم من عدو أكثر من اليأس .

تعاليت أصوات التصفيق في المنزل كما تعالت أصوات التصفيق في الزنزانة و الذي أفاق فكري بك عن تقمصه لدور والد زوجته .. مع وكزات في صدرى ت دفعني إلى التصفيق فتوقفت عن الكتابة بعد أن دونت كل ما رواه فكرى بك بالنص في وريقات صغيرة .

### الحلقة الثامنة : \*Shehabiat\*

كانت أنفاسي تتسارع مع صوت نقرات عصا على قضبان زنزانتني وما لبثت أن وضعت جانبي لبضعة دقائق بعد أن دونت بعضاً مما أتذكر من اللوحة حتى أيقظني ثلاثي آخر يقف كالظلال أحدهم رياضي جداً والآخر طويل جداً وما بينهما ظل جمال المحامى .. لم أعد أميز بين اللحم والحقيقة فقررت ألا أتفاعل مع الأحداث وأن أتركها تسير بي كيفما تشاء فأخذت أنظر إليهم في بلاهة حتى نطق الرياضي بصوت أجش قائلاً .. أهو صحي أهو إفتح يا عم ناصر .. إدخل يا منصور .

فتح ناصر لهم ودخلوا ثم أغلق الزنزانة وانصرف .. جلس الرياضي على يسارى وتوجه الطويل مباشرة إلى قصاصات أنقاض اللوحة المحترقة ومد يده ممسكاً بها لأعلى كأنه يكشف على أوراق نقدية مزورة .. وضع الرياضي يده على عنقي قائلاً .. اسمع يابنى علشان لا تتعبنا ولا نتعبك .. أنا عمك دهب .. وإحمد ربنا إنه بعثني ليك في الوقت المناسب .. تسمع عن عيلة دهب ؟ كنت على وشك أن أجيب بأننى سمعت عن عم دهب في مجلة ميكي إلا أن ملامح الجدية والشراسة على وجهه أوقفت لسانى وطققت رقبتى نفيماً .. فأضاف قائلاً .. إحنا أكبر عائلات الجيزة .. يعنى من الآخر كده كبارات الجيزة كلها .. المتر جمال بلغني إنك بتتدلع .. ايه الحكاية .. مش عاوز تكتب القصة مثلاً وإلا ايه ؟ .. كانت يد عم دهب تتناقل أكثر متزامنة مع سؤاله ..

نظرت إلى المدعو منصور وأنا أهمس بصوت ضعيف قائلاً .. أنا تعبت ومش قادر أكمل .. إذا كان الأستاذ منصور يتفضل مشكوراً يكتب يبقى كتر ألف خيره .. أجاب دهب وهو يميل رقبتة بطريقة متموجة قائلاً .. لا يا حبيبي .. إنت إالى .. هتكتبها .

فتابع طيب يساعدي في الكتابة علشان فعلاً مش قادر .  
تابع ذهب قائلاً .. لا يا سيدي .. ده الأستاذ منصور .. عضو حركات معرفش اسمها ايه بس  
هي حاجات كتير كده .. يعني لو كتب يتحبس .  
قاطعت ذهب بجرأة زائدة قائلاً .. يعني اتحبس أنا ؟  
ضغط ذهب على رقبتى أكثر وهو يميل برقبته مرة أخرى تجاه وجهى قائلاً .. يا بنى إنت  
صحفي .. تكتب تنشر ولا حد هيدور وراك .  
التفت المدعو منصور رامقاً ذهب بعين الحكمة ثم وجه حديثه تجاهي قائلاً .. يا سيدي الفاضل  
.. كل إنسان له رسالة منها رسالة خير ومنها رسالة شر .. وإنت والحمد لله بدأت رسالتك ..  
وبأمر ربنا تكملها وتوصل للبلد كلها .. عاوزين نعرف عيوبنا ونعالجها يا استاذ عادل .. من  
فضلك كمل القصة علشانك علشانك علشانك علشانك علشانك علشانك علشانك علشانك علشانك  
شعرت ببعض الإرتياح حتى قاطع عم ذهب قائلاً .. يا بنى أنا صابر عليك بالعافية شهاب  
مخفي من شهر وانت مين عارف هتخلص مدتك إمتى وتلحق تكتب إمتى إرح مني أنا مش  
عاوز اتعصب عليك .

قاطعت عم ذهب قائلاً " تعبت .. مش فاكرك اللى قريرته أعمل ايه يعني ؟  
تابع ذهب قائلاً .. بسيطة .. روح يامنصور قول للشيخ كلم عم ذهب عاوزك .  
إنفض منصور وذهب مسرعاً وإقترب عم ذهب من اذني قائلاً .. الإفتراء وحش يا بنى ..  
وبياتك في وسط عيالك يسوى الدنيا .. لما تخالف أوامر البهوات وما تعملش اللي هما عاوزينه  
يبقى مصيرك هتترمي في السجن بجد .. وإلا إنت مش معايا ؟ قاطعت عم ذهب بهمسة مكسورة  
دون أن أعي سبب ما قاله قائلاً .. معاك فتابع قائلاً .. حلو أوى .. عندك أنا مثلاً كنت مقضيها  
.. و فلوس ملهاش أول من آخر صحيح بالحق وعمرى ما ظلمت حد بس قلت كفاية بقى وأتوب  
وارجع لربنا .. الكبار قلبوا عليا الدنيا ولقيت نفسى متشال هيلا بيلا ومتلحق لى قضية وحكم  
وحبس .. صحيح برضه محبوس بقيمتى وصيتى وسمعتى بس محبوس .. توقف ذهب عن  
الفضفضة عند وصول منصور ومعه رجل له لحية خفيفة باسم الوجه يمسك بيده شيئاً أشبه  
بسبحة طويلة جداً .. نظرت إلى ذهب متسائلاً .. هو في إيه ؟  
فأجاب ذهب بطريقة ريا وسكينة قائلاً .. ماتخافش ده الشيخ تامر .. ألقى الشيخ تامر السلام  
وتابع معلقاً على ذهب قائلاً .. مش قلنا بلاش شيخ دى .. تبادل ذهب وتامر المصافحة كفاً بكف  
وتبادلا الأماكن فجلس الشيخ تامر أمامى مباشرة وأخذ منصور مكانه مرة أخرى يتفحص ما  
كتبت من الأوراق .. لم يكن أمامى إلا وجه الشيخ تامر فوجدته صغير السن صحيح الأسنان  
حسن الصورة .. أغمض عينيه وهو يهم أن يضع يده فوق رأسي وتلى .. إنه من سليمان وإنه  
بسم الله الرحمن الرحيم ألا تعلوا على وأتوني مسلمين .. بدأ وجه الشيخ يخفي من أمام عيناى  
وتظهر في مخيلتى سيارة بيضاء تعبر من بوابة حديدية ضخمة وتتحرك الصورة كأنها تجرى  
بالعرض السريع .. وقفت السيارة ونزل منها ثلاثة أشخاص .. وقفوا بجوار السيارة ثم تحركوا  
إلى داخل مبنى شاهق الارتفاع و استدارت السيارة للمغادرة نحو البوابة .. وسمعت همس الشيخ  
تامر في اذني يقول .. أدخل .. سيبك من العربية وادخل مع شهاب . إزداد العرض سرعة  
فدخلت حيث يجلس شهاب وسمعت صوت الشيخ تامر مرة أخرى يهمس قائلاً .. حاول تسمع  
بيقولوا ايه .. كان صوت الشيخ تامر هذه المرة متوتراً ومرتفعاً عن المرة السابقة فنظرت إلى  
وجهه ومن خلفه جمال المحامى يصرخ قائلاً .. غلب ايه ده بس ياربى يا بنى إحنا لحقنا سمعنا  
كلمتين .. إنت كل شوية حا تفوق وتقطع الجلسة .. " حاول الشيخ تامر إستكمال محاولته بقراءة  
الآيات مرة أخرى إلا أن عقلى كان قد أفاق على واقع وجودى داخل جدران الزنزانة الأبدية .

كنت استند برأسي إلى الجدار وعينا يبارزتين من وجهي تنظران إلى جمال المحامي عندما إرتفع صوت الشيخ تامر قائلاً إذا كنت سامع نفذ الأمر .. كنت أسمعهُ ولكنني لم أسمع ما هو الأمر فأعاد مرة أخرى قائلاً .. إرجع مكان ما كنت.

وجدت رأسي تتأقل وتسقط على صدر الشيخ تامر وخيالي يسبح حتى وجدت شهاب يمر من أمامي دون أن يراني .. فاستبقت بما لي من القدرة على التحرك سريعاً فقطعت الممر الذي يتحركون فيه .. غرفة مجهزة بالكاميرات في كل الإتجاهات وعدد من الميكروفونات لا يحصى مكتب من الخشب يجلس عليه شخص بدين وبجواره آخرا وكثيراً من الأوراق وحفنة أقلام و جهاز تسجيل صغير .. كانت هيئتهم تدل على أنهم يستعدون لحدث ما وكان أحدهم قد بدأ يسيطر بالفعل عندما دخل شهاب وجلس على مقعد مواجه للمكتب مباشرة .. نهض البدين وأخذ يدور حول شهاب عدة مرات والآخرين يتبادلون القيام والجلوس والحركة في دوائر حوله حتى دخل شخص أصلع الرأس فسارع الجميع بالوقوف فأشار لهم بالصمت ثم مر أمام شهاب عاقداً ذراعياً أمام صدره .. إرتفع صوت الشيخ تامر مرة أخرى يكرر "إسمع بيقلوا إيه " كنت أتوق شوقاً لسماع ما يقول .. إقتربت أكثر فأصبحت أقف أمام شهاب فنظرت إلى داخل عينيه فوجدتها تبرق ويحرك شفتيه قائلاً .. يعني إيه المهمة اتلغت لكن الحبس لسه مستمر ؟

ثم نهض واقفاً فأشار الأصلع إلى رجاله باصطحابه إلى الخارج وأخذ حفنة من الأوراق ثم وقع عليها وألقاها مكانها ثم استدار نحو المدخل وانصرف .. صاح الشيخ تامر "أسرع " فأسرعت بنظرة خاطفة على الأوراق مكتوب فيها إنهاء مهمة خاصة بمتابعة تجار الآثار داخل السجن ثم عدت مسرعاً لمتابعة شهاب فوجدتهم في سرداب تحت الأرض فتحوا إحدى حجراته حالكة الظلام ثم أدخلوا شهاب بها ثم انصرفوا .. إرتفع صوت الشيخ تامر قائلاً "أسرع " كان الظلام كثيفاً لا يخترقه بصر وسكنت الحركة والأحداث فسمعت صوت الشيخ تامر يعلو "أسرع" وتفهمت أن الشيخ تامر يستخدمني لمعرفة ما حدث لشهاب بالماضي

### الحلقة التاسعة : \*Shehabiat\*

كانت الساعات تمر كالدهر بينما ظل الشيخ تامر يكرر "أسرع" كان الظلام أمام عينا لا ينتهي و يمتد بمقدار شهوراً طويلة وكلما اعتادت عينا على الظلام لا أرى إلا بعضاً من الحركات القليلة حينما ينهض شهاب لأداء صلاة أو أداء بعض الحركات الرياضية ثم يعود للجلوس والتسبيح ولذا لم أجد ما أنقله إلى الشيخ تامر ومجموعة المستمعين المتشوقين لمعرفة ما حدث لشهاب فعدت لقراءة ملف شهاب بما يحتويه من تقارير مختلفة .. همس لي الشيخ تامر "أبوة هنا شوف إيه اللي مكتوب عنه بسرعة" صدرت له الأوامر بجمع المعلومات التي تفيد في القبض على رؤوس عصابات تجارة الآثار نظراً لما يتميز به في مجالات الرياضة والحاسب الآلي وعلم النفس والسلوكية وجمع المعلومات وقد حصل على عديد من الأوسمة والنياشين والميداليات على المستوى العربي والدولى بالإضافة لإجادته بعضاً من اللغات الأجنبية ويحظى بعلاقات واسعة في جميع المجالات وسبق له تنفيذ العديد من المهام .

كان الشخص الأصلع البدين مازال جالساً ويجلس بجواره شخص آخر يملئ عليه و كان هذا البدين يقهقه قائلاً .. مفهوم ياباشا يعني المهمة تنتهي لكن الحبس يستمر واللى يسألنا نقول مانعرفش عنه حاجه .. طبعاً ياباشا اللي تشوفوه يمشى المهم أسيادنا يكونوا راضيين علينا . كنت أشعر بالدوار وعندما فتحت عينا وجدت وجه الشيخ تامر الذي بدا عليه الضيق وهو يرفع صوته قائلاً .. إنت شغال بمزاجك مين قالك ارجع .

ثم تبعه صوت جمال المحامي ساخراً جازب مش عاجبه الزنزانة هناك قال يريح في الزنزانة هنا شوية عاد صوت الشيخ تامر مرة أخرى لقراءة الآيات ورأسي تقع على صدره مستسلماً للدوار إلى

أن سمعت صوتا ينادى قائلاً هتخرج وإلا أقفل عليك .  
تكرر هذا الصوت ثم تبعه نغزات في كتفي أفقت على هزاتها فوقعت عيناى على رجل بالزى  
الرسمى لحراس السجن ظللت أنظر إليه نظرة باهته دفعته إلى أن يستكمل بقوله .. ماهو من كثر  
البلاوي اللى بتشربها لازم يجيلك هلاوس وكوابيس ..هتقوم تخرج الفسحة وإلا أقفل عليك ؟  
تماسكت قليلا وأشرت له بأننى سأخرج بينما بحثت عيناى عن الآية القرآنية فلم أجدها فأرجعت  
ذلك إلى أن منصور قد يكون قد أخذها ليستكمل الكتابة بدلاً منى عندما فشل الشيخ تامر في  
الإستكمال وربما غلبني النوم من شدة الإرهاق .. كنت ألثفت يمينا ويساراً كأنما أبحث عن شيء  
لا أعرفه وكان السجن ينفخ أنفاسه غيظاً وصبره ينفذ من الانتظار.. فنهضت بحركات متناقلة وأنا  
أسأله " هو اسم الكريم ايه" فأجاب "إسمى عطيه زى امبارح " بدت علامات التعجب على وجهي  
فاستكمل عطيه " مش سألتنى إمبارح لما كنت بتدور على ورقة وقلم وإلا إنت شغال بنظام ذاكرة  
اليوم الواحد وإلا ايه .. ماتخرج ياعم الله يهديك خلينا نخلص من اليوم ده " انصرف عطيه بمجرد  
خروجى وتركني في حيرة لا أعرف إلى أين أذهب وبينما يتجول المساجين من حولى ذهاباً وإياباً  
يلقى بعضهم على بعض تحيات الصباح لم يلتفت إلى أحدا منهم وكأنهم لا يروني .. فسرح عقلى  
بأنه ربما أكون مجرد شبح بينهم ولعل عطية أيضاً كان شبحاً أو أنى مازلت تحت سيطرة الشيخ  
تامر الذي يحركني دون أن يرانى أحد ولكنه أتى بى إلى سجن الاستئناف بدلا من معتقل شهاب ..  
في جميع الأحوال أنا حر الحركة ويمكنني الذهاب إلى حيث شئت .. تحركت بين المساجين ولا  
أحد منهم يهتم .. فتأكدت أنني غير موجود ..

أسرعت خطواتى وارتفع صوتى وأنا أسأل نفسي قائلاً .. هو باب السجن فين ؟  
وإذا بأحد المساجين يمسك بذراعى قائلاً " باب سجن ايه إنت اتجننت .. انت ضارب ايه ؟  
ازدادت قبضة يده على ذراعى عندما إقترب شخصاً آخر هامساً إليه بهدوء " ايه يا لبيب في ايه"  
إستمر لبيب في التوبيخ قائلاً "مش مكفيه اللى إحنا فيه قال رايح يدور على باب السجن " تبادل  
الشخص الآخر وضع الإمساك بيدي وهو يهمس في اذنى " و المسيح الحى لو ما إتلميت لأكون  
مبلغ أبونا إن إنت ورومانى ماشيين في سكة المخدرات .

إقترب لبيب من اذنى متسائلاً "هو رومانى فين " نظرت نحو لبيب قائلاً " رومانى مين ؟  
خبط لبيب بكفيه وهو يقترب من الشخص الآخر قائلاً " شايف يا سامى .. ده مش مع أنا في  
الدنيا .. ده في عالم تانى " همس سامى في أذن لبيب "رومانى" رجع من الترحيلة إمبارح وطبعاً  
تلاقيهم ضربوا هباب من اللى بيشربوه أكيد .. نظرت إلى وجه سامى مستعظفاً وقلت " والنبي  
سيبوني في حالى أنا اللى فيا مكفينى " إنتفض سامى قائلاً " والنبي؟" فهمست قائلاً .. عليه  
الصلاة والسلام " فابتسم سامى ساخراً وأضاف " طب زيد النبي صلاة " فهمست قائلاً .. عليه  
أفضل الصلاة والسلام " فتحول وجه سامى إلى الغضب ونظر إلى عيناى قائلاً " عارف .. إن  
شاء الله حتى لو أسلمت .. حا تكمل القصة يعنى حا تكمل القصة .. أسرعت خطوات سامى  
ولبيب وهما يمساك بذراعى حتى صرت أمام شخص قصير سمين إبتسم لى قائلاً .. تلاقي الواد  
رومانى حطلك التامول في الشاى يا مغفل .

استدرت حولى لأرى أصحاب الضحكات التي جلجلت حولنا فإذا به يستكمل قائلاً .. بس انت  
خرفت تخريف .. تعالى بقى اقعد كمل لنا الحكاية .. ده إذا كنت لسه فاكرها .  
إنطلقت الضحكات من حولنا عالية وأشار لى بالجلوس على الحصير أمام زنزانتهم بينما صاح  
لبيب قائلاً .. اعمل له شاى ياعونى بس من غير برشام يمكن يفوق .  
كان عقلى شارداً فهزني سامى بكفته قائلاً .. هووو .. رحت فين يا عم عادل ؟ عندها أقبل عونى  
وبيده كوب من الشاى قائلاً .. هو لسه ما خلصش القصة ؟

أشار لهم سامى بالصمت ثم مال نحوى برأسه قائلاً .. إنت كتبت لحد فين .  
فملت ناحيته أكثر قائلاً .. مش عارف .

إرتفعت ضحكاتهم مرة أخرى بينما استكمل سامى قائلاً .. لا طلعت محافظ على السرية تمام .  
ثم تابع قائلاً .. "طيب كتبت ان مهمة شهاب اتكشفت وانهم لغوها ورحلوه من هنا ؟  
فأجبت قائلاً .. الحقيقة مش عارف إن كنت كتبتة وإلا لسه لكن الأكيد إنه بينكتب دلوقتي وإنت  
بتقوله .

تعالت الضحكات أكثر فأكثر بينما بدا على سامى الجدية وهو يسألنى " طيب فين اللي انت كتبتة "  
فملت عليه محاصراً فمى بيدي حول أذنه قائلاً " في " الزنزانة الأبدية "

### الحلقة العاشرة : \*Shehabiat\*

كانت الضحكات صاخبة ترج سجن الاستئناف وتزايد بينما لم أجد سامى ينظر تجاهي فأفقت على  
أن الضحكات لم تكن ناتجة عن جملي الأخيرة وإنما كانت لسبب آخر اتضح عندما وجه سامى  
حديثاً إلى قائلاً .. اهو جالك رومانى حبيبك يا سيدى .

ثم استطرد موجهاً سؤاله الساخر إلى رومانى قائلاً .. ايه اللي رجعتك من طره يا رومانى رفضوا  
يستلموك ؟

"قام رومانى بحركات سريعة خلع فيها ما يرتديه بقدميه وطوقهما حول بعضهما وجلس عليهما  
وهو يمد يده إلى كوب الشاي الخاص بى وأجاب قائلاً .. يا عم سامى كويس إنهم رفضوا كان  
زمانى مفحوت ده بيقولك هناك مطحنة .

اعتدل سامى في جلسته وهو يلتفت نحو "رومانى " وهمس بصوت خافت قائلاً .. قولى لى  
بصحيح شهاب كان معاك في الترحيلة من دمنهور؟

أزاح رومانى كوب الشاي من فمه وكأنما تذكر شيئاً قائلاً " يابويا .. أنا ماكنتش أعرفه .. إحنا  
كنا خارجين من سجن دمنهور نركب عربية الترحيلات كل إثنين في كلابش واحد و بصينا لقينا  
عربيات مدرعة وحرس وسلاح وهيصة كله اترعب ولسه بأركب قالوا لى أنا واللى معايا لا إنتوا  
مش هنا .. اطلعوا العربية اللي ورا خالص دى .. و أنا بأنزل تانى البطانية وقعت من إيدى  
وملفوف فيها حاجاتى ولسه بأحاول أجيبها لقيت اللي معايا في الكلابشات بيقولى سييها هما  
حيجيبوها وفعلاً لقيت إثنين مخبرين بيلموا الحاجة قلت فرصه و رحى رامى الشنطة من كتفى ..  
تعالت ضحكات سامى ومجموعة الجلوس بينما نحن نستمتع إلى رومانى الذي استكمل قائلاً ..  
ملت بكتفى على أحد المخبرين وسألته بهدوء " هو في إيه يا باشا " قال لى "حراسة مشددة  
لسجن طرة شديد الحراسة " قلبى وقع رحت مايل عليه وقايل له .. أنا رايح طره تحقيق  
ياصاحبى مالي أنا ومال شديد الحراسة ؟

راح رازعنى حته دين بصبه وقال .. لهو إنت فاهم إن كل الحرس ده والمدركات دى علشانك  
إنت يا تعبان في نافوخك ؟ ده علشان ترحيلة شهاب يافالح .. ملحققتش اكمل كلامى لقيتني بقيت  
جوه المدرعة .. أنا وزميلي وبس .. بصيت في وشه لأول مره وأنا بأقول " عارف كل الهيصة  
دى ليه " حسيت إنه ماسمعنيش فكملت كلامى " سمعت إن في واحد مع أنا تقريباً مخطرينه  
وعامل لهم قلق يعنى إحتمال يحصل علينا ضرب نار في السكة " حسيت برضه إنه ماسمعنيش  
فقلت له " بس سيبيك إنت أحلى حاجه إنهم حطوني أنا وإنت لوحدا في العربية الأخيرة وأكد لو  
في ضرب حايبدا بالعربية اللي فيها الراجل الخطر ده قدام يعنى إحنا بعيد " همس زميلي بصوت  
خفيف " ماتعرفش إسمه إيه " قلت " إسمه شهاب " إبتسم وقال لى "طيب ياسيدي أنا شهاب "  
هو قال كده وأنا هاتك ياضحك وأبص على الكلابشات اللي في إيدى وإيده وأضحك وهو يقول

"حاييدأوا بالعربية اللي فيها الراجل الخطر مش كده " وأنا أضحك وأبص على الكلابشات لحد ما عيني دمعت من الضحك وبأضرب بعيني لقيت حد طالع المدرعه طلع مسجون سمين أوى ومتكلش في كرسى بلاستيك وطالع مبتسم ويقول " أيوه كده العربية دي فاضية " أنا سمعته بيقول كده وماقدرتش أمسك نفسى من الضحك وشهاب يهمس لى أمسك نفسك وأنا أبدأ رحلت قايل للراجل والكلام خارج مني بالعافية وعيني مليانه ضحك على دموع " أصل دي العربية اللي حايضربوها بالنار ياعم الحاج " لقيت الراجل أتفرع وقال لى " يا راجل حرام عليك .

وبعدين العربيات اتحركت وسرايين الدنيا شغاله وفين وفين وصلنا ترحيله دمنهور .. نزلنا من المدرعة ودخل كل المساجين على زنرانتين وأنا وشهاب زنزانة كبيرة أوى وفاضية ولسه بأقوله " يبقى حايضربونا بالنار هنا " لقيت الباب بيتفتح وداخل الراجل السمين ده تانى وبيبص لى رحنا واقعين ضحك أنا وشهاب وراح الراجل هو كمان ضاحك على ضحكنا وقايل " حتى لو ضربونا بالنار .. أنا قلت لهم عاوز أروح مع شهاب .. وبدأ الراجل يحكي وقال .. أنا عملت كثير .. زورت ورق للعربيات اللي داخله من بره وطلعت رخص سواقة بالفلوس من غير إختبارات .. صحيح لما كنت في المرور كنت مدورها بس التهمة دي بالذات أنا برىء منها وتصدق إنها جت لى بعد ما توبت .. أكيد ده تكفير ذنوب بقى قبل الواحد ما يقابل رب كريم .. ولسه الراجل مكمش كلامه ولقيت المخبرين بينادوا قطر القاهرة وصل اللي مترحل استئناف يخرج من الزنازين على محطة القطر والمساجين اللي مش مترحلين بينادوا على شهاب بصوت عالي " ربنا معاك .. ربنا يقويك وينصرك " قعدنا في المحطة شوية ولقيت شهاب بيقولى " عارف المسلمين بيصلوا إزاي ؟

فقلت له أه بيفضلوا يقوموا ويقعدوا كده قام مبتسم وقال لى " لو جتلك فرصه إن ذراعك يدخل الجنة تسييه ؟ بصيت باستغراب قام قايل لى .. أنا هقوم أصلى وإنك معايا لما أقوم تقوم ولما أقعد تقعد " .. ضحكت وقلت له هو يعنى إنت تروح الجنة وتهدي حيلى أنا ما تصلى وإنك قاعد زى الناس ما بتصلى وهي قاعدة إلا بقى إذا كانوا هياخدوا لنا لقطه تنزل في المجلات تحت شعار الوحدة الوطنية .. إبتسم شهاب وصلّى وهو قاعد وركبنا القطر وقعدنا في عربية المساجين على الأرض وخبطنا عيش وحلاوة ونمت لحد محطة رمسيس صحيت على عربية مدرعة داخله جوه المحطة بظهرها أخذتنا أنا وشهاب على سجن الإستئناف الساعة إثنين بالليل .. ولقيت الحوش بدأ الإستقبال والضرب شغال و المخبر اللي إسمه ناصر جه جرى فك الكلابشات وسابنى في الحوش مع الحوش و أخذ شهاب على الزنزانة الأبدية

كنت أستمتع إلى رومانى وهو يسرد رحلته مع شهاب وعقلي يسترجع ثغرة بين الأحداث لا أذكرها فكيف أصحو من غفلة لا أجد بعدها الشيخ تامر وجمال المحامى وكيف أترك شهاب في معتقلة المظلم و أفيق فأجد رومانى يحكى عن ترحيل شهاب من سجن دمنهور إلى سجن الاستئناف ثم إلى سجن طرة شديد الحراسة .. لمح سامى عقلى شارداً بينما لم يتوقف رومانى عن الكلام وشرب الشاي فنكزنى سامى بيده قائلاً .. ركز مع أنا يا عم عادل بدل ما تفوتك حته متكتبهاش وتخلى القراء يتوهوا" .. إقتربت من سامى هامساً " هو جمال المحامى فين " تعجب سامى من سؤالي لكنه أجاب " عنده جلسه وزمانه راجع "فتابعت " والشيخ تامر فين " أجاب سامى بهدوء أكبر " خرج امبارح عقبال املكك.

قررت أن أصارح سامى بما يدور في عقلى فأشرت إليه أن يقترب من فمى وهمست " أنا مش فاهم أى حاجة وحاسس ان في فرن بلدى فاتح في نافوخي والناس واقفة تشتري من غير طابور. أشار سامى لرومانى أن يتوقف عن الكلام وانتهزت الفرصة فاسترقت كوب الشاي من أمام رومانى وتناولت آخر رشفة به ثم أرحت ظهري إلى الحائط وتنهدت كأنما أفرغ حملاً ثقيلاً عن

صدرى .. وأشار سامى لكل الجلوس بالإقتراب أكثر حوله ثم بدأ حديثه " يظهر إن عادل تعب من متابعة القصة لوحده علشان كده إحنا لازم كلنا نساعد ونسهل عليه مهمته علشان القصة دي مش قصة شهاب لوحده دي قصتنا كلنا قصة كل مع أناة بيثوفها المخلصين في بلدنا وكل ظلم وقهر بيتعرض له كل شريف و كل فساد عايش فينا وبيقضى علينا ومن حسن الحظ إن شهاب كتب عن كل ده وضرب المثل بكل شخصية قابلها وكتبها علشان يوصف بها حالة من حالات المجتمع علشان كلنا نعرف ضعفنا فين و قوتنا فين علشان يوم ما يبجي الحق يظهر يلاقى ناس تنصره مش يلاقينا كلنا أخذنا الباطل في سكتة.

كان سامي يتابع وكأنه يلقي نصيحة في الكنيسة بينما يهز الجالسون رؤوسهم فهماً وتأييداً إلى أن إستوقفت سامى بسؤال ظل يلح على عقلى حتى خرج من فمي " إنتوا تعرفوا شهاب ده منين أصلاً " صمت الجميع وتحركت أنظارهم نحو رجل يجلس في ركن بعيد داخل الزنزانة المواجه لنا ثم قرر سامى أن ينقل المجلس إلى الداخل فأشار للجميع بالدخول وأمسك بيدي بينما إستعد رومانى للانصراف وهو يوجه كلماته نحوى " الإستقبال في سجن دمنهور "ملط" يا زميلى ولا تقولى عورة ولا إنسانية والخرز أنات في عز البرد ما اقولكش لكن عموماً إبقى خد بطاطين كثير معاك علشان الزنازين هناك تلج يا زميلى تلج " أومأت برأسى لرومانى وأنا أتحرك إلى داخل الزنزانة والجميع يضعون القبلات على يد الرجل الجالس ويجلسون بشكل نصف دائري حوله .. ضغط سامى على يدي كى أجلس ثم تقدم نحو الرجل الرقيق الجسد نحيف الوجه وانحنى مقبلاً يده ثم عاد ليجلس بجوارى .. نظر الرجل إلى قاع عيني نظرة عميقة ثم توجه إلى سامى بسؤاله " الكسوة وصلت والمعونة " فأجاب سامى بهدوء "وصلت يا أبونا ومنتظرين أوامرك " تابع الرجل " إبقى ادى كسوة كاملة لعادل ومعونة وابعث له فلوس في الكانتين بتاع سجن دمنهور لما يترحل.

أوما سامى برأسه ثم تابع " بالنسبة لرومانى يا أبونا لسه غضبان عليه علشان حكاية الحبوب اللى بياخذها .. الولد مؤدب قام من نفسه ومشى قبل ماندخل عندك لكن هو غلبان محتاج رعاية . قاطع الرجل سامى قبل أن يكمل جملته قائلاً "الكسوة دي حق يا سامي.. الناس باعناها للكل .. ياخذ طبعاً كسوته.

هز سامي رأسه مبتسماً ثم نظر نحوي وكأنما يوجه الرجل لبدء الحديث معى أو أن دورى قد حان للكلام أو الإستفسار عن ما يدور بعقلى وما أن هممت بالنظر إلى الرجل حتى قال " تعرف إيه عن حق الإنسان في الحياة .. حق الإنسان في العبادة .. حق الإنسان في السعادة . نظرت إلى وجه الرجل بتركيز شديد فاسترسل قائلاً " تعرف إيه عن رسالة الخير اللى انت بتعملها للناس .

نظرت نحو سامى وأنا أهمس " أنا " فاستكمل الرجل "أيوه يابنى إنت .. إنت مش شخص .. إنت رواية مكتوبة يمسكها الناس ويقرأوها .. حاول تكون مفهوم وبسيط .. تكون واضح وصريح لأن كل اللى حا يقرأ حا يكون لوحده وهو بيقرأ .. إنت وهو وبس .. لازم يفهم من كلامك إن العيب مش من اللى في الزنازين .. العيب فينا كلنا .. العيب مالينا .. الرسالة لازم تخليه يواجه نفسه يعرف عيبه ويعالجه ويقوي علشان يقدر يحقق ذاته .. لازم يحس إن الشئ اللى بيقرأه ويحزنه ده إحنا اللى سايبينه عايش فينا ويقوي علينا .. الكذب اللى بنشوفه إحنا اللى بنصدقه ونسكت عليه ..

الفساد اللى في حياتنا إحنا اللى بنقوية بضعفنا . انتفضت معتدلاً في جلستى واقتربت برأسى من الرجل هامساً .. بس أنا أضعف من ده كل .. أنا نفسى بايظ يا أبونا .

ابتسم الرجل ابتسامة خفيفة قائلاً " يبقى إنت أول واحد لازم يقرأ الرواية أول ماتخلصها .  
إبتسم الجالسون دون صوت وتمايل أحدهما على الآخر هامساً بينما تابع الرجل قائلاً .. كلنا كده  
يابنى مين فينا مبيغلطش .. حتى شهاب نفسه مش ملاك .. لكن المهم الرسالة توصل و نعرف  
عيوبنا ونواجهها علشان نقدر نعالجها .. مين ممكن يقولك عيوبك من غير ماتزعل منه غير نفسك

..  
علشان كده لازم تكتب الرواية بطريقة تخلي كل واحد يقرأ وكأنه بيكلم نفسه يواجه حقيقته علشان  
يفوق ويفوق غيره وبارادته ينقلها لكل شخص بيحبه لحد ماتوصل لكل الناس ان احنا نفسنا شياطين  
بس "شياطين من طين" .

قاطع سامى قائلاً .. يلا يا جماعه كفايه كده خلوا أبونا يرتاح .  
فأشار إليه الرجل أن ينتظر برهة قائلاً .. شهاب كان بطل وله نفوذ وشهرة لكن وافق ينفذ المهمة  
واتعرض للخطر علشان كان نفسه يشوف بلدنا في أحسن حال والمجتمع يكون أفضل لكن  
الشياطين قامت ضده وأنهوا مهمته واختفي والمطلوب منك انك تكشف ..

قاطعت الرجل عندما "أشفقت" على نفسى من تلك المهمة قائلاً .. طب وأنا مالي أنا .. أنا مجرد  
صحفي تحت التمرين .

إحمر وجه الرجل قائلاً .. أهى دى أكبر جريمة عملناها في حق نفسنا لما كل واحد فينا قال أنا  
مالي .

مد سامى يده ممسكاً بذراعي يستوقفني قائلاً .. يابنى ماتحاولش مافيش فايده ..

إنت اللي هتغنى يا منعم .

تبسم الرجل وضحك الجالسون بصوت خافت والكل يستعد للانصراف بقبيلات سريعة على يد الرجل  
ثم نقلتني خطواتي المرتجفة عائداً إلى "الزنانة الأبدية "

### الحلقة الحادية عشر : \*Shehabiat\*

كانت الزنانة مظلمة لا تخلو من ضى المغيب المتساقط من النافذة الصغيرة على جدرانها كاشفة  
عن كتابات متعددة لمساجين لا حصر لهم سبق أن إعتاشوا بها فإنقبض قلبي وإرتدت قدمي عن  
الدخول وإذا بيد ثقيلة تقع على كتفي وشخص يقترب من اذني صارخاً " صل على النبي " التفت  
وأنا أصلي عليه بأفضل صلاة وسلام فإذا بوجه جمال المحامى مبتسماً يقول .. كئيبه أوى الزنانة  
دي .. صح .. ولا تزعل نفسك ليها حل إوعى كده .. أزاحني جمال بيديه ثم وقف على مدخل  
الزنانة رافعا صوته قائلاً .. كئيبه صفا .. كئيبه إنتباه .. ثم استدار نحوي رافعا يده بمحاذاة أنفه  
وكانما يؤدي التحية قائلاً ..

تمام يا فندم الكئيبه .

انزلت بسمه رغما عنى فارتسمت على شفطاي وإذا بجمال المحامى يلقي بصدرة على صدرى  
محتضناً بقوة ومرتباً على ظهري بقوله .. روق يا عم عادل بقى وما تفلتش بكره هتروق وتحلى  
وتبقى زى الفل .

إنذرف سيلاً من الدمع رغماً عني حينما تذكرت أن مر بي زمناً طويلاً دون أن أرتمي بين أحضان  
أحداً من أهلي وبينما يرفع جمال وجهي ليرى إبتسامتي إندھش من دمع يلطخ خدى فأسرع قائلاً  
.. ليه كده .. ده لا عاش ولا كان اللي بيبيك يا زميلي وأنا موجود .. تعالى هنا قولى و إحكي  
لي في إيه .

أخذ جمال بيدي إلى أن جلسنا داخل الزنانة و يده مستنده على كتفي جاذباً رقبتى نحوه بشدة  
قائلاً .. عليا النعمة من نعمة ربي أعلقه .. عارف يعنى إيه أعلقه .. مين ده اللي زعل كاتبنا  
الكبير وأنا مش موجود .. بص .. شاور لى على أى حد في السجن كله .. إلا طبعاً فكرى بيه

علشان ده ممكن يعلقنى ويعلقك ويعلق اللي يتشدد لنا .  
ظلت عيناى تمسح جدران الزنزانة بما عليها من حروف ورسوم وعبارات ثم إستقرت على وجه  
جمال وسقطت الكلمات من بين شفثاى ثقيلة متقطعة .. يعنى من بين كل الحواديت اللى مكتوبة  
على الحيطان دى .. إشمعنى قصة شهاب اللى تقع فى قرعتى أنا و اشمعنى أنا اللى أكتبها .  
نفخ جمال مزيحاً وجهه نحو الجدران قائلاً .. ياعم خضتنى .. ده أنا قلت فى حد زعلك .. طيب  
ياسيدى تاهت ولقيناها .. بص بقى ..

أولاً إنت مش المفروض إنك تكتب قصة شهاب لوحده لا ده إنت بعد ماتخلص حكاية شهاب حا  
ندخل بقى على كل حرف مكتوب على الحيطان دى وتكتب لنا قصة صاحبه وإيه اللى حصل معاه  
وليه وازاى .

نظرت إلى عين جمال متحققاً من جديته فوجدت صرامة لم اعهد لها فى وجهه من قبل فوجدتنى  
أميل برقبتي بشدة قائلاً ..

نعم .. ده عندها .. ده فى المشمش .. وحياة امى ما أنا كاتب حرف بعد كده واهى عندكم أهى  
تكملوها تحرقوها تلزقوها على الحيطان براحتكم أنا لحد كدة وكفاية أنا جبت جاز .  
ثم نهضت لاحضر الأوراق المكتوبة فإذا به يقهقه بصوت مرتفع قائلاً ..  
عارف حكاية الراجل بتاع المعزه ؟

إلتفت إليه ويداى تبحث بين أشيائى قائلاً .. معزة إيه ؟  
أشعل جمال سيجارته وهو يستكمل كلامه قائلاً .. ده واحد عمل زيك كده بالضبط كان مخنوق من  
عيشته وراح يشتكى للسلطان فقال يا مول أنا أنا خلاص مش قادر .. أنا ومراتى وامها عايشين فى  
اوضه واحده ونفسى أعيش فى بيت أكبر و شغلى مش جايب دخل كويس ومش عارف الحال ده  
حيفضل كده لحد إمتى .. السلطان قاله جيت فى وقتك أنا كنت عاوز منك خدمه تعملها لى وأنا  
أحل لك مشكلتك .. الراجل قاله تؤمر يا مول أنا .. السلطان قام جاب له "معزه " وقاله خد دى  
معاك يومين كده و أخدها من عندك .. الراجل أخذ المعزه وقال فى نفسه يمكن السلطان عاوز  
يدينى فلوس وعمل كده علشان يبقى نظير .. إني حافظت على معزته فأخذ المعزه ورجع البيت ..  
تانى يوم السلطان راح يزوره واخذ معاه شوالين وجرة ميه كبيرة وقال للراجل دول أكلها وشربها  
خليهم عندك ..

بعدها بيومين السلطان راح يزوره ومعاه معزتين صغيرين وقال للراجل دول ولادها ولقيتهم  
حزانى ورافضين الأكل أعتقد لسه ميعاد فطامهم بدرى أستأذنك نخليهم مع أمهم وبكره أجيب لك  
الخروف .. الراجل انتفض وقال للسلطان إيه هو فى إيه يا مول أنا ده أنا جيت أشتكى لك إن  
البيت على قدنا يادوب تقوم تجيب لى المعزه وأكلها وشربها وعيالها وبكره تجيب لى خروف كمان  
إزاي يعنى ده إحنا بقينا خلاص مش عارفين نتحرك فى البيت ولا نأكل ولا نشرب .. تبسم  
السلطان وقال للراجل طيب لو أخذت المعزه وولادها وأكلها وشربها ومشيت يبقى إزاي الحال ..  
الراجل قاله يبقى كتر ألف خيرك .. السلطان قال له طيب ما كنت تحمد ربنا من الاول على نعمته  
وترضى بعيشتك وتشكر ربنا كمان عليها .

كنت قد انجذبت لما يسرده جمال المحامى محاولاً أن أفهم المغزى الذى يقصده من تلك الحكاية وما  
أن أتمها جمال حتى دخل ذهب قائلاً .. دلوقتى يقولك وأنا مالي أنا ومال الراجل بتاع المعزه .  
نظرت نحو ذهب بينما يرتفع صوت جمال مدوياً .. أهلاً ياباشا يا ألف أهلاً وسهلاً .. لسه كنا فى  
سيرتك بالخير يا باشا .

انتقلت أنظارنا أنا وذهب سريعاً من على وجه جمال الذى كانت عيناه مسمرتان على شيئاً خلف  
ظهورنا إلى أن وقعت أبصارنا على فكرى بك ومن خلفه مسئول تفتيش المصلحة وبجواره محمد  
بك يرتدي جلباباً أبيض وطاقيه خضراء ومن خلفهما المخبر ناصر والجميع وقوف على مدخل

## الزنانة الأبدية.

كنت أوشك على الإنهيار بينما كان المفترض أن أظل واقفاً أثناء وجود مسئول المباحث ومسئول تفتيش المصلحة لكن ساقى لم تنتبه لذلك وتركت جسدى يخور لأسقط على الأرض بينما عيناى مسمرتان على وجه فكرى بك الذي لم يحرك ساكناً إلى أن أسرع جمال بوضع يده أسفل كتفى ليجلسنى مستنداً على الجدار وموجهاً كلماته إلى فكرى بك قائلاً .. ده قاطع النفس خالص ياباشا . وضع فكرى بك يده خلف عنقه رافعاً رأسه لأعلى وهو يزفر قائلاً .. ادى الواد ده حاجه تفوقه ..

الورق ده لازم يكمل ولازم يخلص .. إنت سامع ؟  
أوماً جمال برأسه بالإيجاب ثم اقترب بوجهه من وجهي وهو يفتح فمى ليضع فيه حبة ما قائلاً .. يابختك يا زميلى .. بتبرشم بأوامر المسئولين .. عليا النعمة انت زاعقلك ولى .. ثم وضع زجاجة خضراء على حرف شفتاى قائلاً .. إشرب .. إشرب يا ابن المحظوظة . تابع فكرى بك كلماته إلى جمال قائلاً ..

كل واحد يروح على زنزانته وخليك إنت معاه هنا لحد ميعاد الترحيلة ويكمل القصة هو يقول وإنت تكتب وراه ده لما يفوق طبعا مش ناقصه كلام مساطيل .  
مر وقتاً ليس بالقليل حتى أفقت تماماً فوجدت الأصوات قد تلاشت من حولى وانصرف الجميع وكان جمال المحامى يللم كل شىء في الزنزانة ويضعه في حقيبة كبيرة ثم جلس أمامي عندما شعر أنني أفقت فوجه كلماته إلى قائلاً .. بص ياسيدى أنا قلت لفكرى باشا إنك هتفوق بعد ساعة و إني حا أجهز لك حاجتك للسفر لأنك هتتحرك على دمنهور كمان ساعتين وحا تكمل القصة من هناك .

كنت أنظر إلى جمال دون أن أنبس بحرف ثم تابع قائلاً .. بص يا عادل .. احنا كنا فاهمين انك جاي في مهمة سرية تكشف اختفاء شهاب اللى كان جاي في مهمة قبلك وفي حد كشف مهمته وبعدها اختفى لكن اتضح لنا من تصرفاتك انك فعلا صحفي تحت التميرين وعلى كل حال انت لو فهمت الغاية من كشف الحقيقة هتحب إنك تكمل الموضوع .. القصة دى بتقول إن كلنا بنغلط لكن جو أنا أكيد جزء حلو .. والمطلوب اننا نعرف عيوبنا وننمى الخير اللى فينا وإنت دورك تعرف وتكتب كل حاجه بتشوفها وبتسمعها زى ماهى .. يعنى بالبلدى كده إنت بتحقق مع أنا كلنا اللى جوه السجون واللى براها .. لكن مش علشان تحبسنا كلنا .. لا علشان نتقذنا كلنا .  
كان تأثير ما ابتلغته بيد جمال قد سرى في دمي واعتدلت مواجها لجمال وأنا أتناول الورق والقلم قائلاً .. طب إسمك وسنك وعنوانك .

فهقهة جمال ضاحكاً ثم أردف قائلاً .. لا يا حبيبي تحقيق من غير فضايح ولا تشهير .. يعنى تعمل لكل واحد فينا إسم ثانى ومكتتبش رتب خالص وما تجيبش سيرة حد من كبارات البلد مش عاوزين حاجة تمنع نشرها .

اعتدلت وأنا أضع القلم على الورق دون أن أنظر إلى جمال الذي تابع قائلاً .. أنا طول عمرى كنت ماشى جوه الحيط خايف أواجه وخايف من المشاكل وخايف من السلطة و خايف حتى من اللى بأترافع قدامهم وأنا بأدافع عن الناس وأجيب حقوقهم ما هم يقدروا يحبسونى لو شكلى مش عاجبهم ..كنت باخاف من كل حاجه لها علاقة بأى حاجة .. الخلاصة مشيت مع الأضمن .. مع الراجية .. قوة العلاقات مع الناس الكبار .. وبعدين احترفت المحاماة بالطريقة الأنج .. رشاوى ..هدايا .. سهرات .. فلوس ومخدرات وستات .. بالطريقة دى وصلت للشهرة على مستوى منطقتي .. عمرى ما حسيت بذنب إني بأتعامل بالغلط وفي الغلط وللغلط .. من الآخر .. أنا كنت

محمى شمال .. لحد ماقابلت شهاب .. واجهنى باني وصولي وانتهازي و متسلق .. عدلى على القبله .. كنت بأحكى له مرة عن اتفاقي مع موكل جالى علوز يستولي على ثروة أخوه وانى عملت لأخوه شهادة صحية بالجنون واستولى فعلا على ممتلكاته وكانت فندق وعربيات وفيلات ويخت وأخذت من وراه سبوبة كبيرة .. بس أخوه إتجنن فعلا وحررق له فيلته وماتت فيها مراته .. حاولت أفهمه إني مظلوم في القضية اللي اتحبست فيها وانى كنت بأدافع عن واحد غلبان سعيت إنه يعمل كشك يأكل منه عيش لكن في ناس حاولوا يكسروا له الكشك واستنجد بيا فخرجت من البلكونه وضربت عليهم نار بالبندقية الخرطوش واتحبست على ذمة القضية .. لما حكيت له القصة فسر لى إن العقوبة دي عقوبة على كل سلوك غلط أنا عملته وكل تزوير ظلمت بسببه حد تانى وأخذت درس في الأخلاق خلانى حلفت من ساعتها إني أكون إنسان جديد .. إنسان صادق

..

محمى محترم .. أبقى راجل له كلمة .. ومن ساعتها وأنا بأحاول .. ارتسمت بسمة خجل على وجه جمال وهو يقول .. و زى ما انتوا عارفين يا شطار إن الخير دايماً بينتصر على الشر .. صحيح الشر بيطلع عين الخير طول الفيلم لكن في الاخر برضه الخير بينتصر .  
كان جمال قد أنهى حديثه عندما ارتفع صوت السجنان في الخارج ينادي "اللى يسمع إسمه ينزل تحت .. اللى يسمع إسمه ترحيله وجه بحرى ينزل تحت .. اللى يسمع إسمه ترحيله دمنهور ينزل تحت" نظرت إلى جمال فوجدته منصتاً إلى الأسماء منتظراً سماع إسمى كى يودعنى وكان الصوت الجهورى يرج السجن الكامل دون فواصل تسمح بالتعليق وبدأت الأسماء تتوالى على مسامعنا " هانى عويس خضر .. سمير لويس حنا .. سامح صالح الراوي .. عادل محمد الشريف .. جمال أحمد حماد .

قفز جمال من مجلسه وأسرع تجاه الباب وهو يصرخ " يانهار اسود ومنيل ده اسمى .. دمنهور إيه وزفت إيه .. لم يلحظ جمال أثناء هرولته للخارج أنه لم يرتدي شيئاً بقدميه من الفزع .. وتعجبت كيف كان جمال يتقبل لى شيئاً ويعد لى حقيبتى بينما يرفض نفس الشيء لنفسه .. وماذا إذا كان جمال هو المكلف باستكمال القصة وكتابتها فهل كان سيقبل المهمة من أجل توصيل الرسالة إلى الناس .. سرح خيالي في إن كان هذا جزء من ما أراد شهاب تحديداً أن يروى عنه في قصته أننا بالفعل لا نكثرث لما يحدث للآخرين من حولنا بمشاعرنا الحقيقية ولا نضع أنفسنا في أماكنهم فعلاً و أننا إن ساندنا غيرنا نكتفي بالمؤازرة بعبارات مصطنعة باردة خالية من المشاعر و أصبحنا لا نحب لغيرنا مانحب لأنفسنا لأننا أصبحنا نحب أنفسنا وأنفسنا فقط .. سرح خيالي في نفسي لأنني فعلت ما فعله جمال تماماً.. راجعت أننى لم أستشعر ما لاقاه غيرى بين جدران هذه الزنزانة اللعينة.. وحيداً ليلاً ونهاراً بين أربعة حوائط لا يرى من نافذتها سماء ولا أرض ولا يكسر صمتها إلا وقع الخيرزان على أجساد المساجين و شرز العصا الكهربائية وألفاظ السباب واللعان التي تبلى بها أذان المساجين و أحاديث المساجين عن أفاعيل الظلم والذل والمهانة .. لم أستشعر كل عزيز قوم ذل قضى قدراً من عمره بين هذه الجدران بل كان همى هو نفسي وما أعانيه أنا هنا .. مررت بعيناي مرة أخرى على جدرانها واستنشقت رائحتها فإذا بى أسترجع ما كتبه شهاب عنها في قصته فوجدته لم يكن سجيناً بها ولم يدع لليأس مك أنا فيها ولم يسمح للخوف أن يزورها يوماً بل ترك بداخلها كلمات للناس ليخرجهم من سجنهم داخل أنفسهم .. لذا قررت أن أستكمل مهمتى في كتابة روايتي "الزنزانة الأبدية"

كانت الظلمة تغلف كل شىء حولى عندما دقعت قدمى للمغادرة ولاحظت خروج بعض المساجين من الزنازين المجاورة استعداداً للرحيل إلى سجن دمنهور بينما عاد جمال المحامى تجاهي يتراقص بعد أن قام برشوة المسئول عن الترحيل بعدد لا بأس به من صناديق السجائر ليرفع اسمه من كشوف الترحيل ..

فأصيبته إصابة بالغة عندما وجهت له سؤالي قائلاً .. وبتقول انك اتغيرت .. وبقيت انسان جديد ..  
للأسف الرشوة بقت بتجرى في دمك زى المخدرات .. الحيلة والمكر أصبح جزء لا يتجزأ من أسلوب حياتك لتنفيذ رغباتك " دمعت عينا جمال وهو ينظر نحوى مودعاً بلا أمل في اللقاء مرة أخرى .. وأغلب الظن أنه لم يكن يتمنى أن يكون آخر ما سمعه مني هو هذا العتاب الثقيل بعد كل ما قدم لى من المساعدات كما أظنه كان يتمنى أن يكون آخر ما يكتب عنه في سطور الرواية أنه قد أفاق من غيبوبة السلوك الخاطيء للأبد .. ربما كان يتمنى أن يضرب به مثلاً يطرح الأمل في الإصلاح لكل من يقرأ عنه في هذه الرواية إذا كتب لها الخروج للناس .. وكعادة الرياح لم تأتى بما تشتهى السفن فلقد كان صوت السجان حكماً نهائياً بأن تبقى سيرة جمال في أذهانكم بعودته إلى ما ينتمى إليه من الفساد والرشوة لإتمام مصالحة .. أضاع السجان علي جمال فرصة القول الأخير كما أضاع علي كل أنا لحظة عناق الوداع الذي تمنيته لأستشعر إنه كان هناك بقايا من طيبة القلب تعيش في صدر جمال وبحركات غاضبة أمسك السجان بيد جمال متحرراً به نحو زنزانته وعاد ليدفعني تجاه النزول إلى أسفل حاملاً على ظهري أغراض نومى وحقيبتى إلى أن وجدت بالفناء تلاً من الحقائق والأمتعة يقف أمامه عدداً لا بأس به من المخبرين من ذوي الخيزران يضعون البصمة الأخيرة لهم على ظهر من يضع أمتعته بضربة موجعة مصحوبة بسبة مختصرة وإن استشعر أن ضربته لم تكن مؤلمة بالقدر المرضى له تبعها بعدة ضربات سريعة يصاحبها سيلاً من السباب يطفئ به نيران غل دفين وإن كلفه ذلك أن يهرول خلف السجين مواصلاً ضرباته إلى أن يجلس بين الجموع ثم يعود فاتحاً يديه بجانبية مختالاً بقوته التي لا صاد ولا راد ولا مانع لها .. ثم يقف ليشتعل سيجارته باحثاً بعينه بين المساجين عن من يبدو عليه استنكار ما فعل ليصبح فريسة التالية .. ينهى سيجارته وهو يحصد بعينية نظرات الإعجاب من زملائه المخبرين الذين يباشرون واجبه المقدس مثله على أكمل وجه ساهرين في البرد القارس تاركين أهلهم وذويهم من أجل الوطن .. جل ما تمنيته حينها هو أن تراه زوجته أو ابنته أو أمه لتعلم حقيقته وعلى النقيض لم أتمنى لسجين أن تراه زوجته أو ابنته أو أمه أو يقرأ أحدهم بين سطورى ما يحزن قلبه على سجين لهم .. لكن من المؤكد أن رب الكون يرى ويسمع ويعلم كل شيء ..  
حينها يرتفع صوت الأذان لصلاة الفجر بينما لا يتوقف صوت الخيزران بل يرتفع معه ليشتق الهواء ويستقر على ظهر أحد المساجين ثم يضع المخبر الخيزران على مدخل المسجد ويدخل لأداء الصلاة ثم يعود ليمارس واجبه المقدس بينما يستمر آخر في أداء عمله قانعاً في طيات نفسه بأن العمل عبادة .. لم ينقطع حماس المخبرين لحظة إلى أن استقر جميع المساجين داخل عربات الترحيل المظلمة التي يدخلها السجين هارباً من ضربات تلاحقه إلى باب العربة فيقفز للداخل داهساً بقدميه سجيناً آخر تقدمه بلحظات ويسقط على وجهه فيصبح بعضهم فوق بعض مكبلين بالقيود الحديدية على أرضية العربة ثم يغلق الباب ليسود الظلام الدامس فيصير لوناً وحيداً منفرداً حول الجميع إلى أن ينجح أحد المساجين في الوصول إلى وضع الجلوس ويشعل سيجارته ثم يطلق كلماته البائسة إلى كل سجين بالعربة فيستمع الجميع إلى صوت لا يميزون له صاحب يقول " كل اللى حصل ده ولا حاجه جنب اللى حا يحصل لنا في دمنهور يار جالة .. هناك بقى ولا تقولى حقوق إنسان ولا حقوق حيوان .. فين حقوق الإنسان لما يقلعك زى ما ربنا خلقتك ويشربك مسحوق غسيل ويخليك تجيب اللى في بطنك .. يا راجل ده لو حد عمل كده في قطة بره كانوا الناس قطعوه .. فين حقوق الإنسان لما يوطى رأسك زى الخروف ويحلق لك شعرك زيرو و انت بتتفرج على المخبر بيقطع شنتك بالسكينه علشان يشوف إيه اللى فيها ويفضي الشاى والسكر على الأرض ياراجل دى حتى الصابونه ما يبيرحموهاش بيقطعوها وبعدين يرموها .. طيب ما ترميها على طول ياعم من غير ماتقطعها وإلا هو قهر والسلام على الفلوس اللى بتترمى في الأرض .. ده إحنا رايعيين على مصيبة سودا .. فيه هناك شوية مخبرين شمال هما اللى مدورين كل حاجة .. فكرك إنت المخدرات والموبايلات بتدخل إزاي بعد تفتيش الاستقبال اللى مبيفوتش

الها ده .. بعلمهم ياعم ..  
ومعاهم كشف بأسامى اللي معاهم الموبيلات ولما يبقى نازل تفتيش مصلحة بيقوا واخدين خبير  
ويلموا كله ولا كأن كان فيه حاجه .. بس كله بئمنه .. اوسخ حاجه هناك بقى .. المساجين  
المرشدين يا صاحبي .. ودول بقى أكثر من الهم على القلب هناك .. تدخل حاجه من ورا  
المخبرين وإلا تجيب سيرة حد منهم .. يابويا .. الصبح تلاقى القوة الضاربة داخله عليك  
والخرطوم بتاع الحريق مغرق العنبر كله بالفرش بالشنط بكله .. من الآخر كده سجن دمنهور  
يعني الافتراء نفسه .. لا تقولى استئناف ولا برج العرب ولا طره .. دى نار الإستئناف ولا  
جنة دمنهور " ينهى صاحب الصوت كلماته ويخمد نار سيارته ليستكمل سجين آخر مالمديه من  
معلومات قائلاً " وإلا التأديب بقى .. يدخلوك يامولاي كما خلقتنى وخراطيم البوتاجاز تنزل  
على ظهرك ماتفهمش جايه منين ومتبطلش غير لما يغمى عليك .  
كانت العربية قد تعبات بدخان السجائر ولم تكن قد تحركت بعد و ما أن تحركت حتى انتفض  
كل سجين ليتعلق بنافذة صغيرة مغطاة بالأسلاك ليطل على الطريق .. وتتعالى الأصوات فلا  
يميز منها شيئاً إلا صوت صراخ وتوسلات للمارة للاتصال بذويهم ويقذف كل سجين ورقة  
صغيرة مدون عليها رقم هاتف .. يحمل كل منهم عدد كبير من الأوراق الملفوفة للرقم نفسه  
وموجز قصير عن نقل المذكور إلى سجن دمنهور .. لم تنقطع المحاولات بإنهاء كمية الأوراق  
بل تحولت إلى محاولات شفوية .  
بالصياح .. أخويا .. بقولك إيه و حياة الغالى عندك .. خد الرقم ده قول لهم سيد راح دمنهور

..  
ربنا يكرمك يا خويا .. أختى معلى ولو فيها رزالة علشان خاطر ربنا .. اطلبى الرقم ده  
وقولى لهم زرارة راح دمنهور .. يا حاج .. وحياة عيالك يا شيخ .. زيرو عشرة .. ربنا  
يكرمك يا حاج .. تستمر المحاولات دون انقطاع إلى أن تصل العربية إلى محطة رمسيس  
فينزل المساجين في مسير متتالي مقيدين اليدين على مرأى ومسمع من الناس ويصطف حولهم  
حرس الترحيلات ممسكين بالأيدى ويسير القطيع إلى أن يستقر بمكان الإنتظار المخصص  
لقطار الوجه البحرى .. في خضم هذا الزخم من الضوضاء تسمع أذناى صوتاً حزيناً لأحد  
المساجين ألتفت لأجده مقيداً بيدي دون أن ألحظ وجوده منذ البداية .. تنبتهت لكلماته فوجدته  
يقول .. بص الناس بتبص لنا إزاي .. يانهار إسود .. ايه يا جدعان مالكم .. بنى آدميين  
والنعمة .. الناس بتبص لنا وبتبعد كأننا وحوش ياعم .. وحياتك رمسيس دى كنت بأدخلها  
باشا وكنت بأركب في المكيف كمان .  
استوقف شريكى في الكلابش أحد المارة ومدّ يده إليه بورقة قائلاً .. بقولك إيه يا باشمهندس  
إحنا ولاد ناس وربنا وجدعنه منك ياريت تتصل لى بالرقم ده .. إيه يا عم في ايه مالك بتبص  
لى كده ليه .  
مال سجين آخر على شريكى وهو يقهقه قائلاً .. يعني ضاقت في عينك الدنيا للدرجة دى مش  
لاقى غير المخبر وتقول له يتصل لك .  
تابعنا بعيناي نظرات المارة من الناس فوجدت ما لاحظته زميل الكلابش صحيحاً .. رجالاً ونساء  
يستترون برداء من الخوف عند النظر إلينا .. ينظرون و يرتبكون ثم بيتعدون .. لما لم يميز  
الناس بين المجرم والمظلوم .. لما لم يفترض الناس أنه ربما يكون بيننا من غضب من أجلهم  
فاعتقل .. أو ربما يكون بيننا غارماً مسكيناً اضطره الإحتياج إلى هذا المصير .. أو ربما يكون  
بيننا شخص سجن لأنه يبحث لهم عن مخرج من سجنهم الكبير .. لماذا لم يتخيل أحداً منهم أن  
يصبح هو نفسه أو أحد أولاده غداً بيننا كما حدث لنا .. الحق أقول لكم لقد ضاق صدرى بكم ..  
أكاد أحترق من نظراتكم .. تكاد أنفاسي تختنق من رائحة خوفكم .. لعلكم بالفعل تستحقون ما بكم

..  
لأنكم .. لا تميزون بين الطيب والخبيث بقلوبكم .. لذا سأكتبكم كما رأيتمكم .. من المجهول دوماً تخافون .. بأفعالكم تستحقون ماتلاقون .. ليتنى ما رأيتمكم و يا ليتنى لم أغانر "الزنازة الأبدية "

### الحلقة الثانية عشر : \*Ghehabiat\*

كنت جالساً أتابع نظرات المارة بينما مندوب الترحيلات يتفحص وجوهنا وهو يسير أمامنا مختالاً إلى أن استوقفه صوت أحد المساجين قائلاً .. أبوس إيدك ياباشا الكلابش حا يقطع إيدى .. والنبي خليه يهويه شوية مش قادر استحمل الوجع و ربنا .  
غلظ المندوب نبرة صوته قائلاً .. بقولك إيه وحياة اللي جابتك ماتشتغلناش في الأزرق بدل ما أعلقك .

فأجاب السجين " حاضر ياباشا أوامرك " لم تكن كلمات المندوب مسكنة للألم بيد السجين كما لم تكن كلمات شهاب التي استرجعتها عند وصفه لطبيعة البشر مخففة لأحزاني .  
يبتعد الناس عن عمال موقع البناء وعن عمال اللحام وعمال النظافة ليس كرهاً في عملهم وإنما حرصاً على ألا يمسه أذى بلا ذنب اقترفوه .  
أفقت على أصوات المخبرين " كله يقوم .. إركب .. ادخل .. اقعد .. اقل .  
بحثت بعيناي عن السجين صاحب الكلابش الضيق الذي يمزق يديه فوجدته يجلس هادئاً فسألته عن يديه فأوما برأسه إيجاباً وهو يقول .. وَسَعْتُهُ بعود كبريت .. شايف الفتحة دى .. تحط فيها عود الكبريت كده وتوسع الكلابش .. بس ما بيفتحش .. بقولك بس علشان متفكرش.  
لامست شفتاي بسمة هاربة من أحزاني ثم تابع قائلاً .. شكلك كده طالع على حضانة دمنهور يازميلي .

رفعت عيناي مصوباً نظري إليه وقبل أن أنبس بحرف تابع قائلاً .. لا مش بأتريق عليك ياصاحبي .. أصل سجن دمنهور مرسوم عليه من بره صورة بكار ورشيده علشان كده بيقولوا عليه الحضانة .

قاطععه سجين آخر قائلاً .. لا ياعم إنت بكار إيه .. ده إسمه معسكر العمل بدمنهور وعلشان بيوزعوا فيه لبن سموه معسكر اللبن بدمنهور وبعد كده قالوا عليه حضانة .  
ثم تابع ليبرهن على معرفته التامة بكل ما يخص سجن دمنهور قائلاً .. بص يا معلم إنت أول ما تدخل حايقلعوك ويقعدوك زى ما ولدتك الست الوالدة ساعتين على ما يوصل زبانية جهنم من بيوتهم أصلهم كلهم من دمنهور .. شوية مخبرين بقى من النوع اللي قلبك يحبه .. خصوصاً رمضان و قزاز أول ما يوصلوا يفضلوا يسبوا في أهلك وجدودك لحد ما يوصلوا لحدك أحمس وبعدين يشربوك ميه بصابون لحد ماتجيب كل اللي في بطنك ويحلقوا لك دماغك زيرو وينادوا الدكتور يتفرج على جسمك علشان اللي واخذ مطواة أو داقق وشم مش بيستلموه وبيرجعوه تانى و يبقى إسمه رد سجون وبعدين ياصاحبي تدخل على عنبر الإيراد .. فإكر محمد رضا بتاع ثلاثين يوم في السجن لما قال لفريد شوقى إنت بقى الوارد الجديد ومال إيدك ورد نارى خالص كده ؟  
إنت بقى هتدخل عنبر الوارد ده تلاقى واحد إسمه طه بس ده بقى بيدور على اللي إيده مش نواعمى عشان هو نفسه نواعمى .

إرتفعت الضحكات بعربة المساجين داخل القطار بينما تابع سجين آخر قائلاً .. ده عامل الإيراد سكنه ياعم علشان الزباين تتغير عليه يادوب ليلة والثانية ويجي غيره .  
قاطع سجين آخر مستكماً .. برضه كله بعلم المخبرين يا صاحبي .  
ثم تابع قائلاً .. مش فإكر سردينه ؟ ده كانوا بيدخلوه التأديب ويدخلوا له العيال الصغيرة اللي لسه جايين من الإصلاحية يفترسهم .. وإلا مختار .. يانهار اسود على مختار .

قاطعه صوت سجين يجلس بعيداً قائلاً .. ياعم فكك بقى من السيرة دى أحسن القطر يتقلب بينا .. بقولك إيه يا زميلى .. طول ما إنت في حالك وملكش دعوة بحد حتعيش تمام خصوصاً لو دخلت عنبر ثلاثة بتاع الأموال العامة وإبعد عن عنبر أربعة بتاع المخدرات .. إنت تهتمك إيه يا صاحبي ؟

أجبت بتردد قائلاً .. صحفي .

فإستطرد قائلاً .. يبقى عنبر إثنين بتاع المتنوع .. بص أول ماتدخل تظرف الأمين صبرى كرتونة سجائر وتقول له عاوز أروح عنبر ثلاثة بتاع البشوات هو حا يتعامل وحا يشغلك في الفرن ويدخلك عنبر ثلاثة .

تجرعت كل ما سبق وأنا أشعر أن قواى تخور وتمنيت أن يصطدم هذا القطار فينقضي أجلى قبل مواجهة كل ما سمعته أذناي .. طال بنا الوقت في وضع الجلوس بلا مقاعد على أرض العربية المجاورة لدورة المياه التالفة والتي تشبعت أرضيتها بالبلل بينما يرتكن كل سجين بالجدار ويحكى بعضهم بين الحين والآخر بعضاً من عذاباتهم داخل السجون ويذكرون عدداً من الأسماء المتجيرة من رجال السجن وما يبيتون لهم من غل وكره من جراء أفعالهم وكأن سوء المعاملة داخل السجون باتت سبباً في مضاعفة إجرامهم حتى أصبح كل طرف منهما يتحين فرصة سانحة للأخذ بالثأر من الطرف الآخر ويحتكمون في صراعهم إلى قوانين لا ثوابت لها في الحكم .. فتارة تنصف المسئول فيجعل المظلوم مجرماً وتارة تنصف المجرم وتزيد المسئول ضراوة .. بعد رحلة شاقة توقف القطار في محطة دمنهور ..

تزامم المخبرين على مدخل العربية وتعالق أصواتهم " قوم ..

اخرج .. إنزل .. إضرب " صوت الخيرزان يدوى من حولي ويتبعه صراخ المساجين يعلن أن وقع الخيرزان في هذه البرودة القارسة التي تكاد تسقط أصابعي لا يوصف بالكلمات .. تقوقعت برأسى داخل صدرى متجنباً ما إستطعت من الضربات وهرولت وأنا أهمس في نفسى .. ولا يوم من أيام الزنزانة الأبدية .

كانت عربات الترحيل تصطف لاحتضان كل سجين يخرج مهرولاً من عربة القطار هارباً من وابل لسعات الخيزران إلى أن تكس الجميع داخل العربات وانطلقت لمسافة غير بعيدة لكنها كانت كافية لسماع مزيداً من الأساطير عن سجن دمنهور والقائمين عليه مما جعل قدامى ترتعدان عند النزول من العربية عندما توقفت حيث أصبح الخيال واقعاً .. رأيت المساجين تلتصق بالحائط لا يرتدون شيئاً وصوت أجش يصرخ ويكرر قائلاً .. إشرب كمان .. اشرب كله "إلتصقت أنا أيضاً بالحائط بينما يتابع الزبانية الإفراغ الكامل لما في جوف المساجين للتأكد من خلوها من المخالفات والممنوعات ثم إفراغ ما بالأمعاء الغليظة أيضاً على مرأى ومسمع من الجميع .. حينها تيقنت من عدم أهمية وجود ساتر للعورة كما تيقن الجميع أنه لم يعد هناك ما يخشى عليه من التكتشف بعد وليس هناك داع للحياء من نظرات مخبري سجن دمنهور الذين يستثنون أنفسهم من كل محرمات الأديان والأعراف والآداب والأخلاق فهم كائنات مختلفة عن الإنسان وإن تشابه الوجه قليلاً بما يشبه العينان والأنف والفم إلا أن طريقة الإستعمال تختلف عن الإستخدام الأدمى حيث لا ترى عيناه محتويات عبوة من السكر إلا بعد إفراغها تماماً على الأرض ولا يمكنه أن يميز المخدرات عن الفضلات إلا بعد أن يفحصها بأنفه كما لا يمكنه أن يمنع فمه عن تناول كل ما يجده داخل حقيبة السجن أثناء التفتيش بينما يطلق لسانه عبارات السب واللعن على السجن نفسه وأهله .. حان دورى .. حينها أدركت أن زجاجة المسحوق يعاد ملؤها من صهرج قديم عفن تكفي رؤيته أن أتقياً ما بأمعائي الدقيقة وبالفعل لم تكد يداى تلمس الزجاجة حتى أفرغت كل ما بجوفى .. تبسم المخبر وهو يضع يده على ظهري بعطف متسائلاً .. انت منين ياله .

فأجبت وأنا مازلت مائل الرأس لأسفل قائلاً .. من مصر .  
قهقه فاتحاً فاه رافعاً وجهه لأعلى قائلاً .. بنتشغل إيه يا حيلتها ؟  
فأجبت قائلاً .. صحفي .

تناول من يدي زجاجة المسحوق ثم وضعها أرضاً ثم اصطحبتني تجاه أحد المكاتب حيث يجلس شخصاً يدون في بعض الملفات قدمني إليه قائلاً .. الراجل ده شكله محترم .. خد بالك منه يا عبد القوى بيه .

أشار لي عبد القوى بالجلوس وهو يخرج هاتفه من جيبه قائلاً .. تحب تكلم حد في الموبيل تظمنهم .

أجبت في سرعة متناهية قائلاً .. لا شكراً .. لكن ياريت .. لو ينفع تدخلني عنبر ثلاثة .  
لم يتعجب عبد القوى من مطلبي وأجاب قائلاً .. معلىش الليلة دي لازم تقضيها في عنبر الإيراد وبكره الصبح من النجمة انقلك عنبر ثلاثة .

ثم تابع موجهاً حديثه إلى صاحب الصوت الأجهش الذي لم ينصرف بعد قائلاً .  
دخله عنبر الإيراد يا قزاز ووصى مختار والصبح انقله الأموال العامة وأنا حاوصى عليه زكريا و الشيمى .

أمسك صاحب الصوت الأجهش بذراعى متوجهاً نحو عنبر الإيراد وأمر بفتح الباب الحديدى مستدعيًا مختار من داخل العنبر وبعد كلمات موجزة اصطحبتني مختار إلى داخل العنبر الذي كان متروساً بالمساجين ولا موضع لقدم فتسمرت بعد أن أغلق الباب على همسات المساجين يصارع بعضها بعضاً حول اذنى إلى أن وقف أمامى شيئاً على هيئة تشبه تمثالاً لجائزة أوسكار ذو وجهاً بشوشاً أزرق العينين مكتوف اليدين ممشوق القوام تبسم في وجهي ثم حمل الحقيبة عنى وأشار لي بالسير خلفه فوق أجساد المساجين النيام .. كانت خطواته مدروسة يعلم أين يضع قدميه فأخذت أتبعه خطوة بخطوة إلى أن توقفنا على صوت مختار قائلاً .. أبوه هنا يا عباس .

وإذا بعباس يوقظ أربعة من المساجين بيديه وقدميه مشيراً لهم بمغادرة أماكنهم واصطحاب فرش نومهم معهم .. لم يخل وجه عباس من التحفز حيال ردود الأفعال الممتعضة وكأنه كان يتمنى أن يعترض أحدهم أو يعبر عن إستياء ولكنه لم يحدث .. أسرع عباس بتناول أشياءى وقام بطيها ثم قاس بيديه مقدار شبرا وقبضة يد جعلها مساحة لنومى ثم أمر الأربعة مساجين أن يدبروا نومتهم في المساحة المتبقية وأشار لي بالجلوس قائلاً .. كلها سواد الليل يا صاحبي .. خد بالك من حاجتك ولو في حاجة خايف عليها حطها تحت دماغك أو هات اشيلها لك .

أومأت برأسى شاكراً و بدأت أتفقد ما حولي فوجدت بجانبى رجل كبير السن يضع بجواري قدم صناعية ونائم في وضع الجلوس وهناك آخرين نائمون على مدخل دورة المياه .. وهناك من هم نائمون فوق النائمون .. فعدت بخيالى في مقارنة سريعة بين هذا الجحيم وما كنت أتمتع به من نعيم بين جدران الزنزانة الأبدية .

كنت قد أطلقت العنان لعيناي في جولة داخل العنبر أتفحص كل شىء إلى أن رمقت عباس يجلس بالركن يرتقب حركاتى وحينما وقعت عيناي عليه أشار لي بكوب من الشاي فتبسمت فقفز برشاقة بين أجساد النيام ثم جلس أمامى مبتسماً فسألته قائلاً .. قول لي يا عباس .. إنت حضرت هنا واحد اسمه شهاب .

أشعل عباس سيجارته وأخذ نفساً عميقاً ثم نفثه إلى أعلى وبرقت عيناه ثم قال .. الراجل ده ادانى درس العمر .. أول ما وصل هنا استقبلته زيك كده .. بس هو إستأ منى على شنطته مش نام عليها زى حالاتك كده .. و أنا سرقت منها سجاير وراديو ونظاره .. والصبح قبل ما يتنقل عنبر ثلاثة لقيته بيدينى كتاب أقرأه وبيقوللى لما تخلص الكتاب ابقى هاته وهات معاك الراديو والنظارة

والسجاير .. بعد كام يوم كان شهاب إتعرف في السجن كله وبقى له كلمة وقابلته في الراحة صدفة وسألنى على السجاير والراديو والنظارة وحلفت انى ما اخدتش حاجة من الشنطة وسألنى على الكتاب فقلت له قريته فسألنى بيحكى عن إيه فقلت له عن حياة هتلر فسألنى فهمت إيه منه فقلت له هتلر كان مجنون ومجرم بجد فسألنى هتلر كان بيشتغل إيه وهو صغير فقلت "جزمجي" سألنى ولما كبر فقلت "زعيم" فسألنى هتلر كان حرامى بيسرق؟ فقلت له لا .. سألنى كان بيكذب؟ فقلت له لا .. قال لى تخيل إن هتلر مايبسرقش ومحمد يسرق .. هتلر مايبكذبش ومحمد يكذب .. قاطعته وقلت محمد مين؟ قال لى محمد عباس.

اليوم ده سابنى ومشى بعد ماقال لى يا ألف خسارة يا عباس .. في نفس اليوم بالليل سمعت إن رمضان المخبر ضرب مسجون وإن شهاب غضب جداً وعاتب رمضان لدرجة إن رمضان المخبر ساق عليه كل المخبرين والمسيرين عشان يسامحه ولما وصلتنا الحكايه دى في العنبر هنا قلت فى سرى .. بأمره إيه يعنى رمضان بشنباته اللى يقف عليها الصقر دى يخاف من شهاب ليه يعنى؟ تانى يوم الصبح لقيت رمضان داخل العنبر وبيصحينى وساحبنى على بره والخرطوم فى إيده وبيسألنى .. فى السجاير والراديو والنظارة؟

حسيت ساعتها إن رمضان عاوز يرضى شهاب فاعترفت قبل ما يضرب وقلت له .. النظارة والكتاب مع الدكتور بكر و الراديو مع الأراجوز فى عنبر إثنين . ضغط رمضان على رقبتى بإيده وأخذنى على عنبر إثنين وفتح العنبر ويادوب الأراجوز شاف رمضان وشافنى كان الراديو فى إيد رمضان ورجع الأراجوز للدكتور بكر جاب منه الكتاب والنظارة وبسرعة البرق كان رمضان واخذنى ناحية مكتب الخدمة وبيقول لى .. يعنى علشان الرجل محترم نقوم نسرقه .. علشان ما هو مؤدب نقوم نبدد عليه .. ودينى لأعملك عبره وافرج عليك السجن كله .. ثلاثة بالعظيم ما أنا سايبك حتى لو قال إنه مسامحك .. هو إيه خلاص مابقاش فى تمييز نسرق مين ونحترم مين يا شوية زبالة .

دخل رمضان على الحلاق ورجع وفى إيده ماكينة الحلاقة ودفس دماغى بين رجليه وحلق لى شعرى كله وأخذنى على مكتب الخدمة لقيت زكريا مسئول المسير و ملفات المساجين خارج من جوه وبيسأل .. جاب الحاجة يارمضان؟

ورد رمضان عليه وقال .. طبعاً يا بيه أصل دى نوعية وسخه . خرج شهاب على صوت رمضان وفجأة نزل رمضان بإيده وبكل قوته على ظهري وقعننى فى الأرض وشهاب بيسأل وهو بيحاول يمنع رمضان عنى وقال .. هو عمل إيه يارمضان؟ خرج الشيمى وهو بيقول لشهاب .. أصل الطيبة ماتنفعش مع الأشكال دى . نزل زكريا على ركبته وهمس لى فى ودى وقال .. يا أخي عيب ده من امئك لم تخونه ولو كنت خاين .. طب يسوى إيه اللى أخذته قدام اللى إنت فيه دلوقتى .. مش كنت رجعت الحاجة بنفسك أكرم لك؟

وقرب الشيمى منى وقال لى .. إنت مش بكالوريوس تجارة يابنى إنت .. وربنا واهبك شكل وسيم .. ليه ماتبقاش محترم .. والا انتم مينفعش معاكم غير الكرياج . رفعنى رمضان بإيده وقال .. اللى زى ده يربيه التأديب .. ودلوقتى أسمعكم صوته وهو بيصرخ ويقول توبة.

لحقنى شهاب فى اللحظة الأخيرة وقال .. بعد إنكم كلكم .. سيبه يا رمضان من فضلك . رفع رمضان إيده من على رقبتى ولقيت شهاب يقرب منى وأخذنى فى حضنه وبيقول لى .. البس ثوب الرجال . أنهى عباس قصته بينما برىق من الدمع يغلف عيناه فسألته مازحاً لأخفف عنه قائلاً بقولك إيه ..

سيبك من الحركات دي .. فين السجاير اللي خبطتها مجبتش سيرتها يعنى .  
إبتسم عباس قائلاً .. رجعتها ياعم .. هو طيب آه بس مش بيصيب حقه أبداً .  
تابعت مهدئاً له بسؤالى قائلاً .. إنت فعلاً بكالوريوس تجارة وإلا دي كمان نصبايه؟ مصمص  
عباس شفتيه قائلاً .. ياعم بكالوريوس وإنجليزى كمان بس مفيش شغل ودوخت السبع دوخت  
علشان أشتغل وأعمل أى فلوس .. أمى اللي تعبت علشان أتعلم أرجع أقولها إيه مافيش شغل ؟  
طب اختى اللي عاوزة تتجوز وتجهز أقولها إيه مفيش شغل ؟  
اتلميت على شلة عواظلية .. مخدرات .. سرقة بالإكراه .. وبقيت زيهم .. سرقة موتوسيكلات ..  
سرقة عربيات و إتمسكنا كلنا .. ودخلنا السجن واتعلمنا في السجن كل حاجة على اصولها ..  
اتعلمت إن لو ماكنتش ديب تأكلك الديابة .. وعرفت إن الجريمة لها أصول .. فكرك يعنى اللي  
بيجيب عربية بملايين ده مش مجرم ؟ بلاش يا عم الناس الكبار نعتبرهم ولاد ناس و اتولدوا لقوا  
العزب والأطيان والعربيات و اشتراكات النوادي على الجاهز .. خلينا في الناس العاده .. المخبرين  
دول ؟ منهم اللي بياخدوا الصابون والزيت وعلب الجبنة بتوع المساجين وبيبعوها بره .. دي اسمها  
ايه .. سرقة دي ولا مش سرقة .. الفلوس والسجاير اللي بياخدوها من المساجين دي إيه فرده  
والا مش فرده؟ الموبيلات والمخدرات اللي بيدخلوها دي إيه مش تهريب ؟ تأجيل الترحيلات ونقل  
المساجين من عنبر لعنبر بالفلوس ده مش رشوة ؟ والسكوت على اللي بيعمله المخبرين ده اسمه  
إيه ؟

وسكرتير الجلسة اللي بينقل قضية من دايرة لدايرة ده إيه ؟ واللي بيقبض في سهرة علشان يزور  
في قضية ده إيه ؟ مش دول اللي بيحبسونا علشان يريحوا المجتمع من أمثالنا ؟ ياترى بقى المجتمع  
بره إرتاح بعد ما حبسونا احنا هنا .

إنتفض عباس واقفاً وهو يرفع أحد حاجبيه وكأنه يستدعي شخصيته الشريرة مرة أخرى محرراً  
رأسه يميناً ويساراً وكأنه رادارٌ يجرى مسحاً شاملاً لكل تغيير حدث أثناء إنشغاله بالحديث معي ..  
وبحركة سريعة على أطراف أصابعه تنقل كالفهد بين أجساد النيام إلى أن وصل إلى أحد المساجين  
فأخذ منه سيجارته وجلس بجواره ثم أخذ منها نفساً عميقاً لم يخرجها متعمداً إلى أن وقعت عيناه  
على نظرتي تجاهه فأطلق بعضاً من الدخان إلى أعلى وهو يقول موجهاً كلامه نحوي قائلاً ..  
صور يا خويا صور .. عيال فاسدة مش كده .

سرحت بخيالي بعيداً متسائلاً في نفسي .. هل هناك أمل في إصلاح عباس ومن هم أمثال عباس؟  
وبينما ترصد عيناى الجثث المتراسة جنباً إلى جنب لا يميز منها رأس من قدم كل منهم نائم في  
مسافة شبراً وقبضة يد مثبتين جميعاً على جوانبهم .. ليس بينهم جثة واحدة ترقد على ظهر أو  
بطن ..

حينها أخذني الحنين إلى " الزنزانه الأبدية "

الحلقة الثالثة عشر : \*Shehabiat\*

كانت الإضاءة خافته داخل عنبر الإيراد بينما جلست أرصد تحركات المساجين التي اقتصرت  
على الذهاب إلى دورة المياه المجاورة والتي يستوجب الوصول إليها السير بكل الحرص بين  
الأجساد المتراسة و لا يخلو الأمر من خطأ طفيف عندما يدهس أحدهم قدم أو رأس نائمة فتنبعث  
من جسد المدهوس بعض الألفاظ الغير مفهومة دون أن ينهض من نومه .. تابعت أحد المساجين  
يتحرك بحرص زائد تجاه دورة المياه بينما يرمق تحركاته سجين آخر يجلس في الجهة المقابلة لى  
يرتشف شيئاً من كوب أخضر وعيناه تفحصان موضع أقدام السجين إلى أن لمست جزءاً من فراشه  
فأسرع بإطلاق وابل من الألفاظ النابية لم يكثرث لسماعها الشخص المتوجه إلى دورة المياه و  
باستنكار شديد نظر الشخص ذو الكوب نحوي قائلاً .. عيل بارد أوى .. شفت سامع شتيمته  
وعامل من بنها إزاي ؟

لم أجد تعبيراً للرد إلا أن أنظر تجاه دورة المياه إلى أن توارى السجين بداخلها بينما تأهب الغاضب ذو الكوب واستقام واقفاً مستلاً شيئاً في يده وهو يقول .. طب وديني لأعوره .  
كان يراودني شعور بأن هذه الليلة لن تمر بسلام .. خاصة عندما صدر صوتاً من بين ثنايا الغطاء المجاور له يسأله قائلاً .. في إيه يا حانوتي ؟

كان مسمى "حانوتي" كفيلاً بقراءة الفاتحة على روح المرحوم الذي سيخرج بعد قليل من دورة المياه ولم يهتم الحانوتي بالرد على صاحب السؤال حيث كان ينتظر فريسته على أحر من الجمر والتي عادت من حيث إختفت .. ثم بدا على وجه الفريسة إستشعار الخطر عندما وضع كلتا قدميه على الجزء الخاص بفراشي متجنباً شر الحانوتي ولكنه كان من المستحيل تجنب كوب الشاي الطائر من يد الحانوتي إلى وجهه مباشرة .. لم يلتفت السجين إلى الحانوتي نهائياً ولكنه رفع صوته وهو يمسح آثار الشاي عن وجهه قائلاً .. يعني ينفع كده يا مختار ؟ نهض مختار من نومه وبدا أنه كان المتسائل عما يحدث منذ قليل ثم وقف مختار ينظر نظرة سريعة فحصت جميع أنحاء العنبر ثم وضع ظهره أمام الحانوتي قائلاً .. خلاص يا حانوتي مش دلوقت .  
بدت تحركات عباس هي الأخرى كأنها شيئاً متفق عليه .. حيث كان يعيد كل من إستيقظ إلى نومه مرة أخرى ويغطي رأسه بالأمر قائلاً .. نام .. نام مالكش دعوة .

أعاد عباس عدداً كبيراً من المساجين إلى نومهم وكأنه يحرمهم من متعة المشاهدة للصراع القادم .. إلى أن بقي في وضع الوقوف ثلاثة ورابعهم عباس .. وكانت نظرات الحانوتي تلفظ حمم بركانية على وجه السجين الذي كانت عيناه تتوسل إلى مختار أن يمنحه قدراً من الحماية بينما نظر مختار إلى عباس وكأنما يلفت نظره إلى وجود شخص مازال مستيقظ يتابع فانتقلت عينا عباس نحوى على الفور وكأنه يأمرني بوضع الغطاء على رأسي كما فعل الجميع .. فنظرت إلى عباس في تحد واضح فإذا به يغمز لي بإحدى عينيه وكأنه يقول .. تمتع بالمشاهده .  
ثم استدار عباس نحو السجين قائلاً .. إنت لسه واقف .. تصدق إن إنت عيل بارد وتستاهل اللي هيجرالك .

كانت هذه الكلمات بمثابة إشارة إنطلاق للحانوتي فانطلق يبعثر تحت قدميه كل شيء ويكاد يقترب من وضع الطيران رافعاً يده لأعلى بشفرة حادة بينما تتعالى أصوات النيام بالتأوهات كلما وضع إحدى قدميه على أجسادهم إلى أن إستقر أخيراً في أحضان السجين وأخذ أرضاً وهو مستقر على صدره وبحركات سريعة أخذ يعبث في وجهه بشفرته بما كان كافياً أن نسمع فيما بعد أن مافعله الحانوتي قد تطلب إصلاحه عدد سبعة وعشرون غرزة في وجهه السجين المسكين .  
عدت بذاكرتي وهمست بداخلي ماذا إذا كنت أنا فريسة الحانوتي يوماً ما .. فهل هناك من مغيث ؟  
ثم تنهدت قائلاً في نفسي كان مالها " الزنزانة الأبدية "

كنت أتابع الحانوتي وهو ينهض عن فريسته ليشعل سيجارته بينما لمحت عباس يسرع بجمع بعض الأشياء من فراشه و ينطلق مسرعاً تجاه دورة المياه ثم تبعه مختار قبل ثوانٍ من سماع الأصوات بالخارج ترح السجين كالرعد .. الجنود تزار بالخارج وكانهم سيهدمون العنبر على رؤوسنا ويطلقون علينا نيران المدافع وإذا بقنايل من الغاز المسيل للدموع تقذف من النوافذ لتستقر داخل العنبر و خرطوم الحريق يوجه دفعات المياه فيندفع الجميع نحو دورة المياه هرباً من الغاز والماء وترتفع أصوات الصراخ من تأثير الغاز ثم يفتح باب العنبر ويدخل عدداً من المخبرين ليحملوا السجين الملقى على الأرض إلى الخارج ثم يغلق الباب مرة أخرى بعد أن أصبح العنبر بركة من الماء و يعود كل سجين إلى مكانه مستسلماً لما حدث دون أن ينبس بحرف ثم يجلس ليرتكب وكأنه سيعود إلى نومه مجدد أ وبينما تتابع عيناى الدامعة المحترقة كل شيء حولي يكسر الصمت صوت يرتفع قائلاً .. تابع ياسيدي .. سجل ياتاريخ .

التفت نحو مصدر الصوت فإذا هو عباس يجلس فوق الفواصل الداخلية لدورة المياه جافاً تماماً ..

استقرت عيناى على وجهه وإذا به يشعل سيجارته وكأنما لم يمسه شىء مستكماً كلماته قائلاً ..  
إكتب عندك واحد قوة ضاربة وصلحه .. بالذمه ينفع كده .. فين حقوق الإنسان .. غاز وقنابل  
على عنبر فيه شوية مساكين إفرض حد مات مخنوق دلوقت ؟  
جاملت عباس بابتسامه باهته وإذا به يقفز في رشاقة وكأنه تذكر شيئاً ويسرع تجاهى ثم وضع يده  
على كتفي وهمس في أذني قائلاً .. مش عاوز تشوف القوة الضاربة ؟  
نظرت إليه متسائلاً عن هذا المسمى الذي تقشعر له الأبدان فاستكمل ساخراً .. هوريلك حاجة بس  
أمانه .. تكتب بقى للناس .. تعرف القراء بالقوة الضاربة .. وإلا هما مش من حقهم ينبسطوا  
زيناً؟

ثم أمسك عباس بيدي وأسرع نحو الباب ثم وضع وجهه في نافذة صغيرة في منتصف الباب ..  
وقفت بجواره أنظر إلى عينيهِ الملونتان تبحثان عن شيئاً ما حتى حصل على غايته فأفسح لى كى  
أضع وجهى في النافذة قائلاً .. بص كده على اليمين .  
وقعت عيناى على لون الخضرة التي كدت أنساها .. حديقة متساوية العشب تساقطت عليها  
قطرات من الندى وتسللت إليها أشعة الشمس فجعلتها تبرق كحبات اللؤلؤ .. ما أروع أن أجلس  
للكتابة على تلك الخضرة الرائعة تحت أشعة الشمس .. مددت أنفي قليلاً للخارج أشتم رائحة الهواء  
مما أكد لعباس أنني في عالم آخر غير ما كان يسعى أن يريني إياه فتمتم قائلاً .. طب شم براحتك  
بقى ولما تخلص هتلاقيني بأشم جوه في الحمام .

إنفردت بهذا المشهد الرائع فلم ألتفت لعباس بل ولم أبتسم على تعليقه الأخير .. انشغلت تماماً في  
استنشاق رائحة الحياة .. إلى أن وقعت عيناى على ما أراد عباس أن يريني إياه .. ما يسمى  
بالقوة الضاربة .. وما أن رأيتها حتى أخذتني نوبة من الضحك المتواصل على ما سبق أن رسمه  
خيالي للقوة الضاربة من قبل .. إنتبه عباس فأدرك أنني قد بلغت غايته فأتى تجاهى مهرولاً في  
المياه باسم الوجه ضاحكاً ثم مال برأسه قائلاً .. شفت القوة الضاربة .. الأشعة البنفسجية .. السهم  
الدوار .. العاصفة .. طيب شفت الواد أبو فائلة حمالات ؟  
أخذت عباس نوبة من الضحك الهستيري وهو يضيف قائلاً .. طيب شفت الواد أبو فردة بيادة و  
فردة شبشب ؟

تعالت ضحكات عباس وعيناها تدمع وكان الوجود قد خلا من حوله واسترسل قائلاً .. لا وكله كوم  
والواد اللى واقف في الشمال اللى لابس فائلة رونالدو على بنطلون البيجاما ومبلول وحالته تصعب  
على الكافر .

شاركت عباس ضحكاته وتابعت قائلاً .. هى دى القوة الضاربة ؟  
هز عباس رأسه قائلاً .. أيوة .. ضاربة بودرة .  
تصافحت أيدينا ثم تتم عباس قائلاً .. اللهم إجعله خير .  
ولم تمض دقائق قليلة حتى دخل أحد المخبرين ورفع صوته ينادى قائلاً .. عادل الشريف .  
فأشرت إليه بيدي فتابع قائلاً .. هات حاجتك واطلع بره .  
أسرع عباس وقام بإحضار متعلقاتى ثم وجه سؤال لصاحب الصوت قائلاً .. عنبر كام يا عم أيمن ؟  
رد عم أيمن بسرعة قائلاً .. ثلاثة ياسيدى .. وحا يشتغل في المكتب كمان .. ثم تابع موجهاً حديثه  
لى قائلاً .. إطلع إفرد حاجتك بره علشان تنتشف وحصلنى على المكتب اللى جنب الجامع .  
أومأت برأسى ثم نظرت إلى عباس مودعاً فأمسك بيدي قائلاً .. هو أنا ينفع ابقى بنى آدم محترم ؟  
تبسمت قائلاً .. ينفع .

فتابع عباس قائلاً .. طيب اوعدنى تكتب للناس إننا نفسنا نبقى محترمين .  
فأجبته قائلاً .. أوعدك إني أكتب عنك وعنهم في روايتى الجديدة  
"الزنانة الأبدية"

كانت قدمي تتلطف في معانقة الخضرة في أولى خطواتها خارج عنبر الإبراد و إتخذت عيناى قبلتها نحو مقعد خرساني إلى أن بلغته فوضعت حقيبتى بجواري وإفترشت ما تبلل من أشيائى على الخضرة تحت أشعة الشمس وما أن إستنشقت ملء صدرى هواءً حتى وضع أحدهم يده على كتفي قائلاً .. إنت بتكتب في جرنال إيه ؟

نظرت إلى صاحب الصوت فوجدته طويل القامة وسيم الوجه خفيف اللحية .. لم يمهلني وقتاً للتعلم في تفاصيل وجهه وأشار لى بمصاحبته وهو يتابع قائلاً .. أخوك خليل وعلى فكرة أنا بأحب القراءة وقرئت نصّ السبعينيات .. وعجبنى جدا الفرعونيات .. سمعت إنك بتكتب رواية عن السجون والمساجين .. ياريت تبقى تتوصى بأخوك شوية لأن أنا قصتى لوحدها عبارة عن مسرحية كبيرة .. كان يضع يده على كتفي وكأنه يصطحب طفلاً صغيراً و ينظر بين الحين والآخر إلى وجهى متسائلاً .. صحفي مش كده .. صحفي أكيد ؟

لم يطل صمتى كثيراً فأجبت قائلاً .. صحفي تحت التمرين في جرنال واتحبست ظلم وفي الحبس جه موضوع الرواية ده كده بالصدفه .. حبسونى انفرادى في زنزانة ولقيت لوحة مرسومة ومكتوب عليها كلام بطريقة غريبة شدتنى قراءتها جداً فقررت أنقل منها وأعملها رواية. أوسع الرجل عينيه الزرقاوين قائلاً .. لا ياراجل .. لوحة غريبة وفيها كتابة .. أهلاً وسهلاً .. أهلاً أهلاً ..

أنست وشرفت .. طيب نتعرف بقى .. محسوبك خليل مندوب المريح الدائم في سجن دمنهور .. تعالى نروح مكتب الخدمة ده زكريا هيفرح ببيك أوى .. والشيمي حاينبسط خالص .. يا أخى أيمن جنبه ده بيحب لنا شوية تحف .. عارف لو بينقى مش حا يعرف يعمل كده .

لم أكن أدرك أن خليل هو أحد السجناء نظراً لإرتدائه لبس رياضى سماوى اللون يختلف عن ملابس المساجين ويحمل معه حقيبة يد صغيرة توحى بأنه أحد العاملين داخل السجن .. توقف خليل ثم انحنى بطريقة استعراضية مشيراً لى بالدخول إلى غرفة صغيرة .. بالكاد استطعت أن أتبين خلوها من الأثاث إلا من مكتبين من الخشب ومقعد واحد ولوحة زيتية كبيرة رسمت بالألوان الطبيعية لبحيرة وأشجار وجمع .. وبينما كنت أتفحص ماحولي في ظل قلة الإضاءة لاحظت وجود شخصين بالغرفة تحرك أحدهما سريعاً وكان خفيف الشعر قصير القامة ثم مال على أذن خليل وكأنهما يتفقدان على شيء ما .. وضعت حقيبتى بجوار المدخل وتقدمت للدخل وألقيت السلام .. فأجاب خليل والشخص خفيف الشعر بينما رفع الرجل الثالث رأسه بعد أن كان منهمكاً في كتابة بعض الأوراق وأشار بقلمه تجاه اليمين قائلاً .. لا يا سيدى .. مش ده الجامع .. الجامع جنبنا هنا على إيدك اليمين و انت خارج وإحمد ربنا إن منير مش هنا وإنت داخل كده وبترمى السلام بالفم المليان . وضع خليل يده على فمه مصطنعاً الرهبة من ذكر أسم منير ثم اقترب منى هامساً .. أصل منير ده .. وإلا بلاش .. ربنا يجعل كلامنا خفيف عليهم .

ثم تابع الشخص خفيف الشعر قائلاً .. ياعم إستنى على الراجل شوية .. قول لى يا كابتن .. انت منين .. تعالى بس قرب كده مالك واقف بعيد كده ليه .

إقتربت قليلاً وإذا به يميل بجسده لأسفل ويغرس إحدى يديه في جانب خصري وهو يصدر صوتاً رفيعاً قائلاً بصوت مرتفع .. إوعى .

شعرت بدغدغة قوية في خصري لكنني تماسكت عن الحركة فإذا به يثنى قائلاً .. لا ياعم مش بيركب الهوا ولا حاجه .. يا خبر إالحق "جنبه" جاى .

أصدر الرجل المنهمك بالكتابة زفيراً طويلاً عبر به عن استيائه بينما دخل المخبر الذي أخرجني من عنبر الإبراد ويبدو أن "جنبه" هو الاسم الحركى الذي أطلقه السجناء على الشاويش أيمن الذي ما أن أصبح داخل الغرفة حتى أصدر أوامره بشكل متتالى دون إنقطاع مما يوحي بأنها لن تنفذ أبداً لصعوبة إحصائها حيث وضع غطاء رأسه على المكتب قائلاً .. زكريا .. خلص اللى في

إيدك و إطلع هات اللي قلت لك عليه من رمضان .. وشوف صبرى إذا كان خلص هات الصناديق كلها خليها هنا وإقفل عليها بالقفل .. زكريا .. مافيش حد ياخذ غير اللي قلت لك عليهم .. وإبقى إعمل يومية الفرن وحط العيش بتاعى في الدرج .. وعدى على المطبخ هات لى الجبنة علشان ألحق أمشى .. هات سيجاره ياشيمى .. فين الدواء يا خليل خليني ألحق أمشى .. فين الفطار يا شيمى .. ما تسخنوا عليه جبنة يا جدعان وتجيئوا كام بصلة من المطبخ وشوية خيار وطماطم و عيش سخن من الفرن .. زكريا .. على فكرة عادل هيشغل مع أنا هنا في المكتب .. علمه بقى الشغل إزاي ويدخل معاكم في العنبر مع المسيرين .. أنهى أيمن أوامره بينما كنت منصتاً أحصى كل ما قاله وإذا به يقترب مني واضعاً يده على كتفي ومتحدثاً بطريقة المليجي لما ولّع في الغيط قائلاً .. إسمع .. إنت هتبقى

مع أنا هنا .. زكريا وشريف الدفتر .. و خليل وسمير العيادة .. وإنت حاتمك الزيارة مع الشيمى .. هتخرج معاهم الصبح الساعة ثمانية وتدخل معاهم العصر .. المكتب هنا أسرار خد بالك . ثم استدار تجاه زكريا قائلاً .. مش حأوصيك يا زكريا .. تفهمه النظام علشان ده صحفي .. أحسن يكتب حاجة كده حاجة كده مش ناقصين مشاكل كفاية اللي جرى لنا من تحت رأس شهاب . احتد زكرياً موجهاً كلماته تجاه جبنة قائلاً لا .. بقولك إيه .. إنت تقول اللي انت عاوز تقوله في أى موضوع .. إنما لحد شهاب إنت آخر واحد يتكلم .. ده انت مثال حي لكل اللي شهاب اتكلم عليه .

إهتز أيمن وصرف عينيه عن زكريا قائلاً .. هو أنا قلت حاجة .. ده كان راجل محترم ربنا يطمنا عليه .. أنا بس أقصد مافيش داعى للمشاكل ما إنت شفت عملوا فينا إيه لما كان هنا واتبهدلنا إزاي .. فين السجاير ياشيمى .. خلص يا خليل خليني امشى .. خلاص يا زكريا أنا حأروح أجيب الجبنة وأبقى أفطر في البيت مع الأولاد .. عادل .. مافيش صحافة هنا أبوس إيدك عندنا عيال عاوزين نربيهم .. يلا .. سلام .

وما أن خرج أيمن حتى انفجر الثلاثى بالضحك في توقيت واحد للسخرية من هذا الأداء الذي قام به جبنة وأخذوا يعيدونه مرة أخرى متقمصين طريفته ومصافحين الكفوف عند كل حركة تثير الضحك .. إجتمعت تعليقاتهم الساخرة على أنه شخصاً لا يطاق وأن لحظة مغادرته هي موعد بدء الراحة النفسية ..

استوقف الشيمى أفكارى مقترباً من وجهى قائلاً .. انت صحفي ! بجد ؟ تعالى في حضنى يا حبيبي .. قاطعه خليل قائلاً .. جرايد معارضة صح ! شكلك معارضة طالما حبسوك .

قاطع زكريا الحديث قائلاً .. بص يا إسمك إيه إنت .. إحنا هنا بنقضى كام يوم وخارجين .. عايز إنت بقى تفضل هنا ده موضوعك .. أظن سمعت بنفسك اللي حصل لنا أيام شهاب ده غير اللي حصل لنا بعد ما مشى .

تمنيت أن أسأل عن ماحدث لكن صوت الشيمى خرج مفاجئاً .. صحيح يا أخى ده إحنا إتمرطنا أيامها مرطه .. ولا تليفون ولا جرايد ولا فلوس ولا الهوا .. ده كان تفتيش قبل الزيارة وتفتيش في الزيارة وتفتيش بعد الزيارة وبعد ده كله تفتيش في العنبر يا بويا .. ربنا لا يعيدها أيام .

تابع زكريا حديثه قائلاً .. علشان كده بقى سيادتك تنسى موضوع إنك صحفي ده وتفتكر انك مسجون وبس .. عايزين نقضى اليومين ونخرج ونخلص من الغلب ده .. واى حاجة عايز تكتبها تبقى تأجلها لما تخرج بالسلامة ومافيش داعى ينزل عليك الإلهام هنا فيحبسوك إنت وإلهامك وإلهامنا كلنا .. ياريت يبقى ينزل كده وإنت قاعد في كافية مكيف بتشرب فنجان القهوة بمزاج ..

بره .. واخذ بالك إنت .. ساعتها بقى لو عاوز مساعدة مننا من عنينا الاثنين .. نساعدك ..  
نحكى لك .. ولو عاوز كمان تعملها رواية احنا نجمع من بعض وننشرها لك مافيش مانع .. لكن  
هنا ولا كلمة .. الا صحيح انت لو كتبت رواية ممكن تسميها ايه ؟  
همست بهدوء "الزنزانة الأبدية"

#### \*Shehabiat\* : الحلقة الرابعة عشر :

كنت مرتعباً من كلمات زكريا العقلانية فأخذت أفكر أن أكتفي بما دونته على أن أقوم استكمالها بعد  
خروجى من السجن عملاً بنصائح زكريا إلا أنني تذكرت أن مهمتى الحقيقية هى عمل التحقيق  
الصحفي وتدوين كل شيء أولاً بأول .

طال بنا جميعاً الصمت إلى أن دخل شخص مصبوغ الشعر والشارب قصير القامة أشار إلى وجهى  
بقلمه قائلاً .. أنت هنا ليه .. اتفضل بره .. السؤال من بره .. قلت مليون مرة مافيش دخول هنا  
.. كان الرجل مهندم الملابس يرتدي قميصاً أزرق و بنطال أزرق وفي قدميه "شبشب" لا يتماشى  
مع هندامه وعندما طافت عيناى بين الحضور بحثاً عن من يرد عنى وجدت الجميع منشغلون كل  
في ملكوت بعيد .. بل ولم أستشعر تلك الضحكات المكتومة في صدورهم فأوحى إلى صمتهم بأنه  
المأمور وفي طريقه إلى أداء الصلاة بالمسجد .. وبينما أستعد للمغادرة إرتفع صوت الرجل  
القصير مرة أخرى قائلاً .. قلت بره .

فاتجهت نظراتى عفواً نحو قدميه وعندها تبسم قائلاً .. الشبشب صح .. هو اللي ميوظ البريستيج  
.. صح ؟

أنا قلت لهم ماينفعش مسير عام السجن يبقى لابس شبشب لكن تقول إيه بقى في زناخة الدماغ ..  
بس إيه رأيك .. خطفتك صح ؟

ثم مد يده مصافحاً وسط ضحكات الشياطين الثلاثة وهو يقدم لى نفسه قائلاً " منير " أقدم ساكن في  
الخرابة دى .. وكل دول بيشتغلوا عندى .. استلمتهم كلهم وهما لسه صغيرين وكانوا بيقولوا لى يا  
عمو .. المهم اتعرفت على طقم المكتب وإلا بناقص .. بناقص الصراحة كلهم عيال بايظه ..  
دقايق أروح أسلم اليوميات دى وأرجع لك .

خرج منير مسرعاً .. وكالعادة انفجرت الغرفة مرة أخرى بالضحكات والقهقهات المستتكرة من سلوك  
منير وتعليقاته ثم بدأ الثلاثى في إعادة ما قاله بطريقة التقليد الساخر ثم إقترب منى خليل مبالغاً  
في إتساع عيناه قائلاً ..

أنت في عنبر العقلاء .

بينما دخل شخص أصلع الرأس يبدو في الثلاثينيات من عمره أسرع نحو خليل صارخاً .. فَتَح  
يابنى فَتَح شوف مين بيكلمك ده أنا عنتر المفتح بصباعى أخرشمك .. ثم إرتفع صوت الثلاثى  
الساخر وهم يتراقصون الى أن ساد الصمت فجأة عندما عاد منير مرة أخرى منفعلاً وهو يقول  
ينفع كده .. إيه اللي بتعملوه ده يا حضرات .. ده منظر مكتب مسير خدمة !

إلتفت منير نحو خليل ثم صاح قائلاً .. والنبي ناولونى الولاة عايز أولع روما بحالها .. أنا  
مستعجل عندي إذاعة .. خطبة عظيمة أنا رايح أقولها .

وقبل أن ينهى منير فقرته الإستعراضية دخل شاباً في العشرينات طويل القامة اتجه مباشرة نحو  
زكريا قائلاً .. إزيك يا أبا .. خلاص كفاية عليك كده .. سيب لى اليومية دى بقى وأنا أكملها .  
قاطعه زكريا وهو يشير نحوى بقلمه قائلاً .. سلّم على الأستاذ عادل زميلنا الجديد .. ثم أضاف ده  
بقى شريف إبنى أو بمعنى أصح زى إبنى من ساعة ما وصل

السجن هنا وأنا بأعتبره ابني فعلاً .. أما بقى اللي لعب من شوية دور عنتر المفتح ده يبقى الأستاذ

سمير .. تقدم شريف لمصافحتي بهدوء وتعقل وبدا لى أنه قد إعتاد مشاهدة هذا السيناريو الساخر ربما يومياً وسريعاً مد سмир يده نازعاً يدي من يد شريف قائلاً .. بسرعة .. مش وقت تعارف بصوا مين جاى .

عم الصمت أرجاء الغرفة بدخول أحد المساجين و بإشارة من خليل بدأ الجميع يشكلون دائرة حوله بينما هو يحذرهم بأنه عكر المزاج ولا داعى لما سيقومون به .. ثم أخذ يلتفت في جميع الاتجاهات بطريقة غريبة وسريعة ثم تبدلت إلى قفزات عندما نزع الشيمي بأصابعه أسفل صدره قائلاً .. إوعى.

وبغير وعي انتفض جسده إنتفاضة من صعقته الكهرباء فصار يضرب بكلتا يديه في الهواء بغير هدى وكادت يده تلمح وجه خليل الذي انحنى برشاقة متفادياً تلك الضربة الخاطفة ثم بدأ الثلاثي هجوم متتالي من النزغات على السجين وهو يقفز قفزات عشوائية وتلاطم يديه كل شىء حوله بما في ذلك جدران الحوائط والمكاتب إلى أن سقط أرضاً فصاح منير بقوة قائلاً .. إيه ده! ينفع كده؟ قوم يابنى .. بس خلاص .. مافيش هزار كده ياجماعة .. ده ممكن يموت فيها .. اللى بتعملوه ده ممكن يعمل ضغط عصبى على دماغه و يجرى له حاجه.

وما أن أنهى منير جملته حتى نزع بأصابعه أسفل صدر السجين قائلاً .. إوعى " فقفز السجين في الهواء ضارباً بيده فصادفت كفه وجه سмир الذي لم يكن حذراً هذه المرة فارتفعت الضحكات الهيستيرية مصاحبة بالدموع أما السجين فإنتقل من الباب هارباً دون أن أعلم ما كانت غايته ولماذا أتى إلى مكتب خدمة المساجين .. إرتفع صوت منير قائلاً .. يعنى ينفع كده! في هزار كده؟

الضربة اللى جت في سмир دى كان ممكن تعمله ارتجاج في المخ .. استنوا كده .. وبينما يقترب منير من سмир صرخ سмир قائلاً .. لا .. بقولك إيه .. متعملش الحبتين بتوعك دول علي أنا.

ارتسمت الحلقة مرة أخرى حول سмир وبدأت الأصابع تبحث عن ثغرة إلى أسفل صدره فتابع سмир قائلاً .. يعنى خلاص مش قادرين تمسكوا نفسكم شوية .. لازم تعرفوا الراجل الجديد اني بأركب الهوا ..

طيب ياسيدى أنا بأركب الهوا زى الواد اللى خرج يجرى ده بالضبط .. إهمدوا بقى. ثم نظر سмир تجاهي مغيراً مجرى الحديث قائلاً .. إنت حضرت الخناقة بتاعة الحانوتى ومصطفى في عنبر الإيراد ؟

مصمص خليل شفتيه قائلاً .. سبعة وعشرين غرزة في وشه ابن المفترية .. عيل غبى اوى . وأردف الشيمي قائلاً .. الواد مصطفى غلطان برضه .. إيه اللى يدخله العنبر وهو في خصومة بينه وبين الحانوتى من ساعة الموبايل بتاع الواد زنان .. كان قال للمخبرين أنه مخصم واحد في الإيراد كانوا دخلوه عنبر ثانى.

استوقف شريف الحوار قائلاً .. على فكرة الموضوع مش كده خالص .. فاكرين لما الحانوتى ربنا هده على إيد شهاب وخلاه يعمل طعمية ويبيعهها في العنبر ويكسب من عرق جبينه .. الحانوتى أيامها ربنا كرمه وجاب موبيل كان بيكسب من وراه وفي يوم أخذه الزنان إيجار يوم وكان نازل تاني يوم جلسة .. بعدها بيومين الحانوتى لقي الموبايل مع مصطفى وحلف له إنه اشتراه من الزنان بأربع كراتين سجائر طبعاً الحانوتى أخذه منه عافيه قام مصطفى وهو نازل جلسته مبلغ إن الحانوتى معاه موبايل وإتاخذ منه ودخل التأديب .. راح الحانوتى دافع لمختار علشان يدخله عنده عنبر الإيراد ويستنى مصطفى لما يرجع .. ومصطفى ياعينى ماكاش يعرف ولا يتوقع إن الحانوتى عرف إنه أرشد عليه ولا إنه مستنيه في عنبر الإيراد وطبعاً المخبرين مالمقشوش اللى في دماغ الحانوتى ولما رجع مصطفى من الجلسة دخلوه الإيراد راح مقابلة

الحنوتى وعمل مشكلة قال ايه إنه داس على الفرشه بتاعته وراح مبوظ له وشه وطبعاً مختار وذن من طين.

استوقف سمير قائلاً .. ايه يابنى ده .. مرجع .. ده انت ناقص تقول لنا رقم الموبايل كام. قاطعهم خليل قائلاً .. بس سيبك انت .. الواد مصطفى لما دخلوه عندى العيادة على النعمه ماعرفته .. كان كل همى ألحق أخيط مناخيره قبل ماتقع .. الغبى ضاربة بشنبارة غبية عاملها من غطاء علبة تونة .. طبعا عملت له جراح غير منتظمه في الوجه . قاطعه منير قائلاً .. طب بالذمه ينفع كده .. أما عيل غبى اوى .. يضربه بغطا علبة تونه كده من غير لا زيت ولا ليمون .. ولا حتى بصله منقطع وعلها شوية خل . كدت أشعر بأن موضوع الحديث قد تغير دون أن أدري إلا أن يد خليل أمسكت بذراعي قائلاً .. اوعى تتوه مننا يا زميلى .. في حاجة إسمها حق القارىء .. لازم تكتب اللى بيحصل بالحرف

في رواية "الزنزانة الأبدية"

كانت كلمات خليل تضع على كاهلى حملاً ثقيلاً و كانت كلمات زكريا مازالت ترجف قلدى وبينما أنا شارذ الذهن في حيرتى فاجأني الشيمى قائلاً .. إنت شفت التأديب قبل كده يا عادل ؟ فأجبت نافياً بهزة من رأسي فإذا بخليل يمسك يدي قائلاً .. ياسلام .. غالى والطلب رخيص يا سيدى .. تعالى معايا.

انعطف خليل نحو اليسار في ممر مجاور لمكتب الخدمة تخله عدداً من الغرف الخاوية يفوح منها رائحة كريهة تزداد كلما توغلنا داخل الممر وينبعث من أعماق الممر أصواتاً أشبه بالصراخ ترتفع كلما اقتربنا للداخل ثم استوقفتني خليل عندما رأينا أربعة من المخبرين يحيطون بجثة عارية يتبادلون عليها الركلات بطريقة متتابعة إلى أن يهوى عليها خامسهم بالكرباج فيقطع الهواء بصوته ثم يقطع بشرة الجثة العارية مصاحباً لوقعه صرخة مدوية وحركات سريعة بالأرجل من وقع الألم فتدور الجثة حول نفسها على الأرض إلى أن يستقر الوجه تجاهي فوجدته هو نفسه وجه الحانوتي الذي انقض على فريسته بالأمس في عنبر الإيراد لكن فهد الأمس تحول إليوم إلى جرو ضعيفاً خائر القوى ينزف الدم من فمه وأنفه وكأنما هو في النزاع الأخير .. أمسك خليل بيدي للمغادرة مكتفياً بهذا القدر فوجدتني أرمق الزبانية بنظرة سريعة وكأنما أرسم وجوههم لأبلغ عنهم كل من فقد أحد أفراد عائلته داخل أحد السجون خرجت وأنا أتمتم في نفسي قائلاً .. نعم وارد جدا أن يفقد مسجون عقلة أو يفقد حياته .. وربما هم من يجعلون منهم مجرمين محترفين .. ربما هم من يجعلون منهم أعداء للمجتمع .. هم الذين يسخرون من حقوق الإنسان بل هم من يسلبون الإنسان كرامته .

نظر الشيمى إلى وجهي مدققاً عند عودتنا إلى مكتب الخدمة لكنه لم يسخر هذه المرة عندما استوقفتني أمامه قائلاً .. إنت شكلك كده عمرك ما قابلت شهاب صح ؟ رفعت عيني تجاه وجهه قائلاً .. نفسى اقبله ولو خمس دقائق.

تابع الشيمى قائلاً .. علشان كده .. بص يابنى .. شهاب كان جنبى في الفرشة شهر .. كل ليلة كنا نسهر نتكلم ونحكي .. ومرة وأنا بأشكى من البشر بكيت من الحرقه وأنا بأسأله هي الناس بتعمل في بعض كده ليه؟

قال " علشان الناس في بلدنا كلهم طيبين.

فقلت .. طيبين .. دول طيبين .. امال لو مش طيبين كانوا عملوا فينا ايه ؟

فقال .. الشخص الطيب بيحكم مشاعره في كل تصرفاته وهي التي تحركه ويبنى عليها ردود أفعاله ثم تصدمه أخطاء البشر وعدم اعترافهم بالخطأ باعتبارها مصالح متبادلة .. فتترك تلك الصدمات ندبات في ذاكرته إلى أن يأتى يوماً يقتنع فيه بأنه يجب أن يعمل عقله بدلا من قلبه

ليصبح واقعي مثلهم ويتعامل مع من لا ذنب له مثلما عامله من استغل طبيته وأعمل عليه عقله بالماضي فخدعه .. كذلك هم البشر اليوم .. يأخذونك بذنب من ظلمهم وخذل مشاعرهم قبلك . فكن واقعي في فهم الأمور مثلما لن تعيد الحجر بعد إلقائه ولن تعيد الزمن بعد مروره ولن تعيد الفرصة بعد ضياعها مثلما لن تعيد الشباب بعد رحيله ولن تعيد الصحة بعد زوالها ولن تعيد الحب بعد فقدته وإلتمس للناس الأعذار قبل أن تصدر عليهم القرار .

أنهى الشيمي كلمات شهاب فذكرتني معانيها ببعض مما قرأته في لوحته "بالزنزانة الأبدية " كنت أسترجع كلمات شهاب التي تحت على التسامح والعفو وإن حرصتنا قلوبنا على الانتقام وإذا بصوت خليل يقطع افكارى قائلاً .. عارف أنا نفسى في ايه ؟ نفسى يسلموني السجون شهر واحد بس .. نظرت إلى خليل متسائلاً عن ما يريد أن يفعل فأضاف قائلاً .. كنت عملت المخبرين دول عبره .. كنت علمتهم الأدب .. كنت طلعت على جثثهم اللي بيعملوه في الناس .. كنت دوقتهم من نفس الكأس .. كنت عذبتهم بطريقة التحنيط أحياء زى تماثيل الشمع كده .. كل واحد فيهم يتحنط على الوضع اللي كان بيعمله .. اللي كان بيهرب صابون أحنطه واقف وشايل كرتونة الصابون في إيده واللى ببسرق الزيت بتاع المساجين أحنطه وهو شايل الزيت وهكذا .. مش بيقولوا الحرامى بشيلته .. أهو أنا بقى حأعمل كده وكل واحد يتحنط بشيلته وأعلمهم مزار سياحى واللى داخل وخارج يناولهم بالقفا والشلوت ونصورهم في التليفزيون بث مباشر على الهوا . قاطعت خليل متسائلاً .. هل الكل يستحق هذا الإنتقام ؟

أجاب خليل قائلاً .. كنت فاهم كده .. لكن شهاب وضح لى إن التقدير الشامل يشوبه البعد عن الحقيقة وأن التعميم في التقييم هو ناتج عن الاستسهال في الحكم والكسل عن دراسة التفاصيل الدقيقة لأن كل مجال به المصلح والمفسد بدليل أن المصلح هو من يكشف لنا عن وجود المفسد . زفر خليل بعمق سارحاً بخياله بعيداً ثم أضاف .. الحقيقة إن وجود شهاب مع أنا كان بيخفف عننا كثير لأنه كان بيعرف يحول اليأس و طاقة الغضب والرغبة في الإنتقام إلى سلوكيات إيجابية بمجرد الحديث معه مش عارف إزاي .. تلاقى نفسك بتفضفض وبتحكى له من غير ما يسألك وتحس إن كل كلمة بيقولها بترجعك إنسان لكن المشكلة إنه لما بيبعد كل حاجة بترجع زى ماكانت .. تعرف مثلاً الحانوتى الفتوه ده أيام شهاب كان بلطجى وبيأخذ اتاوه من العنبر قعد معاه ساعه زمن .. ثانى يوم لقينا الحانوتى بيعمل مشروع مطبخ في العنبر .. كان بيقل طعميه وبيبيعه للمساجين ومهما سمع من تريقه كان يقول طالما بأكسب لقمى بشرفى وبعرق جبينى مايفرقش معايا الكلام .. لكن بعد إختفاء شهاب رجع الحانوتى للبلطجة تانى زى ما إنت شفت كده .. عندك سمير مثلاً .. كان بيشتغل في شركة الكهرباء موظف من الموظفين اللي بيروحوا يمشوا وإتسجن في قضية رشوة لأن المرتب طبعاً مش بيكفي البيت ولما اتسجن مراته طلبت الطلاق وخسر أولاده وما عرفش مراته راحت بيهم فين ولا حضرت زيارة واحدة وجاله يأس من كل حاجه .. شهاب لما عرف في يومين خلاه رجع لأولاده ومراته بالتليفون وصحى جواه الأمل تانى وخرج منه موهبة التعليق الإذاعى لأن صوته هايل الصراحة وكان بيدربه ويقعدنا كلنا نسمعه وهو بيقرأ وفعالاً عمل له إتفاق مع محطة إذاعة إنه لما يخرج يشتغل مذيع .. لكن بمجرد اختفاء شهاب إكتئب سمير وانطوى على نفسه ونادراً لما يكلم حد أو يضحك .. لكن الحق ينقال .. الشيمي هو الوحيد اللي فضل محافظ على روح الأمل في قلبه .. أعتقد السبب إنه كان الأقرب في العلاقة مع شهاب .. وعندك شريف مثلاً كان كل اللي على لسانه هو الهجرة من البلد ويأس من المجتمع والناس .. دردش معاه وهما بيلعبوا شطرنج .. لقينا شريف بعدها بينكلم عن الوطنية وعن حب الوطن وعن دور الشباب في إصلاح المجتمع وعدم التخلي عن دورهم والهروب من المسؤولية بالسفر والهجرة .. أحكيك إيه ولا إيه .. ده غير الناس اللي جوه العنبر لما تدخل بقى هتلاقى الأستاذ أمين اللي تحول إلى موسوعة للتاريخ المصرى بعد ماكان تاجر آثار وتلاقى

"عمر" المسجل نصب تحول إلى مصلح اجتماعي بيحل مشاكل المساجين .  
وتلاقى غزال قاعد بيقراً بعد ما كان جاهل لا بيقراً ولا بيكتب وتلاقى سليم بيتمرن كمال أجسام  
بعد ماكان فران والحاجه الوحيده اللي كان بيثيلها هي شوال الدقيق .. ماتفهمش إزاي كان عنده  
قدره إنه يهذب نفوس المجرمين و يزرع الحب بينهم و يعلمهم معنى العطاء ..  
قدر يشغل كل واحد بأنه يسعى يسعد الثاني وخصوصا كبار السن والغلابة كان البلطجي بيكلف  
نفسه برعايتهم ..

يوم اختفاء شهاب .. اليوم ده كان فيه كمية بكاء عمرى ما شفتها في حياتى .. الكل كان يبكي  
بحرقه.

لكن فضلت فاكراً من كلامه انه قال لى شيل الغل من قلبك وإتعلم تاخذ على قد حقك وإياك تجور  
على حق حد وإلا بيقوا نجحوا يخلوك زيهم.

دمعت عينا خليل الزرقاء حتى كدت أضمه إلى صدري فوجدته يستكمل وهو يمسح عينيه بيديه  
ويسحب الشهيق بعمق قائلاً "افتقدناه".

إنهمر الدمع كالشلال على وجه خليل وتسارعت أنفاسه وتلعثمت كلماته وهو يضيف قائلاً .. لسه  
صوته بيرن في ودانى وهو بيقول كلهم مساكين .. حتى المجرمين كان يعتبرهم مساكين  
ويعاملهم على إنهم مساكين.

لمح خليل بطرف عينه إقتراب الشيمى فأسرع يخفي عيناه وهو يمسحهما بذراعيه ثم زين وجهه  
بابتسامه وهو يضيف قائلاً .. بس ياسيدى ده كل اللى أعرفه عن شهاب "ربنا يطمنا عليه "

تدخل الشيمى ساخراً وهو يقول .. أمين .. بس انت حرامى .. في حد يصدق حرامى!

نظر الشيمى تجاهي وهو يضيف قائلاً .. ده خاين أمانه .. إوعى تصدق كلمة من كلامه ..

روح بص على الملف بتاعه هتلاقيه سارق صاحب الشغل اللى كان بيشتغل معاه .. ثم نظر  
الشيمى نحو خليل الذي وقف باسمأ وأضاف قائلاً .. طب عيني في عينك كده .. حرامى ولا

مش حرامى ؟

فأجاب خليل بابتسامه قائلاً .. حرامى يا بيه .

وقف الشيمى أمام وجهى واضعاً ظهره تجاه خليل وأظهر بعضاً من الجديه على وجهه قائلاً ..

إذا كان ولا بد تكتب اللى قاله .. إكتب إني قلت لك إنه حرامى وإن اللى فيه داء عمره ما يبطله

وإن ذيل الكلب ممكن ينقطع لكن عمره ما يتعدل ..

اللهم بلغت اللهم فاشهد .. وكله الا الأمانة.

### الحلقة الخامسة عشر : \*Shehabiat\*

كانت ستائر الغروب تغطى السماء بالغيوم عندما أنهى الشيمى كلماته وخرج زكريا وشريف من  
مكتب الخدمة إستعداداً للدخول إلى العنبر بينما لمح زكريا بطرف عينه بقايا حديث يدور فأقترب

منا قائلاً .. يعنى مافيش فايده فيكم!

فأجاب الشيمى متلعثماً .. ولا حاجة من اللى في دماغك خالص .. ده احنا كنا بنتكلم في موضوع

ثانى.

تبسم زكريا قائلاً .. هو إنتوا فاهمين إيه .. فاكرين انى مش بأحب شهاب مثلاً .. بالعكس شهاب  
واللى زيه لهم في قلبى كل حب وتقدير .. وكان نفسى انه ينجح في كشف العصابات الكبيرة اللى

لسه بره .. لكن طول ما إحنا أضعف من الفساد يبقى لازم نعدى الموجه وإلا الطوفان يأخذنا

ويرمينا كلنا ورا الشمس .. تقدرنا تقولوا لى مع كل احترامى لكل اللى بتقولوه .. عملتوا لما

خطفوه .. ولا حاجة .. عارفين ليه !

علشان غلابة متقدروش تعملوا حاجة .. لما يبقى الحق أقوى يبقى نقف في صف الحق لكن طول ما الفساد أقوى بلاش تحاربوا بسيف خشب .. حاقول ثانى ولآخر مرة لما تخرجوا ابقوا اعملوا اللي انتوا علوزينه .. وإذا كنتم مصممين على الكلام يبقى على الأقل بلاش وقفتكم كده في الحوش قدام الدنيا كلها وانت بالذات يا شيمى عارف إن في عيون بتنتقل كل حاجة .. أضعف الإيمان أجلوا الكلام لما ندخل العنبر .

إمتعض وجه خليل وهو يشيح بيده منصرفاً وكان زكريا قد أصابه بسهم الخيانة بينما هز الشيمى رأسه موافقاً ثم أدخل ذراعه في ذراعى متوجهاً نحو العنبر قائلاً .. بس يا عم فُرجت .. طالما زكريا قال نحكى في العنبر يبقى أخذنا تصريح رسمى بالرغى .. تعالى بقى ندخل نأكل لقمة وبعدين أبقي أكل دماغك وأحكى لك على العصابة اللي كان بيتابعها شهاب .. وما أن وضعت إحدى قدمي داخل العنبر حتى أخذني الشيمى معلقاً بي في كل مكان وكأني في جولة سياحية و قدمني إلى كل من يلتقيه بأني المسير الجديد والقائم على تنظيم زيارات المساجين معه وكأنه يعلن لكل من تسول له نفسه إفتراس الوارد الجديد بأنه تحت الحماية وسرعان ماتناولنا طعام الغذاء الذي اتضح أن سمير هو الذي قام بإعداده لنا خلال فترات غيابه عن المكتب ثم أعد الشيمى لى موضعاً لفراشى بجواره و جلس مستنداً بظهره على الجدار وهو ينظر تجاهي قائلاً .. نفس القعدة .. كان هو بيقد مكانك هنا ..

إستنى .. شايف دى ؟

أخرج الشيمى من داخل حقيبته صورة صغيرة ومد بها يده نحوى قائلاً .. ده بقى ياسيدى شهاب .. ومالك عليا يمين يابنى أنا كل ما أتصايق أطلع الصورة دى واقعد ابص فيها .. ثم تابع قائلاً .. إيه يا عم انت مالك غارز في الصورة كده ليه كأنك حا تأكلها .. في إيه؟ "تبسمت مرة أخرى قائلاً "اصل دى اول مرة اشوف له صورة" فأضاف الشيمى قائلاً .. معقول بتكتب رواية عنه وعمرك ما شفت صفحته ؟

وقعت كلمة صفحته على عقلى وقع الصاعقة بينما مد الشيمى يده داخل حقيبته مرة أخرى وأخرج هاتفه المحمول ثم أخذ يعبث بأصابعه سريعاً وتوقف عند شيئاً ما ثم إقترب مني قائلاً .. دى يا سيدى الصفحة اللي كان بيكتب فيها وآخر حاجة كتبها كانت عن العصابة اللي سخرونى اشتغل لهم في تصنيع الحبوب المخدرة .. كانوا عاملين وكر في شارع كلوت بيه في جراج فندق قديم وكانوا بيحبسونى لحد ما أخلص ولما قلت مش عاوز اكمل معاهم لفقوا لى قضايا وحبسوني . كنت في حالة من التركيز الكامل أتابع الشيمى وهو يمر بأصابعه سريعاً على صفحة شهاب إلى أن وجدته فجأة يدس الهاتف أسفل حقيبته وينهض مسرعاً نحو أحد الأشخاص ليمسك بذراعه ويساعده على النهوض ثم يعود بصحبته ويقدمه لى قائلاً .. سلم على عمك نسر .

استويت في جلستى ومددت يدي مصافحاً وما أن جلس حتى بدأ الشيمى حديثه قائلاً .. بص يا عم نسر .. الأخ عادل بيعمل كتاب عن المساجين إذا حبيت تتكلم معاه شوية عن حياتك وعن توبتك .. لكن لو مش عاوز خلاص .

لم يقاطع النسر حديث الشيمى لكنه تبسم ثم أردف قائلاً توبتى ؟

مين اللي قال لك إني توبت .. إنت عايز تبوظ سمعتى يا عم شيمى وإلا إيه ؟ ضحك الشيمى بصوت مرتفع ثم وضع يديه على فخذي عم نسر قائلاً .. حتى لو ما كنتش توبت يا شقى برضه احكى لنا عن إجرامك يامجرم .

نظر النسر نحوى قائلاً .. طيب هتكتب اسمي إيه في الكتاب يا سيدنا البيه ؟

أجبتة قائلاً .. زى ماتحب .

إنتفض النسر من مجلسه وهو يخلع سترته ويستدير بظهره قائلاً .. أنا بأحب ده " أظهر باستدارته وشم كبير يملأ ظهره كله على هيئة نسر ضخم في حالة الانقراض على فريسته ..

كان الوشم حاداً صريحاً لا يبدو أنه من صنع مسجون آخر بل كان من صنع أحد محترفي صناعة الوشم فسألته .. مش ممكن يكون ده معمول في السجن يا عم نسر ده شغل محترفين .  
إرتدى نسر سترته وهو يتابع قائلاً .. باين عليك بتفهم يا حضرة .. الوشم ده معمول بره .. بره مصر .. اللي قاعد قدامك ده كان تاجر سلاح .. آثار .. مخدرات .. وكله بعلم أسيادنا .. كان عندي يخوت وسفن وأراضي وأملاك وحسابات في البنوك هنا وبره .. ولما أسيادنا اتقلبوا عليا .. إتقلبت الدنيا واتحبست .. وفي الحبس خلصت فلوسى وخرجت لقيت ذل بعيد عن السامعين .. حتى عبده أخويا اللي كتبت له نص أملاكي غدر بيا علشان الفلوس هو وجمال المحامى بتاعى وعملوا لى شهادة بالجنون .. المال الحرام سم عقولهم .. تعرف سكنت فين لما خرجت .. عارف الأوضه الصغيره بتاعة الكهرباء اللي بيبقى فيها الكابلات والمولدات .. بقيت أنام فيها واصحى الصبح أدور على حد يساعدى .. لما المال بيروح الناس كمان بتروح يا سيدنا وما فيش حد بيعبرك .. جوعت واتعريت وبقيت زى المخابيل اللي بيمشوا في الشارع .. والناس بقت تبعد عنى وهى ماشية كأنهم خايفين من الجرب بعيد عنك .. حلفت من يومها أخذ حقى من كل الناس .. وأولهم أخويا ..

جنون بجنون ولعت له في بيته .. لكن هو كان في اللوكاندة يومها ومراته هى اللي ماتت في الحريق لكن النياية كشفت إني مش مجنون واتسجنت ثانى .. لكن المرة دى في الحبس كنت غلبان لا معايا فلوس ولا ورايا سند .. وخرجت على بيتي الجديد في المعادى .. أوضه الكهرباء برضه .. لكن الحق يتقال روقيتها .. مرتبة وبطانية ومروحة وكسرت القفل بتاعهم وعملت قفل بمفتاح من بره وترباس من جوه وبقيت أدخل وأخرج على مزاجى وكانت الناس بتشوفنى راجل كبير وغلبان يساعدونى ومش بيبيلخوا عنى لحد ما عملت إتاوة على سكان الشارع اللي رايح واللى جاى واللى بيركن عربيته .. كان حى راقى والسكان ناس مالهاش في قلة الأدب وبيخافوا من المشاكل .. وفي يوم كنت سكران وكان الجو برد والليل غبى .. لقيت واحدة ماشية مع جوزها .. بس عجبتنى أوى .. مشيت وراهم وعرفت بيتهم ونزلت على البلكونه من السطح وهجمت عليهم زى النسر .. هددت الراجل بالسلاح وغزيت غزه صغيرة في جنبه و ربطته .. وحصل اللي حصل .. الراجل يظهر ما بلغش عن اللي حصل وعزّل من المنطقة وعَدّت .. واستحليت الحكاية .. ورجعت أتاجر في المخدرات قطاعى ..

شغلت عيال سريحه يوزعوا .. وبقيت طول النهار أشترى وأبيع في مخدرات وأرجع بالليل أسكر واستنى فريسة راجعه لوحدها أخطفها على الأوضه لغاية الفجر .. أو الأقى واحد راجع لوحده أثبتته وأخذ فلوسه .. وفي مرة من حظي الإسود عربية ركنت جنب باب الأوضه .. واحد ومعاه واحدة شمال .. هجمت عليهم .. طلع باشا كبير .. وخبطنى قضية مخدرات كده كلها كام شهر وأخرج أدور عليه هو وأخويا .. وقال الشيمي بيقولك تاب قال .. أتوب من إيه وإلا من إيه .. اللي زي حالاتى ماينفعش يتوب وينصلح حاله و يعيش وسط مجتمع .. إللى زي حالاتى علاجه ينضرب بالنار علشان الناس تعرف تعيش .

قاطعه الشيمي قائلاً .. لا ياعم نسر ماتقولش كده .. إنت دلوقت بقت واحد تانى .. وبقيت بتصلى الفرض بفرضه ومش بتفوت صلاة .

تابع النسر قائلاً .. بس مش حاسس إن ربنا ممكن يقبل توبتى .. ولولا إني وعدت شهاب إني أحاول ما كنتش صليت ولا اتوضيت أصلاً .

قاطعت النسر قائلاً .. قال لك إيه ووعدته بايه يا عم نسر؟

نظر النسر نحوى وهمس بصوت منخفض .. قال لى زى ما الجنة درجات .. النار كمان درجات وعلى الأقل حاول ما تبقاش في أبشع درجات النار وأنا وعدته أحاول .. استرسلت قائلاً .. بس ربنا بيغفر يعنى ممكن تدخل الجنة .

أضاف النسر قائلاً .. لو كان قال لى اعمل علشان تدخل الجنة ما كنتش صدقته لاني لو أنا اللي بايدي أحكم على نفسي كنت حكمت على نفسي بجهنم .. لكن فعلاً نفسي اخفف عن نفسي العذاب. قاطعت النسر قائلاً .. طيب لما تخرج ياعم نسر ناوى تعمل إيه.

أجاب النسر مبتسماً .. حأعمل زي ماكنت بأعمل وحأولع لهم في اللوكاندة طبعاً .. أرجعت رأسي للخلف مستنداً على الجدار متمتماً .. يانهار إسود. استرسل النسر قائلاً .. بعد اللي سمعته مني ده يابيه تقدر تأمن على أهل بيتك مني؟

لم أجب بينما تابع النسر قائلاً .. طبعاً لا .. نفس الحكاية حأخرج للأسفلت ألاقي كل الناس بتبعد عني .. ومعاهم حق .. يابيه إحنا هنا عاملين زي اللي عايشين في حديقة الحيوان فينا القط وفينا الأسد وفينا النسر .. القط إالى زي حالاتك حايجزج يلاقى حد يطبطب عليه ويراعيه .. إنما النسر بقى اللي زي حالاتي ماينفعش حد يطبطب عليه .. وحا يفضل يسرق و يخطف لحد ما أمر ربك يكون. استأذن النسر قائماً وختم كلامه بقوله .. إكتب للناس إياكم تصدقوا حد عامل غلبان واعرفوا إن الغلبان أغلب من إنه يقول لكم حتى إنه غلبان زوروا الغلابة في بيوتهم وإياكم تصدقوا كذاب وتقولوا خليك مع الكذاب لحد باب الدار لأنه كذاب و مافيش دار أصلاً وإياكم تعطفوا على حد ما يستاهلش العطف لأن أول إيد يعضها هي الإيد اللي عطفت عليه وإتمدت له .. قول للناس إن الشر ما بياخدش أجازة مايبغلطش في مرة ويعمل خير .

انصرف النسر بينما وضع الشيمي وجهه أمام وجهي قائلاً .. ده بقى ياسيدي اخو الراجل اللي كان مسخرنى أعمل لهم الحبوب المخدرة وفي الآخر جمعنا حبس واحد. كانت عيناى مازالت تتابع عم نسر خلال مغادرته بينما فاجأني الشيمي قائلاً .. إنت طبعاً زمانك بتسأل نفسك هو معقول في ناس جواهرم كل الشر ده في الدنيا .. بص أنا مش حأرد عليك بكلامي أنا حأرد عليك بكلام من صفحة شهاب نفسه .. بص هنا مثلاً بيقول إيه .. أخرج الشيمي هاتفه المحمول مرة اخرى وأخذ يبحث عن شيئاً يعرف موضعه ثم إقترب نحوي وهو يقرأ " عندما ينكر الجميل بعض الناس ستجلس لمحاسبة نفسك لما لم تتوقع غدر البشر و لما لم تتوقع شراً ممن قدمت لهم خيراً وستتعجب أن يكون جزاء الإحسان غير الإحسان من بنى الإنسان .. حتى تجد إشارات القدر تاتى دوماً في موعدها لكي لا تندم على ماقدمت من خير لأحد .. لذا لا تنتظر من البشر رد الجميل بل قدم الخير منزه عن كل شيء حتى يتقبله منك رب الخير.

أنهى الشيمي قراءة الكلمات ثم نظر تجاهي قائلاً .. يعنى خلى حب الخير عندك أقوى من دوافع الغضب وتوهب عمك لربك بجد قبل ما تعمله وتحكم على نفسك أن لا تنتظر الرد له من البشر ولا بمجرد كلمة شكر لأن العامل ينتظر الأجر من اللي عمل له الشيء.

دفس الشيمي هاتفه المحمول مرة أخرى داخل حقيبته ثم نظر نحوي قائلاً .. قول لى بقى إنت إيه آخر حاجة كتبتها؟

كنت في دهشة من ما قرأ الشيمي من صفحة شهاب بينما كنت أود أن ألقى ما أحمله على كاهلي من مسؤولية لا أعلم من الذي كلفني بحملها فوجدت نفسي أخرج كل ما أملكه من أوراق وأضعها بين يدي الشيمي قائلاً .. غالى والطلب رخيص .. الرواية كلها بين إيديك .. كمل بقى ربنا معاك .. أنا لحد هنا وسلمت الأمانة .

إنفجر الشيمي بالضحك قائلاً .. أنا بأقول إقرأ لى كتبت إيه مش بأقول لك دبسنى شكراً .

ارتكنت برأسي قائلاً .. اللي نفسي افهمه .. ليه كان تاعب نفسه بالناس ومشاكل الناس في الوقت اللي هو نفسه مش بيعانى معاهم ولا زيهم والمفروض انه كان بيعمل تحقيق صحفي .. بالبلىدى كده .. هو ماله ومال الناس الغلابه؟

وضع الشيمي يده على كتفي قائلاً .. إنت تعبت يا عادل .. صح؟

فأجبت قائلاً .. تعبت دى شوية .. أنا كل كلمة بكتبتها بأبقى شايلى همها و بأقول في نفسي أنا كان

مالى ومال كل ده .. وبعد ده كله يا عالم الناس تقراً ولا لا .. وياعالم الناس اللي هتقرأ هتفهم ؟  
تصدق .. أنا كل يوم بأفكر أولع في الورق ده ولا مين شاف ولا مين دري. إنتفض الشيمى قائلاً ..  
.. وإنت فاهم إنك لو ولعت في الورق ده خلاص كده الرسالة مش هتوصل للناس ؟  
بيتهيا لك .. كل ما في الموضوع إن ربنا حا يستبدلك بواحد غيرك يوصل الرسالة زى ما انت كده  
جاي تكمل مهمة شهاب مع إنك مختلف عنه تماماً لدرجة انى كنت مش مصدق إنك صحفي أصلاً  
.. عارف شهاب مرة وهو قاعد مكانك كده سألته .. هو في امل ان احنا ينصلح حالنا بعد كل  
اللى بيحصل فينا ده ؟

تعرف قال إيه .. قال .. العيب مش في الناس .. ومن حق كل إنسان يكون عنده أمل ويكون  
عنده هدف .. الناس طبيعى تدور على مصلحتها و تمشى ورا مصلحتها .. جرب ترسم في ورقة  
عشرة أشخاص وترسم لكل واحد هدفه في مكان مختلف وتأمر الجميع بالإنطلاق كل منهم نحو  
هدفه في وقت واحد .. تخيل كم التقاطع بين الخطوط .. بنفس الطريقة دى الناس تدهس بعضها  
في سبيل مصلحتها ..

ومع اختلاف الفكر .. يصعب توحيد الطاقة لتصبح محصلة جهد الجميع .. والأهم هو الحذر من  
فقد الوحدة لأن في كل مرة ينقسم فيها المجتمع يكون المصير إلى الإحتلال الذي لا يخرج إلا بعد  
توحيد الصفوف مرة أخرى من أجل هدف قومى واحد يسعى إليه الجميع وما أن ينتهى الهدف  
يصبح لكل فرد هدفه الخاص الذي يسعى من أجله ويلهث وراءه دون أن يكثر لأهداف الآخرين  
وإن كانوا من أفراد أسرته.

أنهى الشيمى القراءة قائلاً .. ده كان الرد على سؤالك وأظن كده عرفت ليه شهاب تابع نفسه  
وأظن مش كثير إنك تساهم في نقل الرسالة للناس.  
قاطعت الشيمى قائلاً .. يعنى برضه مافيش فايده وأنا إالى حأكمل الرواية .  
كانت إبتسامه الشيمى وهو يمد يده نحوى بهاتفه المحمول تحمل الكثير من المعانى وكان أهمها  
على الإطلاق أن يصبح بإمكانى نشر التحقيق الصحفي بما يحتويه من معلومات وانطلقت  
أصابعى تعمل حتى رفعت محتويات كل ما كتبتة على الصفحة المخصصة في شكل رواية ..  
وبعد لحظات من النشر كانت رسالة اتمام النشر تدق الهاتف وإذا بالشيمى ينتفض من جلسته وهو  
يمسك بالهاتف قائلاً .. يخرب بيتك .. بتبعته إيه وبتبعته لمين .. هتودينا في داهيه .. أطل  
الشيمى نظرتة على شاشة الهاتف بينما ارتسمت إبتسامه خفيفة على شفثيه وكأنما قد وجد ضالته  
حتى ظننت أنه لا يشعر بوجودى بل يكاد لا يشعر بأحد من حولنا ثم مال نحوى مقترباً وهو  
يضغط على المحادثة الصوتية قائلاً .. لو سامعنى .. ده صحفي اسمه عادل وهو مع أنا هنا وهو  
اللى نشر الكلام ده .

جاء صوت شهاب قائلاً سمعت عنك كل خير يا عادل شد حيلك ربنا معاك ومنتظرك في شارع  
كلوت بيه .. من فضلك بكره يا شيمى تقدم لعادل طلب نقل زى الطلب بتاعى .  
إرتفع صوت الشيمى قائلاً .. إعتبره حصل .. المهم طمنى عليك إنت كويس وبخير؟  
عاد صوت شهاب مرة أخرى قائلاً .. حافظ على عادل وبلغ سلامى لكل الناس أنهى شهاب  
كلماته وأنهى الشيمى تحياته ثم وضع قبلة عميقة على خدى قائلاً .. ينصر دينك يا أخي .. عارف  
أنا من قد إيه مستنى أكلمه أو أعرف اتواصل معاه .. إنت جيت الصفحة دى منين ؟  
إنتفض الشيمى مسرعاً نحو زكريا بينما أخذت أصابعى تعيد فتح الصفحة مرة أخرى لأجد أن  
الصفحة المخصصة لى هى نفس الصفحة التي كانت مخصصة لشهاب وأدركت أنه يعمل لصالح  
نفس فريق التحرير الخاص بجريدتى .. وأن وصولى الى نفس زنزانته التي ترك فيها اللوحة لم  
يكن بالصدفة وأنه كان مكلف بعمل تحقيق صحفي نشر منه جزء كبير ولكنه أعفى من مهمته وتم  
الغاءها .

وضعت الموبايل جانباَ عندما لاحظت الشيمي يقف موجهاً كلماته للجميع قائلاً .. اصحى معايا العنبر .. شهاب كويس وبخير وباعت لكم تحياته وسلامه وما أن أنهى كلماته حتى إرتفعت الأصوات المتداخلة والتي لم أتبين منها إلا بعضاً من دعاء وبعضاً من التهليل بالفرحة وما أن راح خيالي يداعبنى بتساؤلات عن ما يحدث من مبالغة تصل إلى حد اللا تصديق وإذا بالشيمي يقفز مرة أخرى ويميل على أذنى قائلاً .. لما ربنا بيحب حد بيحب فيه خلقه .. نظرت إلى الشيمي وعيناي تحملان سؤالاً وإذا به يرد دون أن أنطق قائلاً .. مافيش حد بينافق شخص مش موجود .. الهيصه دى حب بجد .. تعرف ليه .. لأنه كان بيتعامل مع الناس من قلبه .. صحيح كان بيواجه كل واحد بعيوبه ودى حاجة ثقيلة على النفس لكن النقد الصريح بيكون المقصد منه هو الإصلاح واللى يكون عاوز إصلاح حال غيره أكيد هو بيحب اللى عاوزهم يصلحوا حالهم .. علشان كده روايتك مثلاً بكل النقد اللى فيها حاتكشف فينا عيوب كثير لكن بهدف الإصلاح .. وقوم إجهز بقى وجهاز حاجتك علشان مصطلح طلب النقل اللى قاله شهاب ده معناه انه رجع للشغل في الجريدة وبيتابع التحقيق الصحفى بتاعك وإنك خارج افراج بكرة علشان تخلص موضوع لوكانده كلوت بيه .. بس أهم حاجة إنك تصمم تكمل روايتك وتخرجها للناس وتحذرهم ..

إن زى ما في شياطين من نار ..

وفي كمان شياطين من طين .

الحلقة السادسة عشر : \*Shehabiat\*

كنت أتلفت حولى متفحصاً ذلك المدخل المقبض

الذي تركت عليه السنين رسائلها المشفرة ..

حينما سمعت صوتاً تبدو عليه الجدية يقول ..

هاتوا البطايق .. كانت هذه المعلمة إحسان

وهى تمد يدها تجاهنا بعد أن أخبرناها عن رغبتنا

في حجز غرفة ثلاثية لقضاء ليلتنا ..

بعد أن فاتنا قطار الأسكندرية الأخير

وكان أكثرنا خبرة في مثل هذه التعاملات

هو المفوض بالرد على المعلمة ..

فاقترب قليلاً ومال على أذنها وهمس لها قائلاً

أنه ليس بإمكاننا تقديم الا بطاقة واحدة

فصاحت فجأة بصوت يخرق الأذان ..

وهي تعود بظهرها على مقعدها .. تبقوا شمال ..

أشار المفوض بيديه نافياً لا شمال إيه بس ياست الكل

إحنا الثلاثة مهندسين شغالين في اسكندرية

وفاتنا القطر ومش عاملين حسابنا على البيات خالص

وهما بطايقهم الاثنين في الشغل ..

علشان مستلمين بيهم أدوات ومعدات مش أكثر ..

نظرت المعلمة نظرة عميقة داخل عينيه وأردفت

وهى تمد يدها .. يعنى افهم من كده ..

إن إنت الوحيد اللي معاك بطاقة  
وإسمك إيه بقى يا باشمهندس ..  
تلعثم قليلاً وهو ينتقى إسم يناسبه  
وكأنما نسي أن المعلمة ستكشفه عندما تأخذ البطاقة  
ثم إختار أخيراً وبعد طول إنتظار .. فهد .. فهد يا حاجه ..  
صدمت كلمة حاجه المعلمة إحسان كما صدمتنا كلمة فهد ..  
وهو يمد يده بالبطاقة ونحن نعلم أنه ولا فهد  
ولا عيلته كلها فيها فهود أساساً  
لكننا تجنبنا الحوار معتمدين على أن المعلمة  
ربما تكون مابتعرفش تفك الخط و تظاهرنا بالإرهاق  
والرغبة في النوم للخروج من هذا المأزق  
واستدعت المعلمة أحد صبياتها الذي لا يقل عن الخمسين سنة  
في أقرب تقدير وما أن فتح فاه حتى اتضح لنا  
أنه قد تجاوز الستينات وأشار لنا بالدخول في الأسانسير  
وأغلقة بقدمه ثم ضغط على أحد الأزرار التي لا تضيء  
وارتفع بنا الأسانسير إلى عالم موازى ..  
خرجنا فيه على طريقة طويلة بها عدة أبواب يصعب حصرها ..  
إختار عم عبده الذي عرفنا اسمه خلال رحلة الصعود  
أحد هذه الأبواب وأخرج المفتاح وفتحته بركله خفيفة من قدمه  
مع أداء مسرحي بإشارة من يده مع جملة اتفضلوا يا بهوات  
ثم أمسك الباب مرة أخرى وهو يتسائل أى أوامر تانى يا باشوات  
وما أن أتم جملته حتى كان قد أغلق الباب خلفه كالريح  
وهنا تذكر فهد حسب إسمه الجديد أنه يرغب في بعض المشتريات فأسرع ليفتح الباب وهو يسألنا  
إذا كان أحدنا  
قد أخذ المفتاح من عم عبده وبالطبع كانت الإجابة بالنفي  
وما هي الا دقائق حتى سمعنا صوت فهد يتصنع الرقة  
وهو يرد التماسى خارج الباب فانطلقنا نركض نحو الباب  
ولكن فهد ظل ممسكاً الباب بيده بقوة من الخارج  
ولم نتمكن من رؤية مع من تبادل التماسي  
ولكن تبين من الحوار أن هناك صوت حريمى  
وأن صاحبة هذا الصوت بتاخذ وتدى بشكل ودى ..  
وكان طبيعى إن فهد ينسى المشتريات وينسى المفتاح  
وينسى عبده ذات نفسه إلى أن سأله عم عبده  
حضرتك عاوز حاجة ثانية من تحت يابيه غير "البيرة" ..  
نظر كل أنا نحو الباب عندما سمعنا كلمة "بيرة"  
وكاننا نتساءل بلا صوت عن ما إذا كنا سمعنا نفس الكلمة فعلاً وتأكدنا عندما سمعنا فهد يضيف ..

وسجاير بقي يا عم عبده إنت عارف البيرة بتطلب دخان  
وعندها قهقه عبده وأضاف أيوه يابيه بتطلب دخان و نسوان ..  
نظرنا مرة أخرى أحدنا نحو الآخر إلى أن إصطدمت رؤوسنا بالباب عندما فتحه فهد ثم أغلقه خلفه  
وهو يتراقص ويطلق بأصابع يده عالياً ويكرر نسوان يا جدعان .. الطريقة دي مليانه نسوان ..  
لا طريقة إيه .. دي اللوكاندة كلها بتشغى نسوان .  
كانت فرحة فهد لا توصف وهو يشرح لنا ما صادفه في الخارج  
فأخذ يتراقص ثم يضع أذنه على الباب ليسترق السمع ..  
ثم يعود ويؤدي بعض الحركات الاكروباتية ..  
تعبيراً عن فرحته بالصيد الثمين الذي ينتظره ..  
وما أن سمع صوت عبده بالخارج ..  
حتى فتح الباب سريعاً وجذبه بيده للداخل  
بينما ظل عبده يستكمل حوار ه الذي كان قد بدأه  
قبل أن تنتشله يد فهد  
وما أن وضع الكيس الأسود الكبير على المنضدة  
حتى عاد ليغلق الباب وهو يصيح ..  
متتلمى يا مره منك ليها دول بهوات بجد  
يعنى ملهمش في النسوان الكسر .. جتكوا القرف ..  
ثم مد يديه الى الكيس الأسود وأخرج منه أربعة زجاجات خضراء رفع إحداها إلى أعلى و فتحها  
بالضرس الوحيد المتبقى في فمه وقدمها الى فهد وهو يزينها بعبارة ..  
مشبره أهى يا بيه .. وتستاها بوقك ..  
أشار له فهد بأن يجلس ليشربها وهمس بصوت دافىء  
قولى بقى يا عم عبده إيه حكاية الستات الكثير اللى بره دول ؟ جلس عبده وهو يفرغ زجاجة البيرة  
في معدته إلى أن أتمها  
ثم نظر إليها نظرة وداع وهو يتمتم ..  
بقت بتخلص بسرعة اوى بنت الكلب دى فين ايام زمان  
كان الواحد مابيقدرش يضربها على بوق واحد ..  
ثم أردف بص يا بيه انت دخلت دماغى لما عزمت عليا بالقزازه  
و أنا الصراحه ما أخبيش عليك كانت عيني فيها ..  
ما أنا برضه بلا مؤاخذه صايح قديم وجبت أربعة  
قلت ينوبنى من الحب جانب بس إنت يابيه طلعت مجدع  
إنك هرشت اللى في دماغى لما لقيتنى فتحتها ببوقى  
علشان مفيش حد يرضي يشربها مكانى ..  
قاطع فهد هلفطة عبده وهو يشير بإصبعه نافياً  
لا خالص ياعم عبده إنت فاهم إنى مش عاوز أشرب مكانك  
لا ده إنت بس علشان لسه متعرفنيش .. إنما لما تعرفنى كويس هتعرف انى كان ممكن أشربك إنت

نفسك ..

لكن اديتهاك عربون محبه .. المهم ما قولتليش برضة  
ايه حكاية الستات اللي بره دي كلها ..

وضع عبده الزجاجه الفارغه بجوار المقعد و انجعص في جلسته وهو يخرج علبة السجائر ويشعل  
سيجارته ويأخذ نفساً عميقاً ويخرجه قائلاً .. البيره دي بتطلب دخان فعلاً بنت الكلب ..

شوف يابيه .. كل اللي بره دول نسوان كسر بعيد عنك ..

النتف اللي بجد بقي ماتجيش قبل ساعتين من دلوقتي ..

تبص في ساعتك كده تلاقيها عدت عشرة

تعرف ان اللي بتخبط دي بييجي منها

تلاقيها عدت اتناشر تبقي دخلت في اللوز والموز

وتفضل تحلو كده طول ما إنت طالع

لحد ما تدخل بقي في المزز اللي تحل من على حبل المشنقة

أول ما تلاقي الساعة بقت أربعة استر ياستار

ندخل بقي على الصواريخ النفائة بس مين يسد بقي

وعلشان انت إستجذعت معايا يابيه أنا حاطع جدع معاكم

وحاخذ منكم أجرة الأوضة دلوقتي ..

بدل ما تيجوا على الصبح وتكونوا فلتسوا

وماتلاقوش تدفعوا وساعتها بقي ..

يا حفيظ على اللي بتعمله احسان

بعيد عنكم وعن السامعين ..

أنهي عبده حديثه بإبتسامه هتماء وهو يمد يده نحو فهد

الذي أخرج لفه من النقود وضعها في يد عبده

الذي رمقني بنظرة ثاقبة ثم غمز لى قائلاً أنقل تاخذ حاجه نظيفه .. وأردف وهو يهم واقفاً .. البيرة

هتسخن يابهوات ..

أمسك فهد بذراعه وهو يبتسم قائلاً إستني هنا إنت رايح فين

مش تقولى الاسعار ايه ..

قهقه عبده رافعاً وجهه نحو السقف وأجاب وهو يميل رقبتة جانباً إنت وشطارتك بقي يا بيه بس

خليك عارف

إن اللي حا تاخده الاولانيه حا تدفع قده مرتين للي بعدها

وضعف ضعفه للي بعدها وخذ بالك يابيه إنهم كلهم بيقولوا لبعض .. هم عبده بالخروج وهو يسأل

أى خدمات من بره يابهوات .. استوقفه فهد مرة أخرى بقوله

طب والغرف اللي حوالينا دي ايه نظامها ..

أجابه عبده وهو يغلق الباب خلفه .. براحة راحتك يا بيه ..

اللاوضه اللي محدش يعرفك فيها شلح واجرى فيها ..

وغادر عبده بعد أن رسم على وجوهنا

لوحة من علامات الإستفهام .

الحلقة السابعة عشر : \*Ghehabiat\*

كان فهد يضع أذنه على الباب ويشير لنا بالصمت  
بوضع إصبعه على فمه وكأنه يتأكد من مغادرة عبده فعلياً  
وسرعان ما توجه نحونا وهو يمشى على أطراف أصابعه  
ثم همس لنا بأن عبده واقف يتصنت علينا ثم رفع صوته نحو الباب وهو يثني على عبده وكأنه  
يوضح لنا مانجهله قائلاً ..

قد إيه عم عبده ده طلع مجدع وابن بلد انه رس أنا على الفولة  
ولو إني نسيت أسأله اذا كان في حد هنا ينفع نجيب منه هباب علشان الليله دى شكلها هتخلو ..  
ثم عاد فهد إلى الهمس مرة أخرى  
وهو يطلب من كل واحد إنه يختار لنفسه إسم بسرعه  
فأجاب سليم دون تردد قائلاً طالما إنت فهد بيقى أنا نمر ..  
إنقض فهد على فم سليم بسرعة البرق وجثم علي أنفاسه  
وهو يزيد من نبرة الهمس بغضب .. نمر إيه يابن الهبله إنت .. بقولك إبن الجزمه واقف بيتصنت  
علينا بره .. إنت إسمك سوليم من هنا ورايح انت سوليم ثم أشار تجاهي مضيفاً  
وصاحبك اللي مابيتكلمش من ساعة ما قابلناه ده إسمه ضيف .. حلو ضيف ماهو فعلاً يعتبر جاي  
معانا ضيف ..

ثم رفع صوته وهو يتوجه نحو الباب ياخبر أبيض  
ده أنا إديت عم عبده فلوس على قد الحساب بالضبط  
ونسيت اديله الإكرامية بتاعته هو ..

وما أن أتم فهد جملته حتى سمعنا نقرات خفيفة على الباب  
فأشار بيده إلى سليم ليفتح الباب ولكنه لم يكن عبده كما توقع  
بل كانت حينان أو هكذا قالتها

وسرعان ما دخلت خلف رموشها الصناعيه الطويلة  
فارشة ملائتها السوداء التي مالبتت أن ألقته على أقرب سرير  
من الثلاثة المتجاورين في الصالة بعد أن أزاحت سليم بذراعها خلف الباب فكاد يقع ثم مدت يدها  
بنعومه داخل صدرها الوارم وأخرجت شيئاً لم نكد نراه وهي تقول من غير مؤاخذه كده عم عبده  
باعت لكم ده و دول وكانت يداها قد رجت صدرها عندما أضافت كلمة دول بما كان كفيلاً بأن  
يجعل فهد

الذي هو الأسرع في رد الفعل دائماً أن يصفق بكفيه

وهو يقول يا حلاوتك يا عم عبده ثم إقترب من حينان  
وهو يستوضح قائلاً وياتري عم عبده بعث لنا دول بس

والا باعت حاجه تحتهم كمان .. جلست حنان

وهي تضع المفتاح في صدرها مرة أخرى قائلة

ماينعزش يا نور عيني بس النهارده البحر عالي والرايه مرفوعة

وإذا ماياكلش معاكم أقوم أمشى وأهو حتى الواد أولى بالرضعة  
لم أستطع أن أتحمل خروجاً عن النص أكثر من ذلك  
فتحركت نحو الباب وأنا أوجه كلامي لها قائلاً ..  
إيه ياست انتى القرف اللى إنتى بتقوليه ده ..

إنفضلى مع السلامة ومتشكرين علي المفتاح اللى ماجبتيهوش .. وما أن أتممت جملتى وفتحت الباب  
حتى كانت حينان قد وقفت و أخرجت المفتاح بسلاسة  
وألقته على السرير ثم سحبت ملايتها وهى تمصمص شفيتها  
ثم نظرت نحو فهد وهى تتمتم أو مال بس حلاوتك ياعم عبده إيه لما بسلامته هو اللى كلمته بتمشى  
عليكم ..

صاح فهد وهو يمस्क بى وبالباب وحينان قائلاً ..

لا يا عم ضيف مايصحش نعامل الضيوف كده  
ده حتى اللى يرفص النعمة تزول من وشه

لا وممكن تاخذ معاها الخير اللى جاى وراها ..

إهدي بس إنت كده وسيب الباب .. وإنتى ياست العرايس

سيبى الملايه اللى محيراكى دى وأقعدى كده

ده إحنا لسه حتى ماعرفناش إسم الجميل إيه .. وضعت حينان ملانتها وهى تنظر إلى قاع عينى  
قائلة "حينان"

وبيدلعونى يقولوا لى "صفيحه"

وبأخذ ورقتين في النفر وباب الأوضه اللى جوه دى مابيتقلش للآخر والحمام مالوش باب أصلاً

وإعملوا حسابكم الفرجه ممنوع سوا هنا والا هنا واللى جاهز فيكوا يلا علشان نخلص ..

لم تلتفت حينان ولم ترمش جفونها بينما ظلت تنظر داخل عقلى وهى تشير بإصبعها ما بين وجهى

وصدرى قائله والافندى ده .. لا .. ده بالذات محروم من الحينان ثم تبعتها بضحكه رقيقة

رجت قلب فهد الذي جذبها من يديها ..

ثم دفعها أمامه بقوة إلي الغرفة الداخليه

ثم إحتفوا عن الأنظار .

كانت هناك أصوات أقدام كثيرة بالخارج

فنهض سليم وأغلق الباب بيده وهمس لى قائلاً ..

إيه ياعم إنت فى إيه .. مالك قفشت على البت كده ليه

ده إنت كنت حاطفشها وتخلى القعدة ناشفة زى المستشفى

ماتروق كده والا انت الكيمياء بتاعتك مش ماشيه مع صابر .. قاطعته قائلاً قصدك تقول فهد بقي

..

فهد اللى مستهبل فيها و هيودينا فى داهية

ويضيع مستقبلنا كلنا بإذن الله ..

ممكن أعرف مين صابر ده أصلاً !

ثم إيه اللوكاندة المشبوهة اللى جايبنا فيها دى ..

وإيه اللي غيروا أساميكم .. نغير أسامينا ليه !  
و عامل لى فيها سبع رجالة وبيشرب المحيط  
وفي الآخر جايب لنا كل واحد قزازة بييرة ..  
ياعم أنا ايه اللي جابرنى على القرف ده أساساً  
أنا حأنزل أشوف فندق محترم أبات فيه ..  
لو عاوز تيجى معايا يلا وهو خليه هايص  
مع ملكة جمال الزهري اللي دخل معاها الزربية دى ..  
استوقفني سليم وهو ينصت لوقع الأقدام خارج الباب  
وأشار لى بالانتظار ثم وضع أذنه على الباب بإنصات ..  
ثم أشار لى أن أنصت مكانه وهو يرتجف من التوتر ..  
كانت الأصوات متداخلة لم أستطع تمييز ماتعنيه  
لكنها كانت أصوات ذكورية غليظة فتركت الباب  
وإقتربت نحوه وهمست في أذنه في إيه ؟  
كانت أنفاسه مضطربة وهو يهمس بصوت متقطع ..  
باين عليهم عاملين كبسة على المكان الزفت ده ..  
إنتقل إلى نفسي بعض من التوتر فعدت للإنصات مرة أخرى لأستوضح الأصوات أكثر دون فائدة  
فعدت لتفقد النوافذ  
التي إتضح أنها تفتح على تراس دائرى كبير يحيط بالدور كله فأشرت بسرعة إلى سليم أن نخرج  
الى ذلك التراس  
فإستبقنى إلى الخارج وأغلقت النافذة بهدوء  
وأخذت أبحث عن مخرج من ذلك التراس إلى أن وجدت سليم واضعاً وجهه على زجاج إحدى  
النوافذ ويديه تحيط بوجنتيه فإقتربت فإذا به يشاهد فهد داخل غرفة النوم  
وما أن لمحت فهد حتى دفعت سليم بيدي ليبتعد عن الزجاج  
و الذي بدوره صاح بعصبية شديدة لأتركه يتابع مشاهدته  
بل وأمرنى أن أشاهد أيضاً كى لا أندم على ماسوف يفوتنى .. أخذنى الفضول رغم إرتباكى أن  
أدقق النظر فإذا بفهد حرفياً  
واضعاً جوز مخدات تحت ظهر حينان وبيبالغ في قفزاته  
وكأنه في مدينة الملاهى ورأسه يهتز يميناً ويساراً مع كل قفزة .. لم يكن هناك أقرب من تسمية ما  
يفعله فهد  
بوضع الضفدع كما أطلق عليه سليم وهو ينهار من الضحك  
ويضرب بكفيه على فخذه وما أن تمالكت نفسي وتذكرت  
أننا لابد أن نغادر هذا المكان فوراً حتى إنتشلت سليم  
وإنطلقنا في باقى التراس ولكن هذا التراس  
لم يكن أبداً أقل من شاشات عرض تكشف كل الغرف  
وما يحدث فيها وكان سليم يتمسمر بين الحين والحين على النوافذ يتلصص على ما يلتفت نظره إلى  
أن وجدته فجأة يجذب ذراعى ويشدنى بقوة وهو يقول .. لازم تشوف دى

وأشار بيده على نافذه وأردف .. مش ده عم عبده ؟

الحلقة الثامنة عشر : \*Ghehbiat\*  
كنت استوضح الرؤية بوضع الكفين بجوار وجهي..  
حتى رأيت عبده جالساً على حصيرة على الأرض  
وأمامه جبل من لفافات السجائر الملغمة  
بينما تعمل يده بسرعة الريح في اللف  
وبجواره كوب من الشاي ورزم من الفلوس  
وهو يرتدى فائلته الحمالات وبنطاله الفضفاض  
وعينه تنتقلان بسرعة البرق مابين التبغ والمخدر  
وكأنه في سباق مع الزمن لتحقيق رقم قياسي جديد  
دفعت سليم بكتفي بقوة لبيتعد عن النافذة  
ولكنه عاد ليوضح لي أن حالة عبده الهادئة  
لا تدل على أن هناك كبسة بوليس ولا حاجة  
إستوعبت مقصده سريعاً وعدنا الى الداخل  
وتنصتنا على الباب فبدا كل شيء هادئاً  
وجلسنا نلتقط أنفاسنا ونبتلع ريقنا لوهله  
إلى أن رأينا حينان تخرج من الغرفة شبه عاريه  
ويتبعها فهد ملتفاً بملائة السرير ..  
لم نتمالك أنفسنا من الانفجار بالضحك  
وعقولنا تعيد لنا مشهد وضع الضفدع  
ونحن ننظر الى فهد الذي كان شارداً  
عيناه تتابع شيئاً ما يحدث في الحمام  
فدفعني الفضول وتحركت سريعاً نحوه  
ونظرت الى مركز اهتمامه فكانت الصدمة  
قرصة حينان التي لن تنساها ذاكرتي أبداً  
وتحتها صفيحة السمن المملوءة بالمياه  
وهي تعبىء كفها و تعرف منها لتزيل آثار فهد  
وهنا تذكرت عندما قالت إن إسم الدلع "صفيحة"  
ولكنها لم تمنحني برهة لأفرغ معدتي فنهضت بسرعة  
ومرت بجواري قائلة .. يلا اللي بعده خلونا نخلص  
كنت أنظر إلى فهد نظرة يملأها التعجب  
فوجدته يتمتم .. إيه القرف ده ؟  
في نفس اللحظة كان سليم يتسرب الى الغرفة خلف حينان  
وكأنه يتجنب النظر الى وجوهنا  
ولكن فهد جذبته من كتفه صارخاً إنت رايح فين ..

دى كانت بتتشطف بالصفحة .  
باغته سليم بما لم يكن يتوقعه عندما أجابه بقوله ..  
ماهى أكيد كانت بتتشطف من نفس الصفحة قبلك ..  
على الأقل أنا عارف مين اللي كان قبلى ..  
إنما انت غشيم دخلت على عماك وانت ماتعرفش  
.. تجمد وجه فهد وجحظت عيناه ولم يتحرك له ساكناً  
إلى أن ناولته سيجارة .. فجلس وأشعلها ببطء  
وهو يهز رأسه ويهمس نادماً .. أنا غلطان  
أنا ايه اللي خلانى أعمل كده ..  
إقتربت من فهد وأنا أهمس في أذنه ..  
علشان معفن .. أيوه .. إنت معفن يامعفن .  
لم أمنح فهد متسع من الوقت ليرد وجذبتة من ذراعه  
وتوجهت به إلى التراس الخارجى  
ثم أوقفته أمام نافذه عم عبده مباشرة وهمست ..  
ده الشيطان اللي غواك .  
إنفض فهد من إغماءته المؤقتة وهو يصيح ..  
يانهار اسود .

بادرت قائلاً .. شوفت جبل الحشيش !  
نظر فهد إلى عيناى قائلاً .. المشكلة مش في الحشيش  
تسائلت .. اومال المشكلة في ايه ؟  
فأجاب .. المشكلة فيا أنا .. ثم تابع قائلاً ..  
اللى خلاك تشوف عبده ..  
تبقي شوفت الاوضه اللي قبل عبده  
ثم أسرع فهد بخطواته نحو النافذة المجاورة  
ثم وضع وجهه على الزجاج وقهقه عالياً  
وما أن وصلت إليه حتى كان قد إنبطح أرضاً  
وأخذ يخبط بيديه وقدميه على الأرض حتى دمعت عيناه  
ثم نهض بصعوبة مع الضحك وهو يقترب من أذنى هامساً  
وحياة أبوك يا أخى .. وغلاوة أمك ياشيخ ..  
تقول لى بأمانه .. إنتوا شوفتونى ؟

كانت نقرات أصابع سليم على الزجاج أسرع من إجابتى  
ونظرات عينيه المتوسله تطلب منا الإبتعاد عن النافذة  
فأمسكت بذراع فهد وجذبتة إلى الداخل وهو يكرر سؤاله  
شوفتونى .. صح شوفتونى .. طب سليم شافنى !  
لم أهدر تلك الفرصة التي كنت أنتظرها بفارغ الصبر

لأفرغ بعضاً مما في صدري من الغيظ نحو فهد  
فجلست أنفخ دخان السيجارة في وجهه  
وأنظر إلى قاع عينيه وبدأت الهجوم .. أيوه شوفناك .  
شوفنا كل حاجه ومن كل الاتجاهات وبكل الأوضاع  
وعلى فكرة بقي سليم شافك ومات من الضحك  
وقعد يرفص في الأرض .. قاطعنى فهد بحدته قائلاً ..  
يضحك على إيه بروح أمه ؟  
أجبتة والدموع تداعب عيني من الضحك ..  
على وضع الضفدع .. إيه اللي إنت عامله ده  
إنت شغال في السيرك القومى ياعم إنت  
رافعها بمخدتين و متشعلق على طراطيف صوابك .  
قاطعنى فهد بعصبية .. بس .. بس .. في إيه ؟  
إنتوا إزاي تسمحوا أنفسكم تفقوا تتفرجوا بالبجاجة دى ؟  
كنا بتعلم منك وضع الفيز ياعم الابنورمال .  
لو سمحت مافيش داعى تجيب سيرة الموضوع ده ثانى ..  
خالص .. علشان منخسرش بعض ..  
لا دلوقتى ولا أى وقت ثانى بعد كده ..  
يعنى لا تحكى عنه ولا تقوله لمخلوق .  
قاطعته بحدته أكبر .. إيه ياعم .. حيلك حيلك  
انت بتتكلم كده ليه .. هو مين فينا اللي شاف الثانى  
لا طبعاً ده أنا معايا سبق إبداعى يتقدر بفلوس ..  
ده اعمل بيه اجمد فيلم كوميدى في البلد  
ولا أقولك .. حأعمل بيه أول فيلم كوميدى بورنو  
وأعرف الناس على الوضع الجديد ..  
وأسميه وضع الفيز .. لا .. أسميه الضفدع المشلول ..  
تصدق .. ياريتنى كنت صورته .  
قاطعنى فهد بهدوء هذه المرة قائلاً ..  
طيب إحكى زى ما إنت عاوز بس ممكن على الأقل ..  
ماتقولش إسمى الحقيقى .. سمينى فهد برضه  
يعنى نعتبر اللي عمل كده فهد فعلاً مش أنا ..  
يا أخى أنا مش عارف أنا عملت كده إزاي .. دى البت معفنه !  
لا والحمار الثانى مش عاوزنا نتفرج ..  
يعنى حانتفرج على الأمله ؟  
أنهى فهد كلامه وتدارك شيئاً في عقله فأردف قائلاً ..  
وحياة أمه .. بقى هو يقف يتفرج عليا ..

ومش عاوزنى أتفرج عليه؟ إنتفض فهد وخرج إلى التراس  
بينما جلست أكمل سيجارتى ..  
وإذا بنقرات خفيفة على الباب تذكرت معها ..  
أن الغرفة الداخلية مازالت مشغولة ..  
وأن فهد لن يفتح الباب بملاءة السرير ..  
فتحركت إلى الباب وفتحته لأصطدم بإمرأه ثلاثينية  
سوداء الشعر خمريه اللون كرباجيه العود ..  
وتسألته بميوعة .. خ التي عندكم !  
تسمرت في مكانى وتلعثم لسانى  
وإذا بها ترقع حثة دين ضحكه رجت سلم اللوكانده .  
بس .. بس .. إيه .. إنتى إيه ؟  
أنا اللي بأطلع الرطوبة من الجته ..  
أنا اللي بأقطع ستين حثة .. ثم دفعتنى بذراعها وجلست ..  
بينما تابعت .. الصفيحه شكلها لسه عندكم .. باين من الريحه ..  
ثم رقت نفس الضحكه مرة أخرى .. وعلى ما يبدو  
أن تلك الضحكة تخرج بعد كل جملة مفيدة .. أو قبلها  
حيث تابعت قائلة .. بس إنت شكلك لسه ناشف ..  
بنقهم باين عليك ومالكش في الصفايح والقرف .  
أغلقت الباب وجلست وأنا أستجمع شجاعتي  
كنت أعتزم أن أعبر لها عن قدر جمالها وخفة دمها .  
وإذا بفهد يدخل من التراس مهلاً .. يا حلاوة المولد  
إيه الحلاوة دى .. إيه الجمال ده .. القمر إسمه إيه ؟  
سنا إسمي سنا وببيلعونى يقولوا لى يا سونا .  
تابع فهد بسرعة الفهد .. بصى يا سونا  
أنا عايز أمسح آثار الطلعه المعفنه اللي جوه دى .  
عاوزك تنسينى إسمى .. لا .. تنسينى حياتى كلها .  
رقت سنا الضحكه إياها .. ثم تابعت ..  
إعتبره حصل .. طب إيه .. هنا والا صاحبك يحسدنا ..  
وأطلقت نفس الضحكة التي ترج القلب .  
كنت أشعر أننى خارج المنطق .. أعيش كابوساً لا ينتهى ..  
دفعت نفسى إلى الوقوف قائلاً .. لا أنا كده كده داخل التراس .  
إستوقفنى فهد قائلاً .. تراس مين لا طبعا عيب ..  
إنت تقعد هنا معزز مكرم والحيوان اللي جوه ده يخرج  
وهو لما يشوف سنا أكيد حا يطرد حينان ..  
رقت سنا ضحكتها المعهوده وتابعت ..

حيان دي آخرها عم عبده .

الحلقة التاسعة عشر : \*Thehabiat\*

كنت أنظر في عيني فهد عندما أنهت سونا جملتها ..  
الى أن فاجأتها حنان وهي تخرج من الغرفة برد مباغت ..  
مش عم عبده ده برضة اللي جابك هنا تاكلى عيش ياسيناء ..  
شهقت سناء شهقة كادت أن تبتلع بها فهد وأضافت ..  
نعم يا دلعادى .. أنا اللي جابتنى هنا الاسطى نوسة يا صافي  
والا نسيتى نوسة اللي علمتك يعنى إيه فلوس يا صفصف ؟  
لا مانسيتش طبعاً دي معلمتى والاسطى بتاعتى  
وخيرها عليا وعلى أهلى كلهم ..  
بس اللي نسيتيه بقي يا سيناء ..  
إن عم عبده هو اللي قالها عليكى ..  
لما شافك بتبيعى مناديل في الاشارة ..  
هكذا جاء صوت حيان المجلجل من داخل الحمام ..  
وغالباً من مركزها الرئيسى فوق الصفيحة .  
هبت سناء واقفة بغضب واتجهت نحو الحمام  
وهي تذف كلماتها اللاذعة متشعبة بالقباحة  
إلى أن أمسكت بشعر حيان وجذبتها من الحمام  
وتوجهت بها نحو الباب .. بينما قرفت حيان  
وأطلقت صرخات الإستغاثة التي إخرقت النوافذ والجدران  
وفي لحظات أخذت الأيادى تطرق الباب ..  
إلى أن فتحت سناء وألقته بالخارج مبلولة وكما ولدتها أمها .  
تلقف عم عبده حيان بيديه وهو يتمتم .. تانى ياسونا ؟  
وضعت سناء يديها حول خصرها وهي تجيب ..  
تانى وتالت وعاشر يا عنيا وكل ما حادخل الاقيها في حته حارميها لك بره .. لو عاوز تبقي  
ترزقها إبقى دخلها في الآخر ..  
إحنا مش ناقصين مرض .. وده آخر إنذار علشان تبقي عارف ..  
أحسن و دينى وايمانى المرة الجاية أكون راميهها لك من البلكونه.  
ألقي عبده حيان من يديه ثم قفز قفزة سريعة ..  
نزل بعدها بكفه على وجه سناء ..  
التي سقطت برأسها على الأرض .. وتبعها عبده بعبارات السباب  
وهو يميل برأسه نحوها ويركلها بقدمه ..  
جرى إيه يا بت الكلب ..  
إنتى شايقة نفسك على إيه يا جربانه يا مقرحه ..

ده إحنا جايبيّنك من كوم الزبالة يا معفنه .. والا نسيّتي نفسك ؟  
كانت سناء تحمى وجهها بيديها بينما تدلى صدرها على الأرض  
وهي تتوسل لعبدّه أن يتوقف عن الضرب بكلمات واهنه ..  
خلاص .. خلاص والنبى .. خلاص والنبى .  
تلقّف فهد صدر حنان بيده ودسه داخل ملابسها  
واحتضنها برفق قائلاً .. كفايه يا عم عبده هتموتها .  
نظرت سناء بعينيها المنكسره نحو عبده قائلة ..  
بتضربنى عشانها يا عبده .. بتضربنى قدام الناس ؟  
خرج عبده وقبل أن يغلق الباب وجهه سؤاله إلى فهد ..  
البت دى أخذت حسابها والا لسه يا بيه ؟  
تلعثم فهد قليلاً عندما تذكر أن ملبسه بالداخل ..  
وأنه ملتحف بملاءه السرير .. ونهض قائلاً .. ثوانى .  
كان سليم يقف على باب الغرفة يتابع الأحداث  
فأخرج من جيبه كل مابه من أوراق ونقود  
وضعها في يد فهد الذي أسرع نحو عبده قائلاً ..  
روّق بقى يا عم عبده .. ماتعكرش مزاجك بقي .  
خرج عبده وأغلق الباب خلفه وإنطلق صوته ..  
يلا كل مره تروح على أوضتها .. واقفين كده ليه ؟  
كانت سيقان سناء تبرق لأمعه وهي ممدّة على الأرض ..  
بينما كانت دموعها تبلبل شعرها المتدلى على عينيها  
وخصرها النحيل المتعري بيدي سمارها الذهبى الجذاب  
وكانت يد فهد هي الأسرع كعادتها وهو يحتضن ظهرها  
وبنظرة من عينه أشار إلى سليم أن يرفع قدميها ..  
فأسرع سليم وحملها معه وأدخلوها إلى الغرفة .  
جلست أرتب أفكارى وأستجمع شتات نفسى  
وأشعلت سيجارة وأنهيتها دون أن أدري .  
وإذا بضحكة سونا التي أدركت أنني إفتقدتها طويلاً  
تجلجل عالياً وصوتها الضاحك الباكي  
يصل إلى مسامعى بصعوبة .. أيوه ..  
إنت أخذت بالك لما قلت لها يا صافي وصفف ..  
ده إسم الدلع بتاع صفيحة .. وتبعتها بضحكتها الرنانة ..  
كنت أتساءل في نفسى كيف يمكن أن تحتل تلك الضحكة  
مكان في قلبى .. كيف مع كل ما سمعته وكل ما يدور حولى  
ولما أقف عاجزاً عن أن أقرب من شىء ممتع مثلها ؟  
قررت أن أتدخل لتغيير المسار .. وصحت بصوت مسموع ..

الا ماقولتليش يا سونا .. مين نوسه دى اللي إتكلمتوا عنها ؟  
أوبا بقي .. هكذا ردت سونا من الداخل بصوت مكتوم ..  
نوسه دى الأسطى .. دى الست اللي بجد .. مستودع الأنوثة .  
كنت أتوقع أن هذا الحوار سيأخذ عقل فهد بعيداً عن سونا  
وربما يأخذ فضول سليم معه .. فتسائلت .. وهى فين دلوقتي ؟  
أطلبها لك ؟ كانت إجابة سونا دليل قاطع على أنها  
لا تشعر بشيء من عاطفتى نحوها .  
وكان صوت فهد أعلى من أن لا أسمعاه ..  
عندما قال .. إطلبها طبعاً مستنيه إيه ؟  
خرجت سناء .. ومعها خرجت عيناى من وجهى  
حافيه الأقدام .. رائحة السيقان .. رشيقة الخطوات  
فتحت الباب قليلاً ومالت للخارج لتظهر إستداره مثيرة  
وبصوت منخفض قالت .. نادى نوسه .  
ثم عادت وأغلقت الباب ورفعت نهديها بيديها قائلة  
إيه مش جاى ! إنت ماقولتليش إسمك إيه يا اسمك إيه ..  
ثم قتلتنى بضحكتها الاسطورية وعادت إلى الغرفة .  
صراع رهيب يدور في عقلى .. أدخل أطرده فهد وسليم  
وأقفز في بحور سونا حتى أغرق وتغرق معى كل همومى !  
وإذا بضحكتها تسخر من أفكارى .. وصوت فهد المستفز ..  
حلاوتك يا أسمر .. وصوت سليم يلهب أعصابى ..  
لا طبعاً عليا النعمة ما أنا خارج .. اخرج إنت ..  
لتأتى الضربة القاضية من سناء إلى قلبى مباشرة ..  
وتخرج ليه ولا يخرج هو ليه ما تخليكوا إنتوا الإثنين !  
وإذا بنقرات الباب تعيد عقلى إلى الحياة ..  
نوسه .. أكيد دى نوسه .  
كنت أنتظر أن تكون نوسه هى مادة الإلهاء  
التي تنقذ سناء من بين براثن الذئاب ..  
فأسرعت نحو الباب وأدرت قبضته  
لتلفحنى رائحة أشبه برائحة الياسمين  
ولكنها منعشه كرائحة الثلج وناعمه كالرخام  
ومريحة كريش النعام .. كانت يد نوسه  
قد إختطفت وجهى ودفسته أسفل رقبتها  
وهى تهمس في أذنى .. أحسن شويه دلوقت ؟  
أحسن أوى .. هكذا تمتمت في صدرى .  
فزادت نوسه قبضتها على رأسى حتى غاص وجهى

وأصابني دوار البحر عندما إستنشقت اليود الكامن ..  
بين صخورها الرطبة وإذا بها تطبق يديها حول رأسي  
وتهمس داخل عقلي .. إرتاح يا عنيا .. إرتاح خالص .  
كان الباب الخارجى مازال مفتوحاً ولكنه لم يعد يعينيني  
كنت في عالم آخر .. قدماى تجمدت .. سيقانى ترتعش  
ويداى تتركنى لتلتف حول نوسه بكل قوة ..  
وأخذ خصرى يرتجف .. إلى أن خارت قواى ..  
أسندتنى نوسه إلى أقرب مكان وأغلقت الباب ..  
وجلست بجوار رأسي هامسة ..  
مالك يا عنيا .. فيك ايه بس .. إيه كل الهموم دى  
وليه شايلهم على قلبك كده .. الدنيا أسهل من كده بكثير ..  
وأخذت تمسح بأصابعها على رأسي وهى تنددن  
سيب نفسك خالص .. الدنيا سهله و مش مستاهله .  
رفعت عيناي نحو عيناها السوداء اللامعه وسألتها ..  
إنتى ايه .. وازاى عملتى فيا كده ؟  
إقتربت نوسه بفمها نحو وجهى وأخذت تنفخ أنفاسها  
في رقبتي وذقنى ثم إقتربت نحو أذنى حتى كادت تبتلعها ..  
كانت أنفاسها تصل الى كل كيانى .. تهز كل خلية في جسدى  
.. تمنيت لوهلة أن ينقطع بنا الزمن في تلك اللحظة الخرافية  
لكن صوت فهد جاء مزلزلاً .. الله .. الله .. ايه ياعم الطو ؟  
مع نفسك كده .. ولا قلت حتى إن عندنا ضيوف ..  
أفقت مع كلمات فهد أن رأسي قد إستقرت في حجر نوسه ..  
وعندما هممت بالجلوس .. وضعت نوسه أصابعها على صدرى  
لتمنع حركتى ثم وضعت إصبعها على فمها ..  
مشيره لفهد بالصمت .. وسمعتها تهمس بحنين دافىء ..  
سيبه ينام شويه وإدخل إنت خد لك دش وتعالالى .  
طياره .. هكذا أجاب فهد قبل أن ينطلق نحو الحمام .  
إقتربت نوسه من أذنى مرة أخرى هامسة ..  
ممكن بقى تسيب لى نفسك خالص !  
وإذا بصوت سليم يأتى من داخل الغرفة ..  
مش ممكن ! مستحيل .. لا طبعاً .. مستحيل !  
ضحكت نوسه وهى تتمم .. حسره عليكى يا سونا  
فتسائلت بصوت خفيف .. في ايه !  
همست نوسه وهى تقترب من أذنى مرة أخرى ..  
عطل فنى .. عمود الكرنك مايبودرش

لم أفهم ماتقصده نوسه تحديداً ..  
أو بالمعنى الأدق .. لم أهتم بالفهم .  
كان ذلك الإحساس الممتع بالراحة والهدوء  
يجذبني إلى شارلونج على حمام السباحة  
ويسقط رزاز المطر الخفيف ليداعب وجهي  
ونسمات رائحة الياسمين الناعمة تعبىء أنفي  
إلى أن عاد سليم للصياح مرة أخرى بصوت أعلى ..  
مش ممكن .. لا .. أكيد في حاجة غلط .  
كان صوت سليم عالياً بالقدر الذي لا يمكن تجاوزه  
بل بالقدر الذي يمتد إلى خارج اللوكانده .  
وضعت نوسه رأسى جانباً برفق وهبت واقفة  
وتوجهت بسرعه نحو الغرفة قائلة .. في إيه يابت ..  
إنتى مش في الفورمه النهارده والا إيه ..  
تعالى يا خويا هنا سييك من البيت الخشب دى .  
لم أكن قادراً على تحريك رأسى لأرى ما يحدث ..  
لذا إكتفيت بالإستماع والتخيل .. رأس سليم  
بالتأكيد وصلت إلى مقرها في صدر نوسه  
وأصابعها تربت على ظهره وشفاتها تهمس في أذنه  
مالك يا عنيا .. فيك إيه بس .. وإيه الهموم دى كلها ..  
وليه شايلهم على قلبك كده .. الدنيا أسهل من كده بكثير ..  
سيب نفسك خالص .. الدنيا سهله ومش مستاهله .  
لكن خيالى لم يكن دقيقاً وأفقت على وقع أقدام نوسه  
تجرى نحو الباب وتفتحه وتنادى بصوت مسموع ..  
حد ينادى عبده بسرعه .. بسرعه .

الحلقة العشرون : \*Shehbiat\*  
كانت سرعة عبده كالبرق عندما دفع نوسه بيديه  
ودون أن يسأل عن ما حدث .. قفز فوق صدرى  
وأخذ يدفع بكلتا يديه أسفل رقبتى ..  
ثم فتح فمى واضعاً فمه فيه ونفخ عدة مرات  
بينما إرتفع صوت نوسه في الخلفية يصرخ ..  
مش ده يا عبده .. مش ده .. التانى هو اللى مسورق جوه  
إنتفضت بكل قوتى رافعاً عبده في الهواء  
وأسرعت نحو الحمام دافساً رأسى تحت الماء  
وجلخت فمى بيدي .. بينما مخيلتى تستعيد ..

طعم فم عبده الذي يحمل آثار كل ماتعاطاه  
على مدار عمره من المخدرات والكحوليات  
فهرولت نحو ملاءة السرير لأمسح بها فمى ..  
لكن مخيلتي أبرزت لعقلي ما عاصرته تلك الملاءات  
فتوجهت نحو الستائر وأخذت أمسح بها وجهي  
وفي تلك الأثناء كان عبده قد إتخذ موقعه فوق سليم  
الذي تمدد بظهره على الأرض فاقداً وعيه ..  
ويغطي نصفه الأسفل نفس ملاءة السرير  
التي كان يلتف بها فهد و الذي وقف عارياً  
يستر نفسه بيديه ومن خلفه سونا تتابع ..  
محاولات عم عبده لإعادة سليم إلى الحياة  
تحت قيادة نوسه .. التي كانت تضغط بكل قوتها  
أعلى أنف سليم بينما في توقيت ما تأمر عبده قائله ..  
دلوقتي ياعبده .. يلا ياعبده .. فيقفز عبده في الهواء  
وينزل بكل قوته أعلى صدر سليم .  
كانت أصوات الصفير ترتفع في أذنى وتزداد حدة  
بينما تملكنتى حالة من الدوار وزغله غلبت عيناى  
وهى مستقرة على وجه سليم تنتظر منه شيئاً .. أى شىء  
وبدأت مخيلتى تزحف نحو مالا يرجوه عقلى .. مات سوليم  
صعدت روحه من جسده العارى الملقى في غرفة أغرقتها الذنوب  
كيف جاءت به الصدفة ليلقى حتفه في تلك اللوكاندة المشبوهه .  
أفقت من خيالاتى على إرتفاع الأصوات من حولى  
وإستعدت توازنى عندما دفعتنى المعلمة إحسان بكتفها  
وهى تدخل الغرفة وترفع عبده بيدها وتجلس على جسد سليم  
ثم أشارت لنوسه التي بدأت تفرك فوق أنف سليم بقسوة  
وماهى الا ضغطة واحدة من المعلمة إحسان على صدر سليم  
حتى جحظت عيناى مع شهقة عميقة وكحة متقطعة  
تعالت معها الزغاريد خارج الغرفة مع الهتاف بإسم المعلمه ..  
لا تقولى طب ولا بتتجان تسلم إيدك يا إحسان ..  
لم تهتم إحسان بالهتافات ونهضت بثقة من فوق سليم  
ثم أصدرت تعليمات سريعة .. طلعه على السرير  
ومخدرات كثير تحت رجليه وإفتحوا الشبابيك دى ..  
مرت المعلمه إحسان بجواري وهى تخترق عيناى بنظرتها  
ثم وقفت أمامى واضعة يدها على صدرى هامسة ..  
سامحنى خبطت فيك وأنا داخله ..

ثم عضت شفقتها السفلية .. وهمست ..  
بس كانت أحلى خبطة سيبك إنت .  
لم أكن قد دقتت النظر سابقاً في وجه إحسان  
ولكن مرورها كان يحيطه أطياف من الرهبة  
مجال يتحرك معها يشعرك بالخوف من الإقتراب ..  
ولكننى تغلبت على تلك الرهبة وإخترقتها  
عندما خرجت خلفها .. وتحت ستر التصفيق والتهليل ..  
إقتربت من أذنها هامساً .. إنتى .. معلمه .  
كنت قد أمسكت ذراعها بيدي عندما التفتت إحسان برأسها .. وإخترقتنى بنظرات عينيها .. ثم  
ابتسمت قائلة ..

طيب بعد ماتطمئن على صاحبك ..  
ابقى عدى عليا تحت في الدور الأرضى .  
مش مهم صاحبى .. ياكش يولع صاحبى ..  
هكذا همست في نفسى بينما تابعت إحسان قولها ..  
حأستناك تحت علشان لما تيجى .. أطلعك فوق .  
خرجت إحسان وأخذت عيناى معها متعلقة بسيقانها  
البراقة .. وتلك السلسلة المجدولة على كاحلها المرمرى ..  
ومن تحتها كعبها الوردى الأملس .  
أفقت من غفلاتى القصيرة على صوت عبده يصرخ ..  
يعنى إيه مافيش فلوس .. إنت بتقول إيه ..  
ما تتكلم عدل كده وماتخلينيش أتغابى عليك ؟  
أسرعت الى الغرفة لأجد عبده مستلاً مطواه صداه  
يكاد يثقب بها رقبة فهد .. بينما يده الأخرى خلف عنقه .  
إندفعت نحو يده عبده وجذبتها بقوة وصحت بغضب ..  
إنت إجننت يا جده إنت .. هى حصلت تفتح علينا مطواه ؟  
فلوس إيه يابو فلوس إنت .. عاوز كام يعنى !  
أغلق عبده مطوته ورفع حاجبه الأيسر .. قائلاً ..  
عاوز حق البيت دى .. وعاوز حق الحشيش ..  
وعاوز حق الكشف المستعجل بتاع المعلمه كمان !  
وكلك نظر بقى يابيه اللى تجود بيه .  
كانت إستكانة فهد بتلك النظرة المنكسره تستحق ..  
أن أدفع فيها مال قارون ..  
وكان كعب إحسان الذي لم يكن قد فارق مخيلتى ..  
يستحق .. أن أنهى تلك الخلافات بأى ثمن ..  
أخرجت محفظتى وفتحتها وأسقطت كل ما بها ..

داخل فأنلة عبده الحملات .. وأضفت قائلاً ..  
إنفضل ياسيدى فلوس أهى .. خد اللى إنت عاوزه ..  
ولو إنى المفروض أخصم منك حق قبلة الحياه المقرفه ..  
اللى خليتنى عاوز أغسل وشي بمية نار علشان أنساها ..  
فتح عبده فمه حتى بلغ أذنيه وهو يفهقه بصوت عالى ..  
وتبعته سونا بضحكتها الرنانه المعهوده ..  
ثم أتى حضن فهد .. وكأنه يعتذر لى عن كل مايدر منه ..  
بينما تسللت يد نوسه لتفرك كتفي قائلة ..  
خلاص ياجماعه بقي حصل خير ..  
ثم تابعت يلا سيبوا الراجل الميت ده يرتاح شوية  
على مامفعول الزفت الحشيش يروح ..  
وإنتى يا حيلة أمك .. ياللى مابتجيبينيش غير في المصايب ..  
لسه في حد تانى هنا عاوزه تموتيه والا خلاص كده جبرت ؟  
إنسحب عبده بعد أن قبل رأس فهد معتذراً ..  
وأمسك بسونا من ذراعها ودفعها خارج الباب  
وهمست نوسه في أذنى وهى تلفحنى بنيران أنفاسها ..  
يلا دش سوا والا أروح آخذ الدش في أوضتى ؟  
كانت أذن فهد مولفة على نفس موجة تردد صوت نوسه ..  
فصاح وهو يمسك بيدها قائلاً .. لا ده أنا لو حابيع عمرى ..  
ده أنا حأموت عليكى أصلاً من ساعة ماشوفتك ..  
طب تاخدى الساعة .. الساعة دى أصلية .. تاخديها ؟  
رمقتنى نوسه بإحتقار قائلة أنا سؤالى ماكانش عن الفلوس ..  
ما أنا شوفته وهو بيفضى محفظته في عب عبده ..  
وتابعت موجهة سؤالها لفهد .. وياترى بقي حركة الجدعنه دى ..  
والتضحية بالساعة دى لك ولا له !  
أجاب فهد بمنتهى السرعه .. ليا طبعا .. ثم تابع ..  
أقصد لنا إحنا الاثنين .. يعنى .. خدى بالك دى أصلى ..  
أمسكت نوسه بيد فهد وهى ترفعها بقرف عن يديها قائلة ..  
طب روح خلى عمك عبده يثمنهالك الأول .. وإبقى تعالى ..  
قفز فهد في ملابسه سريعاً .. وإنطلق خارجاً ..  
بينما جلست نوسه وتمتمت بصوت خافت ..  
عجبتك إحسان مش كده ؟  
تلعثمت قليلاً وأنا أتساءل بتكلمينى أنا ؟  
أومال يعنى بأكلم القنيل اللى جنبى ده !  
جلست بجانبها وملت برأسى على كتفها .. وهمست ..

مش عارف .. أنا مش عارف مالي ..  
ولا عارف ايه اللي بيحصل لي ده ..  
من ساعة ما دخلت اللوكانده دي .. وأنا بيحصل لي حاجات ..  
مش بس ماكنتش أتخيل إنها تحصل لي .. لا ..  
ده أنا ولا كنت أتخيل إن في كده في الدنيا أصلاً .  
يعنى عجبتك إحسان ؟ هكذا تسألت نوسه للمرة الثانية .  
غصت في أعماق قلبي لأجيب سؤال نوسه المتكرر .. وأجبت  
طول عمرى بأتجنب الستات .. مش علشان ما بأحبهمش ..  
بالعكس بأحبهم جداً .. بأحبهم كلهم ..  
وعلشان كده بأقلق من مسئولية العلاقة ..  
بأخاف من عدم الإخلاص .. بأترعب من الفكرة ..  
أضمن منين إني من النوع اللي واحدة بس ممكن تملأ عينه ..  
أتأكد إزاي إني حاكون مخلص لها وما أبصش لغيرها أبداً ..  
أنا مش بتاع ستات أصلاً .. بس بأفترض إني ممكن ..  
بعد ما أرتبط بواحدة وألتزم معاها .. ماتكفينيش ..  
تعجبنى واحدة غيرها .. أو حتى تعجبنى حاجة ثانية  
في واحدة ثانية .. وأبقى أذيت الأولانيه .. إنتي فاهمانى ؟  
كانت الدموع تترقرق في عيني نوسه ومع سؤالي ..  
إنزلت وإنهدرت على وجنتيها كالأمواج ..  
خلعت قلبي .. فلم أتمالك نفسي وإحتضنتها بقوة .. قائلاً ..  
لا وحياتي عندك ما تزعلي مني .. على فكرة إنتي صح ..  
أنا فعلاً حصل لي كده معاكى .. انتي خطفتيني .. سحرتيني ..  
وقلت في نفسي هي دي .. مهما كان ماضيها .. هي دي .  
مسحت نوسه دموعها بيديها وهي تستجمع قواها قائلة ..  
وجت إحسان فكت لك العمل وزالت عنك السحر مش كده !  
مش عارف .. هكذا أجبت بكل مألدي من صراحه ..  
عينها فيها حاجة .. عامله زي عينين القطط .. بتشع ..  
حسيت إنها بتخترقني وبتقرأ كل تاريخي .. ويتمسحه .  
هي فيها جاذبية رهيبية .. عينها فيها غموض يشد  
ونظرتها كأنها بحر دافيء بيغسلني من جوايا .  
إنزل روح لها .. هكذا همست نوسه ..  
وهي تضع أصابعها على ظهري .. قوم روح لها ..  
قول لها كل حرف قولتهولي .. بالنص زي ما هو كده ..  
الست مننا مش محتاجه حاجة من الدنيا أهم ..

من راجل يشوفها كده .. ويقولها إنه شايفها كده .. وتصدقه .

الحلقة الحادية والعشرون : \*Thehabiat\*

كانت همسات سليم من خلفي تكاد لا تسمع .. عطشان

لكن نوسه سمعتها فانطلقت نحو الباب وهي تتمتم ..

ده قايم عطشان ياعيني .. ثوانى اجيب لك تشرب .

عندها أشار لى سليم بأصابعه أن أقترب .. فاقتربت

فهمس بصوت خافت .. عاوز سونا .. هات لى سونا

تعجبت من طلبه قائلاً .. بس سونا مشيت .. اللي هنا نوسه.

لا عاوز سونا وهات لى عم عبده .. عاوز عم عبده

تعجبت أكثر وتساءلت .. في إيه .. إنت عاوز عبده ليه ؟

قطب سليم جبينه قائلاً .. الساعة بتاعتي .

تماديت في سؤالى دون تفكير ..

مالها ساعتك وهما مالهم ومال ساعتك ؟

قطب سليم حاجبيه أكثر وأجاب ..

الساعة اللي مع فهد .. دى بتاعتي مش بتاعته .

ياخبر يعنى فهد راح يرهن ساعتك إنت ؟

هكذا صحت بصوت مرتفع واذا بنوسه تناوله كوب الماء قائلة ..

وماله .. ساعتك وساعته واحد ..

وبعدين ما هو راح يقدر ثمنها عشانكم كلكم ..

ولا انت خلاص زهقت مننا ولا ايه ؟

تبسم سليم بسمه واهنه قائلاً .. أنا لو عليا كنت قطعتك

بس نقول ايه بقي حظك حلو .. نفدتى من تحت ايدى ..

أنا اللي صعبان عليا أوى منظري قدام سونا .

انطلقت نوسه مرة أخرى خارج الغرفة .. وأشار لى سليم

أن أقترب فاقتربت قائلاً .. ياعم إنت في إيه وإلا في إيه ؟

همس سليم .. خد بالك إحسان دى مش طبيعية .

قصدك نوسه مش احسان .. هكذا قاطعته بدهشة !

فأجاب .. لا احسان .. احسان فيها حاجة مش طبيعية ..

أنا كنت بأموت .. قاطعته مرة أخرى قائلاً ..

لا إنت كنت ميت فعلاً مش كنت بتموت .

أيوه فعلاً .. أكد سليم كلامى ثم أضاف .. إنت عارف ..

البتاع ده اللي بيحبوه في الأفلام ..

الجهاز اللي بيحطوه على صدر العيان ..

و يقوموا خابطينه شحنة كهرباء يتنفض ويفوق ده ؟

أومات برأسى متفهماً فأضاف .. أهي احسان دى عملت كده ..  
ايديها طلع منها حاجة كده زى الكهرباء .. لما لمستنى .  
قاطعت سليم قائلاً .. انت بتقول ايه ..  
هو إنت كنت واعي أصلاً .. ده انت ولا كنت داري بالدنيا  
ولا حتى كنت عارف مين اللي حواليك أساساً .  
استرسل سليم قائلاً .. وبعقلك كده عرفت ازاي ان احسان ..  
هي اللي فوقتنى .. والا إن إحسان جت هنا من أصله ؟  
جايز سمعتنا واحنا بنحكي وانت نايم و بيتهيألك انك كنت واعي .  
شعر سليم بالملل من مناقشتي فأشار لى بيده نحو الباب .. قائلاً  
طب قوم انزلها يا خويا .. الحق عليا انى بأنورك .  
تعجبت أكثر واقتربت من سليم متسائلاً ..  
وإنت عرفت إزاي إننا إتفقنا أنزل لها .. ده إحنا كنا بره ؟  
ضحك سليم وهو يقول .. ايه ده هو إنت كنت نازل لها فعلاً !  
ثم اعتدل في جلسته متساءلاً .. لا إحكى لى بقى ايه اللي حصل !  
ولا حاجة .. اختصرت اجابتي مع بعض القلق من زلة لساني  
لكن سليم تابع قائلاً .. إنت مش قدها يا عم إنت .. اعقل .  
دى تحرقك وتفحمك وتفركك وتكحل عينيها ببيك .  
انقطع الحوار بدخول سونا وخلفها عم عبده ونوسة .. ثم فهد .  
إرتمت سونا على صدر سليم قائلة .. حقك عليا يا سيد الناس ..  
أنا اللي زودت لك في الحشيش أوى كده .. بس إنت برضو ..  
غلطان إنك فتحت صدرك وقلت لى ده أنا أشرب المحيط ..  
ثم زفرت ضحكتها المعهودة .. فتعالت الضحكات ..  
بما في ذلك ضحكة سليم الذي قرص سونا في خصرها قائلاً  
يابت ده هبوط بس من قلة الأكل .. إنما دلوقتي عمك عبده  
يروح يجيب لنا فراخ مشوية من المحل اللي تحت ونأكلها ..  
وأقوم أفتحك أخليكي تطلعي بترول .  
اغتنم فهد الفرصة وتدخل قائلاً .. حصل يا غالى ..  
أنا عملت زى إنت ما قلت لى واديت عم عبده الساعة ..  
وقلت له يجيب لنا بثمانها أكل بقي وسجاير .. وحشيش .  
سمع سليم كلمة حشيش فصرخ قائلاً .. لا .. حشيش لا .  
أزاح عبده سونا بيده .. وجلس بجوار رأس سليم  
ومال عليه هامساً .. العيب مش في الحشيش يا بيه ..  
عمرنا ما سمعنا عن حد مات من الحشيش .. بالعكس بقى ..  
الحشيش ده اللي بيصحي الميت .. بالك إنت ..  
لو تسمع من عمك عبده يعنى .. كلمتين ..

وإذا ما عجبكش الكلام اسمعه من هنا وطلعه من هنا ..  
كان عبده يشير إلى أذنيه في الوقت الذي غمز بعينه إلى نوسه  
التي تلقت اشارته ونفذتها فوراً فأصطحبت سونا وغادرت ..  
تابع عبده حديثه قائلاً .. الستات مش كلهم زى بعض يا بيه ..  
واللى يقولك كلهم بيتساوا في الظلمة ..  
يبقى مبيفهمش عدم المؤاخذة .. الستات دول ..  
عاملين زى المانجا كده .. عمرك أكلت مانجايتين بطعم واحد ؟  
كنا ننصت باهتمام الى حديث عبده في محاولة لفهم ما يعنيه ..  
وكان عبده مسترسلاً في حديثه دون أن ينتظر إجابة منا ..  
ما فيش مانجاية تشبه الثانية لا في حجمها ولا لونها  
ولا في طعمها حتى لو قاطفهم من نفس الشجرة ..  
الستات كده .. كل واحدة ولها طريقة ..  
في تقشيرها لامؤاخذه وفي أكلها .. حتى في عصرها برضة ..  
كل واحدة ولها طريقة غير الثانية .  
قاطعت عبده محاولاً فهم مقصده قائلاً ..  
ايه ياعم عبده محل العصير اللي فتحته علينا ده .. عاوز تقول ايه ؟  
أقولك يا بيه .. هكذا أجاب عبده ..  
وهو يتكأ في جلسته بجوار سليم ..  
ويشعل سيجارته الملفوفه ويتابع قائلاً ..  
يعنى صاحبك غشيم عدم المؤاخذة .. جاب المانجاية الفص  
وقشرها وقعد يتفرج عليها ويشرب في حشيش ..  
لحد ما كبرت في عينه وشافها عويسى ..  
الفص ما بيتقشرش يابيه .. الفص ده بيتاكل بقشره زى ماهو ..  
كان مفروض تقوم تهرسها وبعدين تبقى تقعد تشرب براحة راحتك وتتفرج على البزرة الصغيرة  
وهي مرميه جنبك ..  
ادينا بنعلمكم وناكل من بيوتنا .  
أنهى عبده حديثه بتلك الجملة الغريبة التي لم أفهمها ..  
لكن كلامه على ما يبدو كان له مفعول السحر على سليم ..  
نهض سليم واقفاً على السرير وخبط بيديه على صدره كالغوريلا  
ونظر إلى عبده من أعلى قائلاً قوم هاتها ياعم عبده .  
أجيب مين .. اقعد بس بدل ما تقع من فوق السرير ..  
هكذا سخر عبده من سليم وهو يتابع هو أنا لسه خلصت كلامي !  
جلس سليم بمنتهى الطاعة وأشعل سيجارة وقال .. كمل يا معلم ..  
بص يا بيه .. لما تيجى تاكل .. حلى الأكل في عينك الأول ..  
العين بتاكل قبل البق لامؤاخذة .. يعنى تزوق لنفسك الأكل ..

تبص على ورك الفرخة كده وتقول اية الوراق الحلوة دى ..  
تبص على الصدر المحمر كده وتقول اية الصدر الجامد ده ..  
تحفز نفسك يعنى علشان تاكل بنفس ..  
تقوم تلاقى نفسك اتفتحت .. وتقوم بالفرخة كلها ..  
وتحبس وراها بسيجارة .. وابقى افكر عمك عبده بقى .  
وضع سليم يده على يد عم عبده مستوضحاً ..  
يعنى أقول بصوت عالى ياعم عبده ؟  
ضحك عم عبده قائلاً .. ياعم بالصوت الحيانى كمان  
هو في حد له عندنا حاجة .. اللي له حاجة عندنا ..  
بيجى ياخذها مننا .  
احتضن سليم عبده واضعاً قبلة طويلة على خده  
ثم دفعه نحو الباب قائلاً .. طب قوم هاتها بقى وحياتك أمك .  
كنت متعجباً من تصرف سليم وسألت عبده مداعباً ..  
والواحد يعرف إزاي إن الفرخة طلبت الأكيل ياشيف عبده !  
التفت عم عبده نحوى وأجاب ببساطه .. خلقتها كده يا بيه ..  
هو في فرخة في الدنيا ماب  
تتاكلش .. الا بقى اذا حظك وقعك ..  
عدم المؤاخذه في فرخة من الفراخ الفطيس .. ميته يعنى .  
رافقت عبده إلى الخارج الى أن وصلنا إلى الطرقة ..  
ثم سألت عبده بمكر .. الا قولى يا عم عبده ..  
في الاسانسير ده أدوس ايه علشان ينزلني تحت خالص ..  
رمقني عبده بنظرة ثاقبة متسائلاً .. محتاج حاجة من تحت يعنى ؟  
اجيبها لك معايا وأنا نازل أجيب الفراخ .. ثوانى بس ..  
أبعث الفرخة الشمورت .. لديك اللي زمانه بيكاكي .  
دفع عبده أحد الأبواب الكثيرة الممتدة في الطرقة ..  
وأدخل فيها رأسه .. وإذا بسونا تخرج مهرولة إلى سليم  
وهي تطلق إحدى ضحكاتها المدويه وتتبعها بجملة سريعة ..  
ياما كان نفسى فيك انت يا حليوة انت ..  
أمسكت سونا من ذراعها قائلاً ..  
بتستهلبى انتى صح ؟ بتهيصي في الهيصه وخلص !  
منين يعنى نفسى فيك .. ومنين طالعه تجري على جوه ؟  
إقتربت سونا وجهها من وجهي هامسة .. ده شغل .. إنما أنت .  
عاد عبده مسرعاً دافعاً سونا بقدمه قائلاً .. يالا وبطلى رعى ..  
ثم وجه سؤاله لى مسترسلاً .. قولى بقى يا بيه ..  
عاوز حاجة معينة يعنى لازم تنزل لها بنفسك .

كان سؤال عبده ملهماً .. فأسرعت بالاجابة ..  
اللى أنا عاوزة .. ماينفعش انت تجيبه ياعم عبده ..  
عاوز أسحب فلوس .  
وقعت كلمة فلوس على أذن عبده وكأنها مزيكاً  
حيث صفق بيديه قائلاً اهو ده الكلام بقي ..  
بص يا بيه انت تنزل الدور اللى تحت مننا ده ..  
هتلاقى اسانسير تدوس فيه على آخر زرار تحت  
تفتح تلاقى باب الفندق وعنده ماكينة فلوس ..  
اسحب كل الفلوس اللى فيها وتعالى ..  
تركب الاسانسير تانى .. وتدوس على آخر زرار فوق  
وتخرج تطلع دور .. تلاقى نفسك هنا تانى ..  
قاطعت عبده متعجباً .. ايه ده كله ؟  
انت مش أخذتنا من تحت على هنا على طول !  
كان عبده يلف سيجارة بمهارة فائقة بينما يجيب ..  
تحت عن تحت يفرق .. واسانسير عن اسانسير يفرق  
وأشار بعينه على باب الاسانسير قائلاً .. الاسانسير ده ..  
بيفتح من الدور الارضى بس وبيطلع الدور ده بس ..  
ومش بيفتح هنا من بره .. بيفتح من جوه بس .  
إنما الأسانسير اللى في الدور اللى تحت ده ..  
بيفتح في كل الأدوار ماعدا الدور ده ..  
والأرضى بتاع اللوكاندة مفصول عن أرضى الفندق بحيطه ..  
كان عقلى يعتصر باحثاً عن موقع احسان من إجابات عبده ..  
وكان ما يصفه عبده أشبه باللوغاريتيمات ..  
وكنت أمنع نفسي عن سؤاله عنها مباشرة ..  
وإذا به يستكمل حديثه .. أما أسانسير احسان بقى .  
استوقف عبده فجأة صوت سليم مجلجلاً من الداخل ..  
وصيحاته ترج الكون كله .. ايه الحلاوة دى .. ايه الجمال ده ..  
ايه الوراك دى .. حلاوتك يا عم عبده .. يا جمالك يا عم عبده .  
انهال عبده بكفيه وصب غضبه على الباب وهو يصرخ ..  
افتح يا بيه .. افتح الله يخرب بيتك .. الناس يفتكروك نايم معايا .

الحلقة الثانية والعشرون : \*Ghehabiat\*  
كانت جملة عبده كفيلة بأن ترديني قتيلاً من الضحك  
ولكن ذلك الصوت الذي يناديني من أعماقي ..  
جعلنى أنتهز فرصة إنشغال عبده وأتسلل إلى الدور الأدنى

الذي وجدت سلمه موصداً بقفل كبير على باب حديد صدأ ..  
ولم يكن في عقلى خلية واحدة تفكر إلا في الوصول الى احسان ..  
فتسلقت الباب وقفزت الى الممر باحثاً عن الاسانسير ..  
وأنا أتمنى من كل قلبى .. ألا يكون مغلقاً هو الآخر ..  
كنت أتحرك بقلق لم يمنحني وقتاً للتدقيق ..  
ولكن هذا الدور كان مختلفاً تماماً عن الذي يعلوه ..  
وصلت أخيراً الى باب الاسانسير ودخلت وأغلقت خلفي ..  
وقبل أن أضغط على آخر زرار تحت كما وصف عم عبده ..  
بدأ الأسانسير في الهبوط بما يعادل عدة أدوار .. ثم ..  
توقف .. تسارعت ضربات قلبي وأحسست بتجمد اطرافي ..  
الى أن فتحت يد خارجية .. ودخلت امرأة شابة ملامحها أجنبية .. حاولت أن أتجنب النظر إليها ..  
لكنها لمست ذراعى بإصبعها  
وأشارت الى لوحة المفاتيح قائلة .. لوبى ؟  
انتهزت الفرصة و استدرت نحو لوحة المفاتيح ..  
وصوت عبده يجلجل في رأسي .. لكنه لم يكن وصفه للأزرار .. كان حديثه عن الفراخ .. هو في  
فرخة في الدنيا مابتاكلش ؟  
ارتبكت قليلا وأنا ابحت عن اخر زرار تحت .. وعندما وجدته .. وضغطته .. جاء صوتها مرة  
أخرى .. إستني .  
كان الاسانسير قد بدأ الهبوط .. ولكن ضغط الدم كان قد ارتفع .  
طلعتلى منين انتى بس .. أنا كنت ناقصك !  
كنت اتمتم في نفسى وأصابعي تعبث بالأزرار ..  
والتي قد اختلطت كلها في عيني .. لا أعلم في أى الأدوار نحن ..  
ولا من أى الأدوار جاءت تلك المرأة التي تخاطبني بصفتى أنثى .. وتمنيت عند ضغطى كل  
الأزرار .. أن يتوقف الاسانسير ..  
في أى دور لمغادرته والنزول عن طريق السلم .  
جاءت كلمتها التالية واضحة جدا .. سكس .  
التفت نحوها وهى تصرخ مرارا وتكرارا .. سكس  
نظرت في خضرة عيناها طويلاً .. محاولاً فهم مقصدها .  
ولكنها ألقت حقيبتها من يدها .. ودفعتنى بقوة ..  
ورطنت بعدة كلمات لم أفهم منها إلا .. هُماره .  
ثم ضغطت بأصابعها أحد الأزرار .. وتناولت حقيبتها ..  
واقتربت من الباب حتى توقف الاسانسير ..  
ثم فتحتة .. وخرجت ولم تغلقه خلفها .  
لم أتوقف للتفكير فيما حدث او في تفسير كلماتها ..

ولكننى أردت أن أنفث عن شيئاً من غضبي .. فاستدرت ..  
ورفصت الباب بقدمي قائلاً .. طالما حماره بقى ..  
وأسرعت بالضغط على الزرار الاخير من تحت ..  
طبقاً لوصف عم عبده .. منه لله .. قال كل الفراخ بتتاكل قال ..  
طب أهى الفراخ البيضاء كانت هتتقرنى ياخويا !  
خلينا احنا في البلدى .. ماله البلدى .. ثم أخذت ادندن ..  
حببت بلدى .. وعشان بلدى .. أنا عايزك تكبر ياولدى ..  
وأشوفك بتبرطع فيها .. وانتابتنى نوبة من الضحك  
حينما استوعبت أنها كانت تقصد الدور السادس .. سكس ..  
وأن خيالى الخصب دخل الكلام في الأرقام وفهمت غلط ..  
هُماره فعلا .. هُماره كبيره .. توقف الضحك ..  
مع توقف الاسانسير واسرع شاب أسمر وفتح الباب متسائلاً ..  
فين مدام غزالة ؟ رفعت شفتاى ايماء بعدم المعرفة ..  
فتابع قائلاً دى مفروض تكون نزلت .. كده الطيارة حاتفوتها ..  
تساءلت من باب الفضول .. مين مدام غزالة ؟ فأجاب ..  
غزالة جاويد المغنية الباكستانية نازله في الدور السادس ..  
جوزها باعنتى أوصلها المطار .. أنا السواق والعربية بره ..  
وقلت لهم يكلموها من اللوبى .. وقالت نازله حالياً ..  
تساءلت مرة أخرى .. جوزها ده من هنا ؟  
فأجاب الشاب ببساطه .. لا باكستاني برضة ..  
بس الجماعة المتشددين بتوع طالبان مانعين الغناء هناك ..  
علشان كده جوزها بيبعثها على هنا وتطلع من هنا على دى ..  
تسجل أغانيها هناك وترجع من دى على هنا تانى ..  
وبعدين على باكستان .. وبيكلمنى كل مرة علشان أوصلها ..  
أستاذن حضرتك أروح أقول لهم في اللوبى يكلموها تانى ..  
كنت قد أغلقت باب الفضول .. ولكنى لم أكن قد أغلقت ..  
باب الاسانسير وتركته مفتوحاً ..  
عقاباً لها كى لا تستطيع طلبه .. ولكن بعد معرفتى ..  
أنها ربما تفوتها الطائرة .. أدخلت رأسى داخل الاسانسير ..  
وأخذت أبحث عن زرار السادس ..  
لأضغظه وارسل لها الاسانسير سريعاً .. واذا بصوتها من خلفي ..  
بعد أن نزلت السلم بحقيبتها .. تقول .. انتى هُماره ..  
كنت موقن أنها الغزالة .. لذا .. تجاهلتها تماماً ..  
وأغلقت باب الاسانسير وخرجت مسرعاً ..  
لاحظت أثناء خروجى أن المدخل فخم جداً ..

وتذكرت وصف عبده .. ربنا ينتقم منه ..  
بأن هناك حائط يفصل بين المدخلين ..  
فخرجت أتفحص المداخل المجاورة .. بينما ..  
مرت سيارة بجواري ومعها صوت أعرفه تمام المعرفة ..  
هماره .. كانت غزالة تخرج نصفها العلوى من نافذة السيارة ..  
وارادت ان تودعني قبل مغادرة البلاد .. فتمتمت في نفسى ..  
هى غزالة صحيح .. بس صعب الواحد يتعلم باكستانى .  
وجدت المدخل أخيراً فهندمت ملابسي ودخلت ..  
لكني لم أجدها .. كانت احسان خلفي تماماً ..  
واضعة يدها على خصرها .. متساءلة ..  
كل ده بتظمن على صاحبك ؟ فتساءلت في نفسى ..  
ياترى سمعت غزالة وهى بتودعنى !  
كنت قد قررت أن أفتح قلبي على مصراعيه مع احسان ..  
قررت أقول كل حاجة حصلت لى في حياتى ..  
بحلاوتها ومرارتها .. نفسى اكون ذاتى ..  
مرة واحدة بس اكون أنا زى ما أنا مع حد ..  
حد يفهمنى .. يقدرنى .. يحبنى زى ما أنا .  
وأفقت على صوت احسان .. معقول سؤالى صعب اوى كده ؟  
مش عارف .. هكذا اجبتها .. مش عارف ابدأ منين .. عاوز .  
قاطعتني وهى تضع اصبعها على شفيتها .. بس .. ايه ..  
تعالى اقعد هنا ثانية واحدة .. اخلص حاجة واجى .  
اشارت لى على كرسي مكتبها الذي يواجه المدخل تمام ..  
ومن خلفه باب الاسانسير .. وجلست ارتب افكارى ..  
التي كان اولها .. مش حأكذب .. ايوه مش حأكذب .  
عادت احسان اسرع مما توقعت وطلبت منى أن أتبعها ..  
يلا وخليك ورايا على طول .. ومنتكلمش مع حد .  
خرجت احسان ولكنها لم تتجه نحو مدخل الفندق ..  
بل إلى الجانب الآخر وبينما كنت أفتش عن سجائرى ..  
اختلفت احسان في لحظة تأكدى أن معى ما يكفي من السجائر .  
وأخذت أبحث عنها يمينا ويسارا مثل المجاذيب ..  
وقفت أمام مدخل اللوكاندة نادياً حظى واشعلت سيجارة ..  
فسمعت صوتها من امام مطعم الكباب المجاور للفندق ..  
انت يا اسمك ايه ! مش قلت لك خليك ورايا على طول .  
ألقيت سيجارتى وأسرعت نحوها وامسكت بعباءتها قائلاً ..

في ذلك اهو .. فصفت يدي بيدها وصاحت .. شيل ايديك .  
دخلت احسان المطعم بعد أن أشارت بإصبعها ..  
فأسرع شاب وفتح لها الباب من الداخل ..  
لكنها لم تلتفت لتتأكد من دخولي .. و توجهت نحو ممر جانبي ..  
وأشارت بإصبعها مرة اخرى لفتح باب آخر ..  
لكنها التفت هذه المرة .. ليس للتأكد من دخولي ..  
وإنما لعتاب الشاب على التأخير قائلة .. ايه حأستناك كثير !  
هرول الشاب نحو الباب وفتحه وأشار لها بالدخول ..  
واسرعت أنا للدخول خلفها متجنباً النظر الى الشاب تماماً ..  
وهو أيضاً .. أو هكذا تمنيت أنا .. ثم أغلق الباب خلفنا .  
وقفت احسان قليلاً قبل أن تفتح باب آخر بيدها  
وانتظرت حتى دخلت ثم دخلت واغلقتة ..  
ثلاجة .. مخزن لحوم .. ماتستغريش ..  
أنا بأحب اكون هنا لما احب اقعد لوحدي ..  
كانت هذه كلمات احسان التي جعلتني أنظر الى عينيها ..  
لأتأكد أنها ليست مختلفة عقلياً .. أو أنها قررت قتلي .  
تلفت حولي كثيراً أبحث عن مقعد للجلوس ..  
وكان الأنسب بعض الكراتين المجمدة من اللحوم .. فجلست .  
وضعت احسان يدها على خصرها مرة اخرى متهكمة ..  
هو ده اللي تعرفه عن الاتيكيت .. بتقعد وتسييني واقفة !  
نهضت مسرعاً و أنا اتمتم .. اتيكيت ايه بس في أم المخزن ده ؟  
تعالى اتفضلي استريحي هنا على الفخده دي .  
تعالت ضحكة احسان التي لم اسمعها من قبل .. هزت كياني .  
وتابعت ده انت حكايتك حكاية .. غمض عينك .. وهات ايديك .  
امسكت احسان بيدي .. فاستشعرت نعومة اصابعها .. واطاقرها .  
وتمتمت بصوت مسموع .. مش ممكن تكون دي ..  
صوابع معلمه ابداء .. ضحكت احسان واتبعت ضحكتها بقولها ..  
معلمه غصب عنك .. هو لازم يعنى المعلمة تكون وحشة .  
كنت بالفعل قد اغمضت عيناى بضمير ..  
لكننى كنت أسمع حركة الكراتين التي دفعتها بيدها ..  
ثم فتحت باب حديد ودخلنا وأغلقتة ..  
وشعرت بحركة اسانسير يرتفع مع قولها ..  
تقدر تفتح بقي خلاص .. وما تزعلىش منى انى خليتك غمضت .  
ازعل ؟ هكذا تساءلت ثم تابعت بالعكس بقى ده أنا سعيد جدا ..

ولعلمك بقى أنا مش عاوز افتح .. أنا مبسوط كده .  
فتساءلت بدلال .. ليه بقى مش عاوز تشوفنى !  
فأجبت في الحال لا بس لو فتحت هتسيبى ايدى ..  
و أنا عاوز ايدك تفضل جوه ايدى .  
خجلت احسان وأضافت بس انت ايدك كبيرة اوى .  
فأجبت وأنا اعتصر اصابعها .. ياريتها جت على ايدى وبس .  
ازدادت احسان خجلاً وتذكرت يدها وسحبتهابنعومة .  
فتابعت جملتى قائلاً .. وقلبي كمان كبير .  
همست احسان ضاحكة .. كده وصلنا .

الحلقة الثالثة والعشرون : \*Ghehabiat\*  
كانت الجدران ملونة بألوان رقيقة على جانبي الممر ..  
وفي نهايته باب من الزجاج مصنفر بالزخرفة ..  
دفعته احسان .. بدون مفتاح .. ثم خلعت عباؤها ..  
واشارت لى بالجلوس وأضافت .. في أى مكان يعجبك .  
تفقدت المكان بدهشة مخاطباً احسان .. ايه اللوحات دى كلها ؟  
كلها أصلية .. هكذا أجابت احسان بصوتها يأتى من الداخل ..  
ثم تابعت متسائلة .. انت لك في الفن ؟  
آه طبعاً و بأقدر الفن .. والفنانين جداً ..  
هكذا أجبت بما لم يبيل ريق احسان .. فتابعت ..  
اقصد يعني بتفهم في اللوحات والرسامين وكده ؟  
لا خالص .. بس اللوحة الحلوة أقول عليها حلوة .  
كان صوت احسان يأتى من بعيد مشوشاً ..  
يصاحبه حركة فتح وغلق الأدراج والدواليب ..  
لو عاوز الماتش .. افتح التليفزيون زمانهم نقلوا على الهوا ؟  
لا ماليش في الكورة خالص .. اهى دى بقى ما بأفهمهاش  
وبأستغرب جدا انهم بينزلوا ناس تجرى ورا كورة واحدة ..  
ويضربوا في بعض ويتخانقوا والجماهير برضة بتخانق ..  
طب ليه ده كله .. مايدوا كل واحد كورة لوحده ..  
ويبقى يلعب بيها زى ماهو عاوز .. ده رأيي يعنى .  
جاء صوت احسان يرتفع قليلاً وهى تتساءل ..  
انت بتقول ايه .. ماسمعتش منك ولا كلمة ..  
هما بدأوا يعنى والا لسه الاستوديو التحليلي ؟  
ظهرت احسان وهي تتابع قائلة .. انت لسه مافتحتش !  
كانت احسان .. مش احسان خالص .. كانت حاجة ثانية ..

تجلطت عيناى عندما وقعت على تلك اللوحة المتجسدة ..  
ذلك الإبداع من الجمال .. فستان جلد نمر ..  
على جسم فرس على حلاوه شعر على مهليبه باللوز .  
صرخت بينما تركت عيني تتأمل التفاصيل الصغيرة .. والكبيرة .  
ايه ده ! مين دى .. انتى ازاي كنتى عامله في نفسك كده !  
وازاي دلوقتي عامله في نفسك كده .. عليا النعمه ماعرفتك اصلاً .  
فين الماتش يا راجل ؟ هكذا استقبلت احسان كلماتي ..  
وكأنها كانت تتوقع كل حرف .. كانت تعرف أنها ستسمعها .  
كما كانت تعرف مقدار نفسها وجمالها .  
فأجبت وأنا أتأمل سيقانها .. ماتش ايه ينعل ابو الماتش ..  
اتفرجى انتى لو عاوزة .. أنا هتفرج عليكى انتى .  
وقفت احسان ممشوقة القوام تفتش في القنوات .. بينما ..  
دفعني الفضول للاقتراب أكثر فأكثر الى أن وصلت الى محيطها ..  
كانت رائحة الحب تفوح من رقبتها .. تناديني نحو الجنون .  
اوبا .. واحد صفر .. بس كده خلاص .. سعدنا ..  
هما بقى لو جدعان يثبتوا على كده .. ماتقعد واقف كده ليه ..  
انت مالكش في الكورة ولا ايه ! تساءلت احسان ..  
بينما كنت أقرب ما يكون إلى حالة المستذئب ..  
فبلعت ريقى بصعوبة واجبت .. لا خالص ..  
بس اللعبة الحلوة اقول عليها حلوة .. حلوة اوى .  
كنت غائباً عن الادراك منهمكا في متعة المشاهده ..  
ويداى تمر على طيف جسدها من حوله دون ان المسها .  
ثم ألقت احسان بجسدها على الانتريه ..  
وعيناها مازالت تتابع المباراة .. وتساءلت ..  
يعنى مالكش في الفن .. ومالكش في الكورة ..  
اومال لك في ايه ! طب لك في الحشيش ؟  
وقعت كلمة الحشيش على اذنى .. ومعها وجه سليم ..  
عندما لفظ أنفاسه بسبب الحشيش .. فأجبت بسرعة قائلاً .. لا خالص .. بس .  
قاطعتني احسان بقولها .. بس الحشيشة الحلوة اقول عليها حلوة .  
وانطلقت ضحكاتها التي صرت اعشقها وانتهزت الفرصة ..  
واقتربت ضاحكاً مصافحاً يدها التي تركتها بين يداى ..  
أو بالمعنى الأدق .. أنا الذي لم أتركها ..  
كانت أصابع احسان بيضاء شفافة .. براقه  
ناعمه لينه .. رقيقة .. إلى أن أفقت على صوتها ..

ايه رأيك نتعشى سوا !  
كنت اتصور جوعاً ولكنى لم أكن أنتبه إلا بعد سؤالها ..  
فأجبت .. و أنا معاكى اعمل اى حاجة ..  
بصى أنا عايز اعيش معاكى .. واموت معاكى .  
ياساتر يارب بعد الشر .. ليه كده .. بلاش السيرة دى .  
فتابعت .. أنا بتكلم جد على فكرة ومش بس كده ..  
أنا لو عليا عايزك انتى اللى تغسلينى لما اموت .  
انتفضت احسان واضعة اصبعها على فمى قائلة .. بس ..  
ثم تابعت ..قولى بقى عاوز تاكل ايه ..  
ولا اعمل لك أنا على مزاجى ؟  
تعملى لى .. انتى بنفسك ؟  
والنعمه لو عملتى طبق طينه لأكون واكله .  
ضحكت إحسان وهى تنهض قائلة .. طب ادخل خذ لك شاور ..  
وعلى ما تخرج اكون جهزت الأكل .. الفوطه نظيفة ..  
وفي جوه روب .. ده بتاعى ماتقلقش .  
تماديت قليلاً قائلاً .. طب ايه مش هتيجي ..  
اعملى بروفه علشان تبقي عارفة ازاي تغسلينى لما اموت ؟  
انفعلت احسان قائلة .. وبعدين بقي ..  
ممكن لو سمحت ما تغيرش مزاجى بالكلام ده .  
حاولت التخفيف عنها بقولى .. الكلام عن ايه ؟  
عن الموت ولا عن الشاور؟  
الاثنين .. هكذا أجابت احسان وأردفت قائلة ..  
حطها طبله في ودانك .. عاوز ما تخسرنيش .. ماتلمسنيش .  
كنت أحاول أن أتجاوز جملة احسان كأنها لم تكن ..  
ولم أتوقف عندها بل اصطنعت أننى لم أسمعها  
فأخذت ألثفت حولي متسائلاً .. هو فين الحمام .  
تجاوزت احسان بدورها وأشارت لى على الاتجاه  
فدخلت أعيد ترتيب أفكارى .. وقررت ..  
أن أستمتع بالوقت كما تشاء هى .. ويكفي أنى معها ..  
فمجرد وجودي بجوارها متعة لا تضاهيها متعة .  
بالرغم من كل هذا الغموض الذي يحيطها ..  
وماخفي كان أعظم .. لكننى أوقفت عقلى عن التفكير ..  
وأمرت نفسى أن استمتع فقط .. المتعه الخالصه  
أخذت أتحسس كل العبوات التي من المؤكد أنها لمستها ..  
وكانت لوحة تشغيل الشاورتزيد عن العشرة أزرار ..

أصعب من أن اعرف طريقة تشغيلها بمجرد النظر ..  
وكذلك كانت قاعدة الحمام .. ولذا قررت أن لا أغامر ..  
جاء صوت إحسان يتسائل من الخارج ..  
أنا مش سامعه صوت ميه يعنى .. انت كويس ؟  
تحينت الفرصة فخلعت ملابسى سريعاً .. ورفعت صوتى ..  
ما أنا قلت لك من الاول تعالى معايا ..  
بدل ما أنا لا يص مع لو غاريمات الدش دى !  
لم اسمع لها رد على ما عنيته .. فوجهت سؤالى مباشرة ..  
طيب ممكن تيجى تفتحى الشاور .. وماتقلقيش ..  
حأبقى اغمض عيني .  
تعالت ضحكتها الجميلة .. قائلة .. انت اللي تغمض عينيك !  
طيب افتح الباب وعلى الله تفتح عينك بقى .  
اغمضت عيناى بالفعل وفتحت الباب وتواريت خلفه قليلا ..  
وشعرت بنبضات قلبى تتسارع .. عندما سمعت صوت اقدامها ..  
وإذا بضحكتها تزلزلى .. فأخذ عقلى يحاورنى ..  
هل نظرت احسان نحوى .. هل رأتنى ..  
هل تسخر من شىء ما ؟  
والضحكات تزداد وتتعالى .. وتبعها قولها .. اوع تفتح عينك .  
هذه المرة لما يكن عقلى هو الذي يحاورنى ..  
لكنه كان شيطانى هو الذي .. يغوينى .. إقفل الباب ..  
ماتخرجهاش من هنا .. سيبك من اللى قالته كله .. دى بتتدلع ..  
ماتخافش مش حاتخسرها ولا حاجة ..  
بالعكس بقى ده انت ممكن تخسرها لو سبيتها ..  
طبيعى تتمنع شوية لكن ساعة الجد الدنيا حاتبقى زى الفل ..  
او مال يعنى هى جابتك هنا ليه .. وطلعتك معاها ليه أصلاً !  
يتمنعن وهن الراغبات .. اقفل الباب وزى ماتيجي تيجي .  
كانت احسان قريبة جدا كدت أستشعر أنفاسها على رقبتى ..  
عندما همست قائلة .. سامعه كل كلمة بتدور في دماغك ..  
بس صدقنى لو حصل .. حاتخسرنى .. للأبد .  
انت تحب تبقى مرة .. لكن بعدها .. تخسرنى طول العمر .  
ليه .. هكذا صرخت و أنا اعتصر الباب بيدى .. وتابعت ..  
ليه بتعذبنى كده ! انتى ليه مش قادره تفهمينى ؟  
طيب خلص الشاور بتاعك و بعدين نتكلم .  
خرجت احسان تاركة عقلى يشتعل .. وأفكاره تلهب حواسى ..

مستحيل دى لو اخر حاجة حأعملها في حياتى .. مستحيل ..  
كان كل شىء يحوله عقلى الى صورة مجسمه ..  
هنا وضعت قدمها في موضع قدمى .. هذا الدش .. رآها ..  
وتمتع بجمالها .. المرايا دى .. يابختها .. شافتها .. كلها ..  
انهيت الشاور سريعاً ثم التحفت الروب ..  
المعبأ برائحتها وخرجت وقطرات الماء تتساقط من جسدى ..  
أخذت أبحث عن المطبخ .. الى ان وجدته .. ووجدتها ..  
فاقتربت منها قائلاً .. ايه الريحه الجميله دى ..  
ريحه الأكل تفتح النفس صح .. هكذا تساءلت احسان ..  
دون ان تلتفت نحوى .. فأجبت .. لا أنا مش بأتكلم عن الأكل ..  
أنا بأتكلم عن الروب .. ريحتك فيه بتسحرنى ..  
حاسس انك كأنك في حضنى ..  
لم تنبس احسان بحرف .. فاقتربت من شعرها واستنشقتة ..  
حتى عبأت صدرى من رائحته وتابعت .. تحفه .. متعه ..  
التفتت احسان واضعه يدها على خصرها كعادتها قائلة ..  
هو في رجالة بتقف في المطبخ ! اتفضل لو سمحت ..  
سيبنى اخلص الاكل وادخل انت ريح شوية في الاوضة ..  
وأنا أبقى آجى أصحيك ؟  
ايوه بقي .. مش قلت لك انها حاتلوا .. هكذا همست في نفسى ..  
ثم وصفت لى احسان مكان غرفتها وتوجهت اليها .. وقررت ..  
أن انتظرها هناك وأتمدد على سريرها .. وعندما تحضر ..  
سأختطفها وليكن مايكون .. وبالفعل دخلت وتمددت ..  
في مكان نومها .. على مفرش السرير الاسود ..  
والمنقوش عليه بعض الزهور الحمراء الصغيرة ..  
والمخدة السوداء اللون .. التي وضعت رأسى عليها ..  
ثم تسللت يدى تحتها .. وكأنى أحتضنها ..  
ولكن أصابعى لمست شيئاً معدنيا أسفل المخده .. فتعجبت ..  
واعتدلت ورفعت المخده .. مسدس !  
حملته وتوجهت به نحو المطبخ .. وسألتها .. ايه ده ؟  
وأجابت بهدوء .. ده جلوك المانى .. انت لك في السلاح ؟  
فأجبت بكل سداجة .. لا خالص ..  
برقت عيناها الباسمتين قائلة .. ايوة دى حافظاها ..  
لا خالص .. بس الحته الحلوة اقول عليها حلوة ..  
ثم استدارت وهى تتمتم .. بجد نفسى أفهم انت لك في ايه !

كان تأثير وجود سلاح تحت المخدّه مازال يربكنى .. فتساءلت ..  
أنا مش بأسأل نوعه ايه أنا بأسأل مسدس بيعمل ايه تحت المخدّه ؟  
وضعت احسان ادوات الطهى من يديها والتفتت نحوى متسائلة ..  
عاوز تعرف بيعمل ايه تحت المخدّه .. تعالى معايا .  
سرت خلفها و أنا أحمل السلاح في يدي وعقلى يفكر ..  
في بصمات أصابعى التي وضعتها عليه .. وافكر ايضاً  
في كيفية مسحها من باب الاحتياط ..  
وإذا بها تقف أمام باب بلكونة غرفتها وتشير لى ..  
على أماكن طلقات فيه قائلة .. بأفلق لما بأسمع صوت بره .  
مع انى متأكدّه ان مستحيل حد يقدر يوصل هنا .. لكن بأفلق .  
تساءلت بدهشة أكبر .. يعنى لما بتقلقى بتضربى نار ؟  
ده بجد ! يعنى دى طلقات حية اللى في الباب دى ؟  
طيب افرضى كان في حد بره .. يموت ؟  
مايموت ولا يغور في ستين داهيه .. ايه اللى جابه هنا اصلاً ؟  
هكذا أجابت احسان بإنفعال .. فتساءلت مرة أخرى ..  
ايوه يعنى افرضى حد بينظف حد بيصلح حاجة بره !  
فأجابت قائلة .. لا بص بقى .. الدور ده .. بتاعى أنا وبس ..  
آخر دور في البرج كله .. ومافيش مدخل له نهائى ..  
غير الأسانسير بتاعى .. يعنى مستحيل حد يعرف يطلع هنا ..  
الا اذا كان نازل بالبراشوت .. وطبعاً مش حأسألك ..  
اذا كان لك في البراشوتات .. لأنى عارفة الاجابة ..  
ثم وضعت قبلة على أصابعها .. وألقتها نحوى وخرجت ..  
وتركتنى وحدى مع المسدس .. بالروب .

#### \*Ghehabiat\* الحلقة الرابعة والعشرون :

كانت الأفكار تجتاح رأسي وأنا أعيد المسدس الى مكانه ..  
بعد أن فركته بمنديل ورقى واستلقيت على السرير ..  
وعيناي تحديقان في أثر الطلقات التي اخترقت باب البلكونة  
ودفعني الفضول إلى النهوض لأفتح الباب وأرى مسارها  
وإذا بصوت إحسان يعيدني إلى الداخل .. الأكل جاهز .  
أغلقت البلكونة وأسرعت مصطنعاً بعض التماسك ..  
تصدقى انى مكنتش جعان بس شكل الاكل جوعنى ..  
هكذا ادرت الحوار و أنا انظر الى قطعة الموزة الضانى  
وهي تهيمن على الطبق فاخر وحولها شرائح من البطاطس .  
فهمست احسان قائلة .. بألف هنا وشفا .. يارب بس يعجبك .

كانت احسان قد اتخذت مكانها وأمامها عدد من عبوات البيرة  
و التي يبدو من قطرات الماء المتكثفة عليها .. أنها مشيرة ..  
على راى عم عبده .. ربنا ينتقم منه .. فتحت احسان إحداها ..  
ثم رفعتها إلى فمها وأفرغتها في التو واللحظة ..  
تعجبت قائلاً .. بتشربى بيرة ليه .. مش هتاكلى والا ايه ؟  
مدت احسان يدها مرة أخرى الى علبة من البيرة وهي تجيب ..  
انفضل إنت بألف هنا .. أنا أحب أشرب قبل الأكل .  
طيب بالراحة .. دى تانى علبة ترفعيها وتنزل فاضية ..  
هكذا اتسحبت من لسانى وانتقدت احسان التي أجابت بهدوء ..  
انت مش ملاحظ انى معملتش حسابك في البيرة ..  
ومن غير ما أسألك إذا كان لك فيها والا لا كالعادة ؟  
أعدت النظر مرة أخرى نحو البيرة لأتأكد من العدد وتابعت ..  
يعنى انتى جايبة الأربعة دول ليكى انتى لوحذك ! طب وأنا ؟  
كانت احسان رفعت الثالثة وبدأت أشعر أن أمامى وحش كاسر .  
وأجابت بابتسامة قائلة .. لا انت كفاية عليك النبيذ الاحمر .  
نظرت بحثاً عنه وتساءلت بتعجب .. هو فين النبيذ ده ؟  
ارتفعت ضحكاتها عاليا وهي تجيب .. كان في الطبق ..  
اللى انت نسفته ده .. بألف هنا وشفا .  
دققت النظر في عين احسان لأتبين مزاحها من جدها ..  
فاسترسلت بقولها وانت ولا حتى أخذت بالك من طعمه ..  
ولا قلت تسلم ايديكى على الأكل .  
تسلم ايديكى وتسلم عينيكى .. هكذا اسرعت بالرد ..  
ثم أردفت قائلاً .. تصدقى ان أنا من حلاوة أكلك ..  
نسيت الدنيا .. تسلمى يا ست الستات انتى ياقمر ..  
بس ايه بجد حكاية النبيذ دى .. ده أنا اروح فيها  
على فكرة أنا عمرى ماشربت حاجة من دى ابدأ  
ضمت احسان شفاتها متعجبة وأضافت .. ياخبر ..  
ده أنا حظيت لك كمان أتيفان مع النبيذ .. قالت جملتها هذه  
وهي تضع اصبعها في فمها وتجز عليه بمقدمة اسنانها .  
فتساءلت .. ده زى جوزة الطيب يعنى كده والا ايه !  
بص بقى يا اسمك ايه .. أنا موتى وسمى اللى يكذب عليا ..  
وعلشان اكون متأكدة انك بتقول الحقيقة لازم اعمل كده ..  
لأنك في حالة الدرمة مش حا تقول غير الحقيقة .  
لم أكن استشعر الراحة في جلستى فأدرت ظهري  
نحو احسان ثم وضعت رأسى على فخذيها .. قائلاً ..

أنا أصلاً كنت ناوى أقولك كل الحقيقة من غير حاجة .  
استقبلت احسان رأسى بيدها وبدأت تداعب شعري  
وهي تسترسل في الحديث .. تعرف يا اسمك ايه ..  
دى أول مرة يصعب عليا حد من اللى بقطعهم ..  
طول عمرى قلبى زى الحجر خصوصاً بقى ..  
على الناس اللى ببيقوا جابين يشترى المتعه ..  
باحس انهم ناس رخيصة يستاهلوا يتباعوا ولو ببلاش ..  
في ناس بتفتكر ان اهم حاجة في الدنيا هى الفلوس ..  
انما الحقيقة ان في حاجة أهم وأغلى من الفلوس ..  
الوقت .. الوقت أهم من أى حاجة في الدنيا ..  
تخيل انك تبيع وقت لبنى آدم بيموت ..  
متخيل مريض على وشك الموت ..  
وانت تقدر تديله فرصة ثانية للحياة .. تفتكر يدفع كام !  
علشان يشتري الوقت اللى حايعيشه ده ويعيشه ازاي ؟  
الناس بقى اللى بتيجى هنا علشان تتسلى وتضيع وقت ..  
دول خسارة فيهم الكنز اللى معاهم ومش عارفين قيمته ..  
اولى بيه ناس تانية محتاجة له .. ويدفعوا فيه كثير ..  
لكن مش عارفة ليه حاسة انك جيت غلط ..  
صعبان عليا .. حاسه انك غلبان وقلبك ابيض .  
بس أنا متأكدة إنك .. هتسامحنى  
كانت جفونى تتساقط ولسانى يجف فيه الكلام ..  
ولم أستوعب تماماً حديث احسان .. أو ما تعنيه ..  
لكنني فجأة تذكرت نصيحة نوسه ..  
فخرجت الكلمات بصعوبة .. مش عارف ليه ..  
معاكى حاسس انى خلاص مش عايز حاجة من الدنيا ..  
عاوز الوقت يقف .. عايز افضل معاكى وبس ..  
عارفة لما شوفتك وانتى بتتنقذى سليم .. قصدى سويلم  
حسيت انك حد مختلف .. حد خارق ..  
مابقاش الموضوع بالنسبة لى ست وجسم وحلاوة .. لا ..  
حسيت انى بأحب روحك .. قلبك .. ذاتك ..  
علشان كده قلت لو حأموت .. لازم أقولك انى عاوز ..  
اعيش معاكى اللى باقى من عمرى ..  
نفضل مع بعض لآخر يوم في حياتنا .  
كانت دموع احسان تترقرق على خديها عندما أغلقت عيني

واستكملت حديثي بصعوبة أكبر .. سيبي المكان هنا يا احسان ..  
تعالى نبعد .. ننسى كل حاجه .. نبتدي من جديد .  
أحسست بإحسان وهي ترفع رأسي وتضعها على وسادة  
وشعرت بأصابعها الرقيقة تنزع عني حزام الروب ..  
ثم تخلع أكاممه ثم وضعت ظهري على ملمس ناعم ..  
بارد قليلا لكنه منعش ولطيف .. وتلمست وجهي بيديها ..  
وإذا بها تفتح جفوني بأصابعها .. وفتحت عينايا بصعوبة  
لأجد أمام وجهي .. مباشرة .. وجه عم عبده .  
كنت في حالة من الصدمة بينما تركت أصابع عم عبده عينايا وأخذت تفتش في جسدي .. إلى أن  
سمعت صوته يعلو قائلاً ..  
مش هينفع ده يا دكتوراه .. ده شايل كليته اليمين ..  
ولو أخذنا الثانيه هيموت .  
مايموت ولا يغور في ستين داهيه احنا واخدين حسابها ..  
وفي ميعاد طيارة طالعة بالبضاعة كمان ساعتين .  
كان الصوت الذي أجاب على عبده مألوفاً لأذني ..  
لكنني لم أصدق أنها إحسان .. دكتوراه .. جايز ..  
إنما تتكلم عني كده .. معقول ؟  
جاء صوت آخر أعرفه ليكمل الحوار ..  
هو حد يعرف أنه موجود هنا ياعم عبده ؟  
كان هذا صوت سونا .. و التي تذكرت تعريفها لي بنفسها ..  
أنا اللي بأقطع ستين حطة .. صدقتي .. طلعتي بتقطعى بجد .  
أجاب عبده قائلاً .. مافيش حد يعرف أنه هنا غير اللي جابه ..  
وده قابض عليه مبلغ وقدره .. حار ونار في جثته .  
بأقولك يا عبده .. الجدع الثاني فين ..  
اللي كان هيموت من الحشيش و أنا لحقته ؟  
أجاب عبده وكأن الفكرة قد راقت عقله قائلاً ..  
نايم تحت .. سونا جابت أجله .. بس حنجبيه ازاي ده ؟  
قاطعته سونا بحدة قائلة .. لا مش ده اللي احنا اتفقنا عليه !  
وقعت صفة عبده على وجه سونا كالرعد .  
ولكنها تابعت دفاعها المستميت قائلة ..  
ابوس ايدك يادكتوراه بلاش ده .. علشان خاطري كله الا ده .  
ردت احسان بهدوء .. في ايه يا بت مالك .. مش عوايدك يعني ؟  
اجابت سونا قائلة .. اول مرة اشوف نظرة حب بجد ..  
اول مرة حد يعاملني على اني حاجة مهمة في حياته .. أول مرة .  
قاطعتها احسان قائلة .. واحنا هنقتله يابت .. ماهو هيعيش ؟

استرسلت سونا قائلة .. ابوس ايدك يادكتورة .. دى مخاطرة ..  
ابوس رجلك خدى كليتى أنا وبلاش هو .  
وقعت جملة سونا في قلبى وهزت كيانى .. يابختك يا سليم ..  
هذا هو الحب الذي كنت أبحث عنه والذي كنت أشك في وجوده .  
انتى بتحبيه يابت ؟ كان السؤال مباشراً من احسان ..  
وكان رد سونا أكثر مباشرة منه .. بأعشقه يادكتورة .. بعشقة .  
رنت ضحكة احسان حتى رجت المكان وأردفت ..  
خلاص يا عبده .  
تعجب عبده قائلاً .. خلاص ايه يا دكتوراه ؟  
وضعت احسان يدها على صدري بلمستها الساحرة وقالت ..  
يبقى هو ده ونصيبه كده .. مش حانعه على اللى خلقه .  
حاولت جاهداً أن أفتح عيناى وأن أهب من ثباتى .  
لكن يد عبده كانت أسرع .. فضع شيئاً ما على بطنى وهو يتمم ..  
ما هو كان لازم يموت .. ده شاف مدخل المطعم والاسانسير ..  
ده شاف اللى محدش شافه .. ده أكل من ايديكى ابن المحظوظة ..  
ثم رفع ما وضعه على بطنى قائلاً .. توكلنا على اللى بياكلنا .  
كانت البرودة التي استشعرتها في بطنى .. تصل إلى حد التجمد ..  
ولكن ملمس صدر احسان التي مالت على صدرى وهى تطلب المشروط من سونا .. كان فوهة  
بركان .. ألهمت احساسى ..  
وحركت كل مشاعرى .. وجرى الدم في أوصالى .  
فكانت ضحكة سونا التي أحفظها عن ظهر قلب ..  
و التي تبعتها بقولها .. الحقى يا دكتوراه .. ده باين عليه قلبه وقف .  
رنت ضحكة احسان هي الأخرى قائلة .. تصدقى صح .  
وبعدين في الليلة اللى مش عايزة تخلص دى بقى ..  
كان هذا هو صوت عبده ربنا ينتقم منه .  
والذي تبعته احسان بقولها .. بأقولك يا عبده ..  
خد سونا وانزلوا .. و أنا شوية كده وابقى أبعثلك .  
نفخ عبده والقى الروب على جسدى وأردف .. اوامرك .  
فتابعت احسان بضحكتها .. طب و بتغطيه ليه .. أنا عاوزاه كده .  
رقت سونا ضحكة مجلجلة .. واتبعتها بقولها ..  
مش عايزة مساعدة يا معلمة !  
ردت احسان بثقة .. ماكنتى قدامه ومارضيش بيكى يا حلوة ..  
انزلى انتى بس الحقى اللى نايم قبل ما يصحى .  
تابعت سونا .. ايوه .. وانتى تلحقى الصاحى قبل ماينام ..

وأقلت بضحكتها الرقيقة وسحبها عبده وخرجوا وأغلقوا الباب .  
أخذت احسان تداعب خلايا جسدي بلمساتها الناعمة ..  
ثم تحررت يديها من الخجل حتى وصلت الى كل مكان ..  
أحسست بدخولها في حالة من الشراسة ..  
أخذت تعترضني وكأنها تشبع حرمان السنين ..  
حتى استجاب لها جسدي بانتفاضات متسارعة ..  
وعندما حانت الثواني الأخيرة .. صاحت إحسان .. جول .  
انتفضت برأسي من على فخذ احسان فوجدتها تصفق بيديها ..  
وصوتها يعلو .. ايوه كده .. يرافو عليكموا ..  
ثم نظرت تجاهي قائلة .. كويس انك صحيت ..  
قوم شوف الجول ده .. كده بقينا اثنين صفر .  
كنت أشعر بالدوار والصداع يكاد يشق رأسي ..  
وإذا بإحسان تصيح مرة أخرى .. خلاص كده كسبنا .  
ثم هبت واقفة وكأنها كانت تتحين تلك اللحظة ..  
رقصت احسان .. على أنغام .. والله وعملوها الرجالة .  
كانت عيني تتأمل جمال روحها وسعادتها وهي ترقص ..  
لكن قلبي كان لا يزال حزيناً منها .. لم يكن قد غفر لها ..  
ما فعلته في ذلك الكابوس .. الذي كادت تقتلني فيه .  
اقتربت احسان مني ومالت تجاهي وهزت صدرها ..  
وهي تغنى .. مصر الغالية .. ام الدنيا .  
ثم أمسكت بذراعي قائلة قوم بقى يا راجل فوق شوية ..  
انت الأكل وداك في حته تانية خالص ..  
طيب ايه رأيك اعمل لك فنجان قهوة معايا ..  
ونطلع نمدد بره على الشازلونج في ضى القمر ؟

الحلقة الخامسة والعشرون : \*Ghehabiat\*

كانت احسان تفرغ علبة البيرة الرابعة كعادتها ..  
ثم تمتمت وهي تحمل الاطباق في طريقها الى المطبخ ..  
حالا هعملك كنكة بن تفوقك وهتبقى زى الفل ..  
ثم جاء صوتها من الداخل يسأل عن نوع القهوة ..  
فأجبته وأنا أشعل سيجارتي قائلاً .. سادة بن غامق .  
خرجت احسان تهزول الى أن وقفت أمامي ..  
واضعة يديها حول خصرها ثم مالت قليلا نحوى قائلة ..  
قول والنعمة .. سادة .. وغامق .. انت بتتكلم جد ؟  
فأجبته بتعجب .. أيوة ليه في ايه !

تابعت احسان استفسارها قائلة .. عايز تفهمنى انك لك في البن ؟  
اعتدلت في جلستي وأجبت بثقة .. كله الا البن بقى ده لعبتى .  
قاطعتنى احسان قائلة .. لا استنى بقى عليا ..  
ده أنا كده ادخل اجيب السبرتاية .. ونطلع نعمل القهوة بره .. وندردش بقى .. ممكن تخرج تجهز  
القعدة على ما اجى لك ؟  
كانت حركتى ثقيلة متكاسلة لكن فضولي كان ي دفعني ..  
فأثر الطلقات مازال عالقاً في رأسي ..  
مع رغبتى في معرفة مسارهم بعد خروجهم من الباب ..  
ولكن لفت انتباهى باب غرفة مجاورة لغرفة النوم ..  
فمددت يدي وفتحته بهدوء .. ويا ليتني ما فتحته ..  
لم أستطع حصر عدد الشاشات المعلقة على الحوائط ..  
فاقتربت من إحداها وإذا بسليم نائماً في منتصفها ..  
وبجواره سونا أجدع ناس .. وفي يدها سيجارة ملغومة ..  
فانتقلت بعيناي إلى الشاشة المجاورة لهما ..  
فرأيت عم عبده جالساً على حصيرته أمام كومة الحشيش ..  
ومن خلفه جلست حنان تدلك له كتفيه .  
أسرعت بالخروج من الغرفة بعد نظرة خاطفة على باقى الشاشات بعد أن تيقنت أنها ترصد كل  
مكان في اللوكاندة ..  
والشوارع المجاورة لها .. عدا .. هذا الدور المخصص لإحسان .  
أغلقت الباب بهدوء وأسرعت نحو الرووف وفتحت الباب ..  
كان مجال الرؤية لا محدود وكأنك تنظر الى آخر الكوكب ..  
الارضية مغطاه بالنجيل الصناعى ويتوسطها حمام سباحة ..  
وشمسية كبيرة وشازلونج واحد وترابيزة صغيرة من الصخور ..  
ومعلبات البيرة الفارغة .. ملقاة في كل مكان ..  
بما في ذلك مياه حمام السباحة .. ثم وجدت على الشازلونج ..  
قطعة من القماش الصغير .. مايوه ذهبى اللون .  
ولم يهدر عقلى تلك الفرصة الذهبية ..  
و الذي سرعان ما صور لى احسان .. داخل تلك القطعة الصغيرة .. بعد أن أحكم ربطها حول  
خصرها .. وترك لي نصفها العلوى ..  
حراً طليقاً .. ولم يكن في خيالى بهذا ..  
بل أراح لى جسدها الملفوف على الشازلونج .  
وإذا بيد احسان تخطف من يدي قطعة المايوه قائلة ..  
أهلك علموك كده .. قالولك تمسك حاجة مش بتاعتك ؟  
كانت جوارحي عالقة في ذلك المشهد الرهيب ..

ونطق لسانى رغماً عنى .. أموت و أشوفه عليكى .  
ماتموت ياخويا ولا تروح في ستين داهيه ..  
صدمتنى احسان .. ثم رنت ضحكاتها ..  
وهي تميل لتضع عدة القهوة على الترابيزة ..  
وأردفت قائلة انت جاي تحقق أحلامك هنا ؟  
كانت افكارى مرتبكة .. عقلى ي دفعني نحو الجنون ..  
وقلبى يدفعني نحو احسان .. وشيئا بداخلي يهمس في أذنى ..  
إهرب .

جلست احسان على الشازلونج فتكشفت سيقانها اللامعة ..  
ثم تمددت حتى خرجت عيناى من رأسي .. فصاحت احسان ..  
عينك .. ده انت هتحرقتى يا عم انت .. بالراحة على نفسك .  
كانت جملة احسان أكثر إثارة .. عندما شبهت عيناى بالليزر ..  
وبالفعل كنت أفحص لون ما يخبئه الجزء المتبقى من فستانها ..  
قولى بقى يا عم القهوجى .. طالما طلعت بتفهم في القهوة ..  
ايه الفرق بقى بين البن الفاتح والبن الغامق ؟  
كان سؤال احسان الغرض منه تخفيف حدة التركيز بالليزر ..  
فجلست بجوار قدميها وزفرت الهواء من صدرى .. وأجبت ..  
بصى ياستى بقى .. البن بيبقى اخضر اصلا قبل مايتحمص ..  
والتحميص بيحول له للون البنى الفاتح إذا التحميص خفيف ..  
وكل ما يزيد التحميص لونه يغمق أكثر .  
ايه ده يعنى لون البن مش بنى اصلاً ؟  
إذا كان اللون البنى بيقولوا عليه بنى علشان لون البن .  
هكذا قاطعتنى احسان وهى تضع البن في الكنكه النحاس ..  
وصبت عليه بعض الماء المثلج ثم رفعتها على السبرتاىه .  
وجذبت قدميها اسفل مقعدتها وتربعت .. متناسية الليزر .  
تجرات مع خفقان قلبى المتسارع قائلاً .. بصى يا احسان ..  
أنا خلاص بجد مش قادر .. انتى وصلتيني لدرجة انى بأتعذب ..  
يعنى ايه لو عاوز ما تخسرنيش ماتلمسنيش ..  
وفي نفس الوقت .. عماله تشربى في بييرة ولاسه كده ..  
يعنى عايزانى ببقى اللوز مقشر قدام عنيا من غير ما أدوقه !  
قاطعتنى إحسان وهى تناولنى فنجان القهوة من فوق كتفى ..  
قائلة .. من ذاق عرف .. ومن عرف اغترف .. ومن اغترف ؟  
ماتقول يا راجل .. نال الشرف .. ثم تبعتها بضحكة صاخبة .  
فاعتذلت في اتجاه احسان وأنا أنظر مباشرة بين ساقىها ..

قائلاً .. انتى بتقولى ايه ؟ ايه الكلام الغريب ده ..  
أنا مش فاهم ولا كلمة ؟  
ضمت احسان ساقها بهدوء وهى تجيب .. بص يا اسمك ايه .  
قاطعتها بعصبية قائلاً .. وايه حكاية يا اسمك ايه دى ..  
ده انتى حتى مش فارق معاكى تعرفي اسمي !  
تابعت احسان قائلة .. انت مش ملاحظ حاجة ..  
انك مقولتتش شكرا على القهوة .. و ما قولتتش شكرا على الأكل ..  
عارف انتوا ايه مشكلتكم يارجاله .. انكم بتشوفونا جثث ..  
وكل هدفكم انكم توصلوا للى انتوا عاوزينه وبس ..  
انما احنا رأينا ايه .. مش مهم .. مش لازم حتى تسمعوه ..  
المهم انتوا عايزين ايه .. طب افرض انى مش عاوزاك ..  
افرض انى مش مستلطفاك .. أنا حرة يا أخى .. هى عافية ؟  
كانت جملة احسان بالنسبة لى أغرب من الجملة السابقة لها ..  
فحاولنى عقلى سريعاً .. طيب ليه وافقتي اطلع معاكى هنا ..  
ليه عملتى لى الأكل بايدك .. ليه أصلاً لابسه كده ..  
وليه قاعده بالطريقة دى قدامى لما انتى مش مستلطفانى !  
تابعت احسان وكأنها تقرأ أفكارى .. معنى كده ان اى واحدة ..  
تعزم واحد على فنجان قهوة تبقى عاوزه اللى فى دماغك ..  
ايه الرجعية دى .. مش جايز تكون عايزاه فى شغل مثلاً ؟  
شغل ! شغل ايه .. هكذا تساءلت فأجابت احسان فوراً ..  
مخدرات .. عاوزاك معايا فى تجارة المخدرات ..  
عارف الكراتين اللى شوفتها تحت فى المخزن ..  
كلها مليانة مخدرات .. اومال كنت متخيل يعنى كل ده منين ..  
فندق ومطعم و ناضورجية وكاميرات .. ما أخبيش عليك ..  
عندى عجز جامد بعد وقوع وهيبة وزينب بتوع مصر عتيقة ..  
ومش عايزة أى حد لا .. ده أنا عايزه حد جامد زيك كده .  
انتفضت وكأننى لامست كابل كهربى .. وألقت فنجان القهوة ..  
ثم واجهت احسان ونظرت فى عينيها قائلاً .. مستحيل ..  
مش ممكن يكون اللى بتقوليه ده حقيقى .. قولى انك بتهزرى !  
طب اقعد بس انت مالك انتفضت كده ليه .. بهزر معاك يا أخى .  
كان هذا رد احسان الذى أراحني قليلاً إلى أن تابعت مرة أخرى ..  
يعنى انت ما عندكش مشكلة مع اللوكاندة وستات اللوكاندة ..  
الستات اللى انت عمال تحب فيهم واحدة ورا الثانية ..  
ولا عندك مشكلة إنى صاحبة اللوكاندة دى ..

إنما عندك مشكلة انى اكون تاجرة مخدرات ؟  
لم تعطيني احسان فرصة الإجابة أو بمعنى أدق ..  
أعفتني من الإجابة على السؤال الذي لم أكن مستعدا له ..  
ثم أردفت قائلة .. على فكرة بقي زى ما انت جيت هنا بالغلط ..  
أنا كمان حصل لى حاجات كثير بالغلط ..  
أنا اتجوزت راجل غنى عيشنى عيشة الملوك ..  
لحد ما تعب فجأة ومات .. واكتشفت بعدها ان ميراثه كله ..  
مخدرات وسلاح ونسوان .. كان مفروض أعمل ايه ؟  
أنهت احسان كلماتها وهى تغطى ساقها بفستانها ..  
ثم تكورت على نفسها وأخفت وجهها بين ركبتيهما .  
فجلست بجوارها لأضع يدي على كتفها .. العارى ..  
فأخذنى ذلك الملمس الناعم لبشرتها كلمس الزجاج المبلل .  
وهمست لها .. يا ستى أنا علشان خاطرک أعمل أى حاجة ..  
بس أنا خايف عليكى انتى .. أنا أعمل بس انتى لا .  
رفعت احسان وجهها نحوى قائلة .. تقصد ايه !  
فأجبتها ويديا تحتضن خديها .. يعنى من هنا ورايح ..  
انتى مش هتعملى حاجة غلط .. أنا اللى هعمل كل حاجة ..  
فهمنى بس الدنيا بتمشى ازاي ومالكيش دعوة .. ونتجوز .  
وقعت كلمة نتجوز على مسامع احسان كالصاعقة ..  
وتسائلت .. تتجوزنى أنا يا اسمك ايه !  
ثم رجبت الكون بضحكتها قائلة .. الا بالحق انت اسمك ايه ؟  
كنت أستمتع بسماع ضحكة احسان وقبل أن أنطق باسمي ..  
وضعت اصبعها على شفتاي قائلة .. بس من غير كذب .  
وتابعت .. لعلمك .. الأسمي دي آخر حاجة ممكن تشغل بالى ..  
وممكن أفضل أقولك يا اسمك ايه حتى بعد ماننتجوز .. وتلاقي ..  
نفسك بتغير من الاسم اللى مش اسمك .. لما تلاقينى بأقولك .  
قاطعت احسان قائلاً .. اسمي عادل يا احسان .. عادل الشريف .  
عارفه .. وعارفه كمان انك بتعمل سلسلة تحقيقات صحفية ..  
عن أسباب انتشار الفساد في المجتمع .. اللى أنا سبب رئيسي فيه .  
اعتدلت في جلستي متعجباً و أمسكت بذراع احسان وتساءلت ..  
عارفه ازاي عارفه منين ومن امتى ؟  
امسكت احسان يدي بأطراف أصابعها لترفعها عن ذراعها قائلة ..  
الجنّيّه قالت لى .. ولو مش مصدق ممكن تسألها بنفسك !  
احسان .. احنا اتفقنا اننا نصارح بعض بكل حاجة بدون كذب .

قاطعتنى احسان قائلة .. انت اللى اتفقت مش أنا ..  
ومع ذلك أنا مش بأكذب .. أنا فعلاً معايا جنئيه ..  
بس مش بتتكلم عربى .. ثم أطلقت احسان ضحككتها وتابعت ..  
بترطن بالروسى .. بس أنا خلاص بقيت أفهمها ..  
وعلى فكرة بقى انت عاجبها موت وهتموت عليك ..  
بس أنا اللى مانعاها عنك .. وهى اللى بتعذب فيك مش أنا .  
أحسست ببعض الدوار في رأسي وكأني مازلت داخل الكابوس .. حاولت الاسترخاء فلم اجد مكان  
أنسب ..

من أن استلقى بجسدى على الأرض .. وكان القمر بديراً ..  
وفي منتصف مجال رؤيتي مباشرة .. وتأملت عيناى في بقاعة الداكنة التي أخذت تنهياً لى في  
أشكال مختلفة ..

وجه الاسكندر الأكبر و الذي لم أراه من قبل .. أرنب يدق الهون .. وجاء صوت احسان يقول ..  
النهاردة يوم من الأيام النادرة ..

القمر في أقرب نقطة للأرض .. عايز تستمتع بجذ بقي ..

جرب متعة التجرد في نور القمر .. غمض عينك .

نزلت إحسان إلى جوارى ونزعت حزام الروب بيديها ..

ثم وضعت رأسها على صدرى قائلة ..

انت طبعاً عارف النظرية الفينيقية اللى بتقول ان القمر ..

هو اللى بيسبب المد والجزر .. لكن تعرف بقى ..

إن نفس تأثيره على البحر .. بيحصل لنا في الدم ..

جرب كده إنك تعرض كل بشرتك للقمر ..

وترخي اعصابك خالص .. سييب نفسك خالص ..

كانت أظافر احسان تتحس ضلوعى ..

وتتلمس أصابعها حواف صدرى .. وتعتصره .

الى أن سمعت صوتها يعلو بجوارى بلغة غريبة ..

ووجدتها فجأة تمتطيني دون أن تنزع ملابسها كلها ..

ثم دخلت في نوبة من الحركات العشوائية ..

ويرتفع معها صوتها بتلك اللغة الغريبة ..

و التي حاولت أن ألتقط منها كلمة واحدة دون فائدة ..

وتضاعفت انفعالاتها الى أن بدأت أستسلم معها للمتعة ..

وقررت مجاراتها فاندفعت يداى تعتصرها بقوة ..

وصوتها يرتفع الى حد الجنون ..

وتجرات يدي وانطلقت لتتزع القطعة الوحيدة المتبقية ..

وإذا بإحسان تقترب بوجهها من وجهي وتسالنى بهدوء تام ..

انت عايزنى أنا ولا عايزها هي ؟  
أجبتها فوراً وتحت تأثير النشوة .. عاوزك انتى طبعاً .  
نهضت احسان سريعاً من فوق وقفزت في فستانها قائلة ..  
طب دى كانت هي .  
هي مين ! انتى عايزة تجننيني ؟ هكذا تساءلت ثم تابعت ..  
طب عايزها هي .. اقصد عاوزكم انتوا الاثنين ..  
ثم تمتمت .. ياخبر ابيض عليا وعلى اللي بيحصل لى !  
جلست احسان على الشازلونج واضعة يدها على خصرها ..  
ثم نظرت في عيني متسائلة .. بقى انت عايزها هي !  
هي مين بس يا حبيبتى .. أنا عايزك انتى وبس .  
هكذا أجبتها وأنا أضع الروب على جسدى وأفتش عن السجائر .  
وقفت احسان قائلة .. طب مش عاوز تشوفها ؟  
أجبت وأنا أشعل سيجارتي .. ما أنا شوفتها .. دى مجنونة .  
لا اقصد تشوف شكلها ؟ هكذا تساءلت احسان ..  
وعلى وجهها ملامح الجدية التامة .. فأجبت ..  
اشوفها اعمل بيها ايه .. أنا عايزك انتى ..  
ومش عاوز اشوف غيرك .. انتى وبس .  
توجهت احسان إلى الداخل وهي تتمتم ..  
بس أنا عايزاك تشوفها .. ثم توقفت عند الباب وتابعت ..  
وهي كمان عاوزاك تشوفها .  
نفثت دخان سيجارتي وأنا أنظر نحو القمر ..  
وجاء صوت عقلى يحاورني .. مثيرة مش كده ؟  
مين فيهم اللي مثيرة !  
مين فيهم ده ايه انت هتستعيط ؟  
أنا سمعت صوتها بنفسى ولغتها غريبة فعلاً !  
مممكن تكون بتعرف روسى والا المانى وبتصيح عليك ؟  
وتصيح عليا ليه اصلاً .. ما أنا كده كده هموت عليها !  
جايز بتتمنع ياسيدى .. عاوزاك و مش عاوزه تقولها وش ؟  
طب ماكملتش ليه .. ما أنا كنت رايح في داهية اساساً !  
اهو ده بقى اللي مجننى .  
انتهى حوارى مع صوت احسان جالسة بجوارى ..  
وأمامها كرة زجاجية لامعة .. وتساءلت .. كنت بتكلم مين ؟  
أجبت بهدوء .. مافيش حد .. كنت باكلم نفسى .. خلاص لسعت .  
على فكرة اللي كنت بتكلمه ده مش نفسك ..

وكان مفروض انك ماتسمحش انه يقول انى بأصيح ..  
أنا مش بأصيح ودلوقتى تشوف بنفسك انت وهو .  
سرحت متعجباً كيف علمت احسان بما دار بخاطرى ..  
وبدأت أصدق أن لها قدرات غير عادية ..  
وإذا بإحسان .. تضع وجهها أمام الكرة الزجاجية قائلة ..  
دى بقى البلورة السحرية .. كل واحد فينا هيشوف الثانى ..  
أنا من الناحية دى وانت من الناحية دى .  
وضعت وجهي في الجهة المقابلة لها ونظرت ..  
كانت الاضاءة المحيطة بنا تنعكس داخلها ..  
واخذت ابحت عن وجه احسان واذا بوجه أوروبى ..  
يظهر أمامى .. يختلف كل الاختلاف عن إحسان ..  
شعر ذهبى .. وجه ناصع البياض .. عيون زرقاء كالسماء  
وإذا بها تبتعد وتقترب و تتلوى كالدخان تبرز مفاتنها ..  
وتجذبني بسحرها .. ولولا أننى ما زلت أدرك ..  
ان احسان تجلس في الجهة المقابلة منى ..  
لنزعت الروب .. وقفزت داخل البلورة .  
رفعت احسان رأسها وخبطت رأسى بأطراف أصابعها ..  
وانفعلت قائلة .. ماتحترم نفسك شوية ..  
اومال اذا مكننش قاعدة قدامك ؟  
رفعت رأسى ونظرت اليها فوجدتها غاضبة ..  
فانتفضت من مكانى وتوجهت نحوها قائلاً .. بتغيرى !  
أنا اسف حبيبتى .. أنا كنت فاكركم واحد .  
ضيقك احسان عينيها قائلة لا ياخويا مش واحد .. اثنين ..  
ولعلمك بقى أنا عارفة ان اللى فيه عيب مبيبطلوش ..  
وانت زيك زى كل الرجالة مايملاش عينيكم الا التراب .  
كان غضب احسان وانفعالها دليل حقيقي على غيرتها ..  
فاحتضنتها من ظهرها و أنا اقبل رأسها قائلاً ..  
انتى معاكى حق فى كل كلمة قلتيها .. بس أنا فعلاً بأعشقك ..  
وأوعدك من دلوقتى عمرى ما اطوع نفسي ولا ابص لغيرك .  
تابعت احسان قائلة .. طب يالا دورى أنا بقى ..  
اقعد علشان اشوفك واشوف ايه اللى مخبيه عليا .  
جلست وأنا انظر الى وجه احسان خارج البلورة ..  
وأأمل حسننها وجمالها .. ما أروع بريق عيناها ..  
وشعرها الأحمر الداكن .. وتذكرت ملمس بشرتها ..

الذي وصفته سابقاً بأنه كملمس الزجاج المبلل .. المثير ..  
فإذا كان هكذا ملمس كتفها .. فما بالك بما خفي و كان أعظم .  
أطلقت العنان لخيالي فطاف على جسدها في جولة استكشافية ..  
ثم لمحت طيفها يتراقص داخل البلورة .. فنظرت داخلها ..  
كانت هذه المرة .. هى احسان .. بشحمها ولحمها ..  
صاروخ يا بنت اللذين .. يخرب بيت جمالك .. طب ايه ؟  
وفجأة جاء صوت احسان يصيح بجواري .. جول  
انتفضت برأسى من على كتف إحسان فوجدتها تقول ..  
دخل فينا جول .. عماله أقولهم امسكوا انفسكم مافيش فايده .  
ثم نظرت تجاهي قائلة .. بس كويس انك نمت لك شوية .  
كان الصداع قد شق رأسى في محاولة يائسة منه ..  
أن يفصل بين الحلم و الحقيقة ..  
وأن يفرق بين الواقع والأوهام .  
وأن يحول دون اختلاط اليأس مع الأمل ..  
لكن الحقيقة أن كل شيء في عقلى قد امتزج معه الصداع .

#### \*Ghehabiat\* الحلقة السادسة والعشرون :

كانت يد احسان قد دخلت الى صدرها ..  
عندما انتبهت أنني قد أمسكت رأسي بيدي وتساءلت ..  
انت مصدع ولا ايه .. تحب تاخذ حاجة ؟  
نظرت بصعوبة نحو احسان وكأن لسان حالى يقول ..  
لا والنبي بلاش انتى تحببى لى حاجة من حاجاتك يا بتاعة وهيبة .  
ولكن احسان كانت أسرع من اجابتي وأخرجت يدها من صدرها  
ومعها قطعة من السولفان أخرجت منها شيئاً ..  
وفتحت فمي وهي تصيح .. ماتفتح بقك يا راجل ..  
هو أنا هديلك سم .. ده الناس بتموت نفسها على جرام من ده ..  
وانت بتتمنع وقافل لي بقك !  
رفعت جفونى بأصابعى لأنظر الى وجهها فلم أجدها بجواري ..  
وجاء صوتها من الداخل وكأنها تحدث أحدا ما قائلة ..  
دلوقتى تقوم وتبقى زى الجن .. ده انت من ساعة ما أكلت ..  
وانت نايم زى الفرخة الداخنة .. ثم تابعت بسؤالها ..  
اوعى تكون نمت تانى ؟ لم أنبس بحرف ..  
وكانت أفكارى مازالت عالقة فيما رأيته أثناء نومي ..  
حتى وجدت وجه احسان أمام وجهي وهى جالسة على بطنى ..  
ما انت هتقوم يعنى هتقوم .. هنا مش لوكاندة يا حبيبي ..

ثم رفعت ضحكها حتى أيقظت حواسي فضممتها وتمتمت ..  
أنا تعبان يا احسان .. أنا مش مضبوط ..  
انفعلت إحسان وهى تضع يدها على خصرها .. قائلة ..  
نعم يا دلعدى .. لهو انت فهمت ايه .. ما قولنا ماتلمسنيش ..  
قاطعتها و أنا احتضنها أكثر هامسا .. لا مش قصدى كده ..  
أنا تعبان في دماغى .. أطلقت احسان ضحكة  
تفوقت بصداها على ضحكة سونا .. وتابعت قائلة ..  
انت مش بس تعبان في دماغك .. ده انت ضايح ..  
معلش عايزة اسألك سؤال .. انت تعاطيت حاجة قبل ما تيجى ؟  
كانت شفتها تبرقان بضوء وردي فاتح .. وكانت نفسى تأمل ..  
أن تتذوقها .. وكانت رنتاي تحصد زفير هواءها و تستنشقه .. ورغما عنى أقتربت أكثر فأكثر  
وعندما لمحت احسان ..

تغلق عيناها .. استجمعت كل ما أوتيت من شجاعة ..  
وحاصرت رقبتها بيدي .. ثم جذبتها نحوي بقوة ..  
لتلتقط شفتاي طعم الملبن الأحمر فاعتصرتها بشفتاي ..  
مضغتها بأسناني إلى أن أفقت على صوت المكسرات ..  
وصوت إحسان يقول .. الملبن الاحمر ده غير بتاع حلاوة المولد ..  
ده بيتعمل لى مخصوص .. بيتحط عليه الميثامفيتامين ..  
بس كميه صغيره اوى ماتأثرش في الطعم ..  
كانت يدى هى الحل الأقرب لما يحدث في رأسي ..  
فأخذت أضرب وجهي لعلي أفيق ولو لثواني ..  
أتبين فيها الفارق بين الواقع والخيال ..

إلا أن إحسان أوقفت لطماتي .. واضعة يديها على وجهي قائلة .. ايه بس في ايه .. ماتقولى مالك  
بس .. فيك ايه يا اسمك ايه ؟

تاني اسمك ايه ! هكذا صحت في احسان واعتدلت في جلستى ..  
وفتحت خزانه أفكارى وألقيت مابها على مسامع احسان ..  
قلت لك اسمي عادل .. عادل الشريف .. وانتى قلتى لى عارفة ..  
وعارفة كمان انى جاي اعمل تحقيق صحفي عن المفسدة دى ..  
وظلعتي ممسوسه وعليكى جنيه روسيه بترطن بلغة غريبة ..  
وخليتيني شوفتها في البلورة المسحورة وانتى غيرتى منها جدا ..  
لما عجبني شعرها الأصفر وجسمها وسرحت في رقصها ..  
وكمان طلعتى تاجرة مخدرات .. بس اتفقنا انك تبطلى ..  
و أنا اللي ادور الشغل ونتجوز ..  
ده غير تجارة الأعضاء والطيارة اللى مستنية البضاعة ..

اللى هى كلاوى سليم .. لا .. دى كانت مفروض كليتى أنا ..  
كنتى عاوزة تقتليني بمنتهى البساطة لما عبده ربنا ينتقم منه  
أخذ باله انى شايلى كلية وقالك لو اخدتوا الثانية أموت ..  
وشوفت الكاميرات في الاوضه اللي جوه كمان ..  
اللى بتراقبى بيها كل اللوكاندة .. ومع كل ده ..  
أنا مش قادر أمنع نفسى انى احبك .. ولا قادر ابعد عنك .. هتجنن ..  
لم تقاطعنى احسان نهائيا .. بل كانت تنظر الى بائصات شديد ..  
وما أنت توقفت عن الكلام .. حتى لمست احسان جيبى بيدها ..  
وتمتمت .. مش سخن ولا حاجة اومال بتخرف ليه بس ..  
ثم تنهدت واسترسلت طيب ياسيدى اذا كان اللي بيتكلم مجنون ..  
خلى المستمع عاقل .. واحدة واحدة كده .. نطلع الكلام المعقول ..  
يعنى افهم من كلامك ان اسمك عادل وانك صحفي ..  
وانك جيت هنا مخصوص علشان تعمل تحقيق صحفي ..  
عن المفسده اللي بتحصل هنا في اللوكاندة ..  
يعنى القطر مافاتكمش ولا حاجة ..  
وطبعاً بعد ماتعمل التحقيق بتاعك تمشى وتنسانى ..  
وتقول دى كانت شغلانة وخلصت ..  
يعنى ولا حبيبتى ولاهتحنى وكل ده كان تمثيل ..  
حاولت أن اقاطع احسان بقولى .. لا أنا بحبك فعلاً بحبك بجد ..  
لكنها تحولت الى حالة من العصبية قائلة .. بتحبنى ازاي ..  
ده انت لسه حالا عمال تتغزل في جمال الجنيه الروسية ..  
ثم هدأت قليلاً قائلة .. بص يا عادل ..  
اذا كان على التحقيق الصحفي .. مافيش مشكلة ..  
ده أنا اساعدك انك تعمله وتنتشر واسمك يبقى زى الطبل ..  
اما بالنسبة للكاميرات والمخدرات فأنا لا عندي كاميرات ..  
ولا بأتعامل في المخدرات وحتى اللوكاندة دى متخصصنيش اساساً ..  
اللوكاندة دى انفصلت هي والفندق عن البرج من سنين طويلة ..  
واللى فضل لى من ميراث ابويا هو الدور ده والمطعم ..  
علشان كده عملت المدخل بتاعى من جوه المطعم ..  
ولما شوفتوني تحت في مدخل اللوكاندة وسألتكم عن البطايق ..  
كنت قاعدة منتظرة العمال بتوع تصليح الاسانسير ..  
حتى لو أخذت بالك كان في دوشة على السلم بتاع اللوكاندة ..  
وكنت واقفة معاهم فوق .. لحد ماسمعت ان صاحبك وقع ..  
ودخلت ساعدته لأنى كنت في رابعة طب قبل ما اسيب الكلية ..

بعد وفاة ابويا .. ولسه عندى فكرة شوية عن الاسعافات الاولية .  
كانت كلمات احسان تتلج صدري و أنا استمع لها بكل جوارحي ..  
حتى كشفت الروب عنى قائلة .. ثم فين الكلية اللي ناقصة دى !  
ما انت زى الفل ومفيش اى اثر لعمليات !  
وإذا بها تهب واقفة وتضع يدها على خصرها قائلة ..  
وبعدين اذا كان على الشعر الأصفر ياسيدى ..  
عندى باروكة صفراء.. تنفع .. ثم اسرعت الخطى الى الداخل ..  
بينما دفعت نفسي الى النهوض وتوجهت نحو الغرفة المجاورة ..  
وفتحته لكى يطمئن قلبى .. لم يكن هناك شاشات كاميرات ..  
وإنما كانت هناك تلال من الأموال و العملات الأجنبية ..  
وبعض الصناديق الخشبية .. فأغلقت الباب ..  
وعدت سريعاً الى مكانى ..  
وإذا بإحسان تخرج واضعة باروكتها الصفراء ..  
وترتدى بدله رقص سوداء مزركشة .. بارز منها صدرها ..  
يكاد يسقط منها دون أن تمسسه يد .  
وتفاجئت عندما أمسكت إحسان بعصا خيزران ..  
وضعتها أمام وجهي قائلة .. عينك لخزقهم لك ..  
يابتاع الجنيه الروسى .  
ثم ضغطت احسان على زر تشغيل الموسيقى ..  
وإذا بموسيقى التت تعبأ المكان .. ثم رقصت احسان .  
كانت احسان ترقص وكأنها تتحدى شيئاً ما ..  
أو شخص ما .. أو جنية ما بخيالى .. حتى فازت بالتحدي .  
مع اول حركاتها بالعصا وهى تديرها حولها بسرعة ..  
وهزات خصرها وأرجلها جعلتنى اعتدل في جلستى ..  
وأشعلت سيجارة وتعالق عبارات التشجيع ..  
يالعبك يا احسان .. يا حلاوتك يا احسان .  
برقت عيناها واندمجت أكثر وازداد معدل دوران العصا ..  
وتضاعفت هزات جسدها اللولبية ..  
إلى أن توقفت مع بطء الموسيقى لتضع العصا حول رقبتى ..  
وهي تجذبني نحوها إلى أن أصبح وجهي امام صدرها ..  
كنت أشم منه رائحة الفل وارى فيه لمعة السحر ..  
فتركت وجهى يسقط بينهما .. واستنشقتهما بكل حب .  
حيلك .. حيلك .. سكتنا له دخل بمنقاره والا ايه ..  
كانت هذه جملة إحسان وهى تدفع رأسى بأصابعها ..

ثم وضعت العصا جانباً قائلة .. عارف احنا عيينا ايه !  
عيينا ان العاطفة بتسوقنا .. اللي بنحسه بنعمله ..  
بدون تفكير وبدون تنظيم .. وطبعاً بدون تخطيط من الأساس ..  
بس عارف بقى ان عيينا ده هو احلى حاجة فينا !  
العشوائية دى الدول المتقدمة بتحسدنا عليها .. عايشين براحتنا ..  
لا قانون قادر يمنعنا ولا التقاليد ولا الأعراف .. ولا حتى الاتفاق .. حتى كلامنا بنرجع فيه لما  
بيجى لنا مزاجنا ..  
احنا يا راجل انت .. مش اتفقنا ماتلمسنيش ؟  
كنت مازلت متورطاً في تفهم فلسفة احسان ..  
وكانت عيناى مازالت في وضع التلبس على صدرها .  
وصرخت باعلى صوتى .. مش قادر .. خلاص تعبت .  
توافقت جملتى زمنياً مع لحظة ايقاف احسان للموسيقى ..  
وسمعت صوت الباب الخارجى يفتح ويدخل عبده قائلاً ..  
الراجل بيقولك تعب خلاص .. وتبعته سونا بضحكها الرنانه ..  
بينما انطلقت احسان الى غرفتها وهي توبخ عبده قائلة ..  
انتوا ازاي تطلعوا كده من غير ماترنوا عليا ..  
أجاب عبده وهو يطفى سيجارته في الأرض بقدمه قائلاً ..  
نرن عليكى .. ما أنا بقى لى سنين بأرن ومافيش حد ييفتح لى !  
هو انتى مع المزىكا دى هتسمعى حد ولا هتحسى بحد .  
لم تسمعه احسان .. بينما لملمت الروب على جسدى سريعاً ..  
وجلست اشعل سيجارة وأنا انظر الى سونا ..  
التي كانت تتشدد بلبانتها ..  
وتتفحص المكان بعينيها وكأنها تستكشف ..  
ما قد حدث وما لم يحدث .  
تابع عبده حديثه دون أن يكثر لوجودى قائلاً ..  
الناس وصلت تحت .. لا وايه جايبين مع بعض في نفس الوقت ..  
الراجل دماغه والف صرمة أن التسليم يكون هناك في الموقع ..  
وسعادة السفير راكبه عفريت اسمه نيفر ..  
عمال يعيد ويزيد فيها .. و أنا عمال ارن عليكى ..  
علشان ما أسيبهمش تحت لوحدهم ويرغوا مع بعض ..  
وانتى لامواخذة عايشة مع الشيك شاك شوك .  
كانت عينا عبده الضيقتان تحدفان في عيني مع جملته الأخيرة ..  
فخرجت إحسان في عبائتها السوداء قائلة .. خليهم يطلعوا .  
نزلت الجملة على اذن عبده كالرعد فقال .. يطلعوا فين !  
وسيدنا لافندى ابو روب ده حاتوديه فين ؟

جلست إحسان وهى تضع احدى قدميها على الأخرى قائلة ..  
مش أنا اللي هقابلهم .. المعلم عادل اللي هيخلص الصفقة دي .  
عادل مين عدم المؤاخذة .. هكذا أجاب عبده ..  
وهو يخرج سيجارة جديدة ثم تابع قائلاً .. ماينفعلش .  
أنزلت احسان قدمها بعصبيه وهى تصيح ..  
عبده متنساش نفسك .. اللي أقول عليه يتسمع ويتنفذ .  
أسقط عبده عينيه في الأرض وأوماً برأسه قائلاً ..  
اللى تؤمري بيه يمشى .. ثم دفع سونا أمامه ..  
وخرج وهو يتمتم عادل عادل و أنا مالى .. ياكش تولع .  
كنت أنظر على وجه إحسان الذي كان يحتفظ بمظهر الجدية  
وسألتها بصوت هادىء .. انتى ايه اللي خلاكى تقولى كده ؟  
ردت احسان بانفعال .. أقول كده .. لا ده أنا هنفذ مش هقول ..  
مش انت اللى طلبت إن إنت اللى تدور الشغل ..  
اتفضل دور بقى .. ثم ضحكت حتى أسمعت ضحكتها الوجود .  
والحقيقة أن من أروع ما أعجبنى في احسان ..  
هى قدرتها على التحول اللحظى .. من الانفعال إلى الضحك  
ومن الجد إلى الهزل .. ومن المعلمة إلى الأنتى .. والعكس .  
أخذت أنظر إلى الروب الحريمى الذي أرثديه ..  
وسألت احسان .. ياترى حاقابلهم بالكوميين بتاعى ده ؟  
لم تتمالك احسان نفسها من الضحك وهى تجيب ..  
وايه يعنى ما انت كنت قاعد بيه قدام عبده وسونا ..  
ثم هو ده اللى شاغلك .. ده انت حتى ما سألتش عن الصفقة .  
خد بالك .. أنا مايعجبنيش الراجل اللى تهمة المظاهر بس ..  
المعلم لازم يكون معلم من جوه ومن بره ..  
يعنى مالى مركزه .. أصل ثوب الرجال غالى ..  
ودى ناس جامدة لو نخيت قدامهم .. يبقى على الدنيا السلام ..  
تبقى لا صفقة ولا جوازه .. أنا جوزى لازم يكون وحش كده .  
وقعت كلمة جوزى على اذنى كالموسيقى ..  
فقاطعت احسان قائلاً .. تانى كده الحته دى !  
رفعت احسان طرف حاجبها قائلة .. حته ايه ..  
احنا مبنشتغلش بالقطعة .. احنا بتوع جملة ..  
تحب أعيد لك الجملة ؟ ثم تبعتها ضحكتها الرنانة .  
نهضت من مكانى سريعاً واقتربت من وجه احسان وهمست ..  
أنا بعشقتك عشق .. ضحكتك .. خفة دمك .. بأحبك .

خرجت كلمة بأحبيك مدوية .. فاجأت احسان ..  
فوضعت يديها على خديها خجلاً .. ثم تلفتت حولها ..  
وكأنها تخشى أن يكون أحدا قد سمعها .  
فتابعت قائلاً .. حيث كده بقى ادينى المسدس بتاعك ..  
أعمل بيه منظر قدام الناس .  
نظرت إحسان في عيني متسائلة .. منظر !  
بعد كل اللي أنا قلته ده وتقولى تعمل منظر ؟  
يعنى ياربى من بين كل الرجالة اللي في الدنيا ..  
قلبي مايحبش غير الكتيان ده ؟  
لم التفت الى كلمة الكتيان نهائياً ولم أسأل عن معناها ..  
بينما دخلت كلمة الحب .. الى اعماق قلبي ..  
فأسرعت نحو احسان وألقيت نفسي في أحضانها .  
ولحسن الحظ لم تقاوم هذه المرة بل ولم تنطق ..  
لكن كان من نطق هو عبده .. ربنا ينتقم منه ..  
عندما صاح قائلاً .. الناس بره يا معلم عادل .  
استعادت احسان ذاتها سريعاً وردت قائلة ..  
ما تخليهم يستنوا بره .. سيد الناس لسه حا يغير هدومه .  
كنت مرتبكا إلى حدٍ بعيد فلم أتذكر أين وضعت ملابسي .  
وأخذت أبحث عنها ما بين الرووف والغرفة ..  
وأخيراً وجدتها في الحمام .. وارتيديتها سريعاً وأنا أتساءل ..  
يا ترى .. تطلع ايه الصفقة !  
وإذا بإحسان تنقر بأصابعها على كتفي وهمست قائلة ..  
التي .. شيرت .. مقلوب يا سيد المعلمين ..  
وابقى اقل التليفزيون .. بتاع البنطلون .  
كنت أشعر بحال البهلول حرفياً .. لكن وجه احسان ..  
كان يقول غير ذلك .. كانت الفرحة تملأ عيناها ..  
وهي تضع المسدس في جنبى قائلة .. خليك ناشف معاهم ..  
وإذا حد منهم وجه لى كلام .. قول له الكلام معايا أنا ..  
المعلمة مالهاش علاقة بالشغل .. علوزاك جامد كده ..  
وعايزة قلبك يبقى زى الحديد .  
كنت مازلت اهندهم ملابسي وسألت احسان قائلاً ..  
هو الكلام على ايه !  
اقتربت إحسان من وجهى واضعة قبلة خفيفة على خدي  
ثم همست في اذنى .. أثار .  
ثم تابعت بصوت مسموع .. الفلوس جوه في الاوضه ..

خلصوا اهلا وسهلا مش عاجبهم .. الباب يفوت جمل .  
كنت هذه المرة أوقن أنه نفس الحلم الذي أفيق منه ..  
على صوت إحسان وهى تصيح .. جول .  
فأخذت أهز رأسى بقوة لأستيقظ .. لاحظت ذلك احسان ..  
فاقتربت وتساءلت .. ايه الصداق تانى .. أجيب لك حاجة ؟  
أجبت بسرعة البرق .. لا مش عاوز حاجة أنا زى الفل ..  
قولي لي بس السعر كام اللى نوافق عليه والتسليم يبقى فين ؟  
أجابت احسان بهمس لا أكاد أسمعه .. بص هو السفير مفروض ..  
انه مايعرفش احنا هنشتري بكام علشان نعمل فرق سعر ..  
ولا كان مفروض انه يعرف أصحاب البضاعة ..  
لكن الحظ بقى انهم وصلوا في وقت واحد .. فانت بقى ..  
خليك ناصح وما تتكلمش في الفلوس خالص ..  
علشان السفير بيفهم عربى .. وبيتكلم عربى كمان ..  
ثم أشعلت سيجار وضعته في فمي وأشارت لى أن أجلس ..  
في مقعد المنتصف وأمرت عبده قائلة .. خليم ينفضلوا .  
جلست احسان على الأرض بجانبى ثم أمسكت بإحدى قدمي ..  
وأخذت تبرد أظفاري وكأنها في عالم آخر ..  
حاولت أن أمنعها قائلاً .. ماينفحش كده قدام الناس ..  
طب استني لما يمشوا وابقى إقطعى صوابعى لو عاوزه .  
اشارت لى احسان وهى تضع اصبعها على فمها بأن أصمت .  
لكننى لم أستطع .. وتابعت .. طب أفف اسلم عليهم ؟  
أجابت احسان بهدوء شديد دون أن تنظر نحوي قائلة ..  
هما مش حا يسلموا ثم مالكش دعوة بيا أنا .. ركز معاهم ..  
اعتبرنى مش موجوده .. ثم رفعت طفاية السجاير بيدها ..  
لألقي رماد السيجار وعندها دخل عبده يصطنع السعال ..  
ومن خلفه سونا تكتم ضحكاتها واتجهت الى المطبخ مباشرة ..  
ثم دخل رجل أحمر البشرة ازرق العينين يرتدي بدلة سوداء ..  
توجه إلى المقعد المواجه لى مباشرة واتخذ وضع الجلوس ..  
واضعاً قدمه على الأخرى وهو يهز رأسه بالتحية نحوى .  
وأدركت من هيئته أنه السفير .. و تبعه شاب قوي البنية ..  
يرتدي بدلة زرقاء .. خمري اللون ثم وقف على يساره ..  
يبدو وكأنه حارسه الخاص أو المترجم أو كلاهما .  
ثم دخل رجل قصير القامة ممتلىء البدن أصلع الرأس ..  
يرتدي بنطلون من الجينز القديم وتيشرت مونتيجو ..

وألقى السلام .. ثم جلس في المقعد المجاور للسفير ..  
وتبعهم رجل تبدو عليه مظاهر العمودية .. ألقى السلام ..  
ولملم عبايته وجلس بجوار الرجل الأصلع ..  
تقدم عبده نصف خطوة أمامهم مشيراً تجاهي قائلاً ..  
شوفوا بقى ايه مشكلتكو وكلامكو مع المعلم عادل ..  
هو الكل في الكل هنا والكلمة كلمته والشورة شورته .  
رفع الرجل الأصلع رأسه نحو عبده قائلاً .. أهم حاجة ..  
تكون الفلوس فلوسه .. ثم قهقه وهو يتألف حوله ..  
يبحث عن من يشاركه الضحك .. فلم يجد .. إلا أنا .  
عندها نغزت إحسان قدمي بالقصافه فابتلعت ضحكتي .  
ثم بدأ العمدة كلامه قائلاً .. يا ست لحسان ..  
احنا جولنا المرة اللي فاتت عاد .

ضغطت احسان بقوة على أصابع قدمي .. فقاطعته قائلاً ..  
وجه كلامك ليا أنا يا شيخ العرب .. احنا معندناش كلام مع ستات .  
تابع العمده كلامه قائلاً .. عجيبة دى .. ما كانت عم تتكلم ..  
ده احنا لينا بيچى أربع سنين ما نتكلموشى غير عماها .  
فقاطعته مرة أخرى قائلاً .. كل وقت وله آذان يا شيخ العرب ..  
دلوقتي بقى ليها راجل .. أظن شايف هى بتعمل ايه دلوقت !  
كانت ضغطة احسان هذه المرة مؤلمة .. لكننى تماديت قائلاً ..  
وبعدين انت لك الشغل عدم المؤاخذة .. والا ايه ياعم عبده ؟  
ألقت احسان قدمي وتناولت الأخرى كإشارة لم أفهمها .  
فتابعت و أنا اقلد لكنته قائلاً .. خلونا في المهم ..  
جولتوا ايه بجا المرة اللي فاتت عاد ؟

تابع العمدة قائلاً .. جولنا عاوزين نسلم مجفول ..  
احنا ماجادرينش على الميه .. والباب جدامهم وعليه الكلام ..  
بيجا احنا ايه اللي يخلونا نفتحوا .. والميه تغرج الدنيا ..  
مايفتحوا هما بطريجتهم .. ولا كلامى مش لادد عاد .  
عندها تدخل الرجل الأصلع قائلاً .. بص يا عادل باشا ..  
انت طبعا كلامك يمشي وكل حاجة .. بس اسمح لى ..  
أوضح لحضرتك شوية حاجات صغيرة كده ..  
احنا فعلا وصلنا للمكان .. وكشفنا اللوحة ..  
وإتأكدنا منها كمان وصورناها .. بس في شوية ميه ..  
واصلين لحد نص الباب تقريباً .. يعنى لو فتحنا ..  
الميه هتدخل جوه وممكن يرجعوا يقولوا لنا المكان بايظ ..

ده غير بقى ان مع الفتح بيبقى فيه فيروسات ..  
وثعابين وحشرات وبلاوى .. كل ده مع الميه حبيقى صعب ..  
واحنا مش عاوزين حد يتأذى .. وندخل في مشاكل مش قدها ..  
وإذا كانت الصور مش عاجباهم ولا الفيديو بتاع المكان ..  
بيجوا يشوفوا المكان بنفسهم .. ده بعد اذنك طبعاً .  
لم يكن لدي شك أن السفير فهم كل ما قاله القصير المكير ..  
من اتساع ابتسامته مع جملة يشوفوا المكان بنفسهم ..  
وكنت قد تفهمت أن مهمتنا هي الوساطة بين الطرفين ..  
فإذا تجاوزنا أحدهما .. أصبحوا على تواصل مباشر ..  
وخرجنا من المولد بلا حمص .. وهذا ما كانت تقصده احسان .  
نظرت نظرة سريعة نحو احسان التي كانت منهمة فعلياً ..  
وكأنها لا تصطنع الانشغال بل كانت مشغولة فعلياً ..  
وكان مفترق صدرها من زاوية رؤيتي .. لامع و ناعم .  
الا أن كلمات عبده أفاقنتني عندما صاح قائلاً ..  
قلت ايه يامعلم عادل .. يروحوا يشوفوا المكان ؟  
أجبت بهدوء على عبده قائلاً .. وماله يروحوا يشوفوا ..  
ويعاينوا .. ويدفعوا ويشيلوا كمان .. هو في ايه !  
انتوا عاوزين الناس تشتري سمك في ميه !  
يعنى هما يعرفوا منين ان الحاجة موجودة جوه فعلاً ..  
مش جايز منهوبة قبل كده من سنين السنين ..  
احنا مابنغفلش حد .. وشغلنا على عينك ياتاجر ..  
واللى عاوز يشتغل مع أنا .. يشتغل بالأصول ..  
الأصول متزعلش حد .. وثوب الرجال غالى ..  
والا ايه ياشيخ العرب ؟ أوما العمده برأسه ..  
فأردفت قائلاً .. وياسيدى إذا المشكلة في الميه ..  
هاتوا ظلمبات غاطسة تشتغل ليل ونهار لحد ما تفتحوا ..  
وإذا كان على ثمنها .. حسابها عندي .. انما الاصول اصول .  
صفق السفير بيديه وهو يقول .. اكسلانت ..  
ثم وجه كلامه نحو القصير المكير بجواره قائلاً ..  
انتي يفته .. يصور .. المالم أديل .. يستلم .. يدفأ ..  
من الفلوس اللي بتاع الهوه .. ثم ضحك السفير ..  
ضحكة عالية اتبعها بقوله .. مالم أديل زكى كثير ..  
عاوزه كام موني ؟  
لم أنتظر أن تغمزني احسان وبادرت بالإجابة قائلاً ..  
لا فلوس ايه يا جناب السفير هو احنا لسه شوفنا حاجة ..

نشوف الاول ايه اللي موجود علشان نقدر صح ..  
والا احنا حانبيع سمك في ميه .. ثم قلدت لكنته قائلاً ..  
وموش ها نكتلف مع بعض يا خواجه .  
ضحك السفير مرة أخرى وتابع قائلاً ..  
اهنا كان لازم عرفتنا بعض من زمان ..  
ثم نظر نحو الشاب فسحب الكرسي للخلف ..  
ونفض السفير واقتررب نحوي ثم مد يده للسلام .  
رفعت احسان يديها عن قدمي سريعاً ..  
ونفضت وشدت عليه يده .. ثم نظر نحو احسان قائلاً ..  
مألمه احسان .. دلوكتى نكدر نكول الف مبروك .  
هزت احسان رأسها بينما دخلت سونا بأكواب العصير قائلة ..  
طب مش حا تشربوا الشربات بتاع المبروك دى يا مستر ..  
ثم وجهت عيناها نحو الشاب المجاور للسفير قائلة ..  
طب انت يا حليوه انت خد بل ريقك علشان المشوار ..  
نهض العمدة من مقعده متمماً .. اللي تشوفه يا معلم عادل ..  
وانت يا باشمهندس تسأل وتشوف موضوع الغاطس ده ..  
والفلوس عندى آنى .. على رأى عادل بيه الاصول اصول .  
ألقى العمدة السلام ثم خرج وتبعه الباشمهندس ..  
وخرج خلفهم عبده وإذا بسونا تضع كفها على صدرى قائلة ..  
يخليك لشبابك يا معلم عادل .. عليا النعمة اسد ياخواتى .  
جاء صوت إحسان من أسفل مخاطباً سونا بقولها ..  
طب شيلى ايدك بدل ما أقطعها لك ياروح خالتك ..  
وأطلقت سونا ضحكتها المعهودة ..  
ثم وضعت قبلة على أصابعها .. وأشارت بهم تجاهي ..  
ثم انصرفت وأغلقت الباب خلفها .. وإذا بإحسان ..  
تصيح وهي تصفق بيديها .. جول .

### \*Ghehabiat\* الحلقة السابعة والعشرون :

كانت صيحة احسان هذه المرة حقيقية ..  
أدركت ذلك عندما قفزت على صدري واحتضنتني قائلة ..  
انت جيت جول يا سيد المعلمين .. ده انت طلعت زعامة ..  
تصدق .. أنا من هنا ورايح مش هقولك غير يا زعامة .  
لم أخفي سعادتي من كلمات احسان وكانت سعادتي الأكبر ..  
بأننى في عالم الواقع و لست في دنيا الأحلام ..  
فتماديت في سعادتي واعتصرت ضلوعها ..

حتى سمعت طقطقة .. صاحبيتها أهاتها المثيرة ..  
فرفعتها بيدي وانطلقت بها نحو الغرفة وهي تضحك وتصيح ..  
طب الباب اللي بره .. اقل الباب اللي بره يا زعامة .  
كادت موافقة احسان الضمنية تصيبي بالجنون ..  
وأقبتها على السرير وهي تضحك قائلة .. عليا النعمة وحش .  
هرولت سريعاً وأنا أخلع ملابسي وأغلقت الباب الخارجي ..  
وإذا بوجه عم عبده ربنا ينتقم منه أمامي ..  
يضرب بكفيه على الزجاج .. ويتلفت حوله ..  
وكأنه يفر من وحش كاسر .. فأسرعت نحو الحمام ..  
والتحفت بالروب ثم عدت وفتحت الباب ..  
الذي دخل منه عبده بسرعة وأغلقه خلفه قائلاً ..  
مصيبة .. مصيبة يا معلم عادل .. رحنا في داهية .  
تداخلت المؤثرات في نفسي عندما سمعت عبده ..  
يعترف بأنني صرت المعلم رسمياً حتى بيني وبينه ..  
وفكرت أن أستغل هذا الخضوع بأمره بالانصراف ..  
لكي أعود الى جنتي التي تفتحت زهورها لأول مرة ..  
ولم أكن قد استوعبت ما قاله في صراخه ..  
إلا أن صوت إحسان أتى من خلفي قائلة .. في ايه يا عبده ؟  
نظرت نحو إحسان فوجدتها وضعت الروب على صدرها ..  
لكنه لم يكن كاف لستر المرمر المتلألئ من جسدها .  
فصرخت فيها قائلاً .. ادخلي جوه انتي ايه اللي طلعتك كده ؟  
دخلت احسان واستترت خلف الباب قائلة .. عاوزه افهم في ايه ؟  
واسترسلت قائلاً .. أفهم وأبقى أفهمك إنما ماتطلعيش كده ابدأ .  
وقته ده بالذمة .. بقولك في كبسه على اللوكاندة والفندق ..  
وقعت كلمات عبده على أذني وقع الكابوس .. وأنا أتمتم في نفسي .. حالاً احسان تقول جول وأقوم  
أصحي .. اللي بيحصل ده مستحيل .  
ثم تابع عبده متسائلاً .. حنعمل ايه يامعلم عادل ؟  
استكملت حوارى الداخلي في نفسي .. ربما ما زلت أحلم ..  
أو ربما اتعرض لاختبار افتعلته احسان بالاتفاق مع عبده ..  
وفي الحالتين ليس هناك داعي للهلع .  
تماسكت وغلظت صوتي وأنا أنظر في عين عبده متسائلاً ..  
حد منهم شافك وانت داخل من باب المطعم أو الاسانسير ؟  
أجاب عبده سريعاً .. لا يا معلم أنا اللي شفتهم ..  
كانوا واخدين فهد وسليم واثنين من النسوان .  
وجهت السؤال أوضح إلى عبده .. يعني باب المطعم ما اتكشفش ؟

أجاب عبده سريعاً .. أنا كنت راجع من بره وشفقتهم ..  
دخلت جرى على المطعم وشديت العتلة بتاعة الأمان ..  
يعنى الاسانسير مش هيقف غير في البدروم خلاص .  
كانت احسان قد ارتدت ملابسها .. على مايبدو لإتقان الخدعة .  
وأعاد عبده سؤاله مرة أخرى .. هنعمل ايه يا معلم عادل ؟  
فأجبت وأنا ارتدى قميصي وأضع السلاح في جنبي قائلاً ..  
هنعمل كل حاجة الا انهم يمسكوا احسان .. على جتتى .  
ثم تابعت متساءلاً .. البدروم ده له مخرج على بره ؟  
أجاب عبده بسرعة قائلاً .. له مخرج على شارع جانبي ..  
بس ممكن يكونوا محاصرين البرج كله .  
قاطعت عبده قائلاً .. اسمعني كويس يا عبده ..  
تاخذ احسان .. وتنزلوا البدروم و تاخذوا معاكم ..  
كل الحاجات المهمة اللي هنا .. بس مفيش خروج من البدروم ..  
غير بعد ما تسمعوا صوت ضرب نار .  
انتبه عبده وبرقت عيناه متساءلاً .. ضرب نار ؟  
أيوه .. أنا حاطع على السطح .. وأضرب نار ..  
على الشارع اللي فيه الباب الرئيسي .. علشان كلهم يتجمعوا ..  
وساعتها تخرجوا من الشارع الجانبي ..  
تركبوا بسرعة وتطلعوا على آخر شارع الهرم ..  
وهناك تدخل أى محل وتسال على واحد اسمه عم ذهب ..  
قول له أنا جاى لك من طرف شهاب .. وهو هيتصرف .  
جحظت عينا عبده وهو يسأل .. شهاب ! انت اسمك شهاب ؟  
أجبت عبده وأنا أتفحص ذخيرة السلاح قائلاً .. لا دى أمارة ..  
واسمع الكلام وانجز مافيش وقت للأسئلة .  
وضعت احسان يدها على كتفي متساءلة .. للدرجة دى !  
انت بتحبني لدرجة انك تضحي بمستقبلك علشانى ؟  
وعلى الرغم من أنى كنت أدرك ..  
أن لحظة صياحها جول ولحظة واستيقاظي قد اقتربت ..  
لكننى أجبت بصدق قائلاً .. لا طبعاً ..  
أضحى بمستقبلي .. في حالة ان ضرب النار ينجح ..  
لكن لو محصلش هضحى بعمرى كله ..  
وارمى نفسى من فوق السطح وأنزل قدامهم ..  
علشان أضمن إن طريقك إنتي يبقى أمان .  
ارتمت أحسان في احضانى لأول مرة بإرادتها الكاملة ..  
واستنشقت عطرها حتى تشبعت رنتاي ..

وإذا بها تهمس في أذني .. بحبك يا زعامة .  
زلزلت كلمة الحب قلبي حتى تمنيت ألا يكون حتماً ..  
حتى وإن كلفني الواقع حياتي ثمناً لنجاة إحسان ..  
وهمست لها قائلاً .. أنا كنت بدأت اشك في نفسي ..  
وكنت قربت اصدق أني ما بأعرفش أحب ..  
كنت خلاص اقتنعت اني ما يملاش عيني الا التراب ..  
لكن انتى ملكتى عقلى و قلبى وعينى .. وحببتك ..  
و بقيتني انتي وبس .  
قاطعنا عبده وهو يحمل على ظهره حقيبتين قائلاً ..  
من غير مؤاخذه يا معلم .. انت مطمئن من ناحية عم ذهب ده ؟  
وضعت يدي على كتف عبده قائلاً ..  
اللى يعرف ربنا ما تخافش منه .. خاف من اللى مايعرفوش .  
فجأة أسقط عبده الحقيبتين قائلاً .. الترباس !  
أعدت احسان هى الأخرى كلمة عبده .. صحيح الترباس !  
فتساءلت قائلاً .. ايه .. مخرج البدروم له ترباس من بره ؟  
أجابت احسان ولمعة الفرح في عينيها قائلة .. لا من جوه .. بس !  
تساءلت مرة أخرى قائلاً .. بس ايه ؟  
أجاب عبده وهو يسحب المسدس من جنبي قائلاً ..  
بس الترباس عالي ولازم اللى يفتحه يكون طويل زى حالاتك ..  
ثم تابع وهو يتمم على الذخيرة قائلاً .. البدروم ده ..  
مافيهوش غير خط انتاج الحبوب المخدرة ..  
وكان المعلم جايب صيدلي قصير زى حالاتى ..  
هو اللى بيغذى الماكينة .. وكان عامل ترباس المخرج ..  
عالي وعفي علشان ما يقدرش يفتحه ويخرج ..  
غير لما هو ينزل يفتح له بنفسه .. ورغم إن الصيدلي ده ..  
كان بياخد ستلاف جنيه في الساعة .. وكان بيشتغل الليل كله ..  
لكن بعد ما الفلوس جريت في ايده وشبع ..  
راجع التركيبه اللى بتتعمل منها الحبوب واكتشف ..  
أنها تهلك الكبد بعد خمس سنين .. واللى بياخذها يموت ..  
وقال مش عايز أشغل .. لكن كان خلاص عرف مكان البدروم ..  
قام المعلم دس له مخدرات .. في الصيدلية بتاعته .. وبلغ عنه ..  
الصراحة المعلم كان ناوي يأدبه كام يوم ويطلععه يكمل شغل ..  
لكن المعلم مات قبل ما يخرج منه ومن ساعتها وهو في السجن ..  
ومن وقتها مفيش حد بينزل البدروم نهائى .. انزلوا انتوا ..  
وأنا اللي حاطع فوق السطح أعمل المنكش وأضرب نار .

ولو انى عارف انى لو رميت نفسي من فوق السطوح ..  
مش حا تكلف خاطرها تترحم عليا .. بس معذورة ..  
أنا والمعلم أبوها كنا سبب كل اللي هي غرست فيه ..  
إنما هي ملهاش ذنب في حاجة ولا شاركتنا في غلط ..  
خد بالك منها دى غلبانه و قلبها زى اللبن الحليب .  
مد عبده يديه داخل إحدى الحقائق وكبش من الدولارات ..  
ودفسهم في جيوبه ثم سحب أجزاء المسدس ..  
وتوجه نحو باب الرووف .. ثم التفت قائلاً .. انت لسه واقف ..  
ما تنجز بقى قبل ما أرجع في كلامى ..  
وابقى اطفى التليفزيون ده قبل ما يجيوا جول .. وتصحيح .  
كنت اتوقع لحظة الاستيقاظ وأنا أرفع الحقائق وانقلها الى الممر الخارجي لكن ضغطة احسان على  
مقبض فتح الاسانسير أجبرنى على الاستمرار في مجاراتها فدفعت الحقائق داخل الاسانسير ودخلنا  
ولم ينبس أحدنا بحرف الى أن هبطنا الى البدروم ..  
الذي تملأه ماكينات كبيرة وكأنها خط إنتاج كامل ..  
تغلفه خيوط العنكبوت .. مررنا بينها بصعوبة ..  
الى أن وصلنا للباب الذي بدا وكأنه لم يفتح منذ باع طويل ..  
بالفعل كان الترباس الذي تحدث عنه عم عبده .. ربنا ينتقم منه ..  
مرتفع جدا وبالكاد ألمسه بأطراف أصابعي ..  
لكنه كان أيضاً متحجراً على وضع الاغلاق بفعل الصدا والغبار ..  
لم تستغرق احسان وقتاً في التفكير .. وكأنها كانت مستعدة ..  
فهمست قائلة .. مش هتعرف تفتحه غير لما تطلع عنده ..  
رص الشنطتين دزل فوق بعض واطع عليهم ..  
و أنا هقف جنبك أسندك .  
لوهلة من الزمن انتابني شعور غريب بوضع الدولارات ..  
تحت اقدامى .. أين قيمتها التي يتصارع من أجلها الناس ..  
تقلصت فأصبحت لا تتعدى قيمة كرسى أو سلم ..  
لكننى أفقت على يد احسان تنغز خصري قائلة .. بسرعة ..  
في ضرب نار شغال بره .. ياترى ده عبده ولا حد تانى ..  
كان مفروض اتفقنا مع عبده يضرب بطريقة نعرف نميزها .  
بدأت يداى في تحريك الترباس بصعوبة ..  
بينما أجببت احسان قائلاً .. اللي بيضرب ده هو صوت المسدس ..  
والصوت جاي من فوق فعلاً .. المهم أول ما أفتح تخرجى انتى ..  
وتمشى عادى جداً ملكيش دعوة بيا خالص و لو اتمسكت !  
لم تمهلني احسان الوقت لإنهاء جملتى وقفزت بجوارى ..

واضعة اصبعها على فمي قائلة ..  
رجلى على رجلك و ايدى في ايدك ..  
ثم اقتربت مني متممه وشفافىي .. على .. شفافىك .  
وكانت لحظات من مذاق السعادة ..  
استخلصناها بشجاعة من بين برائن الخوف ..  
لكننا أفقنا منها سريعاً على أصوات الطلقات ..  
وأصدر الترياس صوت ارتطام عند الفتح ..  
فنزلت سريعاً ورفعت الباب قليلا من اسفل ..  
وارتكزت لأكتشف ما يحدث بالخارج ..  
وما أن وجدت الشارع خالياً حتى أشرت لاحسان بالخروج ..  
فوضعت يديها على احدى الحقيبتين ورفعتها لأعلى ..  
ثم ألقتها في اتجاه ظهرها وأدخلت يديها في أذرع الحقيبة ..  
حتى استقرت على ظهرها وكأنها ترتديها .. أعجبتني الفكرة ..  
فرفعت الحقيبة الاخرى على ظهري وارتيديتها ..  
وامسكت بيد احسان وخرجنا تسابق اقدامنا دقائق قلوبنا ..  
إلى أن وصلنا الى نهاية الشارع واستوقفتنى احسان قائلة ..  
ياخبر ده احنا نسينا باب اليدروم مفتوح ..  
كده ممكن يطلعوا بالاسانسير ويمسكوا عبده !  
نظرت نحو الباب وأنا أنزل الحقيبة عن ظهري ..  
وطلبت من احسان أن تستوقف تاكسى ..  
وانطلقت نحو الباب وكأنني في نهائي ألعاب القوى ..  
كانت عيناى تكاد تدمع من سرعة الجري ولفح الهواء لها ..  
ثم تعلقت بالباب وأغلقتة وعيناى ترصدان احسان ..  
التي وقفت تشاهد دون أن تتحرك ..  
الى أن عدت في الإياب بسرعة أكبر من سرعة الذهاب ..  
وكاننى كنت أفرغ جسدي من جرعات الأدرينالين ..  
التي تسبب الخوف في ضخها .. وأوقفت تاكسى سريعاً ..  
وألقيت بداخله الحقائب وأدخلت احسان بجوارهم ..  
وجلست أنا اثلقف أنفاسى بجوار السائق الذي سألنى بهدوء ..  
على فين يا بيه .. فأجبتة بسرعة ..  
على شارع الهرم .. آخر شارع الهرم .  
نظر السائق بعد جملتى نحو إحسان في المرأة وتمتم ..  
يتوب علينا ربنا .  
فتابعت قائلاً .. قدام مينا هاوس يعنى .. عند القسم كده .

تلعنم السائق وهو يقول .. حاضر ياباشا .. تحت أمرك .  
واعتدلت في جلستي وأخرجت سيجارة وأشعلتها ..  
ثم أملت رقبتى نحو احسان وسألتها قائلاً ..  
هى الطبنجة بتاعتك فاضل فيها كام طلقة ؟  
أجابت احسان بثقة .. خزنة المسدس الجلوك كانت مليانه ..  
قبل ما أضرب منها الثلاثة اللي سيادتك شوفتهم ..  
يعنى فاضل فيه اثناشر .  
بدت علامات الارتباك تظهر على السائق فتابعته قائلاً ..  
هو انت يا اسطى متعود كده كل ما يركب معاك حد ..  
لازم عينك تضرب في المرايا ولا علشان قلت لك شارع الهرم !  
تلعنم السائق مرة أخرى وهو يقول .. اسف ياباشا ..  
اللي مايعرفك يجهلك .  
تابعته قائلاً .. وايه يتوب علينا ربنا دى ..  
يتوب عليك من ايه بقى !  
انت بنتعاطى حاجة يعنى عاوز ربنا يتوب عليك منها ؟  
ابتلع السائق ريقه وهو يجيب .. ياباشا حقك عليا ..  
أنا راجل على باب الله .  
نقرت احسان بأظافرها على كتفي فالتفت نحوها ..  
فأومأت بعينها أن أكتفي بهذا القدر .  
لكننى لم أكن قد اكتفيت .. كانت نيران الغضب تحرقنى ..  
فملت برأسى نحو السائق وهمست في أذنه قائلاً ..  
يعنى البعيد ما عندوش تمييز خالص ..  
مش عارف تفرق بين الستات الشمال والهوانم ..  
قدر بقى أنا كنت اتعصبت وطلعت الطبنجة وخرمت لك دماغك ؟  
وضع السائق يده حول عنقي واقترب نحو اذنى وهو يهمس قائلاً ..  
لا يا بيه أنا أعرف أميز كويس بين الشمال والهوانم ..  
بس أنا لايمكن أتوه عن إحسان .  
وقع اسم احسان على اذنى وقع طلقة استقرت بجمجمتي ..  
بينما ازدادت نقرات احسان بأظافرها لكي أوقف الحديث ..  
لكننى لم أكتفي بل إزدادت نيران الغضب أكثر فتابعته ..  
ويا ترى تعرف عم ذهب كمان ؟  
اقترب السائق أكثر وأمسك بعنقى وهو يصيح ..  
هو في حد ميعرفش عم ذهب .. ملك ملوك الجيزة كلها .  
فهمست له قائلاً .. أهو عم ذهب ده بقى حبيبي وعشرة العمر ..  
وشوف بقى هيعمل فيك ايه لما نوصل عنده !

همس السائق في اذنى قائلاً ياباشا ما أنا كل يوم عنده ..  
كل يوم في نفس الميعاد ده بتنزل الست احسان ..  
ومعاها واحد شايل شنطتين فيهم طبلتين ..  
وتدخل تخلص نمرتها وارجعها بعد الفجر لوحدها ..  
والزبون بقى ربنا يتولاه .  
ازدادت خبطات احسان على كتفي .. لأوقف الحوار ..  
بينما وجه السائق كلماته إليها قائلاً .. سيبيه يا مدام ..  
لما نوصل يبقى يحلها حلال .. افتح لك الراديو تسمعى الماتش ؟  
اقتربت من السائق أكثر حتى كدت استلقى على صدره ..  
وهمست له قائلاً .. انت بتتكلم جد ! كل يوم مع واحد ..  
ومعاها شنطتين .. طب انت تعرف عم عبده .. ربنا ينتقم منه ؟  
صاح السائق بصوت مسموع قائلاً .. طبعاً اعرفه .. ده عمنا كلنا ..  
ده هو اللي مربينى وهو اللي فاتح بيوتنا ربنا يوسع عليه ..  
عم ذهب ده خيريه على كل الناس ..  
وكل الناس تعمل له الف حساب .  
همست للسائق دون أن تشعر احسان قائلاً ..  
بقولك عم عبده مش عم ذهب !  
تجنب السائق سؤالى وتعمد أن يوجه حديثه الى احسان قائلاً ..  
مش قلت لك يامدام .. مش هيسكتوا غير لما يتعادلوا !  
لم يكن أمام احسان لوقف هذا الحوار إلا أن تصرخ كعادتها ..  
وهي تضغط بيدها على كتفي .. عادل .. اصحى جابوا فينا جول .  
انتفضت لأجد رأسي على صدر السائق وهو يقول ..  
شكلك كنت مطبق امبارح يابيه .. من أول ماركبت وانت مديها نوم .. ولولا ان المدام كانت عارفة  
انكم رايعين عند عم ذهب ..  
كنت اضطريت أصحيك أسألك .. بس كويس انك ريحت لك شوية  
علشان تقوم فايق .. دى بقى يا بيه الشركة بتاعة عم ذهب .  
نظرت نحو احسان فوجدتها تعاتبني بعينها ..  
على تلك الغفوة وتعاتبني على تركها وحدها مع السائق ..  
ومعها الدولارات .. وربما كانت تعاتبني على الجول .

الحلقة الثامنة والعشرون : \*Shehabiat\*  
كانت اللافتات الدعائية من حولنا تؤكد أننا في المكان الصحيح  
وما أن حاسبت السائق وسألت على عم ذهب حتى أسرع رجاله  
بحمل الشنطتين من السيارة و مرافقتنا إلى مكتبه ..  
بينما تأبطت يد إحسان تحت ذراعى وسرنا خلفهم .

وما أن وقعت عيناى على وجه ذهب ..  
حتى عادت ذكريات الماضى كلها تصارع عقلى ..  
اختلف مظهره كثيراً لكنه مازال يحتفظ بقوة بنيانه ونشاطه ..  
نهض ذهب من مكتبه واقترب لتحيه احسان بهز رأسه كما يفعل الرجال ذوى الأخلاق عند معاملة النساء .. ثم أقبل نحوى ..  
وهو يشير برأسه الى رجاله بالانصراف فوضعوا الحقائب ..  
وإذا به يضعنى في أحضانه مع عدة هزات لما أستطيع إحصاءها  
وبادر قائلاً .. اهلا بالكاتب الكبير .. انت كنت فين يا راجل ..  
ده أنا قلبت عليك الدنيا .. تعالى اقعد هنا قدامى عايز الحق املى عيني منك قبل ما ادخل الندوة ..  
تشرى ايه يامدام ..  
تشرى ايه يا عدول .. والا تأكلوا الاول ..  
نبعت اجيب شوية كباب وكفته .. يالا يا محروس ..  
لا محروس ايه .. محروس ده مشى .. ياسلطان .  
كان سلطان بالفعل قد حضر وأعرب عن استعداده لتلقى الأوامر قائلاً .. أمرك يا رياسه ..  
فاسترسل ذهب مازحاً ..  
لقيتنى قلت يا محروس ترد يعنى ماتيقاش حملى أوى كده ..  
ثم وجه ذهب كلامه نحوى قائلاً .. اصل محروس ربنا فرجها عليه وبقي عنده شركة انتاج .. و أنا  
زى ما انت عارف مابأفئش قصاد مصلحة حد .. قلت له روح شوف مصلحتك ..  
ثم وجه حديثه نحو سلطان قائلاً .. تطير على فرحات ..  
وانت راجع عدى على العمده الفكهانى .. بس طيارة علشان عندى ندوة .. انت لسه واقف ..  
وخلى الواد سعد يعملنا شوية شاى حلويين .. ده احنا النهارده عندنا زيارة ناس عزاز اوى على  
قلبى .  
انطلق سلطان والتفت ذهب تجاه احسان قائلاً ..  
ست الكل تحبى تطلعي تقعدى فوق مع المدام والاولاد ماشى ..  
تحبى تخليكى مع أنا وتحضرى الندوة برضة ماشى .. اللى يريحك .. واللى يقول عليه عادل باشا  
طبعاً .. شوفوا اللى يريحكم على ما استقبل الصحافة بس .. دقايق وراجع لك يا عدول يا حبيبي ..  
المكتب مكتبك والشركة شركتك .. وإذا احتجت اى حاجة رن بس الجرس ده تلاقيهم كلهم عندك ..  
بالاذن أنا بقى .  
خرج ذهب بخطوات رشيقة ثم وضع يده على كتف أحد رجاله  
بينما انتقلت عيني نحو احسان فوجدت عيناها يملؤها الفخر ..  
وقالت .. شكله بيحبك أوى عم ذهب ده .. انت تعرفه من زمان ؟  
استنشقت حصىلة من الهواء وأخرجتها قائلاً ..  
مش من زمان أوى .. لكن عرفته في فترة صعبة في حياتى .. قاطعتنى احسان قائلة .. اصعب  
من اللى احنا فيه !  
فتابعت قائلاً .. أصعب بكثير .

قاطع استرسالي في الحديث دخول أحدهم يحمل كوبين من الشاي وضعها أمامي قائلاً .. الشاي  
الوصاية للناس الوصاية .

ثم تبعه ذهب وأمسكه من عنقه قائلاً .. بايدك كده !  
من قلة الصواني ! طب أنا وبأستحمل قرف أهلك ..

انما دول ضيوف يا أخي ضيوف ..

ثم القى به ذهب خارج المكتب وهو يعتذر قائلاً ..

معلش بقى يا مدام .. بس ملحوقة .. يا محروس .

ابتسمت احسان قائلة .. محروس مشي ..

ربنا فرجها عليه وفتح شركة انتاج .

تابع ذهب قائلاً .. ايوه صحيح ماشاء الله يا مدام .. يا سلطان .

ابتسمت احسان مرة اخرى قائلة .. سلطان زمانه طير دلوقتي .

تعجبت ذهب من رد احسان فتدخلت قائلاً .. انت بعته يشتري حاجات وقلت له طيارة علشان كده  
بتقولك زمانه طير .

استجمع ذهب تركيزه مرة أخرى وابتسم قائلاً ..

ماشاء الله .. ماهو صحيح مش مرات كاتب ..

لازم يكون خيالها واسع زيه ودماغها حاضره ..

بس أحلى حاجه انكم فاهمين بعض وعاملين دويتو .. ربنا يحفظكم .

نظرت احسان في اعماق عيني عندما انهى ذهب جملته ..

بينما لم أعقب على حديثه أو اصح له أننا لم نتزوج بعد ..

ولكنى غيرت اتجاه الحوار متساءلاً .. ما بتشوفش المتر جمال ؟

تساءل ذهب قائلاً .. ده عندنا في المطعم والا فين ؟

فتداركت أن سؤالي قد يفتح علينا احاديث لا يجب ذهب ذكرها فأردفت قائلاً .. لا ده المحامي بتاع  
الملك الصالح .

أجاب ذهب باجابة أظهرت عدم رغبته في الحديث قائلاً .. لا .

مين بقى اللي بأشوفه على طول وقابلته هنا وكان قاعد مكانك كده ؟

استشعرت القلق من سؤال ذهب وأردت أن أوجل الحديث لما بعد ..

لكنه استطرد قائلاً .. مين اللي انت كنت بتكتب الرواية بتاعته !

والا انت مش قايل للمدام انك كنت في سويسرا ؟

نظرت نحو احسان و أنا اجيب ذهب قائلاً ..

لا لسه ماتعرفش حاجة عن سفريه سويسرا دي ..

وبينى وبينك أنا نفسي انساها اصلا .

قاطعني ذهب قائلاً .. وننسى .. قد ماننسى .. حاولنا ومابينساش ..

ده انت يا أخي اللي نسيته انى كنت بأنادى على حد يوصل المدام تشرب الشاي مع مراتى فوق ..

ياخبر ابيض ده انت نسيته الندوة .. وتقولى عايز تنسى .. خليك معايا وانت تنسى اسمك .

أمسك ذهب بيدي وهو يخرج من المكتب قائلاً .. يالا بينا ..

تعالى يا مدام اتفضلي ولو حسيتي انك زهقانه من الكلام والرغي .. السلم ده بيطلع على فوق عند ولادى خبطى وقولي لها بس انك مرات عادل الشريف .. وهي حاتفهم .. يالا يا عدول .

أفلت ذهب يدى ليفتح باب القاعة التي كانت مزدحمة بالصحفيين ومقدمى البرامج الذين انهالوا عليه بالتصوير الى أن وصل أمام الميكرفون ونقر بأصابعه عليه وطلب من الجميع الجلوس ..

ثم بدأ حديثه بتحية جميع الحضور وخص بعضهم بالشكر ..

بينما كانت عيناى تبحثن عن احسان في كل مكان .

وإذا بصوت ذهب في الميكرفون يقدمنى للحضور وهو يشير تجاهى وأنظار الحضور تلتفت نحوى ولم يكن أمامى الا أن ارد اليهم التحية بيدي وأنحني برأسى مع بدء التصفيق ..

كان الأمر أشبه بالحلم هذه المرة ولكن متى نمت لا أدرى ..

هل مازلت نائماً في سيارة التاكسي .. أم أننى نمت في مكتب ذهب وتركت احسان جالسة بمفردها ! نزل ذهب من على المنصة متجها نحوى وأمسك بيدي نحو الميكرفون ثم قدمنى قائلاً ..

ابقوا افكروا كلامى ده وسجلوه عندكم .. اللى قدامكم ده ..

قنبلة الأدب العربى القادمة .. مدرسة روايات متحركة ..

وخذوا بالكم المدرسة دى مافيهاش تلميذ واحد ..

لأن أسلوبه ما يتقلدش .. متفرد ومتميز .. لأنه بيكتب إحساسه .. وبيتكلم باحساسه .. فليتفضل .

تعالت أصوات التصفيق وتداخلت الأيادي أمامى ..

حتى بدأت أشعر بالدوار .. لكن عيناى وقعت على كفين ..

أحفظهما عن ظهر قلب .. كانت يد احسان تصفق ..

كما لو كانت تشاهدني في مباراة كرة قدم ..

مع انفرادى بحارس المرمى دون تسلل .

أمسكت الميكروفون بيدي فاستشعرت دفء بطاريته ..

وأدركت أن كل حرف سياتخذ مساره إلى آذان الجميع ..

ومنهم احسان .. فتماسكت .. وهدأت من روعى ..

وبدأت قائلاً .. أقدر لكم حسن ترحيبكم ..

ولا عجب فأنتم تمثلون الفئة المثقفة من المجتمع ..

و التي تتسم بالرقى .. وأشكركم على منحى ..

بعضاً من وقتكم الثمين الذي أدرك أنه ليس من الحكمة أن يهدر ..

والحقيقة التي لا يختلف عليها اثنين أن بلدنا بصمودها على مر العصور من بره عاملة زى السفينة ..

تلفحها الرياح .. وتلاطمها الأمواج وتهطل عليها الأمطار .. لكنها صامدة ..

ولما تدخل في قلب السفينة تلاقى كل الناس .. بدون استثناء ..

بتجدف .. كله بيجدف علشان المركب تمشى ..

حتى العاقل واقف بينزح ميه أو ببسد فتحة بقدمه علشان متدخلش ميه .. مافيش حد فاضى لحد .

واللى يتوفر عنده وقت مش بيضيعه في أنه يسمع شكاوى حد ..

لأنه هو أولى بالوقت ده انه يشتكى لأى حد ..

عاوز يقول لحد إنه جايب اخره .. انه تعبان من التجديف ..  
بس ما يقدرش يوقف تجديف علشان ينقذ نفسه وأهله ..  
ده حتى ما عندوش وقت يسأل ..  
هى السفينة دي رايحة على فين أصلاً ؟  
نحن أيها السادة الأفاضل لسنا من الدول النامية ..  
نحن أيتها السيدات المحترمات لسنا من دول العالم الثالث ..  
احنا وصلنا الى أن الوقت عندنا بقى أعلى من الذهب ..  
ماعندناش وقت ناكل ولا نشرب ولا نلبس ..  
مافيش وقت نخرج نزور حد ..  
ولا وقت نحضر فيه عزاء حد ..  
بنجذف ليل نهار علشان المركب تمشى ..  
الدول الأوربية بعد سنين هيسألونا عملتوا كده إزاي ..  
هيبعتوا لنا بعثات من الطلاب علشان يتعلموا منا ..  
إزاي بعد وصولنا الى قمة التقدم الحضاري دخلنا في فجوة زمنية ..  
وسبقنا العالم الى العشوائية المنظمة ويتعلموا منا فن ادارة العشوائية ..  
اللى لسه قدامهم عشرات السنين علشان يوصلوا لها ..  
وأشكركم جميعاً على حسن الاستماع .. وأعتذر لكم على الإطالة  
وأسف إنني عطلتكم عن التجديف .. اتفضلوا جدفوا ..  
كنت مازلت أبحث عن احسان وسط الزحام ..  
وأنا أمر بين الميكروفونات وشاشات الهواتف ..  
والأسئلة التي تنهال من كل جانب بينما سمعت صوت دهب ..  
يصيح في الميكروفون الرئيسي للرد على أسئلة الصحافة ..  
ايوة اسمه عادل الشريف .. الروائي عادل الشريف .. أيوة طبعا ..  
له سلسلة روايات تحت الإعداد للنشر عن طريق شركتنا ..  
ومن فضلكم كل اللى صوروا اللقاء مافيش حد يطلعه هواء ..  
الا لما نخلص التعاقد معاه .. يعنى استأذنكم تأجلوا الإذاعة ..  
لبعد إجراءات التعاقد مع الشركة .. ايوة اسمه عادل الشريف .. مصري طبعا او مال يعنى هندي  
.. لا معرفش عنده كام سنه لسه .. كل ده هنعلن عنه .. ايوة طبعا حا نبليكم مع توقيع العقد ..  
ايوة متجوز و المدام بتاعته موجوده معاه هنا ..  
لا معنديش فكرة اذا كان عنده أولاد .. شكرا ..  
اتفضلوا العشاء جاهز جوه في المطعم .. اشكركم ..  
وقعت عيني على إحسان يلتف حولها عدد من الإعلاميين والكاميرات تسلط الأضواء على وجهها ..  
فاقتربت سريعاً لانقاذها .. بينما وجدتها تقف بكل ثقة ..  
وتجيب على أسئلتهم وابتسامتها لا تغادر شفيتها ..

كان جمالها يخطف الأبصار وضحكها تلفت الأنظار ..  
والزحام يزداد من حولها حتى أصبح حلقات يصعب اختراقها ..  
وإذا بيد ذهب تمسك كتفي بقوة ويجذبني إليه ..  
ويصرخ في وجهي قائلاً .. ايه شنط الفلوس اللي جوه دي !  
انت عاوز تودينا في داهيه .. طب مش كنت تعرفني على الأقل ؟  
اقتربت من عنق ذهب قائلاً .. هو أنا لحقت .. ده انت خطفتني .  
مال ذهب على أذني قائلاً .. طب أنا خليتهم يطلعوهم فوق ..  
في الخزنة بتاعتي على مانخلص من الموريستان ده .  
أومات برأسي بالموافقة ونظرت تجاه احسان فتابع ذهب قائلاً ..  
انسى انك تطلعها من الجو ده خلاص .. سيبها تاخذ فرصتها ..  
ثم ضحك ملء شفثيه قائلاً .. حرم الأديب العالمي عادل الشريف . صحت في أذن ذهب قائلاً ..  
والنعمه حرام عليك التدبيسه دي .  
تأبط ذهب ذراعي قائلاً .. انت لسه شوفت حاجة ..  
تعالى بس نتعشى الأول وبعدين نشوف هنعمل ايه ..  
المهم قول لي .. انت خلصت رواية الزنزانه ولا لسه ؟  
أجبتة بعزم مافي صوتي خلال الضجيج قائلاً ..  
قصدك الزنزانه ٢٧ وخلصتها ونزلتها على النت كمان .  
صادف صراخي لحظة هدوء عمت المكان كله ..  
فوضع ذهب يده على فمي قائلاً .. يخرب بيتك .. بس اسكت .. نزلتها على النت ايه .. انت  
مجنون ؟  
أنزلت يد ذهب .. وصحت في أذنه مرة أخرى قائلاً ..  
ماتقلقش مافيهاش ولا كلمة مخالفة .  
وضع ذهب يده على فمي ويده الأخرى خلف رقبتني وهو يصرخ ..  
اسكت .. اقل بوقك ده خالص .. انت من هنا ورايح ماتكلمش ..  
ولا تجاوب على أى سؤال غير من خلالي ..  
انفضل قدامي على المكتب .. نزلتها على النت ! يانهار اسود .  
خرجت وعيناي مازالت متعلقة بإحسان التي بدت مثل نجومات السينما وحولها الكاميرات وددت أن  
أدفع نصف عمري ..  
لأسمع ما قالته عني .. وما أن دخلت مكتب ذهب ..  
ودون أن أدفع من عمري لحظة واحدة ..  
وجدت وجه احسان يزين شاشة التلفزيون ..  
وهي تقول بصوت واثق هادئ ..  
طبعا الفضل يرجع لربنا أولاً وشركة جولد ثانياً ..  
حقيقي عادل روائي متميز وكاتب موهوب ..  
ده غير انه انسان جميل واللى في قلبه على لسانه .

نظرت نحو ذهب الذي كان يتابع هو الآخر كلمات احسان ..  
ودون أن ينظر نحوى ترك عيناه على الشاشة ..  
موجها كلامه لي قائلاً .. بتحبك اوى .. باين عليها جدا ..  
لا وايه متحدثه .. ربنا يخليكم لبعض يا عدول يا حبيبي ..  
انت عارف بتفكرنى بمين ؟  
تعجبت من سؤاله لأنه ليس في ذكرياتنا نساء نعرفهم سويًا ..  
لكننى جاريتيه قائلاً .. مين !  
فأجاب .. روقا .. فاكرو روقا بتاعه فيلم العار ..  
بتاعه حقها والا مش حقها ؟ الا بالحق هي اسمها ايه ؟  
توقفت عند سؤال ذهب دون إجابة ..  
واصطنعت الانشغال بمتابعة الشاشة وأنا أتمتم ..  
فعلا هي فيها من روقا كثير .. كثير أوي .  
كان سلطان قد أعد العشاء وأخذ يزين السفرة بوضع ..  
معلبات المياه الغازية .. الى أن أمره ذهب قائلاً ..  
روح هات المدام ياسلطان .. فانطلق سلطان ..  
وفي ثوان كنا نشاهد سلطان على الشاشة ..  
يبعد الإعلاميين عن احسان مثل البودي جارد ..  
وهي تهز رأسها قائلة .. أشكركم .. شكرًا ليكم .. ميرسي .  
دخلت إحسان ومن خلفها أغلق سلطان الباب ومنع الاعلام ..  
وتبسمت إحسان قائلة .. دى عمله تعملوها فيا انتوا الاثنين ..  
تفاجئوني كده من غير لا احم ولا دستور ..  
وتسيبوني أواجه مصيري .. واضح جدا انكم كنتم متفقين .  
أجاب ذهب بعد أن فتح لنا كراسى السفرة ..  
وأشار لنا بالجلوس قائلاً .. ولا متفقين ولا حاجة ..  
ده هو كمان اتصدر في الكلمة اللي قالها ..  
ومن غير ما يكون مجهز حاجة يقولها .  
صاحت احسان قائلة .. مستحيل ..  
مستحيل تكون الكلمة اللي قالها دى مش جاهزة ولا متراجعة .. انتوا ماسمعتوش الاعلاميين قالوا  
عليها شوية مصطلحات ..  
منظور .. زاوية .. خارج الصندوق .. انعكاس ..  
ده أنا حسيت انى متجوزه زويل .  
أطلقت احسان ضحكتها وهى تبحث بين المعلبات عن شىء معين .  
ولاحظ ذهب حيرتها فقدم إليها عبوة قائلاً .. دى دايت أهي .  
تناولتها احسان وفتحتها بينما رمقتنى بنظرتها الساحرة ..

وكأنها تقول أعرف أنك تعلم ما كنت أبحث عنه !  
كان برهاني لاحسان إني أعلم ما كانت تبحث عنه ..  
أهم عندي من كل شيء .. فسألت ذهب بهدوء .. هو ما فيش بييره ؟  
وضع ذهب قطعة اللحم من يده قائلاً .. انت بتشرب ؟  
كانت اجابتي كالعادة لاتخلو من السذاجة .. لا مش ليا أنا .  
نهض ذهب من كرسيه قائلاً .. ماشي ..  
أصل أنا كنت مانع دخولها .. علشان مش بأشرب ..  
لكن طالما انتوا عايزين .. براحتكم .  
فتح ذهب الباب ومال على أذن سلطان وأغلقه مرة أخرى ..  
وعاد ليمسك قطعة اللحم ثم رفعها الى فمه قائلاً ..  
قولوا لي بقي .. ايه حكاية الشنطتين اللي مليونين دولارات دول ؟  
نظرت احسان نحوي تنتظر مبادرتي بالإجابة .. فأجبت قائلاً ..  
الأول بس أنا عاوز منك خدمة .. في حد من معارفي اتمسك ..  
لك سكة نقدر نسأل عليه .. نتظمن .. من بعيد يعنى من غير قلق .. لكن اذا فيها احراج خلاص  
مش مهم .. مش لازم يعنى .  
رفع ذهب حاجبه وهو يرفع علبة المياه الغازية قائلاً ..  
تعرف راح فين .. المنطقة ايه .. دايرة ايه ؟  
فأجبت مستبشراً قائلاً .. الأزيكية .. كان نازل مع واحد معرفته ..  
في فندق مش فاكتر اسمه أو لوكاندة تقريباً ونزلت عليهم كابسه .  
نفض ذهب يده وأخذ يفتش في هاتفه ويتمتم قائلاً ..  
الأزيكية .. مفيش غيره هو اللي يعرف القرد مخبي ابنه فين ..  
ثم وجه سؤاله لي قائلاً .. هو الواد اسمه ايه ؟  
أجبت بهدوء قائلاً .. سليم .. اسمه سليم .  
أوقف ذهب بحثه وهو يتابع سؤاله .. لا والنبي ؟  
فأردفت قائلاً .. أنا عارف اسمه بالكامل طبعاً بس تايه من دماغي دلوقتي ..  
يعنى هما هيكونوا ماسكين ستلاف سليم في يوم واحد ؟  
تابع ذهب قائلاً .. طب الكلام ده حصل امتى .. من قد ايه يعنى ؟  
أجبت وأنا ابدى عدم الاهتمام .. قول ساعتين مثلاً ..  
ساعتين ثلاثة بالكثير .  
رمقني ذهب بنظرة كادت تخرج مافي جوفي ..  
ثم وضع هاتفه قائلاً .. يعني من الآخر كده ..  
انتوا لسه جايبين من هناك .. هربانين يعني ؟  
كان العرق قد بدأ يتصبب من جبھتي وبدأت أبحث عن مناديل ..  
فناولني ذهب علبة المناديل من أمامه قائلاً .. صاحبي ..  
لما تختار انك تيجي لذهب يعنى انت عارف كويس مين ذهب ..

يبقى ترسيني على الدور من أوله لآخره وتسيني اتصرف ..  
إنما هتلاعبني أنا بقى زى ما بتلاعب القراء كده ..  
وتقولي لزوم التشويق .. هتلاقيني قلبت على الوش الثانى ..  
وجبت عاليها واطيها .  
لم أستسيغ تهديد دهب .. خاصة في وجود احسان ..  
وتذكرت كلماتها عن ثوب الرجال فأخذت هاتفني في يدي ..  
ثم وجهت حديثي لإحسان قائلاً .. يلا حبيبتى ..  
يظهر الناس بتتغير بين يوم وليلة .. اللي بيهددنى قدامك ده ..  
كان قايل لى في يوم انه مستعد يفديني برقبته ..  
يلا بينا .. يدوم العز يا معلم دهب .  
نهضت احسان في لمح البصر وكأنها لا تعصى لى أمر ..  
فنهض دهب هو الآخر واستدار سريعاً حول السفارة قائلاً ..  
عليا الطلاق من مراتي اللي بحبها ما يحصل ..  
أقعد يا عدول كمل أكلك .. اقعدى يا مدام .. عيب عليك ..  
ده انتوا لو قاتلين قنيل وجيت عند اخوك .. رقبتي سداه ..  
أنا بس كنت عاوز افهم التفاصيل مش أكثر ..  
مش انت برضه الروائي الجامد اللي بيهتم بالتفاصيل ..  
يا سيدي اعتبر انك بتحكي لى على الرواية الجديدة ..  
وإبقى سميها رواية اللوكاندة مش الزنزانة .. ثم ضحك قائلاً ..  
بس ماتبقاش تنزلها على الننت أبوس إيدك .  
جلست .. فتبعنتى احسان .. فاستنشقت بعض الهواء ..  
وأخرجته بهدوء قائلاً .. لو عملتها رواية ..  
حأسميها لو كائنة المسخرة .. من كتر اللي شوفته فيها ..  
ماكانتش ليلة دى .. ليلة شوفت فيها أسوأ حاجة في الدنيا ..  
ومع ذلك طلعت منها بأحلى حاجة في الدنيا ..  
شوفت فيها قلة القيمة والذل وخرجت منها بأحلى حب .. استوقفني دهب قائلاً .. غريبة انه  
مايردش ده عمره ما عملها .. فتابعته قائلاً .. عارف لما تشوف فصول السنة كلها في يوم واحد  
تخرج من برد ومطر على زعابيب وتراب ..  
ومن شمس وصهد .. ثم نظرت الى وجه احسان قائلاً ..  
وتختمها بربيع وورد ونسيم عليل .  
تدخل دهب قائلاً .. يا جماله .. ده الملخص لوحده حكاية ..  
شكلها كده جايب على دراما في رومانسي .  
فقاطعت احسان قائلة لا وعلى أكشن في كوميدي ..  
تقريباً هي هتكون رواية مش هنعرف نصفها .

أنهت احسان كلامها مع رنة هاتف ذهب ..  
الذي أسرع بفتح المكالمة وأيضاً مكبر صوت الهاتف ..  
وبدأ حديثه قائلاً .. ازيك يا راجل ياعجوز ..  
وجاء صوت الطرف الآخر قائلاً .. معلىش يا رياسه ..  
ماعرفتش ارد عليك علشان متكلبش ومتلقح في التخشبية ..  
انما انت عرفت إزاي إني ممسوك يا رياسة مين اللى قال لك ؟  
لم يكن الصوت غريباً على أذن إحسان فمالت نحوي ..  
وهمست بشيء لم أسمعه .. فاقتربت منها أكثر ..  
حتى صاحت في قوقعة أذني وكأنها تسمع حى الهرم كله ..  
بقولك .. اللى بيتكلم معاه ده .. عم عبده .

### \*Ghehabiat\* الحلقة التاسعة والعشرون :

كانت ملاحظه احسان في محلها تماما ..  
وكان المتحدث هو عم عبده .. ربنا ينتقم منه ..  
فاقتربت للجلوس بجانب ذهب وكنت قد قررت في نفسي ..  
أننى بمجرد إنتهاء المكالمة سوف أخبر ذهب بكل شيء .  
وجاء صوت عبده هادئاً يقول .. خناقة نسوان عندنا في اللوكاندة مسكوا في بعض واحدة رمت  
الثانية من على السلم وقعت اتكسرت شافها حد من النزلاء بتوع الفندق اتصل بالحكومة ماتفهمش  
يظهر علشان اللى اتصل اجنبى طلوعوا حملة كبيرة اقتحمت الفندق ..  
و أنا بغبائي افكرتهم بلطجية .. طلعت فرد الخرطوش ..  
وضربت نار في الهوا .. بس بسيطة يا رياسة ..  
هترسى على غرامة يعني واللى يبجى في الريش بقشيش .  
تابع ذهب حديثه قائلاً .. ساعة زمن وتلاقي المحامى بتاعي عندك .. بس قول لى .. في حد تانى  
اتمسك معاك من اللوكاندة ..  
أجاب عبده على الفور قائلاً .. في عيلين كتيانين كده واخدينهم شهود على الخناقة والاثنين اللى  
اتخانقوا واحدة هنا ..  
والثانية في الحوض المرصود .. والراجل الخواجة ..  
جه قال الكلمتين في دقيقتين مشي ..  
أشار لى ذهب بيده مؤكداً أن منهم من يهمني أمره ..  
وتابع بسؤاله لعبده قائلاً .. ماتعرفش أسامي العيال دي إيه ..  
فأجاب عبده قائلاً .. واحد منهم اسمه سليم وده سبب الخناقة ..  
والثاني اسمه عمر وله سوابق نصب والنسوان العورم حياة وسكينه .  
نظرت على الفور تجاه إحسان متعجباً من أسماء الستات ..  
فوجدتها هى الأخرى متعجبه من أسماء زملائي ..

ومع إغلاق ذهب للمكالمة انفجرت أنا وإحسان في الضحك ..  
بينما تعجب ذهب وهو يسأل قائلاً .. هو ده سليم اللي تقصدوه!  
خناقة نسوان ! انما انتوا ايه اللي حدفكم على لوكاندة احسان ؟  
وقعت جملة ذهب الاخيرة على أذنى مدوية ..  
وكأن دانة سقطت فوق رأسي مباشرة .. لكنني تماسكت قائلاً ..  
شوفت بقى إنك كنت ظالمنا وعمال تقول هربانين وبتاع !  
أجاب ذهب قائلاً .. لا ما انتوا هربانين طبعاً بس مش ده المهم ..  
المهم انت عارف مين اللي كنت باكلمه ده ؟  
منعت لساني بصعوبة عن الاجابة بينما أردف ذهب قائلاً ..  
فاكر الواد كريم بتاع امبابة ! الواد اللي كانت رجليه متجيسه ! وسنانه مكسره !  
بتاع الترانزيت اللي في سويسرا !  
انت فقدت الذاكرة ولا ايه يا برنس يا ملك الدفنس ؟  
ظل ذهب يذكرني حتى أحبته قائلاً .. ايوه الواد بتاع البرشام ..  
اللى كان بيثبت العربيات على الدائري ويفتش الناس ..  
وبعد ما أخذ اللي معاهم نظ من على الكوبري ..  
بس نزل مدغدغ ونزلوا مسكوه وضربوه علقه موت ..  
ماله ده ايه اللي فكرك بيه دلوقتى ؟  
أجابني ذهب قائلاً .. أهو كريم ده بقى ..  
يبقى ابن عم عبده .. اللي كنت باكلمه دلوقت ..  
ساد الصمت برهة .. تابع ذهب بعدها كلامه قائلاً ..  
برضة مقولتليش ايه اللي وداك عند احسان و لوكاندة احسان ؟  
فاجبتني احسان بسؤالها المباشر الموجه الى ذهب قائلة ..  
هو مين احسان ده اللي انت قلت اسمه اكثر من مره ..  
هو احسان عبد القدوس عنده لوكاندة باسمه ؟  
فأجابها ذهب قائلاً .. لا إحسان دى .. مش احسان ده ..  
على فكرة بالمناسبة اسم احسان يمشي راجل ويمشي ست ..  
بس احسان دى بقى ست بمليون راجل .. بنت اصول وجدعه ..  
جدها ساب لها هي وأبوها كوارث ملهاش اول من اخر ..  
تعرفي شارع كلوت بيه !  
أومأت احسان برأسها قائلة .. ايوه اسمع عنه .  
تابع ذهب قائلاً .. كلوت بيه نفسه ده كان حلاق ..  
زى حلاقين الصحة بتوع الأرياف عندنا .. اللي بيعملوا دكاتره ..  
هو برضه كان حلاق في أرياف انجلترا .. وجابوه يمस्क الصحة أيام الخديوية وانتشر لأنه خلى  
الدايات تشتغل ممرضات ..  
أو العكس مش فاكر بالضبط إنما الغرض يعنى .. علشان الستات .. ماكانش ينفع يولداهم دكاترة

رجالة .. قاموا كرموه و عملوا شارع باسمه وكانوا الأجانب بيروحوا الشارع ده لانه كان فيه بارات ورقاصات وفضلت الناس المحترمة ترحل من الشارع ..  
علشان سمعته كانت شبهه لكل اللي ساكنين فيه ..  
وكل اللي يمشى يحل محله النسوان الشمال والأجانب ..  
لحد ما الشارع بقى كله شمال في شمال من اوله لآخره ..  
و العايقة تنزل تقف في الشارع وتصطاد الزبون للمقطورة  
جد احسان بقى كان ساعتها نائب الدائرة اللي فيها الشارع ده ..  
ماكانش عاجبه المسخرة دي وقدم شكاوى كثير وطلبات أكثر ..  
لكن الشارع اصلا كان وسيلة الترفيه للناس الأكبر ..  
وكانوا بيستفيدوا من المسخرة اللي بتحصل فيه ..  
ده بالعكس بقى دول عملوا لهم رخصة مزاوله مسخرة ..  
قام جد احسان عامل جمعية خيرية في باب الشعرية ..  
وبعت دعوة لوزير الشؤون الاجتماعية يبجي يفتتحها ..  
وخلى الحنطور يعدى من شارع كلوت بيه ..  
طبعا الدنيا اتقلبت .. والمقاطير نزلت من البيوت ..  
وهجمت عليه في الحنطور وخلعوا له طربوشه ..  
واتخانقوا على مين اللي تاخده البيت والبلطجية فتحوا المطاوي وبهدلوا الوزير اخر بهدلة ..  
الراجل مكمش مشوار الافتتاح .. رجع على مكتبه وطلع قرار بإلغاء المهنة دي ..  
وكان إسمها .. تقديم خدمات مقابل المنفعة واعتمد القرار من الحاكم ..  
ونفذه فوراً .. اتخرب بيت كام واحدة بقى وقتها !  
يبجي الف واحدة .. راحوا لمين ! لحد احسان .. نائب الدائرة ..  
اخذ يبجي نصهم شغلهم في دور الأيتام ودور المسنين ..  
والنص الثاني في المستشفيات واللى منهم ما كانتش بتعمر ..  
كانت ترجع له يشغلها في الفندق بتاعة .. تنظف .. تغسل ..  
وطبعا من وراه كانوا بيقدموا خدمات مقابل المنفعة للزبائن ..  
الراجل فضل ماسك الدائرة يجي خمسين سنة .. ولما مات كان ابنه الوحيد دكتور محترم ..  
مالوش في الثور ولا في الطحين .. ساب الفندق للناس اللي مشغلينه سنين طويلة ..  
لحد ما مات هو كمان .. ومبقاش حد يسألهم في فلوس .. لحد ما نسيوا ان له صاحب ..  
وأبو عبده قلب الفندق والشارع مسخرة ..  
ولما احسان كبرت واستلمت ورث جدها وابوها ..  
راحت لقت الفندق .. مخدرات .. آثار .. عملة .. مافيش حاجة غلط الا بتتعمل هناك ..  
بس هي عملت حملة تطهير كبيرة .. نظفت الفندق وباعته ..  
وكتبت الدور اللي كان ببياتوا فيه الشغالات بيع وشراء بأساميهم ..  
وأخذت هي الروف وضبته وعاشت فيه مع نفسها .. لكن برضة الأمر ما يسلمش ..

كل مدة تلاقي مصيبة .. نازلة على دماغها اما بسبب طيبة أبوها ..  
أو بسبب طيبة جدها أو بسبب طيبة قلبها هي نفسها .  
ماهو عبده ده برضه كارثة .. ورث من ابوه .. وسرق أملاك أخوه .. شيطان في هيئة انسان ..  
لا يعرف عيب ولا حرام .. ونصب على الشغالات و خلاهم يعملوا له تنازل عن حقهم ..  
وبقي يملك الفندق كله .. وما أقولكش بقى .  
شغل النسوان بعيالهم بقرايبهم لحسابه .. وعمل دولاب مخدرات لحسابه ..  
وطقم ناضورجية زي الرز في الشارع بيعرف دبة النملة ..  
وكل مصيبة تلاقيه طالع منها زي الشعرة من العجين ..  
ياخبر ده أنا نسيت أبعت لهم المحامي .. يا محروس .  
نظر إلينا ذهب عندما نطقنا أنا وإحسان في نفس الوقت ..  
محروس مشي .. ربنا فرجها عليه وعمل شركة إنتاج .  
وارتفع صوته معنا بالضحك .. عندما صحنا كلنا .. ياسلطان .  
كنت أشبع عيناى من ضحكة إحسان اللي ترد الروح ..  
وما أن توقفت الضحكات حتى دخل سلطان ..  
تاركا المراسلين الصحفيين خلفه .. ثم عاد وغادر بسرعة ..  
بعد أن كلفه ذهب بالاتصال بالمحامي واتخاذ اللازم ..  
فانتهزت الفرصة وسألت ذهب قائلاً ..  
انت شفت احسان دى قبل كده ؟  
أشار ذهب بإصبعه عدة مرات مع صوت طقطقة تؤكد النفي ..  
ثم أردف قائلاً .. لا يا صاحبي .. احسان دي ما بنتشافش ..  
دى بيتسمع عنها بس .. خد بالك دى عندها فلوس ..  
مالهاش أول من آخر .. ده غير الأراضي والعقارات ..  
طب اسمع دى بقى .. عارف جواز السفر بتاعها ..  
خمن كده مكتوب فيه المهنة ايه !  
فأجابت احسان بهدوء .. من الأعيان .  
انتفض ذهب من مكانه قائلاً .. صح .. ايش عرفك !  
ثم نظر في وجهي قائلاً .. لا .. متقولش .. يابن المحظوظة !  
أخرجت احسان جواز السفر من حقيبة اليد ثم وضعته أمام ذهب ..  
الذي أمسكه بتلقائية وفتحته وتأكد من الاسم والمهنة وصاح قائلاً ..  
يا الف اهلا وسهلا نورتي الدنيا كلها ياست الستات ..  
تصدقي بياه وماليكي عليا حلفان .. أنا كان قلبي حاسس من الأول .. بس قلت ايه اللي لم الشامي  
على المغربي ..  
لا احنا كده بقى لازم نطلع فوق نتعرفي على المدام والأولاد .  
كنت قد أمسكت جواز السفر وتفحصت كلمة من الأعيان متعجباً ..  
وأعربت عن دهشتي قائلاً .. انتى عامله الجواز ده ازاي ..

اقصد يعنى .. ازاي مكتوب فيه من الأعيان ..  
هى مش الالقاب دى اتلغت من زمان ؟  
ابتسمت احسان بثقة قائلة .. لا ماهى دى مش ألقاب .  
تدخل ذهب في النقاش قائلاً .. بس انتوا لسه ما اتجوزتوش صح ؟  
فأجبت ذهب قائلاً .. لو تعرف مأذون قريب نروح له ..  
يبقى كتر خيرك .. وبالمره بقى ناخذ مع أنا اثنين شهود .  
استوقفني ذهب قائلاً .. نروح له !  
ده المأذون بورقة بدفتره بمكتبه بعمارته بييجوا لحد هنا في ثانية ..  
بس سامحنى بقى مش انت اللى تقول .. العروسة هى اللى تقول .  
اخترقت احسان قلبي بنظرها قائلة .. اللى يقوله عادل يمشي .  
وقف ذهب مبتهجاً وصاح .. يبقى على البركه .. يامحروس !  
لم تستطع احسان أن تمنع نفسها عن الضحك ..  
بينما ارتمت برأسها على صدري .. فتدرك ذهب خطأه قائلاً ...  
يادي محروس .. ثم توجه الى الباب وفتحه وخرج ..  
وسمعنا صوته يجلجل وهو ينادي سلطان ..  
بينما رفعت وجه احسان بيدي ونظرت إليها ..  
فكان بريق عينيها المتبسمتان ساحرا ..  
ثم تمتت قائلة .. انت بجد عايزنا نتجوز !  
فوراً .. هكذا أجبت احسان دون أن أتردد لحظة ..  
فتابعت احسان قائلة .. عارف أنا نفسي في ايه !  
نفسى نبنى فيلا في النوبارية ونروح نعيش هناك وسط الخضرة .  
قاطعت احسان قائلاً .. ايوه حتى نبعد عن الزحمة والدوشة .  
وأردفت احسان وننشر الروايات بتاعتك  
ويتعملوا افلام و مسلسلات .. اقولك احنا نعمل دار نشر ..  
أو نعمل مؤسسة ثقافية .. ثم تابعت ضاحكة ..  
والا اقولك احنا نعمل شركة إنتاج .. زى محروس ..  
وننتج احنا الروايات بتاعتك كلها .  
قاطعت احسان مرة اخرى قائلاً .. ونعمل منتج صحي ..  
لكبار السن وفيها حمامات سباحة بالمياه الكبريتية ..  
بصي بقى يا حبيبتي .. أنا ماليش دعوة بفلوسك خالص ..  
تعملى بيها اللى انتى عاوزاه .. لكن مش أنا اللى ..  
قاطعتنى احسان بوضع اصبعها على فمى قائلة ..  
انت من أولها بقى عايز تعمل فرق بين فلوسي وفلوسك ..  
علشان لما تبيع الرواية وتنتشر تقولى مالكيش دعوة بفلوسي !

فأجبت سؤال احسان مبتسماً .. لا ابدأ ده انا كلى ليكى ..  
بس مش عاوز الناس تفكر .. قاطعتنى احسان مرة أخرى قائلة ..  
وهو انت لو استغليت فلوس مراتك ..  
هتبقى محتاج تطبع والا تنشر ولا تكتب اصلا ..  
ده انت لو ولعت فيهم مش هتعرف تخلصهم .  
لعلمك أنا نفسي ماعرفش أنا عندي فلوس قد ايه .. اقولك ..  
احنا نعمل لجنة جرد .. تطلع على كل المخازن بتاعتى ..  
تجرد الفلوس وسبايك الذهب .. ياخبر ده لسه في فلوس في الفندق وفي البديروم و مخزن المطعم  
.. يوه بقى ..  
دى النوبارية كمان فيها سبايك ذهب في المخزن .. بص يا عادل ..  
الجواز مسئولية وانت مفروض تشيل مسئوليتى كلها ..  
مش تقول لى ماليش دعوة بفلوسك .  
تمتت قائلاً .. مخازن .. سبايك .. ممكن اسألك سؤال !  
انتى ليه مافكرتيش تحطي فلوسك وحاجتك دي في البنك ؟  
فأجابت احسان بسرعة .. لا ما هم دول غير اللي في البنوك ..  
بص يا عادل .. انا عارفة انى هبقى حمل ثقيل عليك ..  
اذا شايل هم وعاوز ترجع في كلامك احنا لسه فيها .  
حدقت في عين احسان وأجبتها قائلاً ..  
أنا كنت شايل هم الشنطين اللي جنبناهم مع أنا ..  
وكنت محتار حانغيرهم ازاي وفين .. تخيلي بقي ..  
المشكلة انى مش بأفهم في الفلوس ولا بأعرف اتعامل بيها ..  
يعنى مثلاً .. قولى لى كده الشنطين دول فيهم كام تقريباً .  
أجابت احسان .. قبل ما عبده يكبش منهم والا بعد ما كبش ؟  
فتابعت قائلاً .. ايوه صحيح فكرتيني ..  
في حاجتين أفتوا نظري في مكالمة عبده .. يمكن ثلاثه كمان .  
تساءلت احسان .. استغربت انه طلع يعرف ذهب اصلا ؟  
فتابعت قائلاً .. لا استغربت لما قال انه اتمسك بفرد خرطوش ..  
مع انه كان معاه المسدس الجلوك بتاعك ..  
وبعدين هو في اجنبي في الدنيا يبلغ عن خناقة اثنين ستات ..  
اكيد في حاجة غلط .  
تدخلت احسان قائلة .. بص هو مافيش شك ان عبده دماغه سم ..  
بس برضة دماغه ماتجيبوش انه يفكر يلعب معايا أنا ..  
لأنه عارف كويس جداً أنا أقدر أعمل فيه ايه .  
عارف طبعا يا معلمة والعارف لا يعرف ..

كان فتح عبده للباب ودخوله بتلك الجملة .. له وقع المفاجأة ..  
ثم تابع قائلاً .. شوف يامعلم عادل ..  
ولا نقول يا عادل بيه بقى ! ولا ايه ؟  
الصراحة انت حيرتني معاك عدم اللامؤاخذة !  
اول هام لما انت اديتني الطبنجة بتاعة المعلمة ..  
قلت ده حاجة من الاثنين .. اما انه فاهم ..  
وعايز يحبسنى بيحي عشرتاشر سنة حيازة سلاح بدون ترخيص ..  
مع استعماله في إحداث الذعر وأعمال الشغب ..  
على شوية استعراض للقوة فوق السطوح كمان ..  
أو الاحتمال الثاني عدم اللامؤاخذة .. انك غشيم .. وما تقصدش ..  
فخرجت تاويت الطبنجة فوق الاسانسير ..  
وسحبت المقرورة الخرطوش اللي غرامتها خمستلاف جنيه ..  
وأى محامي يخرجني من القسم بضمان محل اقامتي ..  
وتلاقوني قدامكم فجأة زى ما انتوا شايفيني كده ..  
اما بقى حكاية الخواجة دي .. فأنا زي زيك ..  
استغربت برضه معقول خواجة يتصل ويجيب الحكومة علشان خناقة نسوان واحدة زقت الثانية على  
السلم ..  
على كل حال المعلمة احسان عارفة كويس .. ومتاكده ..  
انى لا يمكن اعمل حاجة بدون إذنها وموافققتها .  
قاطعت احسان عبده قائلة ..  
ماخلاص يا عبده .. ما تعمل لك قافلة بقى .. فين باقي الناس ؟  
أوما عبده برأسه وهو ينظر نحوي قائلاً .. اوامرك ياست احسان .. كلهم بره مع المعلم دهب  
والمحامي .. ماعدا البت حنان ..  
في المستشفى رجليها اتكسرت من الوقعة بتاعة السلم .  
كنت اقترب لأضم عبده مرحبا بعودته سالما ..  
بينما مال هو على اذني هامساً ..  
امانه عليك ما تنسانيش في موضوع المنتجع الصحي ..  
وحمامات السباحة بقى .. ماهو أنا من كبار السن برضه .  
انتفضت إحسان من جلستها وأمسكت عبده من قميصه قائلة ..  
انت بتقول له ايه ؟  
تقوقع عبده في مكانه واضعاً يديه فوق رأسه مصطنعاً الخوف ..  
وهو يضحك قائلاً .. عليا النعمة ما قلت له حاجة .  
ضحكت احسان ونظرت في عيني متسائلة .. كان بيقولك ايه ؟  
فتبسمت قائلاً .. بيعرفني انه كان بيتصنت علينا من بدري ..

بيقولى ماتنسانيش في موضوع المنتجع الصحي .  
أنهت إحسان ضحكتهأ ثم تابعت قائلة ..  
طيب بص بقى .. طالما هنتجوز .. يبقى لازم كل حاجة تبقى ايه .. على ميه بيضا .. اقعد يا عبده

جلس عبده مقرصاً على الأرض وألصق ظهره بالباب ..  
وكأنها حركة متفق عليها بينهما لمنع دخول أحد من الخارج ..  
ثم أشعل عبده سيجارته دون اكترأث وكأنه لا يريد أن يسمع ..  
أو بمعنى أدق .. كأنه يعلم ما سوف يقال .

### \*Ghehbiat\* : الحلقة الثلاثون

كانت احسان تنظر في أعماق قلبى مروراً بمقلتي عيني ..  
عندما بادرت قائلة .. قبل ما أقول أى حاجة ..  
عاوزاك تبقى عارف إنى مايفرقش معايا إنت مين ..  
ولا ابن مين ولا حتى بتشتغل ايه ..  
أنا كل اللى يفرق معايا فعلا .. انك تكون بتحبني بجد .  
قاطعت إحسان وأنا أنظر في عينيها قائلاً .. وأنا بأحبك بجنون .  
فتابعت إحسان متسائلة .. ليه ! بتحبني ليه ؟  
فأجبت على الفور .. الحب مالوش أسباب يا احسان ..  
الحب اللى له أسباب .. يزول بزوال أسبابه .  
قاطعني عبده وهو ينهض ويخرج المسدس من جنبه قائلاً ..  
أفهم من كده إن عندك استعداد تضحي بعمرىك علشانها ؟  
تعجبت من موقف عبده لكننى أجبت بتلقائية قائلاً .. طبعاً ..  
وهى عارفه كويس إنى علشانها أضحي بكل حاجة .  
تابع عبده وهو يشير بالمسدس تجاه جيبينى قائلاً ..  
طيب واذا كان وجودك نفسه .. فيه خطر على حياتها ؟  
فأجبت على الفور قائلاً .. مستحيل .. ده أنا أفديها بروحي .  
أشارت إحسان بعينيها لعبده أن ينزل السلاح .. لكنه رفض ..  
ثم تابع بعصبية قائلاً .. أنا بقى فديتها بعمرى كله ..  
وعندي استعداد أفديها باللى فاضل منه كمان ..  
يعنى معنديش مشكلة أخلص عليك وأروح فيك في داهيه ..  
إنما هى مافيش حد يقرب لها .. أنا معملتش كل اللى فات ده ..  
علشان بييجى في الآخر .. حته ضابط كتبان زيك يهده ..  
ده أنا أنسف أى حد قبل ما يفكر يقرب منها ..  
احسان دي بتاعتي .. فاهم يعني ايه بتاعتي ..  
يعنى قبل ما حد يمسهأ .. لازم يدوس على جتتى الأول .

كنت في دهشة من كلمات عبده فأزحت المسدس بيدي قائلاً ..  
أنا مش فاهم انت تقصد ايه بكلامك ومستغرب منه جداً ..  
ثم ايه كلمة ضابط اللي حطتها في النص دي ..  
انت يعنى عاوز احسان تشك اني ضابط وكنت بأمثل عليها ..  
وبسلامتك بقى اللي جاى تكشفني قدامها دلوقتي ..  
طب وبفرض ياسيدي .. هي مشكلتها ايه .. وتخاف من ايه ..  
هي أصلاً أجمت في ايه !  
إذا كان كل حاجة غلط بتتعامل .. انت اللي بتعملها من وراها ..  
المخدرات انت اللي بتتعامل فيها وتشتريها وتبيعها ..  
الأثار انت اللي بتهربها واللوكاندة انت اللي مدورها ..  
وكل ده بدون علمها .. يعني حتى لو كنت ضابط ..  
المفروض اني أقبض عليك انت .. مش هي ..  
ده ياريت كنت ابقى ضابط علشان أكون دليل براءتها ..  
وكمان شاهد عليك انك انت زعيم العصابة الحقيقي .. لكن للأسف ..  
قاطعني عبده مرة أخرى قائلاً .. ماتحاولش تلعب عليها اللعبة دي ..  
هي عارفة كويس إنها كان لازم تبقى هي المعلمة ..  
وكان لازم تفضل كل الناس فاهمه انها الكبيرة ..  
علشان الوحوش اللي حوالينا ما ياكلوهاش ..  
وأنا حلفت من يوم ما مات أبوها اني أفضل جنبها .. أحميها ..  
وإنها تفضل تحت حمايتي طول ما هي جنبي ..  
قاطعت عبده قائلاً .. وتغرزها في القرف بتاعك ..  
وتلوث اسمها في تجارتك القذرة .. ليه .. هي ذنبها ايه ؟  
صرخ عبده بصوت جهوري .. بأحبها ..  
من وهي لسه عيله في المدرسة وأنا بأحبها ..  
من أيام ما كنت بأوصل لهم الطلبات في البيت الكبير ..  
كانت هتقبلني ازاي وهي بنت ناس أكابر ..  
وأنا حطة صعلوك بيشتغل عندهم !  
كان لازم تبقى شريكتي في كل حاجة ..  
وتعرف انها من غيري تضيع .. لأنها فعلاً من غيري تضيع ..  
واحد زيك كان ممكن يضيعها لولا انك اتكشفت ياحضرة الضابط ..  
واللي كشف سره هو كريم ابني .. كريم اللي كتبت عنه انه كان بيثبت العربيات على الدائري ..  
كريم هو اللي خلاني اشوف صفحة الرواية بتاعتك .. واللي اكتشفت منها ان كل اسم بتكتبه في  
روايتك كانت بتنزل قوة من الأمن تهاجمه بعد نشره بدقايق ..  
زي اللوكاندة .. اللي اتهاجمت بعد ما نزلتها بدقايق ..

في أول مره الأمن كبس على اللوكاندة ماكنتش انت لسه كشفت سر الأسانسير وماعرفوش يوصلوا  
لحاجة ..

وساعتها أنا بلغت احسان انى شاكك فيك مصدقتنيش ..  
وجبت تجار الأثار يقابلوك وكان إختبار ثمنه غالي أوي ..  
لأنهم اتقبض عليهم بعدها بدقايق ..  
وبرضة احسان فضلت مش مصدقة ..  
وقالت لي ازاي بيوصل الاخبارية وهو قدامى طول الوقت ..  
لكن لما سألت كريم عليك قال لى انه قابلك في سجن الاستئناف وانك بتكتب رواية عن المساجين ..  
إتأكدت وقتها إنك كنت مزروع في السجن من مدة وفضلت تشمشم ورانا لحد ما وصلت للوكاندة  
وفهمت انك بتوصل المعلومة لما بتنشرها في روايتك ..  
اللى بتنزله على النت .. حلقات .. يعني عدم اللامؤاخذة ..  
بتوصل لهم الاخبارية .. أول بأول .. طازه بطازه ..  
مش برضة مسميها لوكاندة المسخرة يا عادل بيه ؟  
نظرت الى إحسان وتساءلت قائلاً ..  
انتى مصدقه الكلام الفارغ ده .. ده باين عليه مختل ..  
ده مجنون رسمي !

كان قرار عبده بتعمير المسدس أسرع من رد إحسان ..  
وجاء صوت عبده قائلاً .. علشان كده .. إنت لازم تموت .  
ثم خرج صوت طلقة مكتوم بعد أن استقرت في جسد إحسان ..  
أثناء محاولتها منع عبده من قتلي .. وسقطت احسان ..  
وسقطت أنا بجوارها وأخذت أهز وجهها بيدي لافاقتها ..  
إلى أن ارتميت برأسي على صدرها ..  
عندها توقف عقلي عن التفكير ..  
وانتظرت أن أفيق من هذا الكابوس .. على صوت احسان .  
كنت أنتظر أن أفيق من هذا الكابوس .. على صوت احسان .  
إلا أنني أفقت على صوت دهب يأمر سلطان قائلاً ..  
هات الرجالة بسرعة وامسكوا المجنون ده ..  
والطبينة دى ماحدث يمسكها بايده .. تتحط في كيس ..  
واطلب الإسعاف وخلي شركة الأمن تبلغ الحكومة .  
فأسرعت بفحص احسان وتأكدت أن موضع الطلقة غير قاتل وصرخت قائلاً .. الإسعاف بسرعة ..  
بتنزف .. بسرعة .  
ثم أطبقت بيدي على رقبة عبده حتى جحظت عيناه ..  
الى أن تدخل دهب قائلاً .. اهدى يا عادل هي هتبقى كويسة ..  
اهدى و متضيعش نفسك في واحد زى ده .  
أحسست بحالة أشبه بالدوار لا اصدق ما يحدث ..

فجلست بجانب احسان ممسكا بيديها ..  
وتداخلت الذكريات في عقلي مع خطوات الأقدام من حولي ..  
الى أن أفقت على ضوء شديد يلهب عيني ..  
وصوت يأتي من خلفه قائلاً .. الف سلامة عليك ياباشا .  
انطفأ ذلك الضوء المبهر لتتضح الرؤية قليلاً ..  
تعددت الأصوات من حولي .. وتفحصت سريعاً بعيني ..  
باحثاً عن إحسان وأنا أردد قائلاً .. احسان .. فين احسان ..  
احسان ملهاش ذنب في كل اللي بيحصل ده .. احسان بريئة .  
وضع أحدهم يده على صدري قائلاً .. احسان حالتها مستقرة ..  
انت تعرضت لصدمة أثرت على ذاكرتك مؤقتاً ..  
فأجبت قائلاً .. لا أنا كويس وفاكر كل حاجة .. عايز أشوف إحسان.  
فتابع الصوت مرة أخرى قائلاً .. ماهو انت تعرضت لصدمة ثانية .. أثرت على ذاكرتك المؤقتة  
.. المهم دلوقتي تهدأ وتستريح .  
توافقت كلماته مع نغزة في ذراعي إثر حقنة ..  
أفرغت محتوياتها في أوردتي .. ليعود الدوار الى رأسي ..  
بينما يضع أحدهم عدة صور متتالية أمام عيني .. ويسألني عنهم ..  
فأجيب بصعوبة قائلاً .. عم عبده .. ربنا ينتقم منه ..  
ده كريم ابن عم عبده .. ربنا ينتقم منه .. سونا ..  
الا هي فين سونا صحيح ! .. سليم .. وفين سليم ..  
في القسم .. لا ده كان خرج وجالنا عند دهب ..  
دهب اللي طلب الإسعاف لما عبده ضرب نار وجات في احسان .. فين احسان .. عاوز أشوف  
احسان .  
كانت كل الصور تأخذني إلى احسان .. كل الذكريات تعيدني ..  
إلى احسان .. الى أن رأيت صورتني وأنا أرتدي الزي الرسمي ..  
بطاقة تحقيق شخصية .. نقيب عادل الشريف .. الخدمة السرية ..  
تساءلت قائلاً .. ايه ده .. يعني عبده ماكانش بيكذب ..  
عبده كان عنده حق .. طب وإحسان عرفت !  
احسان زمانها فاهمه اني انا كمان خدعتها .. بس أنا بحبها ..  
عايز أشوف احسان .. ثم توقف عقلي عن التفكير برهة .  
عندها جاء صوت أعرفه يقول .. هتشوف احسان ..  
وممكن تتجوزها كمان لو عاوز .. لأنها طلعت بريئة ..  
وعبده وعصابته حا يأخذوا جزاءهم بعد ما اعترف ..  
وقال كل أسمائهم وإعترف أنه العقل المدبر ..  
وانت مش بس كملت مهمتي وكشفت العصابة و زعيمها الحقيقي ..

ده انت كمان كشفت عن العميل الفاسد المزروع وسطنا واللى ألغى مهمتي والأهم من كل ده إنك كشفت عن حاجة كانت غايبة عن كل الناس .. إنك لما أدبت المهمة كنت صحفي فعلا .. مش ضابط ..

وده أكبر دليل إن كل واحد في موقعه يقدر يكشف الفساد ..

مش لازم يكون ضابط ولا حتى يكون في الخدمة السرية .

كان ذلك الصوت معروفا لأذني وعقلي .. كان صوت شهاب والذي أدركت أنه كان يتابع مهمتي بعد أن عاد الى الخدمة السرية .

فإعتدلت في جلستي .. وأدبت التحية .. وتساءلت قائلاً .. وياتري الرواية بتاعتني .. أقصد الرواية

بتاعتك .. قصدي الرواية بتاعتنا .. ممكن تنتشر!

فأجاب شهاب قائلاً .. دي مش بس للنشر .. لا ..

دي كمان ممكن تتحول لعمل فني يوصل لكل الناس .

ثم غادر بعد أن صافحني وغادر خلفه الجميع ..

فأسرعت بالنهوض باحثاً عن ملابسي .. وتذكرت ضاحكاً ..

ذلك الروب الحريمي الذي كنت أرثديه في منزل احسان ..

وأخذت أضحك الى أن وجدت ملابسي وارثديتها ..

ثم دخل ذهب مبتسماً و يحمل باقة من الورد وبادر قائلاً ..

لا ده احنا بقينا عال خالص .. طبعاً ياباشا مين قدك ..

القيادة كلها جايه تتظمن عليك .. وصور وصحافة واعلام ..

هو أنا مش قلت لك ماتعملش أى أحاديث صحفية إلا من خلالي .. ولا يعنى عشان ملحقاش

نمضي العقد !

احتضنت ذهب قائلاً .. عاوز اشوف احسان وديني عند احسان .

تابع ذهب قائلاً .. تؤمر يا معالي الباشا .. اتفضل سيادتكم .

اصطحبني ذهب بسيارته إلى إحسان في المستشفى ..

فدخلت بعد أن سلمت على سلطان الذي وقف خارج الغرفة

.. كعادته ينتظر أوامر ذهب ..

وما أنا رأيت إحسان حتى عاد قلبي الى مكانه واحتضنتها قائلاً ..

قلبي اتخلع عليكى .. وحشتيني وحشه السنين.

نظرت إحسان في عيني نظرتها المعتادة قائلة ..

لسه بتحبني يا حضرة الضابط ؟

فأجبت على الفور قائلاً .. بحبك يا معلمة .

ثم نظرت الى ذهب قائلاً .. اومال فين المأذون ..

مش قلت حا تبعت تجيبه بورقه بدفاتره بعمارته !

فأجاب ذهب على الفور .. لا ده كان زمان ياباشا ..

انما دلوقتي المأذون بورقة بدفاتره بمنطقة كلها واقفين بره ..

ثم صاح يا محروس .

وما أن سمعنا سلطان يرد من الخارج قائلاً .. اوامرك يا رياسة ..  
حتى احتضنت احسان و انفجرنا في موجة ضحك هستيرية ..  
لم تنتهي الا عندما أمسكت احسان بذقني ..  
واضعة وجهي أمام وجهها قائلة .. بس أنا ليا طلب .  
فأجبتها قائلاً .. انتي تؤمري مش تطلبي .  
فاسترسلت قائلة .. عاوزة الزفة بتاعتنا تعدى في شارع كلوت بيه .  
فأجبت قائلاً .. ياسلام بس كده .. من عنيا .  
فتابعت قائلة .. وتكون بالحنطور .  
فتساءلت قائلاً .. بالحنطور .. انتي نسيتي اللي عملوه في الوزير اللي كان رايح يفتح الجمعية  
الخيرية .. والا انتي عاوزة النسوان اياها يطلعوا عليا يبهدلوني وانتي تهلكي من الضحك ؟  
تابعت احسان بجدية قائلة ..  
صدقني الشارع ده هو كمان اتظلم زى أنا ما اتظلمت ..  
الشارع ده أهله عملوا المستحيل علشان يغيروا سمعته ..  
دلوقتي بقى حاجة ثانية .. بقى فيه ورش منتجات صناعية ومحلات أدوات ومعدات ..  
علشان خاطري .. لازم الناس اللي هتشوف الزفة تشوف ان الشارع اتغير ..  
ويعرفوا أن من أراد يستطيع .  
أجبت إحسان بالموافقة ثم نظرت الى ذهب قائلاً ..  
إلا أنا فين رجالتني .. والا أنا كنت ضابط مالوش رجالة ولا ايه ؟  
فأجاب ذهب قائلاً .. ياباشا انت البلد كلها رجالتك .. اطلب تلاقى مليون فدائي .  
وضعت يدي في يد احسان لمساعدتها على الجلوس قائلاً ..  
طيب نجرب كده نطلب واحد من المليون ..  
هات المأذون الأول .. وبعد كده نبقى نعمل الفرحة والزفة .  
ضحكت إحسان قائلة .. طب وبالنسبة لبطاقتك اللي في اسكندرية !  
فأجبتها قائلاً .. ماخلاص بقي .. مش انا طلعت كداب كبير ..  
ده أنا حتى كذبت على نفسي وخبيت عليها إن أنا ضابط .  
وما أن أتم المأذون إجراءات عقد القران ..  
وأنهت إحسان تجهيزات العروس ..  
حتى كنت أقف في استقبالها مرتديا ملابس التشريفة ..  
وأمسكت بيدها وصعدنا للجلوس في الحنطور المزين بالورود  
ليعبر موكب الزفة في شارع كلوت بيه  
وتتعالى الأصوات بالمباركة من أصحاب المحلات والباعة  
وزغاريد الأهالي وتحيتهم بالورود في أجواء احتفالية رائعة .  
النهاية .